

**UNIVERSITY OF EDUCATION, WINNEBA**

**AKANFO KOMMYE HO MPENSEMPENSEM WO SOHYIO-PRAGMATEK  
KWAN SO**

**HENRY BOAKYE YIADOM**



**MASTER OF PHILOSOPHY**

**2023**

UNIVERSITY OF EDUCATION-WINNEBA

**AKANFO KOMMYE HO MPENSEMPENSEM WO SOHYIO-PRAGMATEK  
KWAN SO**

HENRY BOAKYE YIADOM

**220010484**



**Mp[ns[mp[ns[mu dwumadi a efi Suap]n ne fa a [hw[ Akan-Nzema kasa  
ho adesua so de k]ma “School of Graduate Studies”**

**Eyi ne ahiade biako a [b[ma Suap]n no ama me  
Master of Philosophy  
(Ghanaian Language Studies-Twi)  
w] University of Education, Winneba**

**OFORISUO, 2023**  
**PAEMUKA**

**Osuani Paemuka**

Me, Henry Boakye Yiadom, pae mu ka se saa nhwehwemudwuma akyerew yi, se woyi nkurofo nnwuma a misuaa biribi fii mu a mede ato gua wo nhoma yi mu dedaw no si nkyen a, biribiara a ewo mu no ye m'ankasa m'adwen mu dwumadi a obiara mfa nnyee abodin biara wo baabiara da.

Agyirahyede.....

Da .....

**Ohwefo Paemuka**

Meka to gua se efi dwumadi yi ahyease kosi n'awiei ye nea m'ankasa mede nhyehyee a wode hwe nhwehwemudwuma akyerew a ete saa so a efi University of Education, Winneba, hwee.

Obemfo Charles Owu-Ewie (Ohwesofa)

Agyirahyede.....

Da .....

## **DINTO**

Meto nhwehwɛm dwumadi yi din de ma me hokani, Abigail Ofori, wɔ ne nkuranhyɛsɛm a wamfa ankame me wɔ dwumadi yi akwantu nyinaa mu. Mede eyi rekyerɛ no m'anisɔ wɔ ne mmoa akwan horow nyinaa mu.



## ASEDA

Mede aseda a enni kabea ne ayeyi soronko ma Yehowa Nyankopɔn wɔ adom ne adoe soronko a wamfa ankame me wɔ nhwehwɛm dwumadi yi nyinaa mu. Aseda a edi ho bio nkɔ mma me nhwehwɛm dwumadi yi kwankyerɛfo pa, Professor Charles Owu-Ewie, wɔ ne ntoboase ne nkyerɛkyerɛm a ɔde boaa me. Mesrɛ nkwa tenten a ahoɔden wom de ma no sɛ ɔnkɔ so mfa ntoa ne nnwuma pa so. Me werɛ mfi Owura Cletus Adu a ɔtaa m'akyi, hyɛɛ me nkuran akwan horow so. Mesrɛ nkwa tenten a ahoɔden wom ne asomdwoe fi Yehowa Nyankopɔn nkyɛn ma wo. Nnipa binom nso keka ho a wɔaboa ma matumi adu nea madu yi, Nyame nhyira mo nyinaa, meda moa se pii.



**EMU NSEM**

	Krataafa
Paemuka	iii
Dinto	iv
Aseda	v
Emu Nsem	vi
Anim Mmuabɔsem	x
<b>TI BIAKO : NNIANIM</b>	<b>1</b>
1.0 Nnianim	1
1.1 Nhwewwɛm no nnyinaso	2
1.2 Ohaw no adida	6
1.3 Nhwewwɛm no botae	8
1.4 Nhwewwɛm no nsemmissa	8
1.5 Nhwewwɛm no mfaso	9
1.6 Nea nhwewwɛm dwumadi no kɔpɛm	9
1.7 Nhwewwɛm no mu akwanside	10
1.8 Nhwewwɛm no ho nhyehyɛɛ	10
<b>TI ABIEN : NEA ANIMDEFO BI NSO AKYERɛW AFA KOMMYɛ HO</b>	<b>12</b>
2.0 Nnianim	12
2.1 Kommyɛ wɔ nnipakuw asetena mu	12
2.2 Animdefo binom nkyerɛase fa kommyɛ ho	17
2.3 Kommyɛ mu nkyekyɛm	20
2.3.1 Bruneau nkyekyɛm	21
2.3.2 Jensen nkyekyɛm	22
2.3.3 Johannesen nkyekyɛm	24



2.3.4 Berger nkyekyem	26
2.3.5 Kurzon nkyekyem	26
2.3.5.1 Nkitahodi mu Kommye	28
2.3.5.2 Asentitiriw bi ho Kommye / Temateke Kommye	29
2.3.5.3 Akyerew/Akenkan mu kommye	32
2.3.5.4 Tebea bi mu kommye	34
2.4 Kommye dwumadi wɔ nkitahodi mu	35
2.4.1 Kommye dwumadi wɔ mmeae ahorow bi	40
2.4.1.1 Osom / Gyidi mu	40
2.4.1.2 Nnwumakuw mu	41
2.4.1.3 Nnipakuw ahorow nkitahodi mu	42
2.4.1.4 Kasa mu ahonidi mu	44
2.4.1.5 Asetenam kasasua mu	44
2.5 Tiɔri-Speech Act Theory	46
<b>TI ABIƐSA : KWAN A MEFAA SO YƐƐ NHWEHWEM NO</b>	<b>52</b>
3.0 Nnianim	52
3.1 Nhwehwem no su	52
3.2 Beae a nhwehwem no kɔɔ so	53
3.3 Nhwehwem no nnipa dodow	55
3.4 Senea meyeƐ nyiyim no	56
3.5 Akwan a mefa nyaa mmoanosem no	57
3.5.1 Ahwɛ	58
3.5.2 Nkɔmmɔtwetwe/nkɔmmɔdi	58
3.6 Mmoanosem no mpenseɛnpensem kwan	59
3.7 Mmoanosem no nya ho kwan	59

3.8 Akwansre	60
3.9 Tɔfabɔ	60
<b>TI ANAN : NHWEHWEM NO MPENSEMPENSEM</b>	<b>62</b>
4.0 Nnianim	62
4.1 Nhwehwem asemmisa 1: Mmeae ben na kommye nneye da adi wo	
Akanfo asetena mu?	62
4.1.1 Asore mu	62
4.1.2 Sukuu mu	69
4.1.3 Aban asennibea	73
4.1.4 Ahemfi (asenni mu)	77
4.3 Nhwehwem Asemmisa 2: Nkyerese ben na kommye a Akanfo da no adi	
wo won asetena mu no wo?	81
4.2.1 Nea ekyere se obi nni anoyi fa asem bi ho	82
4.2.2 Nea ekyere ehu anaa suro	85
4.2.3 Nea ekyere obu, ahobrease, nnidi	89
4.2.4 Nea ekyere asem bi ho adwennwen	91
4.2.5 Nea ekyere adwen mu mfonitwa	95
4.2.6 Nea ekyere se obi adwen wo ade/asem bi so	96
4.2.7 Nea yede si animguase, aniwu ne fere ano	98
4.2.8 Nea yede kyere nkradi	100
4.2.9 Nea ekyere asotwe	101
4.2.10 Nea yede home kasa so ma obi nso kasa	104
4.2.11 Etumi kyere opaw/woayi obi ama	106
4.3. Nhwehwem asemmisa 3: Aden nti na Akanfo ye komm?	107
4.3.1. Wode si animguasesem bi ano	107



4.3.2. Wɔde bɔ nkitahodi bi a ɛrekɔ so ho ban	109
4.3.3. Wɔde gye obi fi ahokyere bi a anka ebesi ho	110
4.3.4. Wɔde siw yaw bi a obi akɔ mu nkae ano	111
4.3.5. Wɔde da mnuho su adi	111
4.3.6. Wɔde twe wɔn ho fi asem bi mu	112
4.3.7. Wɔfa so de pere bɔnefakye	113
4.3.8. Wɔye komm de gyae asem bi mu	114
4.3.9. Wɔye komm de nsem sie	115
4.4 Nhwehwɛm asemmisa 4: Nsunsuanso bɛn na kommyɛ a Akanfo da no adi no de ba wɔn asetena mu?	116
4.4.1 Asɔre	117
4.4.2 Sukuu mu	120
4.4.3 Ahemfi asenni	122
4.4.4 Aban asennibea	123
4.4.5 Ankoreankore suahu	126
4.5 Tɔfabɔ	129
<b>TI NNUM : AWIEI, MMUABɔ NE ADWENKYERE</b>	<b>130</b>
5.0 Nnianim	130
5.1 Nea epue fii nhwehwɛm dwumadi no mu mmuabɔ	130
5.2 Nhwehwɛm no ho nsusui	133
5.3 Tɔfabɔ	134
MMOA NHOMA	136
NHWEHWEM NO NKEKAHODE	140



## ANIM MMUABOSEM

Nhwehwem a efa kommye ho anamontu ye ade a ewo fam, emfa ho se animdefo binom atu ho anamon, ne titiriw ne oman Ghana mu. Nhwehwem yi botae a esi n'ani so ne se ebewwe ada nkyerease ahorow a kommye de puem wo nkitahodi ahorow a ekɔ so wo Akanfo asetena mu ne eho nsunsuanso. Nhwehwem no nam sohyio-pragmateke kwan so de hwehwee nkyerekyerem ahorow fa kommye a eda adi bere nkitahodi bi rekɔ so. Nhwehwem no kɔɔ so wo Nkawkaw a ewo Kwahu-Atɔe mansin no mu. Nhwehwemfo no nam ahwee ne nkɔmmɔtwetwe kwan so na ɔde pɛe mmoanosem fii mmea ne mmarima du nkyen. Miyiyii nnipa a minyaa won nkyen mmoanosem no biara kwan so a anhye da anni nhyehyee biara so, na menam kwaletetif kwan so na mede yee mmoanosem no mpensempensem. Miyii mmeae ahorow no bi wo Akanfo asetena mu a mpen pii wɔda kommye nneyee no adi; asɔre, ahemfi, sukuu, aban asennibea, na mesan nso ne ankoreankore binom twetwee nkɔmmɔ faa won suahu a wɔwɔ fa kommye ho. Nhwehwem no akyi no edaa adi se kommye kasa, na ewo ne nsunsuanso a ede ba wo Akanfo asetena mu. Kommye nkyerease a ede beba wo nkitahodi bi mu no begyina tebea pɔtee a epuee mu no so.



## TI BIAKO

### NNIANIM

#### 1.0 Nnianim

Nhwehwem dwumadi yi rehwe se ebepensempesem kommye mu se okwan biako bi a nnipa tumi fa so nya nkitahodi anaa nkommotwetwe kwan so wo Akanfo asetena mu, na asan nso ayi ne nkyerease ahorow a ede to gua no adi wo bere a nkitahodi bi rekɔ so. Saa nhwehwem dwumadi yi hwehwe nkyekyem a yewo anaa yehu wo kommye nneyee bi a yeda no adi ho wo ne nkyerease kwan so, bere anaa mmeae binom a yetaa hu nneyee no dwumadi ne eso nsunsuanso a ewo wo Akanfo asetena mu nso.

Kommye ye nkitahodi anaa nkommotwetwe mu akwaa no mu biako a esommo, na ne mfasode ye pii na afei nso ne nsunsuanso a ede ba nkitahodi mu ne nkitahodifo so no so yiye, na ne korakora no nkyerease a ede to gua nso kura ahoden soronko. Se eba no kommye ho nsem a, eye adesuada biako bi a animdefo ahorow binom adi ho dwuma kakra wo aman ahorow binom so, ne titiriw ne won a wowo amannone fa mu nanso se yegyene yen ani hwe eho dwumadi ho mpuntu wo oman bi te se Ghana a eye oman bi a emu nnipa de kasa di dwuma pa ara yiye wo won asetena mu adeye mu a, na eye asem a enhye nkuran koraa. Eho nhwehwem ne ne mpensempensem wo oman Ghana adesua mu no wo fam koraa. Eyi nti saa nhwehwem dwumadi yi hwe se ebeboa abre saa sinto no ase bere a ebewehwe nkyerekyerem ahorow a kommye tumi de to gua bere a nkommotwetwe anaa nkitahodi bi rekɔ so anaase tebea bi mu po. Nhwehwem yi beko so wo Nkawkaw mpotam, na afei nso asan ahwe kommye ho nsunsuanso ahorow a ewo wo omanfo no asetena mu.

### 1.1 Nhwewwem no nnyinaso

Sɛ ɛba no nkitahodi anaa nkɔmmɔtwetwe a ɛkɔ so wɔ nnipa baanu anaa nea ɛboro saa ntam a, ɛyɛ a yɛtaa de nsemfua anaa anodisem na edi saa dwuma no, na ɛyɛ nso a saa nsem yi a yɛde di nkitaho yi kura nsunsuanso soronko a ɛde to gua. Ne titiriw pa ara ne nnipa binom a wotumi nam nsem anaa anodisem so de wɔn tirimpɔw to gua, de kyerekyere tebea bi a wɔwɔ mu anaase nso sɛ wotumi san nso de da wɔn atenka bi adi, saa nnipakuw no na mpen pii no ara yebu wɔn sɛ wɔn ano atew, na nnipa dodow no ara nso adwen kɔ wɔn so a yensi wɔn fam koraa wɔ yen mpɔtam (Ling, 2013).

Nnipa pii no ara nim, na wɔadi ho adanse po sɛ sɛ yɛretwetwe nkɔmmɔ anaa nso sɛ yerenya nkitahodi bi na yenam nsemfua so de di saa dwuma no a, nsunsuanso ne mfasode pii na epue mu, nanso nnipa dodow no ara adwen afi nkitahodi a ɛto bere bi a yetumi di nanso yemfa nsemfua anaa kasa nni dwuma wɔ mu, na mmom yenam kommyɛ so de nsem anaa yen atenka to gua. Esiane sɛ kommyɛ nyɛ kasa a yetumi de yen aso te, na mpen dodow no ara yɛde nsem anaa kasa na ɛtaa ne afoforo nya nkitahodi, sɛ ebia nkɔmmɔtwetwe mu, nti ama nnipa binom a wɔwɔ adwen bi fa kommyɛ ho kyerekyere mu sɛ ɛyɛ bere a nkitahodi bi rekɔ so na yente kasa biara anaa wɔn a wɔredi nkitaho no mu biara nka hwee (Levinson, 1983).

Akyinnye biara nni ho sɛ yɛwɔ akwan ahorow pii wɔ hɔ a yetumi fa so ne afoforo nya nkitahodi, na emu fa no binom nso wɔ hɔ a ɛyɛ nea yemfa kasa na edi nkitaho no anaase yemmue yen ano bere a nkɔmmɔtwetwe no rekɔ so no. Yetumi nam yen nipadua akwaa no bi so yɛ nsenkyerɛnne ahorow binom de boa si kommyɛ nneyɛ bi a yɛadi kan ada no adi so dua ma yɛnya ntease a edi mu yiye. Ling (2013) kyere saa nipadua akwaa mu nsenkyerɛnne ahorow binom sɛ bere a wopegyapegya w'abeti anaa nso sɛ woamoa twɛde. Ebi nso wɔ hɔ a wotumi de wɔn animdua no yɛ nsenkyerɛnne bi te sɛ, animmuna a wɔde ka biribi (Ling, 2013). Eyinom akyi nso no, yetumi yɛ dinn nko ara bere a yemfa

yen nipadua akwaa no nye nsenkyerenne biara ntaa akyi, nanso nkyerease a saa kommye no de pue mu wɔ nkitahodi bi mu no di mu yiye.

Kommye nneyee a akasafo bi da no adi bere a nkitahodi bi rekɔ so kura nkyerease a ede to gua. Saa kommye a ekura nkyerease wɔ ne dwumadi mu no na nhwehwem dwumadi yi afa asi n'ani so, na mmom enye kommye hunu bi anaa nea obi ahye da se onno ara ankasa mmue n'ano nkasa na waye komm, afei nso yenhu wɔ nkitahodi biara mu, senea Ling (2013) kyerem no. Se yeka kommye a nkyerease wɔ mu a, Johannesen (1974) susuw se saa bere no na biribi adi kan akɔ so bere tiawa bi a atwa mu anaase biribi rekɔ so dedaw. Na eyi kyere se se obi ye dinn wɔ asem bi ho bere a anka ese se mmuae bi ba wɔ asem ko akyi nanso akasafo no a anka yerehwe mmuae no afi ne ho no ye dinn, se oboapa na oye saa o anaa ente saa. Kommye nneyee bi a ete se mfahoto a yeakyerɛ mu wɔ soro ho yi a eda ne ho adi wɔ nkitahodi bi mu no na me ne Johannesen (1993) ye adwen se eno na yebetumi anya nkyerease a eto aso mu wɔ mu. Mfatoho a yeada no adi yi di adanse se ansa na kommye bi nkyerease bedi mu no na ebegyina nkitahodi bi a erekɔ so wɔ bere pɔtee bi mu. Afei nso, esiane se kommye ka nkitahodi mu nhyehyee ho nti, mpen pii no ene kasa tumi di afra wɔ bere a yede adwenkyere bi to gua.

Nhwehwem dodow no ara a akɔ so no di adanse pefee se ampa kommye nneyee a eda adi wɔ nkitahodi mu no da nso akwan ahorow pii so wɔ ne dwumadi mu ne senea nnipakuw binom nso fa no. Eyi ho mfatoho bi ne nea Oliver (1971) dwumadi biako bi a na emu do yiye a ekoo so wɔ Asia fa mu ho a na efa won nkitahodi ho. Nhwehwem no da no adi se wɔ nkurow no binom so no, ebi gye kommye ho nsunsuanso a ede ba no di se eye ade pa a esommo, nanso binom nso hu no se ede hu ne nsunsuanso bone na eba. Ling (2013) si so dua kyerem se se yehwe kommye ho nsem ne kwan a nnipa a wowa Asia de di dwuma a, na ekyere pefee se kommye nneyee no ye nneyee a eye nneyee pa na esan nso sommo kese ma nnipa dodow no ara a wowa saa beae ho no. Nanso se eba

no aman ahorow a wɔwɔ Atɔe fa mu bi te se America, Canada, ne nkurow nkae no a, asem no tebea nte saa (Ling, 2013). Lebra (1986) toa so kyerem se Japan kurow no mu no, nsemfua kasa dodow a yede di dwuma wɔ nkitahodi mu te se nkɔmmɔtwetwe no ye suban biako a wotumi gyina eno so de kyere se ankoroankore bi ye mmotoho a wɔnsoso su bi a ete saa so koraa, na mmom se woye obi a wotaa de kommye nneyee di dwuma wɔ wo nkitahodi ahorow mu a, eno na wɔn ani wɔ ho anaa esɔ wɔn ani na wɔde kyere agyinasɔ wɔ asem bi ho. Nti wɔkyerem se, se obi twitwa ne nsem so na woamfa kasa anaa nsem pii anni dwuma wɔ ne nkitahodi ahorow mu a, wɔgye saa nipa no ne n'adwenpɔw di san nso gye no to mu sen nea akasa pii na ɔde nsem dodow kyerekyere ne nsem mu. Ne tiawa mu no, Japan kurow no mu nnipa mfa kommye nneyee no mfra wɔn nkitahodi mu nko na mmom eye nneyee bi a wobu na esommo ma wɔn, na wotumi nam saa kwan no so ma obi te asem bi ase anaa de twe obi adwen de si asem bi so, sen se wɔde nsemfua dodow bekyerekyerem (Ling, 2013). Eyi nso kyere se enye nkyerease ahorow a yetumi nya fi kommye mu ho no ne ho mfasode nko nanso etumi nso di dwuma akwan soronko pii nso wɔ yen daa daa nkitahodi nyinaa mu.

Al-Harashseh (2014) di ho adanse se nhwehwem dwumadi dodow a akɔ so a efa kommye ho no wɔ fam a enye ade a ehye nkuran koraa, emfa ho se mpo yetaa hu ho dwumadi binom wɔ mmeae ahorow pii mu. Al-Harashseh kasa fa Arab man no ne fa bi ho kyerem se esiane se animdefo a wɔwɔ saa beae no adwen nkɔɔ saa adesuadae no ho nti ama nhwehwem ahorow a ekɔ so wɔ saa fa ho no wɔ fam pa ara a enhye nkuran. Nanso se eba no aman ahorow binom a wɔwɔ Atɔe fa mu a, kommye ho adesua ne titiriw efa ne dwumadi ho wɔ nkitahodi mu no apegya yiye a erekɔ so. Kasa ho adesua mu animdefo binom te se Kurzon (1998), Szcuchewycz (1997), Bruneau (1973) ne wɔn a wɔkeka ho nyinaa di adanse fa kommye ho mfasode a ewɔ te se nea kasa anaa nsemfua

ho hia wɔ nkitahodi mu ara pɛ, esiane sɛ n'abien no nyinaa di nsawɔso boa de nkyerɛase ba wɔ nkitahodi mu.

Senea ɛba no kasa anaa nsemfua a yede di dwuma wɔ nkitahodi mu wɔ anuonyam no, kommyɛ ntumi nnuu saa mpɛmpɛnso no bi esiane ɔkwan a animdefo binom faa so kyerekyerɛ anaa twaa kommyɛ ho mfonɛ de kyereɛ fi ahyɛase no nti (Al-Harashsh, 2014). Johannesen (1974) kyereɛ sɛ kommyɛ nneyɛe a nnipa da no adi bere a nkitahodi bi gu so no de nkyerɛase ahorow pii na ɛnam, a yentumi nnya ne nkyerɛase pɔtee prɛko pɛ esiane ne ntease dodow su bi a ekura nti. Nti ansa na yebetumi akyere kommyɛ nneyɛe bi a yehu wɔ nkitahodi bi mu yiye no na ebegyina nneɛma ahorow binom so; *senea nnipakuw bi amammere te, ayɔnkɔfa a ɛda wɔn a wɔredi nkɔmmɔ no tam, abakɔsem kakra a ɛtaa asem a wɔredi ho nkɔmmɔ no akyi ne nipadua akwaa nsɛnkyerɛne a ɛkeka kommyɛ no ho* (Johannesen, 1974). Tannen (1985) toa so kyereɛ sɛ ɛkɔba sɛ ntease a epue fi kommyɛ nneyɛe bi mu amma yiye bere a nkitahodi bi reko so nso a etumi kɔfa nsunsuanso bɔne ba a ntease mapa biara mfi mma wɔ nkitahodi no mu.

Ɛyɛ nhwehwɛm dwumadi yi botae sɛ ɛbeboa abue adwen mu ɛfa senea kommyɛ si di dwuma wɔ yɛn daa daa asetena mu nkitahodi mu. Bio nso, ɛbeboa abue yɛn adwen mu ama yehu mpɛn dodow a kommyɛ nneyɛe yi ne ho adi wɔ ankɔreankɔre ntam nkɔmmɔdi mu, na asan nso akyere kwan ahorow a yede di dwuma wɔ akwanuasa nyinaa mu wɔ (Johannesen, 1974), ne titiriw wɔ Akanfo asetena mu. Afei nso ɛbɛma yɛahu nkyerɛase ahorow a yenya wɔ mmere ne mmeae ahorow mu. Kwan a nnipakuw bi fa so de kommyɛ di dwuma anaa te ase fa no boa ma yetumi nya ntease wɔ bere a yɛaka biribi anaa yɛnkasae. Mpɛn pii nso no ɛyɛ a nnipa binom brɛ wɔ kommyɛ nneyɛe a epue wɔ nkitahodi bi mu nkyerɛase ho, na tebea yi kɔ so wɔ mmere ne akwan horow pii so

(Baltezarevic *et al*, 2022). Se ekoba se nkyerease a anka ese se efi dinnye nneye bi mu ba no amma yiye wo ankoreankore bi a esono obiara ne n'amammere ntam a, esiane nsonsonoe a eda won mu biara kwan a wofa so ye won ade nti, nkyerease a epue mu wo kommye bi ho no nso betumi ada nso saa ara (Baltezarevic *et al*, 2022, Al-Harashsheh, 2014). Enam saa nsonsonoe yi so tumi kofa mentemehoaase de ba ankoreankore yi a esono obiara ne n'amammere yi ntam, na etumi po kowie basabasaye esiane ntease a anye adwuma wo won nkitahodi mu nti (Baltezarevic *et al*, 2022). Na se yebetumi asi saa ohaw yi ano, na yeaboa ama nkitahodi a ekw so wo ankoreankore ntam anaa amammere ahorow ntam agyina ma ede nkitahodi mu nkoso aba a, ebehia se yebehye ase ayeye nhwehwem ahorow afa kommye ho de akyerekyerete ntease ahorow a yenza wo nkitahodi mu kommye mu (Baltezarevic *et al*, 2022), ne ne dwumadi ahorow nso a etumi di wo yen daa asetena mu nkitahodi mu te se nea yetaa de nsemfua di dwuma ara pe (Al-Harashsheh, 2014).

Eyi nti, saa nhwehwem dwumadi yi kw so na atumi aboa ma yeahu nkyerease ahorow a yenza ne dwumadi ahorow nso a kommye tumi di wo yen nkitahodi mu wo Akanfo asetena mu, ne titiriw ne Nkawkaw mpotam. Nhwehwem dwumadi yi beboa ma yeahu mmeae binom wo Akanfo asetena mu a kommye taa di dwuma ne senea eho nsunsuanso te fa.

## **1.2 Ohaw no adida**

Kommye ka nkitahodi mu akwan ahorow no a ankoreankore tumi fa so de won adwenpaw bi anaa won atenka bi to gua anaa nso se woka won nsem bere a nkitahodi bi rekwo so (Ephratt, 2011). Se yefa ne nkyekyem wo akwan ahorow a yetumi fa so ne afoforo de di nkitaho a, eye nea yemfa kasa anaa nsemfua nni nkitaho te se ebia



nkɔmmɔtwetwe mu. Eba no aman ahorow a wɔwɔ wiase afaanan mu a, akyinnyegyɛ biara nni ho sɛ emu fa binom nhwehwɛm ama no ada adi kyere sɛ nhwehwɛm dwuma anaa anamɔntu dodow a akɔ so fa kommyɛ ho adesua no akɔ nkan bi (Al-Harahsheh, 2014). Afei nso nhwehwɛm dwumadi binom a efa kommyɛ ho adesua ahorow ho no nso ada adi, na saa anamɔntu ahorow yinom ho nsunsuanso na aboa atwe adwen abesi ntease a nnipa binom wɔ efa kommyɛ nneyɛe ho no wɔ wɔn asetena mu wɔ mmeae ahorow mu. Saa nhwehwɛm kwan yi ara so no, nhwehwɛm dwumadi afoforo binom nso aboa ada no adi efa kommyɛ ho nhwehwɛm adesua dodow a akɔ so kyere sɛ enyɛ ade a ehyɛ nkuran na enɛ abasobɔ biara (Jaworski, 2005). Al-Harahsheh (2014) pene so ka sɛ ampa kommyɛ yɛ nkitahodi mu akwaa bi a yɛtaa hu wɔ nkitahodi ahorow mu na yɛsan nso de di dwuma wɔ yɛn daadaa adeyɛ mu wɔ yɛn mpɔtam, nanso asem yi ho bɔnwoma kakra a ebata ho ne sɛ adesuada yi ho nhwehwɛm dwumadi dodow nnu ahe bi. Animdefo a wɔakwadare wɔ kasasua ho adesua mu anamɔntu fa saa asem a eɔa pono so yi ho a wɔ fam a mmɔdemmo kakra bi na akɔ so (Al-Harahsheh, 2014). Na sɛ yehwe sɛnea tebea no te na sɛ yɛde toto sɛnea eho mpuntusem te wɔ ɔman Ghana mu kasasua ho de a, na enhyɛ nkuran koraa.


Kommyɛ ho nhwehwɛm ho adesua wɔ ɔman Ghana mu wɔ fam yiye, a enam saa nkyerɛkyerɛm yi ho nti nhwehwɛm dwumadi yi hwe sɛ ebɛboa ayɛ nhwehwɛm afa kommyɛ a epue wɔ yɛn daa daa nkitahodi ahorow mu. Nhwehwɛm yi bɛboa apegya nhumu a efa ntease ahorow a kommyɛ a yɛde di dwuma wɔ yɛn nkitahodi mu agyina, ne titiriw wɔ Nkawkaw mpɔtam. Enwie wɔ ne ntease no nko so, eho nsunsuanso nso a ɛwɔ wɔ ankɔɛankɔɛ a wɔwɔ Nkawkaw mpɔtam nso bɛda adi.

### 1.3 Nhwɛhwɛm no botae

Nhwɛhwɛm dwumadi yi botae a esi n'ani so ne sɛ:

- Ɛbɛboa ama yɛahu mmeae ahorow wɔ Akanfo asetena mu a wɔde kommyɛ di dwuma.
- Ɛbɛboa ma yɛatumi abuebue ntease ahorow soronko a ɛwowɔ kommyɛ a ɛda adi wɔ Akanfo asetena mu.
- Nhwɛhwɛm yi bɛboa ama yɛahu senti a Akanfo yɛ komm.
- Nhwɛhwɛm dwumadi no bɛsan nso de mpɛnɛmpɛnɛm a ɛfa nsunsuanso ahorow binom a kommyɛ nneyɛe no de brɛ ankoreankore asetena mu, ne titiriw ne wɔn a wɔwɔ Nkawkaw mpɔtam a ɛhyɛ Kwahu-Atɔɛ mansin no ase.

Ntease a nhwɛhwɛm dwumadi yi akɔyi yebɛnya no nso bɛboa yɛn ama yɛn ntease mapa afa nhwɛhwɛm dwumadi afoforo binom a adi kan akɔ so dedaw no ho, sɛ nsem no di nɛ anaa nso sɛ ɛbɔ abira.




### 1.4 Nhwɛhwɛm no nsɛmmisa

Ansa na nhwɛhwɛm yi botae a yɛadi kan ahyɛ no nso no betumi aba mu no, ɛsɛ sɛ yegyina nsɛmmisa ahorow a edidi so yi so pɛ ebiara ho mmuae ansa;

1. Mmeae bɛn na kommyɛ nneyɛe da adi wɔ Akanfo asetena mu?
2. Nkyerɛase bɛn na kommyɛ a Akanfo da no adi wɔ wɔn asetena mu no wɔ?
3. Adɛn nti na Akanfo yɛ komm?
4. Nsunsuanso bɛn na kommyɛ a Akanfo da no adi no de ba wɔn asetena mu?

### **1.5 Nhwɛhwɛm no mfaso**

Akyinnyeɔgye biara nni ho sɛ kommyɛ nneyɛe a mɔpɛn pii no ɛtaa yi ne ho adi wɔ yɛn nkitahodi mu bi te sɛ nea yehu no wɔ nkɔmmɔtwɛtwɛ mu no ka afa ahorow no a yetumi fa so boa ma nkitahodi bi wie mudi, ne titiriw ne ne dwumadi wɔ Akanfo asetena mu. Nhwɛhwɛm yi bɛnam mpɛnsɛmpɛnsɛm kwan a ɛtɔ asom so aboa atwe adwen asi kommyɛ a epue wɔ daa asetena mu nkitahodi mu a ɛkɔ so wɔ ɔmanfo a wɔwɔ Nkawkaw mpɔtam. Bio, dwumadi yi akyi no mmuae a ebepue mu no bɛboa ato adesua a adi kan dedaw no mu nkyene, na ɛsan nso de nimde foforo aka nea ɛwɔ hɔ dedaw no ho. Kommyɛ ho adesua a ahyɛ ase dedaw no bɛkɔ so atrɛ bere a dwumadi yi de n'amanɛbɔ aba n'awiei. Afei nso, bere a nhwɛhwɛm yi reboa ma yɛnya nsɛm foforo wɔ kasasua ho adesua a ɛfa kommyɛ ho no, na ɛsan nso reboa ma wɔn a wɔyɛ nhwɛhwɛm no anya nhoma a wobetumi anya mu mmoa de atoa wɔn nhwɛhwɛm dwumadi afoforo bi a wɔbɛyɛ wɔ saa kwan no so.



### **1.6 Nea nhwɛhwɛm dwumadi no kɔpɛm**

Kommyɛ a epue wɔ nkitahodi mu no ho adesua nkorabata gu ahorow pii a anka nhwɛhwɛmfo no nhwɛhwɛm dwumadi yi betumi atu ho anamɔn, nanso nea nhwɛhwɛm no atu n'ani asi so retu ho anamɔn titiriw pa ara ne nea ɛfa nkitahodi mu kommyɛ ho; mmeae ahorow a yɛtaa hu ne dwumadi, n'asekyerɛ ahorow ne ne nsunsuanso ahorow a nkyerɛase ahorow no de ba ankɔrɛankɔrɛ so.

Bio, nhwɛhwɛm dwumadi yi bɛhwɛ sɛnea saa adesuada yi kɔ so wɔ Akanfo asetena mu, ne titiriw ne asɔre, sukuu, ahemfi, ne aban asɛnnibea, na beae pɔtee a nhwɛhwɛm dwumadi no bɛkɔ so ne Nkawkaw mpɔtam a ɛwɔ Kwahu-West mansin no mu. Saa beae pɔtee yi hɔ na nhwɛhwɛmfo no nhwɛhwɛm no bɛpɛ mmoanosɛm de adi ne dwuma no.

### **1.7 Nhwewwem no mu akwanside**

Me nhwewwem no rekɔ so no, mehyiaa akwanside bere a na merəkɔpɛ mmoanosem de adi me nhwewwem dwumadi no. Eyi kɔɔ so bere a mekɔɔ mmeae ahorow binom te sɛ aban asennibea ne asɔre hɔ. Mmeae ahorow yi mu mpanyimfo a midii kan kosii wɔn so no hyɛɛ sɛ anka memma wɔnhu m'adansedi krataa a edi adanse ampa sɛ meye osuani a mefi University of Education, Winneba ansa na wɔama me akwannya no ne wɔn akasa. Esiane sɛ saa bere no na suapɔn no nnya mmaa yen adansedi krataa yi bi nti, mmoanosem no nya beyɛɛ den maa me yiye, ne titiriw ne aban asennibea hɔ. Me ti yeɛ yiye ma mikosii obi foforo so ma no tee m'adesɛde no ase ansa na merenya mmoanosem no. Asɔre hɔ de, me ne mpanyimfo no kae maa ntease yeɛ adwuma akyiri no.

### **1.8 Nhwewwem no ho nhyehyɛ**

Ɔfa yi nkae no nkyekyem bɛhyehyɛ wɔ saa nnidiso kwan yi so; nkyem 1.0 no bedi kan ada nsem anaa nsempɔw a ɛwɔ ɔfa no mu adi, na nkyem 1.1 nso de nhwewwem no dwumadi nnyinaso ho nsem nso ato gua. Nkyem a eto 1.2 bekasa afa nhwewwem no ho haw adida nso. Yebehu nhwewwem no botae nti a ɛrekɔ so wɔ nkyem a eto so 1.3 mu, na afei nkyem a eto so 1.4 nso akasa afa nhwewwem no ho nsemmissa ahorow a eno nti megyina so apɛ ho mmuae. Nkyem a edi hɔ a ɛye 1.5 bɛboa ama yeahu akwanside ahorow binom a nhwewwemfo no hyiaɛ bere a ɔreyɛ nhwewwem no. Beae a nhwewwem dwumadi no kɔpɛm nso bɛtoa so wɔ nkyem a eto so 1.6 mu, na nkyem a eto so 1.7 no nso abue yen ani wɔ nhwewwem no ho mfasode a ɛwɔ ho. Nkyem 1.8 na ebetwa to wɔ ɔfa a edi kan yi mu a ɛbɛkyere nhwewwem no nyinaa nhyehyɛ tɔfabɔ.

Nhwehwɛm dwumadi yi kura nkyekyɛm anaa afa ahorow nnum. Ɔfa a edi kan no kasa fa nhwehwɛm no ho nsentitiriw binom te sɛ nhwehwɛm no nnyinaso, n'adida, ne botae, ne nsemmissa, ɛho akwanside, beae a adesua no kɔpɛm, ne nhyehyɛɛ, ne ɛho mfaso.

Ti a ɛto so abien no nso kasa fa nea animdefo ahorow binom nso akyerɛw de afa saa adesuada no ho. Nsentitiriw ahorow binom nso a ɛhyɛ saa ɔfa yi ase ne sɛnea animdefo afoforo adwen te wɔ adesua no ho, nkyerɛase ahorow bi a wɔde ato gua, nkyekyɛm ahorow bi nso yenam adwen ahorow so anya, sɛnea ne dwumadi te wɔ nkitahodi ahorow mu, ɛho nsunsuanso pa ne ne haw, nna ne korakora no sɛnea Akanfo nso fa no wɔ wɔn asetena mu. Ɔfa yi besan nso akasa afa tiɔri ko a nhwehwɛm no begyina so de ayɛ ne mpɛnsɛmpɛnsɛm.

Ɔfa a ɛto so abiesa no kyɛrɛkyɛrɛ ɔkwan a nhwehwɛmfo no faa so nyaa ne mmoanosɛm anaa ne nsɛm a ɔde dii ne dwuma no, ɛbɛkyɛrɛ nnipa dodow a ɔde wɔn dii ne dwuma ne wɔn ho nsɛm kakra, kwan a nhwehwɛmfo no faa so yiyii saa nnipa no, sɛnea ɔfaa so nyaa nsɛm no de fii nnipa no nkyɛn, sɛnea obesi ayɛ ne mpɛnsɛmpɛnsɛm no, beae a nhwehwɛm no kɔɔ so, ne ade.

Ti a ɛto so nnan no ma yehu nsɛm anaa mmoanosɛm a nea ɔreyɛ nhwehwɛm no nyae no mpɛnsɛmpɛnsɛm. Ɛho nkɔmmɔdi kakra nso bɛtɔ gua, a ne nyinaa bɛboa ama mmuae a ɛfa nhwehwɛm no nsɛmmisa ahorow no ho ada adi.


Afei, ɔfa a ewie dwumadi no ne nkyekyɛm a ɛto so nnum. Saa ɔfa no mu na nhwehwɛm dwumadi no mu mmuae a epuei nyinaa mmuabɔ ho nsɛm no bɛtɔ gua. Ɛsan nso bɛboa yen ama yɛahu nsusui ahorow binom a nea ɔreyɛ nhwehwɛm no bɛpɛ sɛ nhwehwɛmfo afoforo nso bɛhwɛ ato ho anamɔn.

## TI ABIEN

### NEA ANIMDEFO BI NSO AKYEREW AFA KOMMYE HO

#### 2.0 Nnianim

Ɔfa yi bekasa afa nhwehwem yi ho dwumadi afoforo binom a animdefo ahorow adi kan akyerew de afa adesuada a nhwehwem yi redi ho dwuma no. Ɔfa yi mu nsem no nhyehyee beko so wo nkyekyem kwan so. Mpensempensem no beko so wo nsentitiriw nkyekyem kwan so. Nsentitiriw ahorow yinom ne, senea animdefo binom si fa hu anaa won adwen ye won wo kommye ho wo nnipakuw binom asetena mu, animdefo binom nkyerease ahorow a wode ato gua efa kommye ho, akuw nkyem ahorow a efa kommye a yehu no wo nkitahodi mu, kommye dwumadi ahorow a edi wo nkitahodi mu, eho nsem kakra ne senea wo Kyerew Kronkron mu, eho nsunsuanso pa ne ohaw a ede ba, na afei senea ne su te wo Akanfo asetena mu. Nea ebetwa to wo saa ɔfa yi mu no beye nkasaho fa tiɔri a nhwehwem dwumadi no begyina so de aye mpensempensem afa mmoanosem anaa nsem a nhwehwemfo no nsa kae ho.



#### 2.1 Kommye wo nnipakuw asetena mu

Se yebu nkompɔ kɔhwe kommye ho adesua ho nhwehwem dwumadi a, nkanka ne senea ne nkyerease ahorow ne ne dwumadi te wo nkitahodi mu, pii no ara na nhwehwemfo a wɔwɔ aman ahorow so no atu ho anamɔn. Animdefo binom wo adwen bi fa kommye nneyee a eda ne ho adi wo ankoreankore nkitahodi mu a wokyerem se se ekɔba se ɔkasafɔ bi ye dinn bere a anka yerehwe anim se kasa anaa nsemfua bi befɔ n'anom aba na amma saa a, na kyere se saa nneyee a ɔkasafɔ no ada no adi no ye adansedi a ekyere se onni biribiara ka fa saa asem no ho anaa nso se ne nsem na asa (Tannen, 1994). Nanso me ne Kurzon (1992) ye adwenkoro efa ne nhwehwem wo kommye ho a edi adanse se senea Tannen (1994) si fa kyere kommye mu no nni mu. Kurzon (1994) kyere senea eto

bere bi a mmea tumi fa kommye nneyee no so de won atenska anaa won adwenkyere bi to gua wo bere a mmea ne mmarima tumi nya nkitahodi bi te se nkommotwetwe mu.

Kommye nneyee a okasafo bi beda no adi no nkyere se saa nipa ko no nni biribiara ka bio, na mmom nka Tannen (1994) hwee no yiye a anka obehu senti a saa okasafo no ammue n'ano, na eno mu nso na yebetumi de anya nea saa kommye no repe akyerε. Al-Harahsheh (2014) si Tannen (1994) adwenkyere a εfa kommye ho so dua ka se, Jordanman no mu nnipa asetena mu de kommye a epue wo nkitahodi bi mu a ebinom akyerem se eye adansedi a εkyere se okasafo bi nsem asa anaase onni biribiara bio ka no, ko so pa ara a eye saa kwan no ara na wofa no. Al-Harahsheh (2014) ma mfatoho bi wo bere a se εba aware mu nsenka wo abusua mu a hia a ehia se obea ye dinn wo nkitahodi mu. Nhweso foforo bi nso Al-Harahsheh (2014) san de kyerem ne se, se ekoba se obarima bi wura obea bi fi kosre n'abusuafo ho nsam aware a, wo Jordanman no mu nnipa adeye mu no, aberante no di kan kosi obea no papa so, mpo se ekoba nso se biribi nti obea no papa a owo no ankasa nso nni ho a, obea ko no nuabarima a owo ho saa bere no na odi saa akagynam no. Ekowie no sei a, amammere kwan so no, eye agya no anaa nuabarima no asede se odi abusua no anim wo aware no ho nhyehyee nyinaa mu, na mmom obea no de onni ho kwan biara se oye biribi. Migye di se saa kommye nneyee a obea no da no adi yi, se ommue n'ano bere a dwumadi no rekɔ so no kyere pefee obu ne nnidi a obea no de ma ne papa anaa nuabarima a odi aware no ho dwumadi no anim no wo dwumadi no ase saa bere no mu. Ewo mu se Al-Harahsheh (2014) ama nhweso ahorow binom wo Jordanman no mu nnipa asetena mu de, nanso eno nkyere se one Tannen (1994) adwenkyere a εfa kommye ho se obea no nni asem biara ka no saa bere no mu no ye adwen. Al-Harahsheh (2014) ka se, bue a obea no ammue n'ano ankasa bere a aware no ho dwumadi rekɔ so no nkyere se obea no nni biribi ka fa nea erekɔ so wo gua mu ho ho saa bere no anaa ne nsem bi na asa, na mmom εba no sei a na akoye

adwenmusem. Johannesen (1974) di adanse se bere a kommye bi apue mu wo bere bi a ete se eyi no kyere se adwenmusem bi rekɔ so. Eha yi, nea n'ani gu so na n'aso nso retie nsem a etretwa gu bere a nkitahodi bi rekɔ so no nim anaa wo anoyi anaa asenka bi fa nea erekɔ so no ho nanso ommue n'ano na mmom ɔye dinn wo nsem no ho (Jaworski, 1993). Nti Jaworski (1993) nkyerem no ama yeahu senti a ɔkasafɔ bi, te se mfatoho a yeahwe afa Jordanman mu aware ho nsem no, ye dinn a ne nyinaa wo nkyerease anaa senti a ɔda saa nneyee no adi. Eha yi, esiane obu ne nnidi ne ahobrease a ɔwo de ma n'abusua, nkanka ne ne papa anaa nuabarima a odi dwumadi no anim nti, na mmom enye se onni biribiara ka. Efa bi nso bedi ho akyinnye se eye nnipakuw no amammere na ehye ɔbea ko a yereware no na ema no ba saa. Ebetumi nso aba se kommye nneyee no wo nkitahodi bi mu akyere se nea ɔretie asem bi no nni ɔpe no se ɔbebue n'ano akyerekyerere ne nsem mu, eba no saa a ɔde nsem bi sie ne nkitahodifo no nso (Kurzon, 1992).

Yefa Japanman no mu nnipa asetena mu tebea nso a, kommye nneyee a wode di dwuma wo won nkitahodi ahorow mu no boa won yiye, na wonam saa nneyee yi so tumi de won nsusui ne adwenpo to gua a ede ntease mapa ba, sen se mpo wode kasa anaa nsemfua bedi dwuma a ete saa (Ling, 2013). Lebra (1987) di adanse se wo Japanman no mu no, se yeka se obi ye mmotoho a na saa nipa ko, wo nkitahodi mu no, mpen pii no ɔde kasa dodow anaa nsemfua nko ara na ɔde di dwuma. Na mmom won a wotaa de kommye nneyee no di dwuma wo Japanman no mu no mpen dodow no ara, wo nkitahodi mu no, wo nnipa anim obu kese, esiane se kwan a ɔfa so de tirimpɔ no to gua no sisi so. Wosusu mpo se, se wode kasa dodow anaa nsem pii kyerekyerere wo nsem mu bere a nkitahodi bi rekɔ so a ema won adwen bi se wo ankasa no w'adwen afi anaa w'ani nni nea woreka no so. Eba kommye nneyee no dwuma a edi ma Japanman no mu nnipakuw no a, wonam saa nneyee no so de kyere obu ma asem bi a obi de ato gua, na esan nso ye kasa a emu



ye du anaa ekura mudi (Shafik, 2011, p. 451). Saa ara nso na tebea no te wɔ Chinaman no mu; wonsi kommye fam, na mmom wɔhye ho nkuran wɔ wɔn asetena mu. Umeh (2010, p. 4) de to gua se, da bi Publilius Syrus ka de too gua se, “Eto bere bi a otumi nu ne ho wɔ nsem bi a ɔkae ho, nanso onnuu ne ho da wɔ ne kommye ho”.

Enye mmere nyinaa na nsunsuanso a etaa pue fi kommye nneyee a yehu wɔ nkitahodi bi mu no kowie ne papa mu wɔ nnipakuw bi abrabɔ mu. Eto bere bi nso a etumi kɔfa nsunsuanso bɔne de bre wɔn a wɔredi nkitaho no so. Ɔkwan biako a kommye nneyee bi betumi de nsunsuanso bɔne aba ne se ebia obi aka asem bi awie anaa ɔrebisa obi asem bi, na ɔrehwe asem no ho mmuae anim a fi nea wabisa no no ho nanso otiefɔ no ye dinn, na ɔmmɔ eho wa mpo. Basso (1972) nhwehwem dwumadi a ɔye de faa Western Apache man no mu nnipakuw no boa ma yen mfatoho a yede bekyerɛkyere nsem yi mu. Ɔtoo saa dwumadi no din, *‘To Give Up on Words: Silence in Apache Culture’*. Ne nhwehwem dwumadi no de betoo gua se nnipakuw yi asetena mu no, wɔpe se bere biara wɔbeka wɔn ano ato mu aye dinn wɔ nsem anaa nneema a wɔnhye da nni ntease anaa gyidi wɔ mu. Wɔwɔ mmere ahorow binom wɔ ho a wɔda kommye nneyee no adi. Saa mmere no mu biako ne se wɔahyia ɔnanani bi wɔ wɔn mpɔtam. Wɔmfiti preko ne saa nipa hɔho yi nhye ase ne no nnya nkitahodi ansa, na ansa na wobetu anamɔn bi se wɔne no betwetwe nkɔmmɔ no, gye se wɔma mmere kakra betɔ so ansa. Se ɔhoho bi pue beae foforo bi mu na amanifo no da nneyee bi sei adi de kyere no a, kwan biara so no enye ade a ede atanka anaa nsunsuanso pa bebɛre ɔhoho no, esiane se emma ɔhoho no koma ntɔ ne yam wɔ beae a wabepue hɔ no.

Mmere foforo binom nso a nnipakuw yi da kommye nneyee no adi ne bere a obi ayare ɔyare a emu ye den na odunsini bi reye amanne de aboa asa nipa no yare. Bere a amanne no gu so no, wɔhwe se beae hɔ beye dinn. Bio, se ekɔba se wɔn asetena mu no obi ka

nkyene gu na wɔreyɛ nipa ko no ayi a, wɔwɔ bere bi wɔ ayiyɛ no dwumadi mu a wɔde yɛ dinn de kyere nnidi ma abusua no a wɔn dehye aka baabi no. Afei nso, sɛ ɛkɔba sɛ abufuhyew aba obi so a, mɔpɛn pii no saa nipa no mmue n'ano, na ɔyɛ dinn esiane nsunsuanso a sɛ okobue n'ano a ɛde beba nti. Ebia na mmabun baanu bi nso gyidi sɛ wɔadu wɔn mpanyimfi so nti wɔpɛ sɛ wɔware, sɛ ɛkɔba saa a wɔnkasa wɔn ho bere a wɔwɔ atwɛn mu. Eyinom di adanse sɛ eba no Western Apache man no mu nnipakuw amammere mu a, wotumi de kommyɛ a eyɛ nkitahodi mu akwaa no mu biako di dwuma ahorow pii, na emu biara nso wɔ ne nkyerease a ɛde to gua nso.

Yɛhwɛ Akanfo nso asetena mu a, Agyekum (2002) ka sɛ ansa na yebetumi akyerɛ senea nnipakuw binom amanne ne wɔn suban te no, yebetumi agyina wɔn kasa dodow so anaa mɔpɛn dodow a wɔde kommyɛ di dwuma wɔ wɔn nkitahodi mu, na ɛno nso begyina nipa ko a ɔrekasa no, nea ɔrekasa akyerɛ no anaa ɔne no renya nkitahodi no, bere ko a ɔrekasa, beae a ogyina rekasa ne botae nti a ɔreka saa nsɛm no. Eyi di adanse sɛ kommyɛ wɔ nnyinaso, na nnyinaso ahorow no na ɛkɔfa nkyerease ahorow a kommyɛ de ba no ba. Agyekum (2002) toa so de mmere ahorow bi a Akanfo asetena mu no wotumi da kommyɛ nneyɛ no adi. Ɔkyerɛ sɛ ɛkɔba sɛ ɔmani bi kohyia ɔhoho bi a, ɔmani no mfi prɛko ne saa ɔhoho no nni nkɔmmɔ, senea yeadi kan ahyɛ no nso wɔ Western Apache man no mu no (Basso, 1972). Bio, sɛ aberante ne abaayewa bi yɛ adwenkoro sɛ wɔbeware a, ɛnsɛ sɛ wohu wɔn ho anaa wonya nkitahodi bi animanim no ara ansa, na sɛ obi nso kɔ obi foforo nkyɛn adesɛ bi te sɛ beseabɔ a (Agyekum, 2002), kommyɛ ho hia ma nea ɔrekɔ adesɛ no esiane sɛ ɛkɔba no saa a na akɔyɛ sɛ nea wo nsa hyɛ ɔdomfo no anom, nanso yɛmpae n'apampam. Sɛ abufu ba nkitahodi mu a, wotumi da kommyɛ nneyɛ no adi, eyi tumi boa si nsunsuanso bɔne bi a anka ebetumi apue mu ano (Jensen, 1973). Nea yeada no adi yi kyere sɛ nsonsonoe bi nhyɛ da nni bere a yetaa hu kommyɛ su no wɔ nnipakuw afoforo amammere mu, gye sɛ ebia wɔn nkyerease a wɔde ma

kommye bi no na esakra kakra. Beae, bere, botae, asem ko no ne okasafo no nso tumi de nkyerease soronko ba kommye nneyee bi a eda adi wo nkitahodi mu.

## **2.2 Animdefo binom nkyerease fa kommye ho**

Animdefo dodow no ara, nkanka ne won a wɔakwadare wɔ kasasua ho adesua mu no, abɔ won ho mmɔden de nkyerekyerem ahorow a efa kommye a yehu wɔ nkitahodi mu no ato gua. Ebinom nkyerekyerem a wɔde mae no mu adwen fa kɛse no ara di nse, binom nso de no fa bi na ene ebinom de ye adwen. Enam saa nsonsonoe kakra yi so na ede akynnyegyee aba adwenkyere ne nkyerease a efa nkitahodi mu kommye ho. Eye anokwasem se senea kommye su te wɔ nkitahodi mu no kyerem pefee se enhia kasa anaa nsemfua ansa na okasafo bi atumi de n'adwempɔ ne ne nsusui bi ato gua. Eno nti Saville-Troiike (1985) kyerem se kommye ye nkitahodi mu nneyee bi a nea ɔredi nkitahodi no da no adi, na ɔmfa kasa anaa nsemfua biara nni dwuma. Levinson (1983) nso kyere nkitahodi mu kommye mu tiawa se eye bere a nkitahodi bi kɔ so na yente nne anaa kasa biara. Efa nkyerem a Levinson (1983) de ato gua ho no, animdefo afoforo binom te se Jaworski (1993) ne Tannen ne Saville-Troiike (1985) ne adwenkyere a Levinson de too gua no nye adwenkoro. Wɔgye di se se kommye nneyee bi da ne ho adi wɔ nkitahodi mu a enkyere se adwenkyere bi anaa nkitahodi biara nkɔ so, mmom eye nkitahodi mu akwaa bi a eboa de ntease a edi mu ba wɔ nkitahodi bi mu.

Me ne Zuo (2002) ye adwen wɔ ne mmuae a ɔde mae fa nkitahodi mu kommye ho, a ɔka se eno nkyere se adwempɔ anaa nkitahodi biara nkɔ so saa don no mu, na mmom eye kasa ho adesuae nkorabata bi a ewɔ ne nhyehyee, ne nkyerease ne ne dwumadi ahorow, na edi akoten san nso boa bere a nkɔmmɔtwetwe bi rekɔ so. Eyi nso kyere se ekɔba se nkɔmmɔdi bi rekɔ so wɔ nnipa bi ntam na ekohia se nkɔmmɔdifo no mu biako

yi asem bi ano na wammue n'ano a, enkyere se nkitahodi biara ankɔ so anaa nso se nneyee no nni nkyerease biara. Bonvillain (1993) nso kyere nkitahodi mu kommye mu se, eye nkitahodi kwan a yemfa kasa anaa nsemfua biara nni dwuma, na ne nkyerease ahorow a ede to gua no nnyinaso gyina senea nnipakuw bi amammere si te fa, senea Agyekum (2007) de too gua no. Kurzon (1998) ne Bonvillain ye adwenkoro se nnipakuw bi nkyerease fa kommye nneyee bi ho wo nkitahodi mu no tumi da nso fi afoforo de ho esiane amammere mu nsonsonoe a eye adwuma nti. Al-Harahsheh (2014) toa so tre saa adwenkyere yi mu ka se, enye nnipakuw ahorow asetena mu nko na yetumi hu nkyerease ahorow yi, na eto bere bi nso a yetumi nya bi wo nnamfo anaa won a wonye nnamfo ntam. Kommye mu nkyerease ahorow a yehu no wo nnamfo nkitahodi mu no tumi kofa akyinnyegyee ne mentemehoose de ba nkommotwetwe a eye a ekɔ so wo nnamfo binom ntam (Agyekum, 2002, p.33; Ling, 2013, p.126).

Se yede kommye di dwuma bere a yene afoforo redi nkitaho a, yetumi nam saa nneyee no so de adwempɔ ahorow pii to gua. Nakane (2007, p.20) kyerekyere nkyerease binom a kommye tumi kyere se ebia, etumi ma yehu ntease ahorow a obi tumi nya fa asem bi ho, etumi kyere suban ahorow a obi yi no adi, atenka ahorow a obi nya anaa owɔ mu, ne botae ahorow. Yetumi nso nam kommye so se akwan a yefa so da atenka ahorow binom te se ɔɔ, abufu, suro ne ahodwiri adi (Bruneau, 1973, p.37).

Yehu wo yen daadaa nkitahodi mu se kommye ne kasa wo ho yi, woye nkitahodi mu afa ahorow atitiriw abien bi a biako nkɔ nnya biako, na mmom bere biara wodi nsawɔso anaa wodi adwin wo bere a yeye se yede adwempɔ bi to gua, na esiane eyi nti ema no ye den pa ara se yebekwati kommye wo yen daa nkommɔdi mu (Saville-Troike, 1985). Ne saa nti Al-Harahsheh (2014) nso susuw se ebehia se bere biara a nkitahodi bi beko so, na eba se yebekyerekyere mu na yebetumi nso akyerekyere mu yiye a, ense se

yekyerε nea yenam kasa anaa nsem nko ara so de to gua na mmom yεbekyerε kasa no ne kommyε a epuee mu no nyinaa mu afra. Migye di yiye sε ne saa no beboa ama ntease ahorow a εwowε nkitahodi no nyinaa mu no bedi mu na asan nso de ntease mapa aba ama wεn a woredi nkitaho no. Sε εbeba sε yebetumi akyerεkyerε kommyε ne kasa a yede di afra wε nkitahodi mu preko, anya ntease mapa na asan nso adi mu wε nkitahodi bi mu a, na εho nso behia ama nkitahodifo no nso sε wobenyā wεn ho ntease εfa senea kommyε nhyehyεe ne ne bεbere te, εsε sε wuhu ne nkyerεase ahorow a etumi de ba ne ne botae nti a yede di dwuma wε nkitahodi mu (Al-Harashsheh, 2014, p.18). Na sε ekowie sε wodi nkitaho na wotumi nya ntease εfa senea kommyε nhyehyεe te ho a, εbeboa ma nkitahodi mu nkankε akε so.

Kommyε ahorow a yetaa hu wε daa nkitahodi mu no bi tumi boa ma yεhome yen kasa so. Enye eyi nko, εsan nso tumi di dwuma sε nkitahodi mu adwirade a εboa si adwenkyerε ne nsusui bi so dua, na mpen pii no ara wεn a wεakwadare wε kasa mu no de kyere wεn atiefo wε guabε ase sε wεn ano atew, san nso gye ho abasobε mpo (Jaworski, 1993). Sε saa nsunsuanso yi beyε adwuma, ama no adi mu a, na ebegyina nnipakuw bi ntease soronko a wεwε wε kommyε ho ne senea wεde di dwuma fa so, esiane nsonsonoe a εwε nnipakuw biara ne senea wεn amammere te nti. Eyi nti Saville-Troiike (1985, p.5) ka sε, sε nkitahodi mu kommyε betumi de nsunsuanso soronko bi te sε nea Jaworski (1993) kyere no aba a, na ebegyina senea beae bi mu nnipakuw gyidi anaa wεn amammere te so. Otoa so ma mfatoho binom te sε ebia wokε nnipakuw bi asetena mu a, nipa bi dibere a εwε wε ne mpεtam ne ne mfi a wadi no tumi de nkyerεase soronko pue wε kommyε nneyεe a saa nipa ko no bεda no adi wε nkitahodi bi mu.

Yεadi kan ahyε no nso dedaw sε, nkitahodi mu no sε obi ye dinn na wammue n'ano wε asentitiriw bi ho a, na εno nkyerε sε nkitahodi biara ankε so (Jaworski, 1993). Na sε

yebetumi akyerekyere nsem bi mu yiye ama no awie mudi a, na ne nnyinaso beye se yebetumi ada adwempɔ bi adi bere a yemfa kasa na mmom nkitahodi mu fa binom te se kommye, kasa a yede nipadua mu nsenkyerenne da no adi te se animmuna, sere ne ade. Eyi di adanse se yebetumi nso adi nkitaho bere a yebekwati kasa. Nti ebetumi aba se nnipa baanu anaa nea eboro saa behyia asi agyina se wobonya nkitahodi afa asentitiriw bi ho nanso wɔmfafa kasa nni dwuma, mmom wobegyina kommye ne wɔn nipadua mu nsenkyerenne so anya nkitaho ama no awie pɛye (Jaworski, 1993).

Nhwehwem ahorow binom adi adanse se kommye tumi di dwuma ahorow wɔ yen daa nkitahodi mu nkanka ne yen nkɔmmɔtwetwe mu, ne saa nti yebetumi nso aka asi so dua se yebetumi nso de kommye adi dwuma a yede kasa di wɔ nkitahodi mu ara pɛ (Jaworski, 1993; Jaworski, 1997; Saville-Troike, 1985). Enye nwanwa se Al-Harashsheh (2014) kamfo se yennyi kommye nsi nkyen bere a yerekyerekyere nsem bi mu bere a nkitahodi bi akɔ so.



### **2.3 Kommye mu nkyekyem**

Animdefo ahorow binom abɔ mmɔden atu anamɔn wɔ adwenkyere a efa nkitahodi mu kommye ho. Kasasua mu akukudam binom a wɔatu saa anamɔn yi bi ne Kurzon (2007), Bruneau (1973), Jensen (1973), ne afoforo bi nso te se Johannesen (1974) ne Berger (2004). Eyinom ne akukudamfo bi a wɔabɔ ho mmɔden akyekye nkitahodi mu kommye mu agu n'ahorow, ne dwumadi ahorow ne ne nkyerease ahorow a epue wɔ daa nkitahodi a ekɔ so wɔ yen asetena mu (Kurzon, 2007).

### 2.3.1 Bruneau nkyekyem

Bruneau (1973) dwumadi no boa ma yenya nkitahodi mu kommye nkyekyem atitiriw abiesaa; a) *nea efa adwenmusem ho*, b) *nea efa nkɔmmɔtwetwe ho*, c) *nea efa yen asetena mu adeye ho*. Nnyinaso a Bruneau gyina so de nyaa ne nkyekyem ahorow yi ne mmere dodow a kommye nneyee no di wɔ nkitahodi bi mu. Ɔkyerem se kommye a efa adwenmusem ho mmere dodow a edi wɔ nkitahodi bi mu no ye tiawa pa ara. Mfatoho ahorow binom a Kurzon (2007) de kyerekyere ɔfa yi mu bi ne bere a nkɔmmɔdi bi mu no ɔkasafɔ bi nhye da mfa ne ho nhye nkitahodi no mu na anoyi biara mu no ɔtwentwen so ansa na wama mmuae, anaase ɔto ne bo ase wɔ ne nsenka mu a ne botae ne se ɔbema nea ɔretie no atumi anya ntease mapa wɔ nsusui a ɔde reto gua no ho. Nhweso bio nso ne se bere a nkɔmmɔtwetwe bi mu no ɔkasafɔ no nya adagye dwennwen nsem a obetumi de ayi asemmisa bi a yeɔde ato n'animo ano. Eyi ne nea Bruneau repɛ akyerɛ se ansa na ɔkasafɔ no bebue n'ano no, ɔda kommye nneyee no adi a eno nso di mmere kakra, senea obetumi adwen mmuae a osusuw se ebetumi ayi asemmisa no ano.

Bruneau nkyekyem nea ɛto so abien no ne kommye a epue wɔ nkɔmmɔtwetwe mu, na ɔka se saa ɔfa yi se wode mmere dodow a edi wɔ nkitahodi no mu toto nea yeaka ho asem awie seesei ara no ho a, egye mmere kakra boro saa. Yetaa hu saa ɔfa yi ho mfatoho wɔ adɔfo bi ayɔnkofa mu nkitahodi bere mu. Afei nso bere a nkɔmmɔtwetwe bi rekɔ so wɔ nnipa baanu anaa nea eboro saa ntam, na ɔbiako ka n'asem wie na n'ano si a, nhomeso bere anaa kommye a etwa mu ansa na ɔkasafɔ foforo nso asɔ mu de n'adwenkyere nso atoa so ne nhweso biako a ekyerekyere ɔfa yi mu. Bruneau di adanse se nkyekyem abien a yeadi kan ahwe yi mu nsonsonoe nhye da nye ahe bi. Ɔde ne kommye ho nkyekyem fa a ɛto so abiesaa a esan nso twa to no to gua a eno ne kommye a eɔda adi wɔ yen daa asetena mu adeye. Bruneau (1973, p. 36) ka se saa ɔfa yi ye fapem ma afa abien a yeadi kan akyerɛkyerem no, esiane se ne nyinaa da adi wɔ yen daa



asetena mu. Ne saa nti eka adwempɔ a ɛwɔ kommyɛ a ɛda adi wɔ adwenmusem ne nea yehu wɔ nkɔmmɔtwetwe bi mu bɔ mu ma yede nya saa ɔfa yi nkyerease.

### 2.3.2 Jensen nkyekyem

Jensen (1973) dwumadi a ɔde bɛtoo no pue baa abɔnten afe koro no a Bruneau nso de ne de no bae. Ono de kommyɛ mu nkyekyem ahorow nnum na etoo gua a na saa nkyekyem no nnyinaso ye dwumadi ahorow a kommyɛ nneyɛe di wɔ nkitahodi mu. Nkyekyem ahorow yinom ne; *a)nea edi dwuma se nkabom, b)nea etumi de nsunsuanso ba obi anaa ade bi so, c)nea ɛkyere ntease a obi nni wɔ asem bi ho, d)nea ɛkyere atemmu anaa agyinaso, e)yede ye nnyinaso dwen asem bi ho.*

Nea edi kan wɔ Jensen nkyekyem no mu ne kommyɛ su bi a etumi boa ma nnipakuw bi adwen ne wɔn koma kɔ bɛnkoro mu wɔ adeye bi mu. Nhweso ahorow binom a ɔde mae de kyerkɛkyere saa dwumadi yi mu ne bere a nnipakuw a wɔwɔ aman binom so atu da bi asi hɔ de kae atoyerɛnkyem bi a esii bere bi a atwa mu. Sɛ edu saa da no a, nnipakuw binom bɔ ntoa wɔ dwumadi ase ye dinn mmere dodow bi de kae nnipa a wɔn ho kaa mu, na wɔde kyere wɔn dɔ de ma saa nnipa no. Jensen maa nkae da ho nhweso bi te sɛ nea ɛkɔ so wɔ Netherlands man no mu afe biara wɔ bosome Kɔtonima, ne da a eto so anan mu. Wɔnam saa kommyɛ nneyɛe no so ka wɔn ho bɔ mu adwen mu, akoma mu, honhom ne nipadua fa mu ye saa nkaesom no. Mfatoho foforo bio nso ne bere a agyidifo hyia mu sɔre wɔn nyame wɔ wɔn hyia dan mu, wotumi ye dinn bere a wɔretwen wɔn nyame anim. Eha yi nso wɔye biako wɔ akoma, honhom, adwen ne honam fa mu nyinaa. Afei nso, sɛ obi besi ne bo sɛ ɔnkasa mfa nnipakuw binom adwenkyere a ɛfa amanyesem mu nsem bi ho. Nkyem a eto so abien ye kommyɛ dwumadi a etumi kɔfa nsunsuanso de ba obi so anaa ade bi so. Kommyɛ a epue wɔ nkitahodi mu no tumi de



nsunsuanso begyae nea ɔretwɛn asem bi ho anoyi anaa ɔretie asem no adwen mu ma ne tebea a na ɔwɔ mu no sesa. Eto bere bi wɔ nnipa baanu ntam nkitahodi mu a, bere a nkɔmmɔdi bi rekɔ so no, akasafo no mu biako tumi da kommye nneyee adi a etumi ka biribi kyere kasafo biako no se asem anaa adwenkyere a ɔde ato gua no mfa ne ho. Bio, etumi boa si ɔhaw bi a anka yede kasa dii dwuma saa bere no a anka ebɛba ano. Se ebia wɔ aware mu no, se abufu ba awarefo bi ntam a ɔyere no titiriw taa ye dinn de boa si ntawantawa a erekɔ so ano, bre abufu no nso ano ase. Kommye nkyem a eto so abiesa no kyere kommye su a eda adi, boa ma yehu tebea bi a obi wɔ mu anaa adwen a obi wɔ wɔ asem bi anaa adesuade bi ho. Se ebia, wɔ sukuu mu adesua bere mu no, kyerekyerɛni no tumi bisa osuani bi asem fa wɔn adesuade wɔresua no ho ma osuani no ye dinn. Osuani no nneyee a ɔda no adi no tumi kyere ne ntease mpɛmpɛnso a ɔwɔ fa adesuade a erekɔ so saa bere no, na eda adi pefee se onnya nyaa ntease mapa wɔ adesuade no mu nwieei. Honhom mu agyidifo nso ka se ansa na obi betumi adu ne mpɛmpɛnso honhom fa mu no, ebedi kan ahia se saa nipa no de ne ho bewura kommye tebea no mu ansa. Mfatoho bio nso ne bere a asenni bi rekɔ so wɔ asennibea, na ɔdanseni bi antumi ankasa, ka n'ano to mu wɔ asem bi ho. Eyi nso tumi yi nsem pii adi de kyere otemmuafo no ma no nya ntease fa asem a eda n'anim no ho.

Nkyem a eto so anan no a Jensen kyerem se yetumi de kyere agyinasi anaa atemmu wɔ asem anaa nsusui bi ho. Saa kommye dwumadi yi tumi kyere se ɔkasafo bi apene asem bi so anaa nso se ɔmpenee so, se asem bi kɔ ma obi anaa nso etia, efa nsem bi a akɔ so dedaw ho. Se ebia, bere a nkitahodi bi rekɔ so na yeabisa nkɔmmɔdifo no mu biako bi adwenkyere fa asem a eda pono so ho, na nea yeabisa no asem no ammue n'ano anka hwee. Kwan bi so no, yebetumi akyere saa kommye a ada adi no mu se wagye asem, nsusui anaa adwenkyere no ato mu. Eyi kyere se kommye nneyee a yeda no adi wɔ nkitahodi bi mu no tumi di adanse se obi pene adwenkyere anaa nsusui bi so. Mfatoho

bi nso ne se yetumi nam kommye so de kyere gyinabea wo asem anaa nsem binom a ereko so ho wo dyekyere kwan so. Saa nhweso bi sei taa da ne ho adi wo nnwumakuw bi mu nnipa mu bere a won bo nnwo asem bi ho. Afei ofa a eto so nnum wo kommye nkyekyem yi ho ne nea yetumi gyina so de dwennwen nsem a yede beyi nsem bi ano wo nkitahodi bi mu. Jensen kyere ofa yi mu se, eto bere bi wo nkitahodi mu a nea orebekasa anaa orebeyi asem bi ano no di kan ye dinn, twen kakra ansa na ode nea owo ka no ato gua, te se nea Bruneau (1973) nkyekyem a eto abien no kyere no. Saa mmere kakra a odii ansa na orekasa no ye nea ode redwen anaa de resiesie anoyi anaa adwenkyere de fa asem ko a woredi ho nkommno no. Nkyekyem ne nkyerkyerem ahorow yi ne nea Jensen de puee mu wo ne nhwehwem dwuma no mu, na ne nkyekyem nnyinaso no gyina kommye dwumadi ahorow a etumi di so wo nkitahodi mu.

### 2.3.3 Johannesen nkyekyem

Johannesen (1974) nso pensempensem nkitahodi mu kommye ahorow bi mu. Ne nnyinaso a ode yee ne nkyekyem yi ne bere ko potee bi a nkitahodi bi rekso so ne nea na asi saa bere no, na kommye nneyee no nso pue mu. Odaa nkyekyem ahorow anan adi a enonom ne bere a kommye nneyee no da ne ho adi wo; *a) senea ekso so wo nipa adwennwen mu ne n'asetena mu nkankso, b) daa nnipa ntam nkitahodi a botae wo mu, c) wo amanyosem ne temanmufo asetena mu, d) wo apomuden mu nsem nso, kasakyere mu ne won a wowa adwen mu yare ayarehwe mu.* Johannesen maa nkyerkyerem faa ne nkyem a eto so abien no ho, san nso boboo nkyerease ahorow binom a ewowo mu bere a kommye tumi di dwuma wo nnipa ntam daa nkitahodi mu. Ode nkyerease ahorow soronko aduonu na etoo gua. Okyerem se, se kommye bi pue nkitahodi bi mu a, n'asekyere no tumi kyere se;

1. *Nea waye dinn no nhye da nni nimde anaa ntease mapa fa asem a yeredi ho nkommɔ no ho.*
2. *Nea ɔda saa nneyee no adi no nhu hia a ehia anaase biribi nhye ne so se ɔkasa.*
3. *Ɔredwennwen mmuae pɔtee a ese fata se anoyi ma asem bi.*
4. *Eboa ma yetumi hu senea nipa bi dwen fa.*
5. *Obi mpe se ɔde n'ano beto asem bi a ne ka ye kanna mu esiane akyi asem nti.*
6. *Obi pene adwenkyere anaa nsusui bi so.*
7. *Nipa bi nnye adwenkyere anaa nsusui bi nto mu.*
8. *Nea waye dinn no nnye asem anaa biribi nni.*
9. *Ade bi ho nhia obi nti ɔmfa n'adwen nkɔ biribi a erekɔ so no so.*
10. *Obi nhye da nte nkyerem bi a ɔfoforo bi de ama mu yiye.*
11. *Ɔda kommye nneyee no adi no esiane ne ho a adwiri no nti, anaa n'adwen wɔ biribi so anaa nso se biribi haw no.*
12. *Nipa no kyere ne ho anaa ommu ade.*
13. *Nipa no nam saa kwan no so retwe obi aso, ayi no afi nnipa mu nkitahodi mu.*
14. *N'asetena mu no ɔye obi a ɔmpe kasa.*
15. *Nipa no ntumi nkyere ne nsem mu nanso ɔwɔ ɔpe no se anka ɔbekasa.*
16. *Nipa no mpe se obebue n'ano aka biribia a ebɛhaw ne yɔnko.*
17. *Nipa adwen nni baabi a ɔwɔ no anaa ɔredwennwen biribi foforo a emfa nea ɔreye no ho.*
18. *Ɔde saa nneyee kwan no rehye su bi te se ankonam mu kena.*
19. *Nea waye dinn no rekyere se ne bo afu.*
20. *Ɔreda ahummɔbɔ ne tema a ɔwɔ bi adi.*

Eyinom ne nkyerease ahorow a Johannesen (1974, p.29) de too gua, a migye di se emu dodow no a epue wɔ animdefo afoforo dwumadi a efa kommye ho pen.

### 2.3.4 Berger nkyekyem

Se eba no kommye nkyerease ahorow a animdefo binom atu ho anamɔn, enam ntease ahorow a nnipa binom wɔ fa kommye ho a, Berger (2004) boa de eho nhwehwɛm ato gua. Ɔde asukuufo na edii ne nhwehwɛm dwumadi no. Ɔmaa adesuafo a wɔn mfi a wɔadi hye ase fi mfi du-nwɔtwe so de kosi aduonu-nkron so ankasa na ekyerew wɔn suahu fa kommye ho nsem. Ɔkyereɛ wɔn mu biara se wɔmmɔ mmɔden nkaakae na wɔnkyerew da a ɔkae a etwa to a wɔdaa kommye nneyee bi adi wɔ wɔn nkitahodi bi a ekɔ so. Berger kyee ne nhwehwɛm dwumadi no mu ahorow abien, na emu biako a edi kan no hwɛe ade titiriw a ekɔfa kommye de ba. Nhwehwɛm no de bɛtoo gua se; *a) bere a wɔada suban bɔne bi adi, b) ɔbre ne bere a biribi haw obi, c) nimde ho sintɔ efa adesuada bi ho*. Botae titiriw a na esi nhwehwɛm dwumadi a eto so abien nso ani so ne se ebenya nsonsonoe a eɔa kommye a ehye da pue wɔ nkitahodi mu ne nea obi nhye da nna no adi. Eno mu no na Berger hyee no nso se nnipa a ɔde wɔn dii ne nhwehwɛm dwuma no antumi amfa kommye a enam obi nimde a onni fa ade bi anaa adesuada bi anaa asentitiriw bi ho so ba no anka wɔn mmuae ahorow a wɔde mmae no ho. Saa nhwehwɛm no boa maa yetumi huu nsonsonoe pa ara a eɔa kommye nneyee a obi hye da yi no adi ne nea ɔnhye da (kommye a eye boapaye ne nea enye boapaye).

### 2.3.5 Kurzon nkyekyem

Kurzon (2007) nso de ne nhwehwɛm a ɔye de faa kommye a yehu wɔ nkitahodi mu nkyerease nkyekyem ahorow too gua. Odii kan yee nhwehwɛm bi a na efa kommye a epue wɔ nkitahodi mu na edi dwuma se anoyi de ma asemmisa bi anaa asem bi ho wɔ mmara fam (Kurzon, 1995, 1998). Mfatoho bi te se ebia obi ho aka aguaa mu wɔ apolisifo nsem, na eho abehia se nea ne ho aka mu no ye dinn. Ɔsan nso kyereɛ kwan foforo bi nso a obi betumi afa so akyerekyerɛ kommye a epue wɔ nkitahodi bi a ete saa

mu nso ase. Kurzon san nso boa ma yenya kommye a epuem wo yen daa asetena mu nkitahodi mu, a eno ne nea yebehwe ho asem wo ofa yi mu. Ne nhwehwem dwumadi mu no, wamma kommye nkyerease ahorow anhye da anhia no kese, mmom tebea ahorow binom mu a eboa ma yetumi nya kommye a epue mu no nkyerease, se eye nnipa baanu ntam anaa nnipa dodow ntam.

Ansa na Kurzon de ne nkyekyem yi beba no, odii kan de n'ani too nneema ahorow binom so. Nea edi kan, ohwee nnipa dodow a wowo ho bere a nkitahodi no rekɔ so, se ebia woye baanu a obiako ye kasafɔ na nea aka ho no nso aye dinn, na ebetumi nso aba se nnipa afɔforo binom nso ben beae a nkitahodi no rekɔ so ho nanso wonka nkitahodi a erekɔ so no ho. Nea eto so abien, ohwee asem pɔtee a anka ese se okasafɔ no de yi asem bi ano no nanso esiane ne kommye nti antumi antɔ gua. Okyerɛ se mpen pii no eye a yentumi nkyere nsem ko pɔtee a okasafɔ a waye dinn a anka yerehwe se obeyi asemmisa bi ano pe se ode to gua. Se ebia woabisa obi asem bi na wanka hwee. Nea eto so abiɛsa, ohwee nsonsonoe a kommye a edi dwuma wo nkitahodi mu se eye boapaye anaa enye boapaye. Na saa nnyinaso yi ho nhweso pii no ara wowo Jensen (1973) ne Johannesen (1974) mu. Nnyinaso a eto so anan no yenya fii Kurzon (1998) nhwehwem a ekɔ so a otɔo din “*nkitahodi mu kommye*”. Saa dwumadi no so na ode yee ne mpensempensem wo Kurzon (2007) mu. Afei nea eto so nnum no nso ye se hefa na kommye a eyi ne ho adi no fi ba, se ebia adekode a eka okasafɔ bi ma oda kommye nneyee no adi no efi ono ankasa anaa eye ne pe na ode ye saa, anaase biribi, obi anaa asetena mu nyehyee bi na ehye kasafɔ no ma ye no dinn. Kwan bi so no, saa nnyinaso yi tumi ne nnyinaso a eto so abiɛsa no wo twaka bi. Kurzon (2007) hwee nnyinaso ahorow nnum yi a yeate ani kakra yi so na ode yee ne nkyekyem ahorow a edidi so yi;


### 2.3.5.1 Nkitahodi mu Kommye

Kurzon nkyekyem a ɔye de faa kommye ho no mu biako a yede redi kan no ne nkitahodi mu kommye. Yetaa hu saa nkyekyem yi wɔ bere a nkɔmmɔtwetwe bi rekɔ, na nsem bi ho mpensempensem rekɔ so na eye ano ne ano nkitahodi. Ekyere se, nkitahodifo no de nsem anaa kas ana edi wɔn nkitaho no anaa wɔfa so de wɔn adwenkyere bi to gua. Saa nkitahodi mu kommye yi taa da ne ho adi nkanka ne bere a nkɔmmɔtwetwe bi rekɔ so na yeabisa obi asem bi, na nea yeabisa no asem no aye dinn anaa wanka hwee amfa asemmisa no ho (Kurzon, 1988). Kurzon (1998) kyerem se saa kommye a ɔkasafɔ no daa no adi fa asem a yebisaa no ho no nso ye kwan ahorow no mu biako a yetumi fa so de anoyi ma asemmisa bi. Bio nso, ɔfa yi tumi yi ne ho adi bere a nnipa binom ahyiam retwetwe nkɔmmɔ fa asem bi ho, na nnipakuw no mu binom asi wɔn adwen pi se wɔnkasa anaa wɔnkyere wɔn adwen mfa nkɔmmɔtwetwe a erekɔ so no ho bere a saa nnipa yinom nim se nkitahodi bi a ete saa rekɔ so. Kurzon di adanse se saa nkitahodi bi a ete saa no taa kɔ so wɔ nnipa baanu ntam nkɔmmɔtwetwe mu, biako bisa asem bi na ɔbiako nso retie anaa ɔreyi asem no ano. Enti se ekɔba se ɔkasafɔ bi amfa kasa anyi asemmisa bi ano na ɔye dinn a, eno nso kyere kwan ɔfa so de n'adwenkyere anaa ne mmuae de reto gua. Na se nea anka ese se oyi asem bi ano no de kommye nneyee kyere ne mmuae fa asem no ho a, etumi de nsunsuanso a emmoa ba nea obisaa asem no so, ma ekowie se ontumi nte kommye nneyee a ayi ne ho adi no ase. Kurzon (1998) de nhyehye soronko bi betoo gua a eboa ma tebea bi a ete saa no wobetumi akyere ase. Ɔtoo din “*model of silence*” a eno na ɔnam so de kyerekyere kommye a epue wɔ nkitahodi mu

Afei se yede nnyinaso ahorow a Kurzon gyina so de yee ne nkyekyem yi kyerekyere ɔfa yi mu a, nea yede redi kan ye se saa kommye nneyee a ɔkasafɔ no da no adi no aso eye boapaye anaa enye boapaye? Kurzon gyina ne “*model of silence*” nhyehye no so

kyerekyere kommye bi a ekɔ so saa mu de too gua se, se ekɔba se kommye nneye da ne ho adi wɔ nkitahodi bi mu na okasafo no ankasa na esii n'adwen pi wɔ ho a, na saa kommye no ye boapaye kommye. Na se ekɔba nso se kommye no amfi okasafo no pe mu a na ekyere se obi anaa biribi te se ehu na ehye no ma no baa saa, a eno nye boapaye, te se nea ekɔ so wɔ *omertà* kuw no mu nnipa asetena mu no. Asetena mu nhyehye nso tumi hye nipa ma ɔye dinn wɔ asem bi ho, nkanka wɔ nkɔmmɔtwetwe mu. Kurzon kyere se etumi ba se kommye a eyi ne ho adi no mu nkyerease tumi kyere adwen, se efi okasafo ankasa pe mu anaa birirbi na ehye no.

Su biako nso Kurzon de dii dwuma wɔ ne nkyekyem yi mu ne se kommye a obi da no adi bere a nkitahodi bi rekɔ so no, aso n'adwen wɔ nkɔmmɔ no so anaa n'adwen nni so? Na se yede kyerekyere ɔfa yi mu, se eye boapaye kommye anaa enye, yebetumi nso aka se saa bere no okasafo no adwen nni nkɔmmɔtwetwe a erekɔ so no so, nti ekyere se enye boapaye.



### ***2.3.5.2 Asentitiriw bi ho Kommye / Temateke Kommye***

Nkyekyem no fa a eto so abien a Kurzon (2007) dii ho dwuma ne kommye nneye a yeda no adi fa asentitiriw bi ho anaa temateke. Saa ɔfa yi su ne ɔfa a yeadi kan ahwe no de no wɔ twaka bi esiane se n'abien no nyinaa taa kɔ so bere a nkitahodi bi rekɔ so wɔ yen daa asetena mu. Nsonsonoe a eɔa wɔn ntam ne se, okasafo a yehu no wɔ nkitahodi mu kommye mu no ka n'ano to mu a ɔmma mmuae biara fa asem a erekɔ so no anaa yeabisa no ho, nanso temateke mu no okasafo no kasa de nsem to gua nanso ne nsem a ɔde to gua mfa nsentitiriw a anka nnipa no rehwe anim se ɔbeka birirbi afa ho. Kurzon ma mfatoho bi te se bere a nkɔmmɔtwetwe dwumadi bi rekɔ so na yeabisa abeguafɔ no mu biako a ɔye barima asem fa mmea ho, na saa kasafo no bɔ n'adwen pɔ se ɔnka biribiara mfa ho. Kurzon ka se obetumi akyere n'adwen afa senea mmea te ho nanso



enkoye se obeka de afa ne suahu bi a wanya ho. Saa nso na Lakoff (1995) ne Young (1998) kyere se na nka yenim se wo awontoatoaso mu no womma mmea akwannya no mma won nkyere won adwen fa nsem ho kopem se afe 1960 yi mu ara na nsakrae bae ma wotumi de won ho hyehye adwenkyere nkommotwetwe mu. Bere bio nso a yetaa hu saa ofa yi ne bere a nkommotwetwe bi reko so wo nnipakuw bi ntam nkanka efa amanyesem ho bere a adwenkyere anaa adwentoatoa bi a efa asetena mu nsem bi ho reko so. Nti wo dwumadi bi ase na abeguafu ahyia kyere won adwen fa asentitiriw bi ho, na ekoba se yebisa omanyeni biako adwenkyere fa asem bi ho, na afei n'anoyi a ode mae no anka biribiara amfa asenhia bi a na anka atiefo no repe ate ho.

Kurzon ka se okasafu no hye da pa ara na okwati asenhia no ho kasa. Na eno na ofre no asentitiriw bi ho kommye anaa temateke kommye. Esiane se okasafu no aye dinn afa asenhia bi ho. Asentitiriw a okasafu no kwatii no nso atiefo no nim mmom emu nkyerekyerem na ebia ebeye din kakra. Se eba no sei a etumi kofa abammu nsunsuanso de bre atiefo no efise asem a nka worehwe anim se okasafu no bekasa ho no amma so. Mpen pii no, Kurzon kyerem se ansa na omanyeni bi bekyere n'adwen anaa obeka biribi no na efa botae a esi pono so no ho, nti se wanka biribiara amfa asentitiriw foforo bi a ebepue mu a, yebetumi aka se waye dinn wo saa asem no ho. Nsonsonoe wo se okasafu bi ankyere n'adwen amfa asem bi ho anaase wamma mmuae biara amfa asemmisa bi ho, emfa ho se ne nyinaa ye kommye. Omanyeni no tumi ka se onni biribiara ka fa asem a yeabisa no ho bere a ompe se obeyi asem bi ano, na eyi na etaa ko so wo nkaitahodi mu kommye mu mpen pii.

Na eba no temateke kommye ho a okasafu mane fi asenhia anaa asentitiriw no ho. Huckin (2002) toa so kyere se yetumi nya kommye a okyerewfo bi tumi nam so twe n'atiefo no adwen de besi ne gyidi anaa n'adwenkyere bi so. Obu mmoden yiye nsenhia



binom fi nsem bi mu ma ɔhyehye no ne kwan so. Saa adwentwe kommye yi nso wohu no se eka temateke kommye nhweso ahororw no ho.

Afei yede su ahorow no toto ɔfa yi ho mu a, yebehu se temateke kommye no ye boapaye kommye, esiane se ɔkasafɔ no hye da na ɔnkasa mfa asentitiriw no ho. Na se eba no se ɔkasafɔ no adwen anaa n'ani da ne ho so anaa enna ne ho so bere a nkitahodi no gu so a, yebeka se na ɔkasafɔ ani da ne ho so a onim nea ereko so no emfa ho se wanka hwee amfa asenhia bi ho. Nkitahodi mu kommye mu de kasafɔ no kommye no nnyinaso betumi aba se efi fere a enye boapaye nanso temateke kommye ho de kasafɔ no hye da na ɔnkasa mfa asemmisa bi ho esiane animguase nsunsuanso a ebetumi de aba no nti (Berger, 2004). Migye di se nsonsonoe biara nhye da nni saa nkyerɛkyerem yi a efa botae nti ɔkasafɔ no ye dinn.

Se fere nti obi nkasa ne animguase a ebetumi aba nti ɔkwati n'asenska bi no kosi faako, efise animguase nsunsuanso no nti na ede fere bepue mu ma ɔye dinn no. Bio, se kommye nneyee no efi kasafɔ ankasa anaa efi obi anaa biribi no, Kurzon ka se kasafɔ no ankasa na nneyee no fi no a enye obi anaa biribi na ehye ne so. Su biako a ede nsonsonoe beda temateke kommye ne afa ahorow a aka no mu ne mmere dodow a wode bu anaa susu kommye no. Kurzon kyere se yentumi mfa mmere nsusu temateke kommye no ho efise kasafɔ no nnyae kasa anaa ɔnye dinn bere a ɔde n'asem to gua no, mmom ɔko so kasa. Kommye a yereka ho asem wo temateke mu no nkyerɛase a ede to gua no da nso fi nkae ahorow no ho. Eyi nti Kurzon (2007) nyaa abotare pensempensem saa ɔfa yi mu senti a eka kommye ahorow no ho.

### 2.3.5.3 *Akyerew/Akenkan mu kommye*

Yeaahye no nso dedaw se eba no nsentitiriw bi ho kommye anaa temateke kommye a na yerekasa afa asentitiriw bi anaa asenhia patee bi ho, a eno okasafo no na efi ase, nanso eba akyerew anaa akenkan mu kommye a na yerekasa afa astenam nkitahodi a yema okasafo bi akenkansem patee bi wo bere anaa tebea bi mu ma no kenkan no kommye kwan so. Akenkansem a kasafo no kenkan no dinn no mfi ono ankasa kenkanfo adwen mu, mmom eye nea yeatintim dedaw. Mmere dodow a kenkanfo no di wo akenkansem no ho no na ekyere mmere dodow a kommye nneyee no di. Eyi kyere se esiane se kenkanfo no kenkan akenkansem no dinn nti, mmere biara a obedi wo akenkan no ho na yede susu mmere dodow a kommye no di dwuma. Kurzon (2007) kyere se saa ofa yi kommye no nnyinaso ye bere patee bi a akenkan no ko so a kommye nneyee no nso pue mu.

Oma mfatoho ahorow fa mmeae ahorow binom a akenkan ko so te se afi mu anaa adwumakuw bi se ebia beae a adesuafo taa tena kenkan nhoma anaa nhoma korabea. Kurzon amfa afi mu akenkan anka ho asem esiane se na eho nni mfasode ma ne dwumadi patee yi na bio nso nkitahodi biara nhyeda nko so saa bere no. Ohwee nea eko so wo beae a adesuafo kokenkan nhoma, eye laibri, kyere se saa beae no ye baabi a kommye agye ho nyinaa afa na wode di dwuma kese pa ara. Akenkande binom a akenkanfo kenkan wo ho bi ne gyena anaa dawubo krataa anaa nhoma afoforo binom a ewowo ho a ne nyinaa nso yetumi de yen ani hu emu nsem no, senea yehu no wo temateke kommye mu no. Saa kommye a eko so wo akenkanbea ho no nye nea Kurzon gye di se etumi ka biribi de kyere anaa ehyeda de adwenpow bi gua, na me no ye adwen nso esiane se eye nhyehyee a wode di dwuma wo saa beae ho a eno ne fapem.

Kurzon san nso maa mfatoho bi te se sukuu mu, bere a suadan bi mu kyerekyerefo kyere n'adesuafo se womfa akenkande bi nkenkan no dinn. Mihu nsonsonoe kakra wo

kommye a yehu wɔ laibri ne sukuu de no mu. Nhoma korabea de ye daa adeye a ekɔ so, nanso sukuu mu kommye no di dwuma mmere tiawa bi pɛ, sɛ adesuafo no kenkan wie pɛ a kasa tumi san nso yi ne adi. Beae bio nso a yetumi hu ɔfa yi dwuma ne asɔre dwumadi mu bere a wɔahyia wɔ mpaebɔ mu. Ɔsom bere mu no wotumi kenkan anaa ka mpaebɔ nsem a yede ama wɔn anaa wonim dedaw no, te sɛ nea ekɔ so wɔ Israelfo som hyiadan mu a wotumi gyina wɔn anan so wɔ mpaebɔ mu (*tefilla*) besebese wɔn ano.

Afei, sɛ yeregyina su ahorow no so de akyerɛkyerɛ ɔfa yi mu a, yebedi kan aka sɛ kommye a ɔkenkanfo a ɔwɔ ne fi rekenkan ne dawubɔ krataa no da no adi no ye boapaye, ne titiriw po ne sɛ nipa foforo bi nso san ka ne ho a. Ɔkenkanfo no ara na ɔhyeda ye kommye senea obetumi ama n'adwen akɔ nea ɔrekenkan no so. Afei eba no beae a adesuafo kɔkenkan nhoma, eye laibri, no nso a, eye beae hɔ nhyehyɛ a wɔde dwuma wɔ hɔ no na ehye kenkanfo no ma ɔda kommye nneyɛ a epue mu bere a ɔrekenkan no, nanso Kurzon (2007) ka sɛ kenkanfo no tebea a ɔwɔ mu fi ɔno ankasa ne pɛ mu na ɔde ye saa. Eyi na me ne Kurzon nkɔ benkoro wɔ ho. Esiane beae hɔ tebea no nti, akenkanfo a wɔwɔ hɔ nyinaa adwen nhe hɔ tebea no nti, akenkanfo a wɔwɔ hɔ nyinaa adwen nhyeda nni wɔn ho so saa esiane sɛ wɔmpɛ sɛ obi behaw wɔn wɔ wɔn nhoma akenkan no mu.

Na sɛ eba no adesuan wɔ sukuu mu nhwɛso no nso a, esiane sɛ adesuafo no kyerekyerefo tumi a ɔwɔ nti ɛma adesuafo no wɔ ɔhye bi ase bere a wɔrekenkan wɔn nhoma no wɔ kommye kwan so, nti ɛnye wɔn pɛ na wɔde da kommye nneyɛ no. Na sɛ eba no saa nso a wɔmpɛ sɛ yebɛhaw wɔn bere wɔrekenkan. Asɔre fa mu nso, eye asɔremma no ara ankasa pɛ sɛ wɔbɛhyia mu wɔ asɔredan no mu, na wɔde eho nhyehyɛ no aye adwuma senea ɛɛ. Na sɛ sɔfo panyin no hye asafo no sɛ wɔmmɔ nhyira mpaebɔ

a eto du-nwotwe no a, wohye ase se wobɔ mpae no kommye kwan so besebese won ano. Nti wohyeda na woye dinn saa bere no mu nanso se efi won anaa obi na ehye won no de, Kurzon (2007) kyere se ebewɔ nnyinaso ahorow. Se sɔfo panyin no na ohye asafo no a, eno de na emfi kasafɔ no anaa asɔremma no, nanso se ekɔba se kommye no ye won som no mu adeye a, na eno de asafo no ara nim se nea won adu no ese se woye dinn wɔ won mpaebɔ mu saa donhwere no.

#### **2.3.5.4 Tebea bi mu kommye**

Ɔfa yi ne akenkan mu kommye a yeahwe no wɔ ade soronko bi a edi nse, eno ne se n'abien no nyinaa mu wɔ nkitahodi mu no nnipakuw na yehu se wode kommye di dwumadi wɔ won mu. Nea etew nkyem abien yi ntem ne se akenkan mu kommye mu no kasafɔ no kenkan akenkansɛm pɔtee bi wɔ kommye kwan so nanso ɔfa yi de kasafɔ no nkenkan akenkansɛm biara bere a ɔda kommye nneyee no adi. Afei nso, eba no akenkan mu kommye a yetumi hu akenkansɛm bi nanso tebea bi mu kommye de yehu akenkansɛm biara te se nea yehu no wɔ akenkan mu kommye mu no. Ɔfa yi mu no mpɛn pii no eye a ankoreankore bi na ɔda saa kommye nneyee no adi, ne titiriw ne bere a nipa ko no ka nnipadɔm bi ho anaa ɔfra kuw bi mu wɔ beae bi. Mmee ahorow binom te se nsɔre, nsennibea, sukuu ahorow mu, nhoma akenkanbea/laibri, ayaresabea, ayiyɛbea, akono, nnaduafi mu ne ayaresabea a wohwe adwenmuyarefo (Bruneau, 1973:41).

Bere bi nso a yetumi hu kommye nneyee no bi ne afoofi nkae da bi te se yeresi frankaa anaa asraafɔ nkaeda bi. Esiane se akenkansɛm biara nni tebea yi mu kommye su mu nti, Kurzon ka se eno bema mmee ahorow a yeabobɔ so bi afi mu efise saa fa yi mu no kasafɔ nkenkan akenkansɛm biara bere a waye dinn no. Migye di se ebeye mmee bi te se sukuu, nhoma akenkanbea ne nsɔre na Kurzon repɛ akyere.

Nhweso bi a Kurzon de mae wɔ ɔfa yi ase bi ne se nnipa bi gye bere anaa da bi de ye dinn ma atitiriw binom a wɔanya wɔn baabi kɔ, se ebia *Armistce Day (UK)* anaa *Veterans' Day (US)* wɔ Obubuo bosome da eto so du-biako (Gregory, 1994). Kurzon kyere se, nkaeda dwumadi bi te se nea yeaka yi reko so na kasafɔ bi wɔ dwumadi no ase bi a, saa nipa no nso ye dinn no bi de boa botae no. Eyi nti saa nipa no kommye nneye no ye boapaye. Na mmom kwan bi so na kasafɔ no kopue dwumadi bi saa ase a wansusu a, saa nipa kommye a ɔye no nye boapaye, esiane se enye ne pe na ɔde puee dwumadi no ase. Se saa nipa no ampene anye dinn na mmom ɔkasa anaa ɔye dede nso a ebeye se wamfa nnidi amma nea nnidi se no a eye suban bi a wɔnsosɔ so wɔ wɔn mpɔtam (Bruneau, 1973:42).

Eba no *Quaker* kuw no mu nnipa adeye nso a, eye wɔn som no mu adeye se wɔbeye dinn fi n'ahyese de kopue wɔn som no awiei. Wɔn sɔre mu no wɔye dinn ma wɔn adwen no tumi dwen nneema a ede mpegya ba, a Louis (1994) frɛe saa nneye no se *Ɔsɔre mu kommye*. Esiane se kommye no ye ekuw no mu nhyehye nti, amammere no na ehye kuw mma no ma wɔye dinn, na se kuw ba bi ye foforo wɔ kuw no mu a ema kommye a kuw ba no da no adi no nye boapaye, kɔpem se ɔno ankasa begye ato mu na nna bi akyi a ɔbegye nhini wɔ kuw no mu no, ɔno ankasa behu hia a ehia se ɔhyeda ye dinn. Eno ansa na yebetumi agye ato mu se kommye no ye boapaye. Na esiane se wɔ wɔn kommye tebea no mu no wɔmpɛ se biribi anaa obi bedwan wɔn aso mu nti, eyi nso yebetumi aka se kasafɔ no adwen nni ne ho so saa bere dɔn no mu.

#### **2.4 Kommye dwumadi wɔ nkitahodi mu**

Kommye nneye a epue wɔ nkitahodi ahorow nyinaa mu no kura nkyerease, eyi ne ade biako a ese se yehye no nso. Na saa ntease ahorow yinom a kommye de ba no na enam

so boa ma kasafo bi tumi de n'adwenkyere a ɔpe se ɔde to gua no wie mudi. Ntease ahorow a kommye de ba wɔ nkitahodi mu no nso bɔ kwan to hɔ ma yenya dwumadi ahorow a yetumi de kommye di wɔ yen daadaa asetena mu nkitahodi mu. Basil a ofi Caesarea ka senea Kyerewsem se se, se kommye bi bedi mu anaa nso se ebewie papa a na ne nnyinaso ne nipa ko a ɔda saa nneyee no adi ne tebea ko mu a saa nneyee no kɔ so (Silva, 2005, p.387). Mmere bi a atwam no, na nnipa pii no ara wɔ adwen bi se se eba no kommye wɔ nkitahodi mu a ne dwuma pa ara etumi di ne se ebepue wɔ bere a nkɔmmɔtwetwe bi rekɔ so na yeregye ahome anaase yerehome kasa bi so. Eyi nso tumi kyere se yetumi de toto ahye wɔ kasa tenten bi mu. Binom nso po wɔ kommye ho adwempɔw bi se yehu kommye bere a yennya biribi nka wɔ nkɔmmɔdi bi mu (Levinson, 1983), anaa bere santen a yente kasa anaa nso obi nka nsem biara wɔ nkitahodi bi mu (Zuo, 2002, p.4, Tannen & Saville-Troike, 1985).

Adwenkyere yi nyinaa akyi no, Tatar (2005) gye apene ka se kommye ye nkitahodi mu akwan ahorow no mu biako a obi tumi fa so yi nsem ano wɔ nkɔmmɔdi mu. Akyinnye biara nni ho se yekan kommye ka nkitahodi mu nhyehyee no ho, nanso se eba no eho mfasode anaa ne dwumadi wɔ yen daa asetena mu amammere mu a, ekowie se kokuroboti a yesan ho bɔ pɔw a enye yiye (Agyekum, 2002, p.34). Se yebete kommye dwumadi ase yiye na yegah ne dwumadi ahorow a etumi di nso a, na ebehia se yedi kan hu senea nnipakuw ahorow no mu biara si fa de di wɔn dwuma, anaa senea wote ase fa wɔ wɔn asetena mu (Carbaugh, 2010).

Mfatoho bi te se senea kommye dwumadi te wɔ United State (US) mu no, nnipa dodow no ara a wɔwɔ hɔ no nhyeda nnye kommye nneyee no ntom anaa ne dwumadi ho nsunsuanso wɔ fam koraa wɔ wɔn asetena mu, na eba no se wode redi dwuma wɔ nkitahodi mu nso a nkyerease a etaa de ba ara ye se wode ye nsenkyerenne wɔ agyinas

bi ho de kyere se wampene nsusui anaa adwenkyere bi so. Wotumi nso fa saa nneyee kwan no so de gye bere dwennwen asem bi a eda pono so ho, senea ebeye a wobetumi anya anoyi a ese fata ma asem anaa asemmisa bi ho na ankofa nsunsuanso bone biara amma. Nti eyi di adanse se yetumi de nkitahodi mu kommye nneyee no boa si agyina wo asem bi ho, san nso tumi de boa fa adwen wo asem bi anoyi anaa adwenkyere ho.

Esiane se United State (US) kurow mma ntaa mfa kommye nni won nkitahodi mu afra mpen pii nti, wotaa de nsem anaa kasa dodow no ara na edi dwuma wo won nkitahodi mu senea ebeye a nsunsuanso bone bi a wosuw se kommye nneyee tumi de ba wo nkommodi mu no nsi (Baltezarevic et al, 2022, p.58-73). Aman ahorow binom a wowa mmeae bi te se Asia ne Scandinavia mu no bu kommye se fapem titiriw pa ara wo won asetena mu nkitahodi mu. Scandinavia mu nnipakuw no mmu kommye se eye kommye bi keke, mmom eye won asetena mu nneyee bi a esan nso boa twe won ben abode mu nneema ho ma wotumi nya mu ntease mapa. Asia aman no mu bi te se Japanman no mu nnipa tumi nam saa kwan no so ka won ho won ho bom a emu do yiye wo won Buddhasom no mu (Broner-Bauer, 1998). Esiane se kommye di mu yiye ma Japanman no mu nnipa asetena mu nti, mpen pii no se won ne obi foforo retwetwe nkommoo na saa nipa ko no ntaa nnye bere nhome wo nkommotwetwe no mu anaase onye dinn a, wodwen fa saa nipa no ho se ne nsem no nni mu biara, na mpo ebia n'adwen afi nea orekeka no so. Wosan nso nam kommye so de kyere nnidi a wowa ma ofoforo bi asem bi a ode ato gua, na wosan ka koraa po nso se asem biara a yebu no se edi mu no wonam kommye kwan so na ede to gua (Shafik, 2011, p.451). Bere a yetumi nam kommye so se anoyi ma asem bi no, yetumi nso de saa nneyee koro no ara nso kyere pene a obi mpene nsusui anaa adwenkyere bi so.



Agyekum (2002) kyerem se kommye tumi boa de ntotoe ne perepereye ba Akanfo asetena mu ne won ayonkofa a ededa won ntam, se ebia dibere bi a obi kura, n'asede a ese se oye ne mfi a nipa no adi. Eye nokware se nipa bi dibere wo ne mpotam tumi ka no ma enye nsem biara na obetumi ayi ano, nkanka ne se eye begua mu adeye. Min (2016) de yen bowura sukuu mu kyerekyere dwuma ahorow a adesuafo de kommye di ne ho nsunsuanso binom. Okyere se enye nwanwa na afei nso edi se eba saa se yebehu se kommye ate asi adesua dan bi mu bere a wokyere Borfo kasa ho adesua. Min ankyere nea nti patee a ode saa asem yi too gua, nanso misusuw se esiane se Borfo adesuafo no nye won kurom kasa, na ebia kasa no mu nhyehyee no ye won ade afoforo nti, na ebehia se woye aso wo kommye kwan so. Otoa so ma mfatoho bi se ebia okyerekyerani abisa adesuafo adesua no ho asem anaa wama won kuw dwumadi bi no, adesuafo no tumi ye dinn a ogye to mu se saa nneyee no di adanse anaa eye nsenkyeranne a ekyerere se adesuafo no redwen dwuma a yede ama won no ape mmuae a ese fata. Adesuafo kommye a woye bere a adesua bi rekwo so nso betumi ama nkyerease afoforo bi nso. Etumi ba se nkyerekyerem a kyerekyerani no de ma fa adesuafo no ho no nmu adesuafo no ntease mu yiye, eno nti na ema woye dinn. Etumi nso ba se suro a ahye won mma se woyi won ho anim se wokoyi asemmisa bi ano na ankwo yiye a, aniwu ne animguase a ewo mu no nti wommue won ano nkasa mpo na nkantom saa nsunsuanso no aba won so.

Jensen yee nhwehwem bi afe 1973 mu, na eno mu na ode kommye dwumadi a etumi ko so wo nnipa ntam nkitahodi mu ahorow nnum betoo gua. Nhwehwem no mu no, edaa adi se kommye tumi boa de nkabom ba adwo baanu a wote baabi nkitahodi mu ntam; etumi boa de nsunsuanso pa ba obi a biribi hye ne so nya akomatoyam anaa nkuranhye; enam saa kwan no so ma obi tumi de nsem bi sie anaa yi nsem bi adi anaa nso de fa nsem bi ho adwen; yetumi nam saa nneyee no so de kyere yen gyinabea wo asem bi ho,



sɛ yɛgye to mu anaa nso yɛmpene so; yetumi nso nam so fi ase de yɛn adwen si dwumadi bi so. Jensen (1973) nko ntumi nyɛ dwuma a kommyɛ tumi di nyinaa, mmom Sifianou (1997) nso boa de kommyɛ dwumadi no bi toa so. Sifianou da no adi sɛ beae a kasa anaa dede nni no na kommyɛ si n'anana mu (eyi yɛ kommyɛ su titiriw biako a ɛkyerɛ sɛ kommyɛ abirabɔ ne dedeyɛ), anaa wɔde home kasa so bere a nkɔmmɔtwetwe bi rekɔ so. Jaworski (1997) gyina kommyɛ dwumadi wɔ nkitahodi mu kyɛ kommyɛ mu ahorow sɛ yɛde home kasa so, ɛkyerɛ sɛ obi mpɛ sɛ ɔkasa anaa ɔka biribi, anaa ɛkyerɛ sɛ obi anyi asem bi ano.

Sim (2007) ka sɛ ɛtɔ bere bi a nnipa tumi nam dedeyɛ nneyɛɛ so de kyere tumi a wɔwɔ, na wotumi de di dwuma sɛ akode de pere pɛ ade bi a wɔpɛ. Esiane sɛ kommyɛ yɛ dedeyɛ abirabɔ nti sɛ obi antumi anyɛ dede wɔ asem bi ho anaa tebea bi mu na ɔyɛ dinn a, ɛkyerɛ sɛ ehu anaa ayamhyehye atɔ saa nipa no so. Nti edi adanse sɛ ɛtɔ bere bi wɔ tebea binom nso mu a kommyɛ tumi kyere mmerɛwɛ, ehu anaa ayamhyehye. Wardhaugh (1985) bobɔ kommyɛ dwumadi ahorow binom so. Ɔkyerɛm sɛ yetumi nam kommyɛ nneyɛɛ no so sɔ tebea bi ano senea ɛbeyɛ a ɛnnye nsem. Ɖba no gyidi nsɛnsɛm mu nso a asomfo no tumi nam kommyɛ so ne wɔn nyame nya nkitahodi; wotumi nam kommyɛ so nso de pere tumi; wɔnam so de dwennwen nsem bi ho; etumi nso sɛ nkitahodi bi a ɛrekɔ so wɔ nnipa bi ntam, etumi de ayɔnkofa ba (Sifianou, 1997); etumi nso yɛ nsɛnkyerɛnne a ɛkyerɛ sɛ ntease aba wɔ asem bi a ɛrekɔ so ho wɔ bere a yɛamfa kasa anaa nsem biara ankyerɛm; ɛyɛ akwannya a kasafo bi fa so de ne nsem bi to gua ma atiefo te ase. Eyinom ne Wardhaugh kyɛfa a ɔde too gua fa dwumadi ahorow a kommyɛ tumi di wɔ nkitahodi mu.

### 2.4.1 Kommye dwumadi wɔ mmeae ahorow bi

Ɔfa yi ase beɔta so de dwumadi ahorow a yetumi de kommye di wɔ nkitahodi mu ho mpensempensem ato gua. Eyi ye nhwehwem a “*British Association for Counseling and Psychotherapy*” (BACP, 2016) de too gua faa kommye ho. Yebehwe amanebo no afa ahorow binom te se, osom anaa gyidi kwan so; ne dwumadi a edi wɔ nnwumakuw mu; senea ete wɔ amammere ahorow nkitahodi mu; senea ete eba no kasa mu ahonidi mu; senea ete wɔ yen asetena mu nkitahodi mu.

#### 2.4.1.1 Osom / Gyidi mu

Akyinnyegyebiara nni ho se eba no osom mu anaa gyidi ho nsemsem mu a kommye ye nneye biako a edi akoten wɔ asomfo no ne won nyame ntam pa ara yiye. nti senea yeadi kan ahwe afa *Quaker* kuw no mu nnipa adeye ho no wɔ ofa 2.3.5 mu no, efa won kommye a wode di dwuma wɔ won som mu, fi n'ahyase de kopem n'awiei. Saa kommye a woda no adi wɔ won som dwumadi mu no kyere obu ne nnidi a asomfo no wɔ de ma won nyame a wosom no. Enye nsore nyinaa na won adeye te se *Quaker* kuw no mu nnipa de, nsore binom te se Pentecost asore no mu som dwumadi taa de dedeye ne kasa dodow no ara na edi won dwuma mpem pii bere a wahaia mu. Szuchewycz (1997) kamfo se eba no kommye a agyidifo de dwennwen bere a wahaia som won nyame no a, eye ade biako a eho hia yiye na eboa ma wonyin honhom mu. Na se ekoba se osom no mu no kasa betwam a, etumi sianka won nkitahodi a won ne won nyame renya no.

Kommye tumi boa yiye ma nnipa binom wura tebea foforo mu bere a worennya adwen mu nkitahodi, na esan nso ye akade a eboa wɔ mpaebɔ bere mu. BACP (2016) kɔ so kyere kommye ho dwumadi binom se, eye akwannya a nnipa binom fa so de dwennwen

asem bi a obi de ato gua ho anaa de saa don no kenkan wo mpaebo nhyiam bere mu, na ema akwannya ma nnipakuw bi tumi ye biako wo gyidi kwan so a eboa ma wotumi ne won nyame nya nkitahodi. Bere a binom nam kommye so de adwenpaw bi to gua no, esan nso boa ma nsem bi ho nsusui ko so wo ti mu ansa na obi abue n'ano aka nea ope se ode to gua.

Eba no abeefo gyidisom afa mu nso a, wotumi de kommye nneyee no ye nsenkyerenne bi de kyere ahodwiri wo anwanwade bi a asi ho anaa de kyere aniso wo biribi a ako so ho. Eye ahyede ma kuw mma a wowo kuw bi te se *Amish* ne *Jesuit* mu se bere biara wode kommye bedi won som mu dwumadi afra. King (2013) kyere se Confucius som no wo nsunsuanso kese pa ara wo Japanman no mu nnipa so, na asan nso aboa ahyehye asetena bi a ama wuhu kommye se eye nneyee pa. BACP (2016) ka se nne yi ewom se Confucius som no nnyina ne nan so te se ne kan no wo Japanman no mu de, nanso osom no mu gyidi ne nhyehye a efa kommye ho no da so ko so wo omanfo no asetena mu. Se yehwe Buddha som no adeye mu nso a, wogye di yiye se won asomdwoe fapem pa ara ne kommye, ne titiriw ne bere a wode won adwen asi biribi so dwennwen ho wo kommye kwan so. Hindu som no mu nnipa nso nam saa kwan yi ara so tew won ho.

#### **2.4.1.2 Nnwumakuw mu**

Ofa yi ase no, BACP (2016) ma yete ase se yetumi nso nam kommye nneyee so de ye nhyehye ma nkitahodi bi. Eyi boa ma bere a nkitahodi bi rekwo so no akasafo no tumi de home kasa so ma kasafo foforo bi nso toa so de fi nea ohomee so no de sii. Jefferson (2004) susuw se eba no America Atifi aman no mu nnipa no adeye mu a, se wohome kasa so bere a nkommotwetwe no rekwo so na oma kommye no di mmere boro beye sima biako ne fa a, eye nsenkyerenne a edi adanse se biribi abesee asem a woredi ho nkommo

saa dɔn no mu nti afei wobetumi po de nkɔmmɔ foforo bi aba ama wɔadi. Dendrinos ne Pedro (1997) nsusui ne Jefferson de no bɔ abira, ka sɛ kommyɛ mmom sianka kasa mu nhomeso sen sɛ ɛboa wɔ nkitahodi mu. Me ne Jefferson beyɛ adwen sɛ sɛ nkɔmmɔdi rekɔ so na kasa no mu nhomeso no di boro mmere dodow a ɔkyerɛ no a, etumi ma nkitahodi mu nkenyan ne ntease no tɔ sin.

#### **2.4.1.3 Nnipakuw ahorow nkitahodi mu**

Sɛ yɛreyɛ nhwehwɛm afa kommyɛ ho apɛ ne nkyerɛase mapa ahu sɛnea ne su te pa ara a, ɛsɛ sɛ yɛma yɛn adwen kɔ kwan a nnipakuw anaa mmusuakuw ahorow no de di dwuma wɔ wɔn asetena mu (King, 2013). Na sɛ yewura nnipakuw ahorow no mu biara amammere mu nso a, ɛda adi sɛ kommyɛ nkyerɛase anaa ne dwumadi da nso wɔ emu biara mu a ebi yɛ nsɛnkyerɛnne a ɛkyerɛ obu na ɛsan nso tumi kyere apene wɔ asem bi ho (Jandt, 2015). Eyi di adanse sɛ nnipakuw bi asetena mu adeye anaa amammere na ɛboa ma yetumi kyere kommyɛ bi ase anaa nso sɛ yede hu sɛnea kommyɛ dwumadi si fa te, na ne nkyerɛase wɔ beae bi no da nso fi foforo bi de ho. Eyi nti sɛnea ɛbeyɛ na ntawantawa biara mma mmusuakuw bi ntam no, ɛho behia sɛ yebuebue ntease ahorow ne ne dwumadi a edi wɔ mmeae ahorow nyinaa so.

Yɛhwɛ aman ahorow binom a wɔwɔ Atɔɛ fa mu bi te sɛ England ne aman nkae no a, sɛ obi da kommyɛ nneyɛɛ no adi wɔ nkitahodi mu a na ɛyɛ nsɛnkyerɛnne a ɛkyerɛ sɛ saa nipa ko no ahoɔden anaa tumi aba fam anaase wapa aba. Aman ahorow pii no a wɔwɔ Atɔɛ fa mu no taa de kasa di dwuma pii wɔ wɔn nkitahodi ahorow nyinaa mu. Nanso sɛ ɛba no Apue fam aman no nso a wɔde kommyɛ ne kasa nyinaa di afra wɔ wɔn nkitahodi mu, na kommyɛ titiriw yɛ ade a edi mu ma wɔn wɔ wɔ asetena mu.

Kommye tumi da su bi adi a ekyere nkabom te se asomdwoe ne nkabom adeye afoforo bi nanso esan nso tumi ye kwan a nnipa tumi fa so de kyere se won bo nnwo asem bi anaa agyinas bi a ereko so ho. BACP (2016) ka se kommye nneye no tumi ye akwannya bi a se obi mpe se n'anim begu ase wo nnipadom bi anim anaa ne ferefo anim a, saa nipa no tumi da kommye nneye adi. Hofstede (1997, p.126) kyere bere a obi mpe se n'anim begu ase tebea no mu se, eye ayonkofa mapa a eda obi ne n'atenae mu nnipa ntam, na saa ayonkofa no sommo ma saa nipa no ne n'abusua nyinaa. Nti senea animha ne animguase nam no, saa ara nso na animduru ne anuonyam nam. Se obi anim beye duru anaa enye no begyina kwan a yede kommye di dwuma fa ne ntease ahorow a ede ba. Basso (1990) gye di se ekoba se obi kopue mpotam bi mu se onanani a, ebeye se ommue n'ano nkasa ansa sen se obekasa nnipa ho animanim no ara. Basso nhwehwem dwumadi yi ko so wo Western Apache nnipakuw no asetenam a wogye di se eye won asetena mu nhyehye se ense se wakasa ohoho biara a waba kurow no mu foforo. Yedi kan ahye saa nsem yin so dedaw wo ofa 2.1 mu.

Jandt (2015) kyere se, eba no United State man no mu nnipa asetena mu a, wuhu kommye se nsenkyerenne bi a ekyere se obi were afi ne ho anaa n'ani nni ade bi a oreye so anaase wat mmum. Nhwehwem ada no adi wo US man no mu se bere biara omanfo no wo ohye bi ase se ese se wode kasa anaa nsemfua mmom di nkitaho, esiane se wowo obu kese de ma won a wotumi de kasa anaa nsemfua di nkitaho (Jandt, 2015). Eyi nti saa nnipakuw yi gye di se wo nkitahodi mu no se wotaa ye dinn pii a na eye adansedi a ekyere se wusuro nipa anim kasa.

#### **2.4.1.4 Kasa mu ahonidi mu**

Ɛfa kommye ho nsem a ekasa fa nipa din ho nsem anaa n'anuonyam ho wɔ ne mpɔtam ho a, Brown ne Levinson (1987) susuw se eye okwan biako a yetumi fa so de so anamon biara a ebetumi de nipa dinsɛe anaa animguase aba ano. Nti se ekɔba se asem bi si na nea esɛ se okasa no ammue n'ano ye dinn a, ɛma saa animguase a anka enam anoyi no so de beba no ano si. Eyi kyere se etɔ bere bi a ebehia se yebeye dinn wɔ tebea bi mu sen se yebebue yen ano aka biribi a ede nsunsuanso bone beba akyiri. Etɔ bere bi nso a kommye tumi kyere obu ne nnidi mpɛmpɛnso a obi wɔ. Me ne BACP (2016) ye adwenko se enye mmere nyinaa na kommye tumi di dwuma kyere obu ne nnidi bere a yekura yen mmudi mu se ebeye a dinsɛe anaa animguasede biara nto yen, na mmom yetumi da kommye nneyee no adi de kyere fere. Mfatoho bi te se obi akye obi ade na ogyefo no antumi ammue n'ano ana ase saa don no mu. Kommye a ogyefo no da no adi no betumi akyere se ofere ade nti na enye se obu ade ma no boro so. Kommye san nso tumi ye adansedi a akyere nyiyimu. Nti eyi twe adwen si so hia a ehia se yebɛbo yen ho mmɔden ayeye nhwehwɛm ahorow no ara na aboa ma yeahu nkyerem ahorow a kommye tumi de ba wɔ bere ne tebea ahorow mu.

#### **2.4.1.5 Asetenam kasasua mu**

Tannen (1985) kyee kommye ho nsunsuanso a etumi de ba akuw abien; nea ede nsunsuanso pa ba ne nea ede nsunsuanso bone ba. Eba no nsunsuanso pa fa mu a na orepɛ akyere se tebea bi mu a obi nko ara te baabi refa adwen wɔ biribi a ope se oye ho, anaa obi te ho dinn dwennwen ne kommye a ekɔ so bere a adɔfo binom faako wɔ baabi, na won mu biara nkasa. Eyinom ne mfatoho binom a Tannen de kyerekyerɛ nsunsuanso pa a kommye tumi de ba a ne nyinaa mu no wonam kommye so ne ade bi a wɔrehwehwe anaa wɔpe tumi nya nkitahodi a edi mu. Efa nsunsuanso bone ho no, mpen

pii no okyere se emfa akwahosan mma nipa afa mu. Mpen pii no kasa a yenam nsem so no beye ahiade wo yen nkitahodi mu nti se ekoba se yeamfa anni dwuma bere a ese mu a na ereko akoye se sinto bi aba wo nkitahodi no mu. Saa kwan yi so na ema binom susuw se kommye mfa nsunsuanso pa biara mma. Nkyerekyerem yi ne Jensen (1973) nhwehwem a efa kommye dwumadi ahoro ho no di nse. Botae ankasa a na esi Tannen ani so wo ne dwumadi no ho ye se ebewwe senea nnipakuw ahoro si fa hu kommye wo won asetena mu, susuw senea kommye nkyerekyerem ne ne nkyerease te wo tebea bi mu.

Saville-Troike (1985) nso dii nhwehwem dwumadi faa kommye ho kyekyee mu afaasa; kommye a yena no wo nnwuma mu, se ebia nsore dan mu anaa beae a adesuafo tumi kosua ade/laibri, asoe so ne ade; kommye a yena no esiane senea asetena mu nhyehyee anaa amammere bi te, se ebia yetumi ka obi kasabo hye te se nea mpen pii awofe binom mma won mma mmue won ano nkasa bere mpanyimfo ahyia redi nkomm; nea yena no wo ankoreankore adeye kwan so, na eno nso wo nkyekyem abien; kommye a ewo nkitahodi mu a ene dibere anaa tebea bi wo twaka. Nkyem a eto so abien no ye kommye a yenu no nkitahodi mu se ebia obi dwennwen biribi ho, na wo saa abien yi ase mpo no Saville-Troike san nso kyekyee mu ahoro abiesa a enonom ne kommye a yefa so de di nkomm se ebia mpaeb mu, kommye a yedi si agyina se ebia yepene anaa yegye biribi to mu, ne kommye a yede kyere biribi. Osan nso de adwenmusem kommye a etumi kofa animguase ne aniwu to gua. Saville-Troike dwumadi nkyekyem yi da no adi ma yehu kommye nkyekyem ahoro pii a yetumi nam ne dwumadi so nya.

Jaworski (1997) san nso hwee kommye a eye a ne ntease ehinta ho. Okyerekyere se eto bere bi a kommye tumi kyere se yesi obi ho kwan wo kasa ho, anaa se eye akyiwade se obi bekasa bere potee bi mu anaa nso se ankoreankore bi nni tumi se okasa. Dendrinis

& Pedro (1997) ne Lakoff (1995) kyere se ekoba se yede kommye redi dwuma wo nkommotwetwe bi a ebetumi akwere se yeama obi tumi. Na se ekoba nso se obi rekyere n'adwen wo nkitahodi bi mu na obi betwitwa n'anan mu a na erepe akwere se nea arekasa no nsem no nhia anaa eso nni mfaso biara. Eto bere bi nso a obi tumi mua n'ano wo asemmisa bi ho a eno nso kyere tumi na ekwere se asemmisa bi mfa kwan mu anaa enni mu. Se obi ye dinn bere a wahu obi foforo a etumi kyere se onhuu ne so nipa anaa onhyee ne nso a eno nso tumi kowie nnipa mu nyiyimu. Braithwaite (1990) ne won a wowa gyidi bi se kommye tumi kyere mmerewe wo nkitahodi mu ye adwen, nanso osan nso susuw se se obi nni saa ahoden no a saa nnipa no ye won a won ntaa nkasa. Eba no kommye se yede redi dwuma a, mmarima taa gyina eno so de kyere senea nkitahodi bi nko so, nanso eba no mmea afa mu de a ehye won so ma wode ye adwumaden esiane won kommye nti. Na se mmea yi de kommye no ko so di dwuma a emma won dibere se asomfo no kye yiye anaa eka akwi a emma won akwannya mma yentumi nte won nka anaa mfa won adwenkyere nto gua (Henley, 1977).

## 2.5 Tiori-Speech Act Theory

Tiori a nhwehwemfo no gyina so se ahwehweniwa de yee nhwehwem yi mpensempensem no ne *Speech Act Theory* (SAT). Senea nhwehwem yi bobere anaa ne su te no, na anka tiori afoforo binom te se "*Theory of Politeness*" a Brown ne Levinson de bae afe 1978 mu ne "*Spiral of silence*" a Noelle-Neumann wo afe 1974 mu no betumi aboa wo nhwehwem yi mpensempensem de, nanso "*Speech Act Theory*" (SAT) no ne tiori a migye di se ebetumi aboa pa ara yiye ama dwumadi yi mpensempensem no awie mudi.



SAT yɛ tiɔri bi a ɛhwɛ kasa a nipa ka sɛ anamɔntu sen sɛ yehu no sɛ ɔkwan bi a yɛfa so de nsem to baguam de yen adwenkyerɛ to gua. Eyɛ tiɔri a ɛhwɛ sɛ ɛbɛboa apɛnsɛmpɛnsɛm dwuma a kasa a nipa ka no atumi adi mu. SAT tiɔri no baa abɔnten afe 1975 mu a nea ɔde tiɔri no bae ne John L. Austin a ɔyɛ kasa ho adesua mu kunini wɔ Britain. Afe a yeadi kan abɔ so dedaw no mu no Austin kyerɛw nhoma bi a ɛbɛgyee din pa ara a ɔtoo din sɛ “*How do things with words*” a asekyerɛ ne sɛ senea yɛde nsemfua anaa nsem di dwuma, a saa nhoma yi mu na SAT yi dii kan daa ne ho adi wɔ mu. Eyi akyi no, John Searle a na ɔyɛ J. L. Austin suani mapa no nso bɛsɔɔ SAT no mu boa pegyaa ɛho nkyerɛkyerɛm no maa tiɔri no begyinaa yiye. Mabaquiao (2018) kyere sɛ SAT gyina a agyina nne yi nyinaa fi J. L. Austin ne John Searle mmɔdemmo a wɔn baanu no bɛe nti. ɔkyerɛm sɛ Austin na edii kan de tiɔri no bae, na esiane sɛ na kwan deda dwumadi no mu a ebetumi ama kwan ama animdefo binom akasa ho pii nti, Searle a na saa bere no ɔyɛ Austin suani no toaa so de nkyerɛkyerɛm kaa dwuma a Austin hyɛ ase no ho maa tiɔri no begyinae. Adesua fa mu a saa tiɔri yi tumi di dwuma yiye wɔ mu pa ara ne kasasua mu. Austin na edii kan de nsem no bɛtoo gua sɛ eyɛ na sɛ nnipa kasa a, ɛnkyerɛ sɛ ɔde adwempɔw nko ara na ɛreto gua na mmom ɛsan nso kyere anamɔntu bi anaa ɛkyerɛ anaa ɛhyɛ sɛ obi nyɛ ade bi. Na animdefo binom a wɔne Austin yɛɛ adwen wɔ saa kwan no so nso dɔɔ mu asukɔ wɔ adesua no mu.

Ɛba no wɔn a wonim kasasua ho nimde nkitahodi mu a, nsem a wɔka nyinaa kyere anamɔntu anaa ɛkyerɛ sɛ obi nyɛ biribi. Adi kan ada adi dedaw sɛ nkitahodi mu no yɛwɔ nkyekyem anaa ne nhyehyɛe ahorow bi te sɛ nsemfua, ahyensode ahorow, ɔkasamu ne nea ɛkeka ho a ɛboa ma nkitahodi bi di mu nanso SAT na esii so dua sɛ nkitahodi mu akwaa ahorow anaa ne nhyehyɛe a ɛma nkitahodi bi kɔ so yiye no ne nsemfua ne ahyensode ahorow a yɛde di dwuma wɔ mu. SAT asem nyinaa ne sɛ, kasa anaa nsem a eyɛ a mpɛn pii yɛka no wɔ nkyerɛase pɔtee bi anaa ntease soronko bi ma nea ɔkaa asem

no ne nea ɔretie asem no nso, sen asem ko no nkyerɛase ankasa a ɛde to gua senea ɛte wɔ kasa ko no mu. Tiɔri yi toa so kyerɛkyerɛ sɛ ɛba no kasa anaa asenka a yɛwɔ no ahorow abien, eyi gyina nsunsuanso a ɛtaa asem anaa kasa no akyi anaa ɛde pue mu wɔ nkitahodi mu. Saa ahorow yinom ne *constative* ne *performative*. Saa kasa anaa nsenka ahorow yinom a yɛabobɔ so yi no, Austin bɔɔ mmɔden pensɛmpensɛm mu wɔ ne nhoma “*How to do things with words*” mu ma yehuu nsonsonoe a ɛda *constative* ne *performative* ntam.

Ɔdii kan kyerɛ *constative* no mu sɛ ɛyɛ kasa a ɛboa kyerɛkyerɛ anaa ɛda tebea bi adi, sɛ asem bi yɛ nokware anaase atoro. Nti adwen anaa nkyerɛase a ɛwɔ saa kasa no mu da ne ho adi prɛkɔpɛ. Nhweso bi a ɔde kyerɛkyerɛ mu ne nea edi so yi;

Ɔkyerɛkyerɛni no bisaa Olivia sɛ ɛyɛ ɔno na wawia tɔfɛ no anaa. Olivia bua sɛ “mmmmmm”. Ɛha yi, Austin kyerɛ sɛ Olivia nneyɛɛ anaa kasa a ɔkae no kyerɛ anoyi a ɔde rema ne kyerɛkyerɛni no asemmisa a obisae no, sɛ asem no yɛ yiw sɛ ɔno na ɔfaa tɔfɛ no anaase daabi, ɛnyɛ ɔno na ɔfae.

Austin toa so kyerɛ *performative* nso mu sɛ ɛyɛ kasa a ɛnkyerɛkyerɛ tebea biara mu, senea yɛahu wɔ *kɔnstatif* mu no, na mmom ɛha yi kasa no mu nsɛm anaa kasamu no mu fa baabi no wɔ ne nkyerɛase a ɛno ankasa de nam, nna atenka, suban ne adwen ahorow a nea ɔreda nneyɛɛ no adi no nso wɔ mu no de ne nkyerɛase soronko nam, a eyi ne nea ɛyɛ nnyinaso wɔ ɔfa yi mu. Eyi nso kyerɛ sɛ, kasafo no nsɛm a ɔde to gua no kyerɛ anamɔntu bi anaa ɛde nsunsuanso bi ba wɔ asem no ka awiei. Nhweso bi ne nea edi so yi;

Bane ne Sarah anantew akye beyɛ mfe anan ni a wɔayɛ sɛ wɔbɛware. Da bi anwummere bi, Bane ne Sarah bɔɔ anan kɔɔ adidibea bi a ɛyɛ mpanyimfo anaa atitiriw de mu, na

Bane gyee aboɔden nsa a ɛwɔ hɔ saa bere no ma wɔnometee. Bane twe bɛn Sarah bisaa no sɛ, “*wobeware me?*” Sarah de anigye yii n’ano sɛ, “*Meye*”. Eha yi saa anoyi “*Meye*” a Sarah de mae no kyerɛ n’atenka, adwen ne tebea a na ɔwɔ mu wɔ saa bere no mu, na saa nneyɛe anaa asem no nso wɔ nkyerɛase pɔtee a ɛde to gua esiane bere ko a saa asem no tɔɔ gua nti.

Nhwɛso foforo bi nso ne bere a awarefo bi gyina sɔfo panyin anim na ɔrehyira aware no so, na afei adu mmere sɛ ɔka awarefo no bɔ mu korakora no, ɛye a ɔka sɛ, “*Afei meka mo baanu yi bɔ mu sɛ okunu ne ɔyere*”. Adwen ne atenka a etaa sɔfo no nsem no akyi wɔ saa dɔn no mu nkyerɛase a ɛde to gua da nso fi asem no ankasa ho.

Bio, adwuma mu panyin ahu sɛ nsem mone bi akɔ so na nea adwuma no ye ne de ka kyerɛ nea enam ne so de ɔhaw no bae no sɛ, “*Mayi wo adi!*”. Abufu ne adwen a edi asem a adwuma no mu panyin kae akyi no nko wɔ ne nkyerɛase a ɛde ne nsunsuanso ba.

Nkyekyem yi akyi no, Austin san nso kyee kasa anaa nsem a ye ka ho nsunsuanso mu ahorow abiɛsa. Eyinom ne *Locutionary*, *Illocutionary* ne *Perlocutionary*.

*Locutionary* ye nneyɛe bi a ɛkyerɛ sɛ obi ka biribi anaa ɔde adwen bi to gua (Sbisa, et al, 2011). Saa asem a obi de ato gua no wɔ ne nkyerɛase a ɛde ba na ɛsan nso de ntease ba asem bi a ye aka mu. Nhwɛso bi te sɛ, “*Metɔ aduan dii*”. Yebetumi aka sɛ asenka nhwɛso yi ye *locutionary* nneyɛe esiane sɛ ɛda adwen mu a ntease wɔ mu adi.

*Illocutionary* ye nneyɛe a ɛkyerɛ sɛ obi de asem bi reto gua anaase nneyɛe a etia adwenkyerɛ bi a ye de ato gua (Sbisa, et al, 2011). ɛye a na nsusui anaa ɔhye bi taa nsem a ɔkasafo no de reto gua no mu, nti mpen pii no saa kasa no wowɔ su ahorow binom

hyehye nsem no mu te se atenka, enne a yede ka asem no ne suban bi a etaa asem ko no akyi. *Illocutionary* ye nneyee bi a ekyere se obi reye biribi wo asem bi a ode ato gua mu anaa n'asenka bi mu a ebetumi akyere se nnipa no rehye bo, orehye obi ama no aye biribi, orebɔ obi kɔkɔ, orebisa asem, oreda ase, anaa oreka asem bi, a egyina nnipakuw bi kasa nhyehye so (Sbisa et al, 2011). Nhweso bi te se, “*Manoa aduan no awie.*” Yebetumi akyerem se, eye asenka bi na nipa no de reto gua keke, anaa okasafo no rekyere se won a kom de won no betumi abedidi anaase ebetumi akyere botae afoforo bi a epue wo nkitahodi mu.

*Perlocutionary* ye nneyee bi a mpen pii no ekofa nsunsuanso ahorow de ba atiefɔ no so. Nsunsuanso ahorow bi tumi ye adwennwen, adwen mu mfonitwa, ne atenka ahorow (Sbisa, et al, 2011). Saa nsunsuanso a nneyee yi de bre atiefɔ no ne ofa yi nnyinaso kese. Sbisa et al (2011) ka se *perlocutionary* nneyee no ye nneyee bi a ekyere se obi reye biribi bere a oreka asem bi, na etumi kyere se ebia oretwe adwen asi biribi anaa asem bi so, orema obi ani aba ne ho so wo ade bi ho, anaase orema obi aye biribi. Eyinom nyinaa gyina adwennusem anaa suban so a enam kasa anaa asenka so de ba. Nhweso bi te se, “*Manoa aduan no awie.*”, eyi ye asenka bi a ema atiefɔ no adwen ba won ho so, san nso ma wotu anamɔn bi.

*Speech Act Theory* ye tiɔri biako a animdefo a woakwadare wo kasasua mu de aye mpensempensem pii. Sundari (2014) kyerekyeree senea tiɔri no su te ne eho nsunsuanso a ewo eba no kasasua mu a. Ode kyerekyere nsonsonoe a eda kasa nneyee ahorow wo nnipakuw ahorow asetena mu, na ode kyere se nkitahodi mapa beko so a na ebegyina nkommɔdifo no ntease a wo wo so na afei nso ahonnidi ne obu kwan a wofa so de di won nkitaho no. Eyinom ne nkitahodi kwan mapa fapem a ebeboa ama adesuafo a woresua kasa bi no atumi de adi dwuma senea ese na efata.

*Speech Act Theory* ye adesuada a εboa de nkɔso ba kasa mu, ne titiriw ne nkitahodi mu. Etumi boa ma yetumi nya nkyerekyerem mapa wɔ nipa ne nipa ntam nkɔmmɔdi mu, sɛ ebia abofra ne ɔpanyin ntam, ɔyere ne okunu ntam ne ade, sɛnea εbeyɛ a enkɔfa mentemehoase biara mma nkɔmmɔdifo ntam. Afei nso, sɛ yetumi nya ntease wɔ kasa anaa nneyɛe bi mu bere a yɛde adwempɔw bi to gua a, eno beboa ma εde nsunsuanso pa abre nnipakuw bi so ne wɔn asetena mu nso.

Asem no ne sɛ, sɛ εkɔba sɛ kasa mu nneyɛe bi anaa kasa bi a ɔkasafɔ bi de reto gua no amma yiye a, εbeyɛ den sɛ yebetumi de tiɔri yi apensempensem saa asem ko no mu esiane adwempɔw no mu da a εna hɔ nti. Eyi betumi de ɔhaw aba ɔkasafɔ bi asem anaa adwenkyerɛ bi a ɔde reto gua mu. Mpo εkɔba sɛ obi ka asem bi na asem ko no wɔ nkyerɛase a εboro biako a, tiɔri no ntumi mma nkyerekyerem preko mfa saa asem ko no ho. Eɛda nkyerɛase a εboro biako, na ne sei nso na εma *Speech Act Theory* no tɔ sin kakra.


Ne tɔfabɔ mu no, migye di yiye sɛ *Speech Act Theory* na eyɛ tiɔri a εsɛ fata saa nhwehwem dwumadi yi, na εbeboa wɔ kommyɛ nneyɛe ahorow a epuepue wɔ mmeae ahorow a me nsa kaa mmoanosem no mpesempensem.

## TI ABIƐSA

### KWAN A MEFAA SO YƐƐ NHWEHWƐM NO

#### 3.0 Nnianim

Ɔfa a yeadu so yi wɔ nhwehwɛm dwumadi yi mu no beboa ama yeahu akwan ahorow a nea ɔredi nhwehwɛm no ho dwuma no faa so nyaa ne nsemmoano anaa fa so boaa nsem ano a ɔde yeƐ ne mpensempensem wɔ ti a ɛto so anan no mu. Ɔfa yi beda no adi ɔkwan a nhwehwɛmfo no faa so daa ne nhwehwɛm nsem no adi, na asan nso akyerɛ senea nhwehwɛmfo faa so de ne nsem no mu nkyerɛkyerɛm no too gua fae. Ɔfa yi besan nso ama yeahu nnipa dodow a nea ɔredi nhwehwɛm no ho dwuma de dii ano, kwan a ɔfaa so de yiyii nnipa dodow no a onyaa mmoanosem anaa ne nsem no fii wɔn nkyɛn, na afei nso kwan a ɔfaa so nyaa ne nsem no fii nnipa dodow no nkyɛn nso nkyerɛm ato gua. Beae a nhwehwɛm no kɔɔ so ne ho akwansrɛ ho nsem nso beda adi.



#### 3.1 Nhwehwɛm no su

Ɔkwan a mefaa so yeƐ anaa tuu saa nhwehwɛm dwumadi yi ho anamɔn ye nea yebo din sɛ *kwalitetif* anaa nea ɛfa ade bi anaa biribi su ho nkyerɛkyerɛm. Eyɛ ɔkwan bi a yɛfa so de nya nkyerɛkyerɛm a emu dɔ yiye fa nipa anaa ade bi su ho, asem bi ho anaa nso bere ne beae bi ho a ɛmfa nkontabu ho sɛ ebia nsem a yeatintim agu krataa so, nea yetie ne nea yɛhwɛ, na aboa ma yeanya ntease mapa wɔ adwenkyerɛ anaa adesuada bi ho, na yenam akwan ahorow binom so te sɛ ahwɛ, nkɔmmɔtwetwe ne nkrataa so boa saa nsem no ano. Eyɛ nea ɛfa nkyerɛkyerɛm a emu dɔ ho na yɛde ano da no adi ɛfa senea asem bi su te fa, na ɛnam nkɔmmɔtwetwe, ahwɛ ne sɔhwɛ ahorow kwan so boaboa nsem ano (Owu-Ewie, 2017: p.3). Eyi kyere sɛ, saa nhwehwɛm no nnyinaso pa ara ne sɛ ɛmfa mma anaa nkontabude nkyerɛkyerɛ anaa nni dwuma wɔ ne nsemmoano mpensempensem mu. *Kwalitetif* mpensempensem kwan yi boa ma yenya nkyerɛkyerɛm

mapa a efa senti a asem bi te nea ete anaa ohaw bi rekɔ so. Eyi nti enam akwan ahorow binom te se ohwe, nkɔmmɔtwetwe ne akwan afoforo bi so boa ma yetumi nya ntease fa nkyerease ahorow ne nsunsuanso a ewɔ kommye a epue wɔ yen daa nkitahodi mu.

Megyee apene wɔ saa kwan yi a yetumi fa so de ye mmoanosem anaa nsem mpensempensem efise migye di se eno na ebetumi aboa ma mehu nkyerease ahorow a kommye wɔ ne eho nsusnuanso nso a ede ba wɔ ankoreankore asetena mu. Se adesua yi botae no bewie mudi a, ebehia se yefa saa kwan yi so de pe nkyerekyerem mapa.

### **3.2 Beae a nhwehwem no kɔ so**

Mmoanosem anaa nsem a nea oreye nhwehwem no nya de yee ne nhwehwem no fi mmeae ahorow a nkitahodi taa kɔ so mpen pii no ara a kommye di ne dwuma nso wɔ ho. Mmeae ahorow yinom ne asore, sukuu, asennibea ne ahemfi. Mmeae yinom akyi no, mesan nso kɔ nnipa ankoreankore bi nkyen wɔ afiafi mu ne wɔn kɔtwetwee nkɔmmɔ faa wɔn suahu bi a wɔanya fa kommye ho wɔ abrabɔ mu. Eyinom nyinaa ye mmeae bi a ewowɔ Nkawkaw kurow no mu, Kwahu-West Mansin no mu. Nkawkaw ye Kwahu-West mansin no ahenkurow a ewɔ Apue Mantam mu wɔ Oman Ghana mu.

Nhwehwem akyerem se Nkawkaw ye kurow a ehye Kwahu mmepɔ no ase nti se wope se woforo mmepɔ no kohu nkurow nkae ahorow binom te se Obo, Mpraeso, Abetifi ne nkae binom a gye se wudi kan fa Nkawkaw kurow no mu ansa. Beae a Nkawkaw kurow no da no ye beae a egyina efi Nkran de besen kɔ Kumase, anaa efi Koforidua de kɔ Konongo kurow no so mfimfini. Eye kurow bi a emu nnipa fa kɔse no ara ye Akanfo a eka Kwa kasa ahorow no ho wɔ Abibrem Atɔe fa mu.

Ɛba no asɔre no a, misii agyina wɔ *The Church of Pentecost* so efise eye asɔre bi a aka nsɔre ahorow a ɛwɔ Nkawkaw kurow no mu ho na akye yiye na agye din, na wɔwɔ dɔm nso. Eye nsɔre dodow no mu biako a wɔtaa de kommye di afra pa ara wɔ wɔn som no mu adeye mu, na eyinom ne nnyinaso ahorow nti a misii agyinae se mɛfa saa asɔre no. *Adoagyiri Central* ye asɔre Pentecost no nkorabata ahorow no mu kɛse a ɛwɔ Nkawkaw kurow no mu a ɛben kurow no mu gua ahorow no mu biako a wɔfrɛ no Agbogbloshi wɔ Adoagyiri borɔno no mu. Esiane se eye asɔre no mu nkorabata ahorow no mu kɛse nti ɛhɔ na sɔfo panyin no taa som mpen dodow no ara, na ɛno nso nti asɔre mma dodow no ara som wɔ hɔ.

Sukuu a mekɔpɛɛ nsem wɔ hɔ ne Nkawkaw Senior High School (KAWSEC) a aka aban sukuu Fodoa Senior High School (FOSEC) ho wɔ Kwahu-West Mansin no mu. Ɛba no sukuu abien yi ntam a, KAWSEC ne nea akye yiye wɔ mansin no mu a wosii sukuu no wɔ afe 1969 mu, na ɔsan nso wɔ borɔno a wɔfrɛ no Apesika a ɛwɔ Nkawkaw kurow no mu. Eye sukuu a ɛfa adesuafo a wɔye mmea ne mmarima nyinaa, na wɔn dodow no wɔ soro yiye.

Afei nso, mede mansin mu hɔ asennibea biako a ɛwɔ Nkawkaw kurow no mu nso kaa ho kɔhwɛhwɛ kommye ho nsem a epue mu wɔ wɔn asennibere mu. Eye mansin asennibea a ɛhwe siesie ntawantawa a epue wɔ ɔmanfo a wɔwɔ kurow no mu. Ɛwɔ borɔnoo a wɔfrɛ no Accra town wɔ Nkawkaw kurow no mu.

Mesan nso bɔɔ anan kɔɔ mpanyin anim wɔ ahemfi kɔpɛɛ nsem faa kommye a eye a epue mu wɔ bere a wɔatena ase redi ɔmanfo nsem bi no. Ahemfi nso ye mmeae dodow no mu biako a minyaa me mmoanosem no bi wɔ hɔ. Nkawkaw kurow no ahemfi ne ne sɛso biako pɛ a ɛwɔ kurow no mu, na ɛwɔ borɔno a wɔfrɛ hɔ Adoagyiri bere a woyi fii beae a na ɛwɔ dedaw no.



Mmeae ahorow yinom akyi no, mesan nso ne nnipa binom nso nyaa nkɔmmɔtwetwe, bisaa wɔn suahunu ahorow a wɔanya wɔ abrabɔ mu ɛfa kommyɛ ho. Mekokɔɔ saa nnipa yi afi mu na me ne wɔn konyaa saa nkitahodi no.

### **3.3 Nhwɛhwɛm no nnipa dodow**

Nnipa dodow pɔtee a nea ɔreyɛ nhwɛhwɛm afa adesuade yi ho de yɛɛ nhwɛhwɛm no nyinaa ano si du a wɔn nyinaa wɔ Nkawkaw kurow no mu nanso wɔwɔwɔ borɔno ahorow soronko mu. Nnipa du a minyaa mmoanosem no fii wɔn hɔ no, emu baanum yɛ mmea na baanum a aka nso yɛ mmarima. Mpanyimfo a wɔn ani afi kakra a wɔwɔ mu no dodow yɛ baanum, wɔn a wɔn mfe wɔ bɛyɛ efi aduasa de kɔpɛm aduanan-nan nso dodow yɛ baasa, na dodow a wɔyɛ mmabun nso yɛ baanu. Meyɛɛ saa nyiyi mu no esiane sɛ na misusuw sɛ ebedi mu sɛ minya mmea ne mmarima a wɔn dodow no yɛ pɛ a ɛno bɛboa ama pɛpɛpɛyɛ aba wɔ nsusui ne adwenkyere a menya no mu. Nnipa dodow yi mfe a wɔwɔ no bɛyɛ efi dunwɔtwe kosi aduosia. Ɛba no nnipa dodow pɔtee a wɔwɔ mmeae ahorow a minyaa nsemmoano no fii a yɛabobɔ so dedaw no ho a, emu baanu fi asɔre hɔ a biako yɛ asɔre no mu panyin na biako nso yɛ asɔre ba. Nnipa baawɔtwe nkaɛ no nkyekyɛm na edidi so yi; baasa fi sukuu no mu (kyerɛkyerɛni biako na adesuafo baanu, ɔbea biako ne ɔbarima biako), biako fi ahemfi (ɛyɛ ahemfi hɔ akyeame hene), biako nso fi asennibea hɔ nna baasa nso yɛ nnipa binom a wɔwɔ mmorɔnoo ahorow binom so a ɛwɔ Nkawkaw kurow no mu. Saa nnipa baasa a minyaa wɔn wɔ mmorɔnoo ahorow yinom mu biako yɛ babun a ɔwɔ mfe du-nkron, biako yɛ nea ɔwɔ mfe aduanan-abien ne nea ne mfe nso yɛ fi aduonum rekɔ. Eyi ne nnipa dodow a mede wɔn dii nhwɛhwɛm dwumadi no te, afei nso pono a etoa so yi boa twa mfonɔ no de kyere:

*Pono 3.3.1 Nnipa dodow a nhwehwem no de wɔn dii dwuma fii mmeae ahorow no.*

	<b>Asɔre</b>	<b>Sukuu</b>	<b>Ahemfi</b>	<b>Aban asennibea</b>	<b>Akorɛankorɛ binom</b>	<b>Total</b>
<i>Barima</i>	1	2	1		1	<b>5</b>
<i>Ɔbea</i>	1	1		1	2	<b>5</b>

*Pono 3.3.2 Nnipa dodow no mfe.*

	<b>45 - Above</b>	<b>44 - 30</b>	<b>29 - 18</b>	<b>Total</b>
<i>Barima</i>	2	2	1	<b>5</b>
<i>Ɔbea</i>	3	1	1	<b>5</b>

Pono 3.3.1 no boa twa mfonɛ fa nnipa dodow a nhwehwem no de yɛɛ adwuma no, nna pono 3.3.2 nso twa mfonɛ kyere nnipa dodow no mfe a wɔwɔ.

### **3.4 Senea meyeɛ nyiyim no**

Nnipa dodow a mede wɔn dii dwuma wɔ nhwehwem dwumadi yi mu ano si du, senea yedi kan ahyɛ no nso dedaw no, nanso sɛ ɛba no kwan a mefaa so nyaa saa nnipakuw yi de dii dwuma no a, mehyɛɛ da na miyiyii saa nnipa no. Saa nnipa yi nyinaa yɛ nnipa a wɔtete Nkawkaw kurow no mu na wɔatena hɔ akyɛ na migye di sɛ wɔsan nso nim kasa no mu yiye. Miyiyii wɔn titiriw esiane sɛ na mewɔ awerɛhyem sɛ metumi anya nsem a ɛbeboa me wɔ me nhwehwem dwumadi no mu. Nkyerɛkyerɛm ne nsem bi a ebetumi aboa ma nhwehwem yi mu nsemmissa a ɛsɛ sɛ metumi yi ano, matumi adu saa botae no ho. Eyi nti nyiyim no mu no, miyii asɔre mma baanu fii asɔre hɔ a wɔn mu biako yɛ asɔre no mu mpanyimfo no mu biako a migye di yiye sɛ onim asɔre no mu nhyehyɛ ahorow yiye. Eyi nti sɛ ɛkɔba sɛ mibisa no nkyerɛkyerɛm bi fa wɔn som no mu adeye a, metumi anya mmuae a ɛfata asan nso anya no yiye esiane ne dibere ne ne suahu anaa ne dwumadi sɛ asɔre no panyin nti. Asɔre ba no nso a miyii no yɛ nea wasom akyɛ yiye wɔ asafo no mu, na obetumi aboa wɔ nea nhwehwem no rehwehwe no ho.

Mehyɛɛ da yii nnipa baanu nso fii KAWSEC sukuu a mekɔpɛɛ mmoanosɛm wɔ ho no mu nso. Wɔn mu biako yɛ kyerekyerɛni a na ɔrekyerɛ adesuafo no ade bere a na mewɔ adesua dan no mu rehwe nea ɛrekɔ so no. Nipa a ɔto so abien no yɛ sukuuni a na ɔno nso wɔ saa adesua dan ko no ara mu bere a na adekyerɛ rekɔ so. Minyaa Nkawkaw kurow no mu ahemfi mpanyimfo no mu biako a onim amammere ne ahemfi ho adeyɛ mu, ne titiriw ne bere a nana atena ase no a na ɔno ne akyeame hene. Asennibea ho nso me nsa kaa beae ho adwumayɛfo no bi a na mewɔ ahotɔso sɛ obetumi aboa adom me nsemmoano a ebehia wɔ nhwehwɛm no mu. Na saa odwumayɛni yi di dwuma sɛ obi a ɔkyerekyerɛ anaa odi akagyinam ma otemmuani no ne kwaadubɔni no anaa nea yɛabɔ no kwaadu no. Na afei ne korakora no, Nkawkaw kurow no mu nnipa baasa bi nso a miyii wɔn nanso wɔnka nnipakuw a miyii wɔn fii mmeae ahorow nnan no mu. Saa nnipa no mu no, meboapa yii nea ɔyɛ babun a ne mfe no yɛ du-nkron, biako nso a ɔwɔ mfe bɛyɛ aduanan-num, na nea n'ani a fi kakra a ɔbɛwɔ mfe bɛyɛ aduonum de rekɔ. Na mewɔ gyidi sɛ nnipakuw a mehyɛɛda yiyii wɔn no betumi ama me nsem a ebehia na aboa ma nhwehwɛm no atumi anya ne nsemmissa ahorow a esi n'ani so no anoyi.

Mehyehyɛɛ nnipakuw yinom bɔ sɛ memma wɔn din mpue wɔ baabira sɛ wɔn na wɔboaa me nsemmoano a minyae no ho.

### **3.5 Akwan a mefa nyaa mmoanosɛm no**

Nnipakuw no nya akyi no, mefaa akwan ahorow binom so a migye di yiye sɛ ɛba no nhwehwɛm a ne su te sɛ nea mereyɛ yi a ebetumi aboa ama me nsa aka nsem a ebetumi amee nea nhwehwɛm no nsemmissa rehwehwɛ. Mefaa akwan ahorow abien so a ɛnonom ne ahwɛ ne nkɔmmɔtwetwe.

### 3.5.1 Ahwɛɛ

Ahwɛɛ yɛ akwan ahorow no mu biako anaa nhwehwɛm adwinnade a etumi boa ma yetumi nya ntease fa sɛnea ade bi, tebea bi, dwumadi bi, asɛm bi anaa nnipakuw bi su te fa bere a yennya ano ne ano nkitahodi biara. Mefaa saa kwan yi so kɔhwɛɛ sɛnea adekyerɛ ne adesua kɔ so wɔ adesuadan no mu. Metenaa dwumadi no mu kɔpɛm sɛ wɔde biribiara baa n'awiei. Me ti yɛɛ yiye wɔ ahɛmfi fa mu esiane sɛ na asɛnni bi wɔ hɔ saa bere no nti mesan nso kɔɔ ahɛmfi hɔ bere a na asetena bi rekɔ so. Panyin a miyii no kaa me dwumadi yi ho no boa maa me beae bi tenae, ma me hwɛɛ sɛnea asetena ne asɛnni no mu nsɛm no kɔɛ. Eyi nso metenaa mu kyɛɛ de nanso mamma wɔn anwie wɔn asetena no anaa asɛnni no nyinaa esiane sɛ na mmere nni m'afa, nna afei nso wɔn nsɛm a na wɔrebɛsiesie saa da no dɔɔso nti.

Asɔre hɔ nso, mekɔhwɛɛ sɛnea ɔsom no mu dwumadi no te, efi ɔsom no ahyɛase de kɔpɛm bere a wɔde biribiara baa n'awie. Memaa da no sii da Kwasida esiane sɛ ɛno ne wɔn nhyiam da kɛse no mu biako a nnipa dodow no ara behyiam, na wɔyɛ wɔn amanne ahorow no nyinaa bi. Asɛnnibea de no nso minyaa akwannya no kɔtenaa wɔn asɛnni no mu biako, kɔhwɛɛ sɛnea dwumadi no kɔ bere a asɛnni bi rekɔ so. Mmɛae yi nyinaa a mekɔɛ no, midii kan yii me ho kyɛrɛɛ, kyɛrɛɛ nnipakuw no me botae nti a wohu me wɔ wɔn nhyiae no mu saa dɔn no mu sɛnea ɛbɛbyɛ a asomdwoe bɛyɛ adwuma.


### 3.5.2 Nkɔmmɔtwɛtwɛ/nkɔmmɔdi

Nkɔmmɔtwɛtwɛ yɛ nhwehwɛm adwinnade ahorow no biako a yetumi hyɛ da fa so ne afoforo nya ano ne ano nkɔmmɔdi fa asɛnhia anaa asɛntitiriw bi ho, de pɛ mmoanɔsɛm anaa mmuae ama nhwehwɛm nsɛmmisa bi. Mefaa *unstructured* kwan a ɛkyerɛ sɛ nkɔmmɔtwɛtwɛ no annyina nsɛmmisa pɔtee bi a yɛatintim agu krataa biara so.

Ahwɛe no akyi wɔ mmeae ahorow yi mu no, megyee bere ne nnipa a mehyee da yiyii wɔn wɔ asɔre, aban asennibea, ahemfi ne sukuu mmeae ahorow no twetwee nkɔmmɔ faa kommye nneyee ahorow a mehyee no nso bere a na dwumadi ahorow no rekɔ so no. Mepɛɛ nkyerɛkyerɛm faa kommye ahorow a mehyee no nso no wɔ mmeae ahorow no nyinaa fii nnipa a miyiyii wɔn no hɔ, na mekyee nkyerɛkyerɛm a minyae no nyinaa guu fon so bere a na nkɔmmɔtwetwe no rekɔ so no.

### **3.6 Mmoanosɛm no mpɛnsɛnpɛnsɛm kwan**

Mmoanosɛm anaa nsɛm no nya akyi no, metoaa so de ho mpɛnsɛnpɛnsɛm nso too gua. Mehyehyee nsɛm no guu akuw ahorow mu wɔ nsɛntitiriw kwan so, na afei mehyehyee mmoanosɛm no wɔ nsɛntitiriw akuw ahorow no mu biara ase senea emu biara se. Mesan nso medaa nsɛm no adi kyerɛkyerɛɛ mu wɔ akyerɛw anaa akyerɛwtoam kwan so.



### **3.7 Mmoanosɛm no nya ho kwan**

Kwan a mefaa so nyaa me nsɛm no fii nnipakuw a miyii wɔn de wɔn dii me nhwehwɛm dwumadi no ne sɛ, midii kan hwɛɛ senea dwumadi ahorow no kokɔɔ so wɔ titiriw mmeae ahorow a meyiyii sɛ mɛkɔ hɔ akɔpɛ nsɛm no. Mewhɛɛ senea kommye nneyee no da ne ho adi wɔ wɔn nnwumadi no mu no, metoaa so gyee bere pɛɛ nkyerɛkyerɛm faa kommye ahorow a mehyehyee no nso bere a na dwumadi no rekɔ so nyinaa ho guu fon so. Eba no nnipa baasa no a wɔne me kyɛɛ wɔn suahu fa kommye ho no de bere soe sɛ mene wɔn bɛtwetwe nkɔmmɔ no, memaa wɔn nyaa wɔn ho ntease sɛ mɛkye wɔn nsɛm no agu fon, ma wɔgye too mu ansa na yɛtoaa so.

### 3.8 Akwansre

Ansa na minyaa akwannya no kɔɔ aban asennibea, sukuu (KAWSEC), asɔre (The Church of Pentecost), ahemfi ne ankoreankore binom ho kɔgyee mmoanosem no, midii kan srɛɛ wɔn ho eho kwan ansa na merenya kwan agye mmoanosem no.

Eba no mmeae ahorow anan (sukuu, asennibea, ahemfi ne asɔre) no a, medii kan kɔɔ asoe ahorow yi ho de m'adesrɛde too mmeae ho mpanyimfo a wɔda mmeae ahorow no ano anim mmaako mmaako, sɛ merepe mmoanosem afa nhwehwɛm dwumadi a meredi ho, ma wɔpenee so sɛ menkyerew krataa mfa mmra sɛ adansedi. Mede akwansre krataa no kɔmaa sukuu, ahemfi, aban asennibea ne asɔre ho mpanyimfo no akyiri no, mpanyimfo yi a mikosii wɔn so no mu biara maa me da pɔtee a metumi aba abere mmoanosem a merehwehwe no.

Nnipa baasa a miyii wɔn kɔpɛɛ wɔn nkyɛn suahu fa kommyɛ ho no nso, medii kan kɔɔ wɔn nkyɛn ankoreankore de m'adesrɛde a efa nhwehwɛm dwumadi no ho too wɔn anim. Wɔpenee so hyɛɛ me da a mensan mmra mma me ne wɔn menni nhwehwɛm no ho nkɔmmɔ.

### 3.9 Tɔfabɔ

Ɔfa yi boa ma yehuu kwan a nhwehwɛm dwumadi no si fa kɔɔ so. Edii kan hwɛɛ senea nhwehwɛm no su te, sɛ enye nea yɛde nkontabu ne pono ahorow di dwuma wɔ ne mpensempensem, mmom *kwalititif* kwan so kyerɛkyere nsem no mu. Eɛsan nso ma yehuu beae a nhwehwɛmfo no nyaa ne mmoanosem no fii de dii ne dwuma no, na ekyerɛɛ nnipa dodow a minyaa nsem no fii wɔn nkyɛn. Senea nhwehwɛmfo yiyii nnipa dodow ne akwan a ɔfaa so nyaa ne nsemmoano no nso daa adi. Mmoanosem a mede dii

dwuma no ho akwansɛ nso tɔɔ gua, na afei nhwehwɛm no dwumadi kwan a ɛfaa so de nsem no mpensempensem too gua nso baa mu. Na afei nsemmoano nya ho kwan a ɛfaa so ne mmeae ahorow a nhwehwɛm no kɔɔ so no nso daa adi wɔ ɔfa a ɔto abiesa yi mu.



## TI ANAN


### NHWEHWEM NO MPENSEMPENSEM

#### 4.0 Nnianim

Yɛadi kan ahu, ahyɛ no nso dedaw akwan a nhwehwɛmfɔ no faa so nyaa ne mmoanosem de dii dwuma wɔ nhwehwɛm dwumadi yi mu. Ɔfa yi a yɛadu so yi bɛboa ahwɛ ama nsemmoano a me nsa kae no ho mpensempensem ato gua. Ɔfa yi mpensempensem no begyina nhwehwɛm yi nsemmisa ahorow no so.

#### 4.1 Nhwehwɛm asemmisa 1: Mmɛae bɛn na kommyɛ nneyɛɛ da adi wɔ Akanfo asetena mu?

Nhwehwɛm asemmisa a edi kan yi bɛboa ma yɛahu mmɛae ahorow binom wɔ Akanfo asetena mu a yɛtaa hu kommyɛ nneyɛɛ no ne sɛnɛa ɛyɛ a ɛda adi bere a nkitahodi bi rekɔ so. Mmɛae ahorow no mu bi wɔ Akanfo asetena mu a mehyɛɛ kommyɛ nneyɛɛ no nso, a ɛnom ne nea edidi so yi:



##### 4.1.1 Asɔre mu

Akanfo asetena mu no, wɔn adeyɛ ahorow no mu biako a wɔntotow no ase koraa ne wɔn nyamesom. Ɛyɛ wɔn abrabɔ mu nneyɛɛ titiriw bi a wɔda no adi bereano bereano wɔ wɔn ahyɛmfiri mu. Wɔkohyia mu wɔ wɔn hyiadan mu ne wɔn Nyankopɔn nya nkitahodi; wɔde wɔn aseda afɔre rema no no, na wɔsan nso resɛ ne nkyɛn nhyira ne bammɔ.

Menam ahwɛɛ so hyɛɛ kommyɛ ahorow nso bere a mekɔɔ *The Church of Pentecost* asɔre no hyiadan mu hɔ. Mibisaa asɔre hɔ mpanyimfo no mu biako a wasom wɔ asɔre



ho akyere se mmere ahorow ben mu na mpen pii se wohyam se wɔrebesom a kommye nneye puepue. Asɔre panyin no ka se, mpen pii no *The Church of Pentecost* asɔre no som mu no wɔakyekyem dwumadi anaa adeye mu afaafa; wɔwɔ odima mpaebɔ kuw bi a wodi kan hyia bɔ mpae ma asɔre no ansa na ɔsom no ankasa ahye ase. Eyi akyi no, asɔre mma no nyinaa bɔ mu fi ɔsom no ankasa ase wɔ nnwonto ne mpaebɔ kwan so da Nyankopɔn ase. Afei ɔtoa so ka se, wɔde ayeyi nnwom toa so na eno akyi nso wɔde ɔsɔresom atoa so. Afei nso mpen dodow no ara eye a wɔma asɔre no annwontofɔ no akwannya ma wɔde nnwom biako betwa mu, siesie kwan mu ansa na nyame asem nso aba. Nyamesem no akyi no, panyin no kyere se wogyina asem a nea ɔde Nyame asem no bae no so bɔ mpae, na eno akyi nso asɔre no kyerɛwkyerɛwfo no de nkaebɔ atoa so ansa na ne korakora no wɔama asɔre no mu mpanyimfo no mu biako abɔ mpae de ɔsom no nyinaa aba n'awiei. Mmɛae ahorow yi mu no, asɔre panyin no ka se eye a bere a ɔsom dwumadi no rekɔ so no, wotumi da kommye nneye no adi a eno nso boa ma wɔn som no du ne botae ho anaa ne mpɔmpɔnso senea Jensen (1973) daa no adi no.

Nsem a asɔre panyin yi kae no da no adi nkyekyem ahorow a epuem bere a ɔsom rekɔ so. Eyi akyi no, mehwɛe, hyehyɛe kommye nneye ahorow binom a epuepuei wɔ ɔsom afa ahorow no nso bere a na ɔsom no rekɔ so.

Odima mpaebɔ kuw no mpaebɔ mu no, wɔbɔɔ mpae de saa da no som no mu dwumadi hye Nyankopɔn nsa. Saa kuw no gu so bɔ mpae no, nea odi mpaebɔ no anim no hye mpaebɔ kuw no ka se:

*“Obiara nye komm mma ha nye dinn, na afei momma yentwen Awurade anim sima bi”.*

Nnipakuw no ye komm, na eyi akyi no, kandini no san nso ma wɔtoa mpaebɔ no so bio sima kakra ansa na wɔde ɔfa no ba n'awiei.

Afei wɔhye ɔsom no ankasa ase ma kandini foforo bedii asafo tuw no anim ma wobɔ mpae bio de hye ɔsom no ase. Bere a wɔde saa ɔfa yi reba n'awiei no, wɔto nwom na nwonto no akyi no, asɔre panyin a saa bere no odi dwumadi no anim no ka sɛ:

*“Aha nye komm, na afei obiara mmɔ mpae mfa n'akoma so ahiade nto Onyankopɔn anim wɔ kommye kwan so”.*

Kommye nneyɛe a epuem hɔ no di sima kakra, a eno akyi asɔre panyin no san ka sɛ:

*“Afei obiara mfa n'adwen ne n'akoma nni mpaeɔ yi akyi”.*

Asafo no kɔ so gyinae wɔ kommye mu saa bere no mu ara kosi sɛ mpaeɔ no ba awiei.

Efi bere a asafo no nyinaa gye *Amen* wɔ mpaeɔ no akyi no, na ɔsɔre bere no na adu so. Saa bere yi nyinaa a na wɔretwen ɔfa a etoa so no mu dwumadi no, mehyɛɛ no nso sɛ na kommye nneyɛe no da so gyina mu. ɔsɔre bere no ahyɛase mu no, panyin a odi saa ɔfa no anim no di kan kasa kyere anaa kaakae asafo no sɛ, ɔfa yi nye bere a wɔde bisa biribi na mmom wɔde sɔre Onyankopɔn na wɔyi no ayɛ. Saa bere a kasakyere anaa nkuranhye yi retɔ gua nyinaa no na asɔre mma no nyinaa ayɛ dinn retie nea panyin no reka. Saa bere no nso na asɔre mma fa dodow no ara gyinagyina wɔn anan so, ebi nso asisi wɔn ti ase, na ebinom nso akatakata wɔn ani. Afei bere a ɔsɔre no reba n'awiei no, panyin a odi anim no hye asɔre mma no sɛ:

*“Saa bere yi yebetena ase wɔ kommye mu, na afei momma yennwennwen Onyankopɔn kɛseye ho”.*

Saa kommye no kɔ so ara kosi sɛ panyin a odi ɔsom no anim no bɔ mpae de ɔfa no nso baa n'awiei. Kommye nneyɛe ahorow abien na mehyɛɛ no nso wɔ ɔsɔre bere no mu, fi n'ahyɛase de kosi n'awiei. Nea mehyɛɛ no nso a edi kan no ne sɛ, ansa na nea ɔrebedi saa ɔsɔre no anim no bebue n'ano akasa no, na asɔre mma no ankasa adi kan ayeyɛ

komm dedaw bere a obiara nhyeε wɔn. Nna nea εto abien no ne bere a εsɔre bere no reba n'awiei, na nea εredi εsɔre dwumadi no anim no ankasa hye asafo no ma wɔye dinn mmere kakra bi. Saa kommye nneyeε afaanu yi foa Kurzon (2007) nnyinaso ahorow nnum bi a εde pensempensem ne nkyekyem ahorow fa kommye ho no. Bio nso, kommye a epue wɔ εsɔre no awiei no dii mmere dodow sen nea asafo no ankasa dii kan daa no adi wɔ εsɔre no ahyeεase no.

Mpen pii no, sɔfo panyin no kyere se, kommye nneyeε a asafo no da no adi wɔ εsɔre bere no awiei mu no ye εkwan a wɔnam so bɔ kwan de to nsa de frε honhom kronkron nkenyan, na εba saa a etumi si asafo no mu nipa biara so, ne titiriw ne mmea no, ma no tumi keka nsem a wɔgye di se eye nkɔmhye nsem a efi Onyankopɔn nkyen, nti saa bere no mu nyinaa nso asafo no nyinaa kɔ so gyina kommye mu ara kɔpem se nea honhom kronkron kasa fa ne so no bewie ne nsenka no. Saa Honhom Kronkron nkenyan yi ye nkitahodi a na Wardhaugh (1985) ka ho asem se nyamesomfo fa saa kommye nneyeε no so ne Nyame nya nkitahodi. Eyi akyi no, kommye no kɔ so toa so simasin kakra ma kandini a odi εfa no anim no de mpaεbɔ toa so bɔ εfa no tɔfa. εsɔre bere no a kandini no maa kwan se obiara mmue n'ano nsɔre Nyankopɔn no, mehyeε ankoreankore binom nso, a na sɔfo panyin no ka ho, se wɔakata wɔn ani nanso wɔammue wɔn ano ammo mpaε no bi. Kommye nneyeε no kɔ so ara kɔpem se εsɔre bere no baa n'awiei.

Bere a nyamesenka bere no dui no, mehyeε no nso se nea odi som no mu kyeame no ka kyereε anwontofo no se wɔmfa nkanyan nnwom biako mmetwam ansa na εkasafɔ no de asem no aba. Ansa na anwontofo no behye wɔn nwonto no ase no, wodii simasin kakra wɔ kommye kwan so bere a nea εredi dwumadi no ho kyeame no too nsa de frεε wɔn no. Saa bere kakra a anwontofo no dii no kommye mu no, mihui se afei wotwitwa wɔn ani ahwehwe wɔn ho wɔn ho anim, bobɔ wɔn ti nko kyerekyere wɔn ho senea Ling

(2013) kyerekyeree ara pe. Ewom se na saa bere ko no ara nso asafo no nyinaa aye komm de, nanso na obi nte nea erekɔ so wɔ anwontofo no ntam. Mehyee kommye soronko abien bi nso wɔ saa tebea no mu; kommye nneyee a nwonto kuw no daa no adi wɔ wɔn ahosiesie no mu ne nea asafo mma no nso daa no adi bere a wɔretwen anwontofo no. Me ne asɔre no mu mpanyimfo biako a ne mfe kɔ anim nkɔmmɔtwetwe mu no, ɔda no adi se saa kommye no mu no na anwontofo no de resiesie wɔn ho, aye adwenkoro ansa na wɔahye nwonto no ase. Kommye a asɔre mma no da no adi no ye ahosiesie kwan a wɔye de twen anwontofo nwonto. Se yebetumi anya nkyerɛase soronko afa kommye nneyee bi sei ho a, te se mfonɔ yi a matwa yi ho a, na ne nnyinaso beye senea nnipakuw binom amanne ne wɔn suban te anaa nso bere ko, nipa ko anaa botae ko nti a nipa ko no daa saa kasa nneyee no adi (Agyekum, 2002).

Bere a nyamesenka bere no dui no, nea ɔde nyame asem no bae no yee n'asenka no nkitahodi kwan so a na se ɔkasa kakra a na wabisa asɔre mma no asem afa nea wɔresua no ho. Ɔdan no mu yee dinn bere a sofo panyin no hyee ase se ɔrekasa, na obisaa nsem bi a efa adesua a wosuae wɔ kuw adesua mu. Obisaa se, "*Ghana Pentecostal and Charismatic Council (GPCC) dwumadi titiriw pa ara ne den?*". Beye sima biako ne simasin bi no, obiara ankasa. Kommye bere no mu nyinaa nso na sofo panyin no gu so resi asemmisa koro no ara so, na saa kommye yi kɔɔ n'anim kakra sen senea anka ese se asemmisa bi ho mmuae di. Esiane kommye nneyee no ne mmere dodow a edii nti, emaa sofo panyin no mpo kaa se, se wɔammua asemmisa no ntɛm a ebema ɔsom no mmere dodow a anka ese se wodi no atwe akɔ n'akyi. Kɔkɔbɔ yi akyi no, anni simasin bi na mihuu se asɔre mma no bi amema wɔn nsa so se wɔbema asemmisa no ho mmuae. Ɔfa yi mu nso, mehyee kommye nneyee soronko abien bi nso. Biako ne kommye a asɔre mma no daa no adi bere a na sofo panyin regu so bisa n'asem no, nna afei kommye nneyee a ekɔɔ so bere a sofo panyin no bisaa n'asem no wiei. Mebisaa sofo panyin ho

nkyerem fa kommye soronko abien ho no, odaa no adi se kommye a edi kan no mu no, na asafo no adwen di nea okasafo no reka no akyi, retie se wobehu dwumadi a ope se wonni. Kommye a ebae wo asemmisa no akyi da nso fi nea edii no kan esiane se saa kommye no mu no na asafo no de redwennwen ape mmuae a efata ama sofo no asemmisa. Nti bere a wode kommye a edi kan retie no, na wode nea eto so abien no redwennen. Mfoni a edi so yi kyere senea na asoredan no mu te.

*Mfoni yi kyere bere a sofo no reka nyamesem*



Mfoni yi di adanse bere a sofo panyin no rekyerekyere asafo no nyameasem wo asoredan no mu.



Nyame asem no akyi no, asɔre mma no sɔre gyina bɔɔ mpae, na saa bere no mu no sɔfo panyin no ara ankasa na ɔsan nso dii mpaebɔ no anim. Bere biara a sɔfo no bekasa akyerɛkyerɛ kwan anaa nsem a wobegyina so abɔ mpae no, asafo no twen wɔ kommyɛ mu kɔpem sɛ ɔbekasa awie, ama kwan sɛ afei obiara mmɔ mpae.

Bio nso, bere a ɔsom no reba n'awiei no, asɔre no kyerɛwkyerɛwfo no de nkaebɔ ahorow too gua a na saa bere no nso asafo no daa kommyɛ nneyɛ no adi. Nkaebɔ no akyi no na asɔre no mu mpanyimfo no mu biako dii anim de mpaebɔ a etwa to wɔ ɔsom no mu toaa so. Saa bere no mu nso mehyɛ no nso sɛ na asafo no amema wɔn nsa so, akatakata wɔn ani wɔ kommyɛ kwan so kosii mpaebɔ no awiei.

Ɔsom no akyi no, nkɔmmɔtwetwe kakra san nso kɔɔ so wɔ me ne sɔfo panyin no ntam fa mmere afoforo binom nso wɔ wɔn som no mu dwumadi a kommyɛ nneyɛ no da ne ho adi. Ɔda no adi sɛ, mmere bi a atwam no, na wɔwɔ amanne bi a wɔyɛ de ye adansedi kyere sɛ wɔne wɔn asafo ba bi a waka baabi adi nkra nanso nne yi esiane nsakrae kakra a aba nti wɔnnyɛ no saa bio. Afie ɔde ka ho sɛ, sɛ wɔreyɛ awufosom ama owufo bi a, dwumadi no baabi mu no, sɔfo panyin no hyɛ ase bobɔ asɔre mma no din fi asɔre nhoma mu ma wɔgyegyɛ so, na sɛ odu nea wanya ne baabi kɔ no so a, ɔbɔ ne din na sɛ wannye so a wabɔ no ne mpensa so. Saa bere yi nyinaa na obiara ayɛ komm. Eyi akyi no wotwa owufo no din fi asɔre no nhoma mu de kyere sɛ saa nipa no, fi saa bere no, nka wɔn ho bio. Saa amanne yi nsunsuanso tumi kɔfa osu ne awerɛhow brɛ abusuafo no. Sɔfo de wie sɛ, ɛnne yi wɔnyɛ saa amanne no bio na mmom wɔma asafo no ne owufo no abusuafo no sɔre gyina ye dinn simasin kakra anaa sima biako de ma owufo no.

Mpɛn dodow a kommyɛ nneyɛ no pue wɔ ɔsom bere no mu no di adanse pefee sɛ ayɔnkofa a ɛda kommyɛ ne Akanfo nyamesom mu no nye ade a wɔtotow no ase a ɛnye

yiye. Edi adanse se kommye ye nneyee bi a esommo yiye wo bere a wone won Nyankopon redi nkitaho wo osom mu.

Saa kommye ahorow a epuepuei wo osom afa ahorow no nyinaa mu ye kasa nneyee a ntease wom, na nnipakuw no tumi te ase (Sbisa et al, 2011). Eyi nti, saa kommye nneyee no beye *locutory* esiane se saa kasa nneyee no ka biribi a ede ntease to gua.

#### 4.1.2 Sukuu mu

Minyaa akwannya no ne apene fii *Nkawkaw Senior High School* no mpanyimfo nkyen kohwee senea adekyere ne adesua ko so ne senea kommye nneyee no nso di dwuma wo saa bere no mu. Eha nso midii kan kotwen wo adesudan no mu ansa na adekyere no rehye ase.

Ade biako a midii kan hyee no nso ne se, bere a na okyerekyerani no mmaa adesua dan no mu no, na adesuafo no ne won ho won ho retwetwe nkommomo nanso preko pe a adesuafo yi ani bo wo kyerekyerani no so fii akyi se oreba adesua dan no mu pe na odan no mu yee dinn. Kyerekyerani no dii kan kyiaa won, bisaa won nsem tiawa bi na eno akyi osan nso ka kyeree adesuafo no se okofa ade wo abonten aba. Adesuafo no twen ma no pue ko kakra no na wosan nso toaa won ho won ho nkommotwetwe no so. Bere a wosan huu no no, won nyinaa san petu yee dinn bio. Kommye nneyee a adesuafo no daa no adi mpen abien no foa Kurzton (2007) nnyinaso bi a okyere se eto bere bi a kommye nneyee a obi da no adi no farebae tumi koye nea efi obi anaa biribi na ehye no ma no ba. Adesuafo no kommye a woda no adi no fi hu a wohuu won kyerekyerani no se oreba nti.

Kyerɛkyerɛni no fii n'adekyerɛ ase no, mihui se adesuafo no nyinaa ayɛ dinn a wɔn ani kyere kyerekyerɛni no so. Ɔkyerekyerɛni no gu so rekasa wɔ n'adekyerɛ mu no, mehyɛɛ no nso wɔ kyerekyerɛni no afam sɛ, sɛ ɔrekasa a ɔhome ne nsem no so ma nhomeso no mu no, etumi di simasin kakra ansa na ɔde nsem no ntoaso no asɔ so. Saa nneyɛɛ no kɔɔ so mpɛn pii wɔ n'adekyerɛ bere no mu nyinaa. Mfoni a edi so yi di adanse wɔ kommyɛ a adesuafo da no adi bere a adesua rekɔ so.

*Eyinom ye mfoni a ekyerɛ bere a adesua rekɔ so.*



Saa mfoni yi kyere kommyɛ nneyɛɛ a adesuafo no daa no adi bere a kyerekyerɛni no rekyerɛ ade wɔ adesuan no mu.



Ahwɛe no akyi, mebisaa kyerekyerɛni no asem faa saa nneyɛe no ho sɛ, dɛn nti na mpen pii wɔ ne nkasae mu no ɔtwɛntwɛn anaa ɔhomeso so, na ɔkyerɛ sɛ esiane sɛ na ɔrekyerɛkyerɛ nsem bi mu fa adesuae no ho, na nsem no ngu krataa so na ama ne nsem atoatoa so nti, na ɛho behia sɛ ɔto ne bo ase wɔ ne kasa mu na watumi anya nsem a ɛfata de akyerɛkyerɛ adesuae no mu. ɔkyerekyerɛni no adekyerɛ mu no, ɔhyɛɛ ase bisaa adesuafo no nsem ne wɔn adwenkyerɛ faa adesuae a na ɛrekɔ so no ho. Obisaa wɔn sɛ akwan ahorow bɛn na Akanfo tumi fa so nya wɔn din. Adesuafo no mu biara ampegya ne nsa na nkampɛsɛ yɛafɛ no ama wabua asemmisa no. Kyerekyerɛni no san nso de nsemfua foforo bisaa bio sɛ wɔnkyerɛ nneɛma binom a Akanfo tumi gyina so de to nipa din.

Eyi akyi na adesuafo no bi maa wɔn nsa so ma yɛfrɛɛ wɔn ma wobuaa asemmisa no. Adekyerɛ no mu ara no, kyerenkyerɛni no san bisaa asem foforo sɛ, “*Den ne apente din?*”, na eyi de adesuafo no mu biara antumi anyi ano, na ɛmaa adesuafo no yɛɛ komm kyɛɛ kakra. Adesuafo no kommyɛ no dii mmere kakra no, afei kyerekyerɛni no frɛɛ adesuafo no biako sɛ nka onyi asemmisa no ano nanso ɔno nso antumi ankasa wɔ asemmisa no ho, toaa so daa kommyɛ nneyɛe no adi. Mebisaa kyerekyerɛni no ahwɛe no akyi wɔ nkɔmmɔtwɛtwe mu no, ɔdaa no adi kyereɛ me sɛ ɔno de ogye di sɛ ebetumi a nneɛma ahorow na ɛma adesuafo da su bi saa adi. ɔbobɔɔ kommyɛ no farebae no bi sɛ, ebetumi aba sɛ kommyɛ nneyɛe no fi fɛrɛ, kɔm, ɔhaw bi ho adwennwɛn anaa nso nim na wɔnnim asemmisa ko no mmuae nti. Osuani biako sii kommyɛ no farebae a kyerekyerɛni no kae no bi so dua sɛ, ɔno de na ɛye nim na onnim asemmisa no anoyi nti na wantumi amma ne nsa so. Osuani foforo bi nso kae sɛ, na ɔnnye ne ho nni wɔ mmuae a ɛbaa ne tiri mu saa bere no, ɛno nti ɔfɛrɛ sɛ ebia wantumi anyi asemmisa no ano yiye a, na ne mfɛfo aserew no. Saa nkyerɛm ahorow di adanse sɛ enye sɛ adesuafo

nni biribi ka senea Levinson (1983) ka no na mmom akwanside binom na ema no ba saa.

Mesan nso hyee kommye bi nso wo ahwee bere no mu bere a na adesua ne adekyere no rekɔ so. Efi bere a kyerekyerɛni no hyee ase kasae wo adekyere bere no mu no, adesuafo no dii mmere dodow wo kommye mu. Eyi nti mebisaa adesuafo no mu biako bere a adesua no baa n'awiei se, den nti na bere a kyerekyerɛni no rekyere ade no, efi adekyere no ahyease de kosi n'awiei, na obiara aye kumm. Osuani biako yii m'ano se, ono titiriw de na adesuafo a na kyerekyerɛni no rekyere no ye no ade afoforo, eno nso ka ho bi na ogye di se ne mfefo binom nso antumi ammua nsemmisa binom. Saa nkyerease a osuani no de mae no foa nea Min (2016) kae se mpen pii no se adesuafo hyia adesuafo foforo bi a wotumi ye kumm fi adekyere no ahyease de kopem n'awiei. Osuani oboa foforo bi nso kaa se, ono de eye fere na ema no yee kumm saa bere no, nanso adesuafo a kyerekyerɛni no kyere foforo a eye ma no nso ka ho bi. Mmuae ko so si Min (2016) nkyerekyerem fa senti a adesuafo binom mpe anaa nyi won anim se wobeyi asemmisa bi ano bere a adekyere rekɔ so. Easiane nsunsuanso bone binom a etaa pue mu bere wantumi ammua asemmisa no yiye nti.

Metooa so bisaa oboa suani no faa mmere ahorow bio nso a woda kommye nneyee no adi wo sukuu mu. Obuae se, mmeae afoforo bio nso a woda kommye su no ne bere a adesuafo no nyinaa hyiam faako, bo mpaee, tie nkaebo ahorow a won akyerekyerefo wo ma won. Oka kaa ho se ehɔ no, osuani biara nkasa bere a won akyerekyerefo no gyina won anim kasa, ese se obiara ye kumm tie. Osan nso maa me mfatoho foforo bi se edu anwommere biara a, ewo sukuu no nhyehyee mu se adesuafo no nyinaa san tena ase sua ade ankoreankore donhwere abien ansa na wakoda. Saa donhwere abien no mu no, etia sukuu no mmara se wobete se osuani bi reye dede. Saa kommye yi bi na Kurzon

(2007) kyere se eye kommye a emfi nipa no ankasa ne pe mu na oda no adi mmom biribi, obi anaa tumi bi na ehye no ma no ba saa. Beae foforo nso a ode kaa ho, twaa to ne sukuu no nhoma akenkanbea anaa laabre. Okaa se eye beae a wonni nkommɔ wɔ ho. Osuani a medii kan ne twetwee nkommɔ no twee m'adwen sii mfatoho binom. Okyere se, ekoba se obi kodi nsemmone bi na yekye no, na yede no gyina mpanyimfo anim ka n'asem a, saa abofra no yee kamm, san nso de ne nsa gu n'akyi. Afei nso se wokyerekereni bi fre se obesoma wo a, wugyina n'anim kamm, tie soma no.

Sukuu mu nso, adanse wɔ ho se adesua ne kommye di nsawaso. Eyi boa ma adesua ne adekyere nyinaa tumi ko nkan na asan nso adu ne botae ho.

Eha nso, adesuafo kommye dodow a wodedaa no adi fi adesua no ahyease de ba n'awiei nyinaa ye nneyee a eka biribi. Eyi nti yebefa no se *locutionary*.

#### 4.1.3 Aban asennibea

Mmeae ahorow no mu biako a mebɔ anan kohwee senea kommye ho nsem te ne aban asennibea. Minyaa opene no fii asennibea ho mpanyimfo nkyen kotenaa asenni no mu bi, hwee senea kommye nneyee no si ko bere a asenni bi rekɔ so. Miduu asennibea ho ansa na wɔrehye asenni a edi kan ase. Eyi boa maa metumi hyee nneema binom nso fi dwumadi no ahyease de kopem n'awiei wɔ asennibea ho. Ene se, mihui se na wode nsem binom a wɔatintim agu nkrataa so, a migye di se eye kokɔbo nsem ma nnipa a wɔba beae ho, atetare asennibea dan no mu. Wɔakyerew biako so wɔ borɔfo kasa mu se “*Silence in court*”, a n'asekyere ne se yemma kommye nye adwuma wɔ asennibea ho. Bio, na wɔakyerew foforo bi nso se “*Please, turn off your cell phone*”, a asekyere ne se wɔsrɛ ankoreankore biara a wɔaba beae ho se wɔnnunnum wɔn fon a ekurakura wɔn no. Saa ahyensode ahorow kokɔbo yi di adanse yiye se kommye ye ahiade titiriw ma beae

hɔ ne wɔn dwumadi mu. Saa bere yi nyinaa no na otemmuafo a ɔda saa mansin asennibea no ano no nnya mmɛtenaa ase, eyi nti na ɔmanfo a wɔde wɔn nsem aba hɔ ne emu adansefo nyinaa atenatena ase retwetwe wɔn ho nkɔmmɔ bere a na wɔwɔ atwenye mu. Asennibea hɔ adwumayefo no mu biako a na ɔkyerekyere Borɔfo kasa a otemmuafo no ka no de kɔ Twi kasa mu de kyere kwaadubɔfo, nea yeabɔ no kwaadu no ne adansedifo dodow a wɔahyia wɔ hɔ nyinaa dii kan bɛtenaa ase. Ɔde nkaebɔ bi too gua sɛ, ɔsrɛ obibiara a waba asennibea hɔ sɛ ɔbeyɛ komm bere a otemmuafo no resiesie ne ho abetena n'aguam ahyɛ asenni no ase. Ɔtoa so ka sɛ, sɛ obi de fon baa beae hɔ nso a ɔmmɔ mmɔden nnwom no koraa anaa onnum no ansa na dwumadi no ahyɛ ase, senea ɛbeyɛ a enkɔyɛ dede ntuatua aso na ansianka nsem a ɛbɛkɔ so no. Amanebɔ yi boa hyɛ kommyɛ kɔkɔbɔ a ɛtetare dan no mu no kena, na ɛtoa so kyere hia a kommyɛ nneyɛɛ no hia wɔ aban asennibea. Nsem yi akyi no, afei na nnipa a wɔahyia wɔ beae hɔ nyinaa, abɔnten ne ɔdan no mu ankasa, aye dinn. Mɛpɛɛ nkyerekyere fii odwumayeni a ɔde saa kommyɛ ho nkaebɔ no too gua fa senti a ɛmfa ho sɛ kɔkɔbɔ krataa a ahorow a wɔde ɛtetare ɔdan no mu nyinaa akyi ɔsan nso hyɛ nnipa no sɛ wɔnyɛ komm. Ɔdaa no adi sɛ esiane sɛ yeɛ nipa na awerefi wɔ yen afa nti, wogyɛ di sɛ ɛho hia yiye sɛ wɔsan nso kae nnipa no efisɛ abɔsobaa na ɛma gya pae. Na ɛkɔba sɛ obi amfa nnidi a ɛsɛ amma mpanyimfo nhyehyɛ no a, odwumayeni no kyere sɛ, wotumi de wo kɔto daduadan bi a ɛwɔ hɔ no mu. Saa ehu anaa ayamhyehyɛ sɛ yebetumi de wo akɔto daduadan no mu anaa ɛde ɔhaw bi abre wo (Sim, 2007) nti na migye di sɛ kwan bi so no nnipa a wɔba beae hɔ no ye komm.

Anni simasin ahe bi na adwumayefo no mu biako teaa borɔfo kasa mu sɛ, “*Court rise!*”, a ɛkyere sɛ obiara nsɔre. Eyi akyi na otemmuafo no bɛtenaa n'aguam. Efi bere a otemmuafo no tenaa ase no, obiara, efi wɔn a wɔwɔ ɔdan no mu ne de kosi dodow a wɔgyinagyina abɔnten nyinaa, ye komm. Otemmuafo no ma odwumayeni a

okyerekyerɛ nsem mu fi Borɔfo kasa mu kɔ Twi de kyere ɔmanfo no frɛɛ asem a edi kan. Nnipa a wɔfrɛɛ wɔn asem no pue begyinaa nea esɛ sɛ obiara gyina kommyɛ mu a wɔankasa kosii sɛ otemmuafo no ka kyereɛ kwaadubɔfo no sɛ ɔnka n'asem. Odwumayɛni a me ne no twetwee nkɔmmɔ ahwɛɛ no akyi no kyereɛ me sɛ, nea apolisifo akye no aba hɔ no ye komm de tie nea kwaadu ko a yede abɔ no sɛnea obetumi agye atom sɛ kwaadu a yede abɔ no no odi fɔ anaa odi bem. Bere a kwaadubɔfo no reka n'asem no, mihui sɛ na otemmuafo no nso aye komm a ɔrekyerɛw, na ɔka kyereɛ kwaadubɔfo no sɛ, eyɛ na sɛ ɔrebɔ n'amane no a ɔntwentwen so kakra efisɛ ɔrekyerɛw ne nsem no agu krataa so. Efi saa bere no, mihuu sɛ afei kwaadubɔfo no kasa kakra a na wɔayɛ komm anaa wɔahome so beyɛ simasin bi ansa na watoa so. Ɔyɛɛ saa ara kɔpem sɛ otemmuafo no nsa kaa nea ɔrehwehwe no. Saa nso na ekɔɔ so wɔ nea yeabɔ no kwaadu no afa mu. Mebisaa odwumayɛni no nea nti a ɛma no ba saa no, ɔkyerekyerɛɛm sɛ nea edi kan, aban asennibea adeyɛ mu no, eyɛ a wɔmpɛ sɛ wɔde asem anaa nsem biara behyɛ kwaadubɔfo anaa nea yeabɔ no kwaadu no anom. Afei nso na nka esɛ sɛ wonya afidi bi a wɔde kye nsem a kwaadubɔfo reka na wɔde aye adansedi nanso esiane sɛ na wonni saa afidi no bi wɔ wɔn mansin asennibea hɔ nti na ebehia sɛ otemmuafo no ankasa kyereɛw nsem a kwaadubɔfo bi anaa nea yeabɔ no kwaadu no reka. Eyi ma kommyɛ nneyɛɛ no beyɛ ahiade kɛsɛ pa ara bere a asenni bi rekɔ so, ne titiriw ne eho hia a ehia otemmuafo a ɔrekyerɛw nsem no.

Apolisifo a na wɔwɔ hɔ bɔ dwumadi no ho ban no hwɛɛ sɛ asenni dwumadi no bekɔ so asomdwoe mu na wɔasan nso ahwɛ aboa ma kommyɛ agyina. Mpanyimfo baanu bi a na wɔte m'anim hyɛɛ ase kasae faa asem a na ɛrekɔ so no bɔkɔɔ. Ankyɛ na mihuu sɛ polisini bea biako a ɔnenam nnipa no mu no twe bɛn adansefo baanu yi ka kyereɛ wɔn sɛ ɔsrɛ wɔn, wɔnyɛ komm. Afei nso bere a asenni no rekɔ so no, aberante biako a ogyina abɔnten redi asenni no ho adanse fon hyɛɛ ase sɛ ɛreyɛ dede. Ntɛmpa ara na polisini


biako bi a na agyina abonten hwe ma no domm no. Apolisifo no mu biako bi nso daa su bi adi a eno nso mehyee no nso. Ene se, beae a mansin asennibea no wo no ne sukuu bi di animhwe a loore kwan na ekye won mu. Na wowo ahomegye bere mu nti wopue bedii agoru. Bere a na asenni no rekɔ so no, saa bere koro no ara nso na tweneka ne dedeye bi kɔ so wo sukuu mu ho. Esiane se na dede a na efi sukuu no mu reba asennibea ho ano ye den nti, mihuu polisini barima biako se otwe ben sukuu ho ne akyerekyerfo no kasae. Bere a polisini no fii sukuu ho bae no na dedeye no abre ase koraa. Metwe ben no bisaa no nea ekɔ so wo ho na oka kyeree me se, okɔbo won nkae se asenni reko so nti womma won dedeye no mmra fam. Osan nso ma me tee ase se, akyerekyerfo a wowo saa sukuu no mu no nim dedaw anaa wɔaka akyerɛ won se se ekɔba se asenni bi rekɔ so a ense se dedeye biara twintwan won anan mu, nti okɔ ho se okokae won.

Se ekɔba nso se asenni no mu no se nsem no bi a erekɔ so no bi ani soso anaa eye anika a, etumi kenyan dom no ma wogyegye ho, se ebia wosere, ma eno nso tumi kɔfa kasa kakra bepue asenni no mu. Se biribi a ete saa si a, eye a na asennibea ho adwumayefo no mu biako a wo ho teeam ka no Borɔfo kasa mu se, “*Order!*”, a arepe akyerɛ se perepeye nye adwuma anaa ehɔ nsan nso nye komm. Se dedeye no fi odan no mu a, oka se, “*Order inside*”, kyere se kommye mmra odan no mu, na se dedeye no fi nnipa a wogynagyina abonten nso a wɔka se, “*Order outside*”, kyere se kommye mmra wo abonten ho. Odwumayeni no kyeree me se saa nkae nsem no boa ma odan no mu san nso ye dinn ma wotoa asenni no so.

Ade biako nso a mehyee no nso wo asenni no mu no ne se, ekɔba se wowie asem biako bi ka a, beae ho ye dinn pa ara. Saa bere no mu no na yesan te se wofre asem foforo ma emu nnipa no pue ba anim. Mebisaa odwumayeni no saa mmere kakra bi no kommye no ho asem na okaa se, edu saa bere no a eye a na otemmuafɔ no de hwehwe nkrataa a

ɛdeda n'anım no mu, de repɛ asem foforo a wɔbɛka ho asem. Eyi nti na wɔtwɛn kommyɛ mu wɔ saa mmere tiawa bi no. Ɔtoaa so kaa sɛ kommyɛ saa bere ko no ara mu nso boa ma sɛ wɔrefrɛ asɛnni a ɛto so no na nnipa a wɔn asem adu so wɔ abɔnten a, wotumi te no ntɛm, gye ɔfrɛ no so ba ma wodi asem no. Na sɛ wodi asem bi wie nso a, otemmuafogyina so kyere sɛ ebia asem ko no watu ahyɛ da foforo ne da pɔtee a wɔbesan atena ase bio.

Odwumayɛni ma metee ase yiye sɛ ɛba no ayɔnkofa a ɛda kommyɛ ne asennibea dwumadi mu a kommyɛ sommo yiye, ne titiriw pa ara ne bere a asɛnni bi rekɔ so. Ne tiawa mu no, nneɛma bi a ɛkɔ so bi te sɛ nsem bi a ɛwowɔ krataa so a wɔde afɛmfam asennibea dan no mu, asennibea hɔ adwumayɛfo no kae a wɔkɔ so kae nnipa a wɔatwa hɔ ahyia bereano sɛ wɔmma beae hɔ nyɛ dinn, apolisifo hwɛ a wɔhwɛ sɛ dedeyɛ biara mfi asennibea dan no mu anaa abɔnten baabi mmetwentwan asɛnni no anan mu, ne nneyɛɛ ahorow binom di adanse ampa sɛ kommyɛ yɛ ahiade titiriw a ɛsommo yiye ma asɛnni wɔ asennibea.



#### **4.1.4 Ahemfi (asɛnni mu)**

Sɛnea nhyehyɛɛ no ne dwumadi a ɛkɔ so wɔ ahemfi te no, ɛba no sɛ mpanyimfo retena asem bi so aka a, nsonsonoe a ɛda ɛne nhyehyɛɛ a ɛkɔ so wɔ aban asennibea hɔ no nyɛ ade bi. Ɛba no sɛ anamɔntu ahorow binom a wɔhwɛ ma nnipa a wɔde wɔn nsem ba ahemfi hɔ no yɛ dinn na aboa ma asɛnni bi atumi akɔ so de a, ɛne aban asennibea hɔ nhyehyɛɛ no yɛ ade ko. Mehwɛɛ sɛnea ahemfi asɛnni no kɔɛ, ne titiriw ɛfa mpɛn dodow ne mmeae ahorow a kommyɛ nneyɛɛ no da ne ho adi bere a asetena no gu so no. Ɛno akyi no, menam nkɔmmɔtwɛtwe so pɛɛ nkyerɛase de maa kommyɛ nneyɛɛ ahorow a mehyehyɛɛ no nso no nso.



Na saa da no ye Akwasidae, nna ahorow no mu biako a eka Awukudae ho a amammere ma ho kwan ma wotumi tena ase keka nsem a kurow mma no bi de abedan mpanyimfo, siesie ntawantawa biara a ededa omanfo no ntam. Bere a miduu ahemfi ho no, na dom wo nhyiam no ase a na fa kese no ara redidi won ho won ho nkommw. Bere soe se Nana reba abetena ase no akyeamehene no teaam se, “*Nana reba oo!*”, na afei dom no nyinaa asore agyina, na afei bere koro no ara nso nhyiam no ase tee dinn. Nnipa no nyinaa gyinagyina won anan so twen wo kommye mu kopem se Nana tenaa n’agua mu. Nana asetena no akyi no, nnipa no tena ase nanso na kommye no da so wo mu ara. Mebisaa nana kyeame wo ahwee no awiei fa saa nneyee a etoo gua no ho no. Akyeamehene kyere se, esiane nana dibere se oman no abakan a kurow no mu tumi kura no nti na wosore gyina wo kommye mu ma nana tena ase ansa na won nso atena ase. Ode ka ho se, efi saa bere a nana atena n’aguam no, se obi pe se ode asem bi to gua a ese se nana kyeame na ema no akwannya no ansa. Nti nnidi obu kwan so na ema omanfo no da kommye no adi saa bere no mu.

Eyi akyi no, kommye nneyee bio a mehyee no nso ne bere a apegyahene hwe ma obi bo mpae ansa na dwumadi no hyee ase, na saa mmere no mu nso na beae ho nyinaa atem dinn kopem mpae n’awiei. Mihui se nana kyeame hwe boo nnipa a woaahyam no nkae se ebia obi fon si so a, onnum no anaa nso onipa ko no mfa nto kommye kwan so. Mebisaa nana kyeame faa senti a omaa saa nkaebo no. Nana kyeame kyere se, kommye ye won asetena no mu ahiade titiriw a wontoto n’ase. Otoa so da no adi se, ehia yiye se omanfo a woaahyam ahemfi ho no tumi te atemmu ne mu nkyerekyerem nsem ahorow a ebeto gua no nyinaa. Ode toa so bio se, eba se obi ammu mpanyimfo na obu mmara so te se fon ho dedeye asem no a, otumi gye nipa ko fon no de kosie, mpo etumi koba se nipa ko no nsa mpo ntumi nka bio se eto nea eye den a. Na Nyame pata de a, ansa na wo nsa beka fon no bio no gye se wode wo fa amammere kwan bi so ansa. Asotwe no



bi nso a ɔkae ne se etumi kɔba se wotumi ka onipa ko no si abɔnten fi nnipa no mu anaa aguabɔ no ase koraa. Saa anamɔntu ahorow nyinaa ye nhyehyee bi a wɔde boa kora kommye nneyee no mu, hye mu kena wɔ ahemfi bere a asenni bi rekɔ so.

Apegyahene mpaebɔ no akyi no, ɔdan akwannya no de ma kyeame ma no toa ne dwumadi so frɛfrɛ nsem a aba wɔn anim no biako biako hye ase siesiei. Te se nea na ekɔ so wɔ aban asennibea hɔ no, se kyeame frɛ asem na nnipa a asem no fa wɔn ho fi adi begyina nnipa dɔm no anim a, nea wasaman obi ne nea yeasaman no no nyinaa mmue wɔn ano nkasa gye se kyeame ama wɔn akwannya no ansa. Nana kyeame kyere saa adeye no mu se, eye amammere a obiara nni ho kwan se ɔkasa bere a nana te n'aguam na nana kyeame nso mmaa wo kwan se kasa. Nana kyeame sii so dua se ɔno nko ara na saa bere no akwannya no wɔ no se ɔbema obi kwan ma wakasa bere a nana te n'aguam, emfa ho ne wo dibere. Eye ɔno kyeame no na ɔbema kwan ama nea wasaman obi no bebɔ ne nkuro, na ɔno ara nso asan ama kwan ama nea yeasaman no no nso ayi nsem anaa kwaadu a yede abɔ no no ano se odi fɔ anaase odi bem.

Nnipa afaanu yi kekaa wɔn nsem no wiei no, nana faa kyeame so maa benkum akwannya ma wɔkyerɛ wɔn adwen faa asem a ɛda beguam no ho, na eno akyi no ɔsan nso dan de maa nifa saa. Nana kyeame toa so de akwannya no maa nana hema ma ɔde ne nsusui nso too gua fa asem no ho. Afei ɔdan de ma ahemfo nketewa anaa odikurofo a wɔahyia hɔ ma wɔde wɔn adwenkyerɛ to gua fa asem no ho bi. Saa adwenkyerɛ yi nyinaa mu no, mehyee no nso se bere biara ɔbiako ano besi no, kommye mmere tiawa bi betwam ansa na ɔfoforo nso de n'adwenkyerɛ atoa so. Saa ara na ekɔ so de besi bere a na ɛse se nana ankasa nso de n'atammu fa asem ko no ho to ɔmanfo no anim. Esiane se mpanyin guare wie a na nsu asa nti, nana ne nipa a ɔkasa de twa asem no to koraa. Na ansa na nana bebue n'ano mpo no, kyeame di kan team se, “*Nana rebekasa oo!*”. Mihui se saa ɔfrɛ no maa ahyiae hɔnom nyinaa ye dinn pa ara. Mebisaa akyeamehene

nea nti a ɔpaae saa nsem no bere a na adu nana so se ɔno nso de n'ano to asem no mu bi. Nana kyeame kyerem se, ɔye saa de twe ɔmanfo binom a ebia wɔn adwen afi dwumadi no so esiane biribi nti. Afei ɔka ka ho se, ɔde kyere ɔmanfo no soronko a nana nsem no ye, ne hia a eho hia wɔn wɔ asenni no mu. Bere nso a nana de ne nsem reto gua no, mehyee no nso se ne kasa mu no, na mpen pii ɔtaa home ne nsem no so a nka metumi mpo de atoto senea ɔbea pemfo bi a ɔregye nna awo tutu n'anamɔn. Saa nneyee yi bi nso kokɔ so pii bere a mpanyimfo yi mu biara besɔre se wɔrekasa anaa wɔrekyere wɔn adwen. Nhomeso dodow no nyinaa ye kommye nneyee a na ɛda adi wɔ nana kasa no mu. Mebisaa saa nneyee yi ho asem, na Nana Kyeame kyerem se, ɔhene nkasa bebreɛ anaa ntem so senea ɛbeyee a n'ano nkɔfom wɔ beguam nti. Na se yehu se nana kasa wɔ saa kwan no so a na mpen pii no ɔde redwen nsenhia a ɛbeboa ma n'atammu no adi mu. Afei nso Nana Kyeame ka ka ho se, nana tumi nam ne nhomeso anaa kommye a epuepue wɔ ne nsenka mu no de gye nyansa anaa mmoa fi nananom nsamanfo nkyen saa bere ko no ara mu.

Kommye afoforo binom nso a ɛdaa adi, a mehyee no nso ne bere a na nana fa kyeame so pe ahemfi mpanyimfo akuw ahorow bi te se benkum, nifa, nana hema ne ahemfo nketewa binom adwenkyere fa asem a na ɛda baguam no ho. Se Nana kyeame de akwannya no ma mpanyimfo akuw yi mu biako se wɔmfa wɔn adwenkyere nto gua a, mpanyimfo nkae no ye komm kɔpem se nana kyeame ankasa bema wɔn akwannya no. Bere a nsem no rekɔ so nyinaa no, mihui se efi bere a nnipa a wɔde wɔn nsem aba so de kosi bere a mpanyimfo akuw ahorow no nyinaa nso de wɔn adwenkyere beto mu fa asem ko a ɛda pono so ho no, na nana ankasa nso te n'aguam a waye dinn kɔpem se ɔno nso de n'ano beto asem no mu bi. Nana kyeame kyerem se, se ɔmanfo no de wɔn nsem reto gua anaase wɔrekyere wɔn adwen wɔ asem bi ho a, ense se Nana de n'ano to mu bi esiane ne dibere no nti.

Nana kyeame toa so ka se, nana kommye no mu no, ode tie nsem no mu na wasan nso de afa adwen afa kwan a obefa so de atemmu a ese beto gua afa asem ko no ho. Nana kyeame toa so se, Nana rekasa a, obiara ye dinn a obi nni ho kwan po se okasa saa bere no. Se mpo ekoba se obi kasa bere a nana wo guam a, ono ankasa kyeame hwe se obeka saa nipa no ama waye dinn atena ase, mpo wotumi kye saa nipa no dedua. Nana kyeame kyere se oye saa de bo nana dibere ne n'animonyam ho ban.

Mehyee no nso wo omanfo no afam kommye nneyee a woda no adi bere a asetena no rekɔ so. Efi bere a nana beba abetena n'aguam de kosi asetena no awiei nyinaa no, omanfo no daa kommye nneyee no adi mpen pii. Mebisaa nana kyeame faa nhye a na eda omanfo a wobaa asetena no bi so ase. Nana kyerem se, se asenka bi rekɔ so na kasa anaa nkommɔdi nketenkete bi koko so saa bere ko no ara a, emma se obi wo akyi a ontumi ntie nsem a ebia nana anaa obi de reto gua.

Ayankofa a kommye nneyee no ne ahemfi asenni wo no ye ade a esommo papaapa. Nea ekɔ so a mehyee no nso nyinaa di adanse senea kommye ho hia wo ahemfi bere a asetena bi rekɔ so, ne titiriw ne asenni bere anaa asenka bi rekɔ so. Afei nso, kommye ahorow a ededaa adi no nyinaa ye *locutionary* nneyee a ede ntease to gua.

#### **4.3 Nhwewem Asemisa 2: Nkyerease ben na kommye a Akanfo da no adi wo won asetena mu no wo?**

Ofa yi de nkyerease ahorow a efa kommye nneyee dodow a epuepuei wo aban asennibea, ahemfi asenni mu, sukuu ne asore ho, na afei suahu fa kommye ho a ankoreankore binom de domm me no beto gua. Mpensempensem no beto gua wo nsentitiriw nkyekyem kwan so.

#### 4.2.1 Nea ɛkyerɛ sɛ obi nni anoyi fa asem bi ho

Kommyɛ nneyɛ a ankoreankore binom da no adi wɔ tebea mu anaa asemmisa bi ho no tumi kyere sɛ saa nipa ko no nni mmuae ma asemmisa bi anaa onni asemmisa no ho adwen biara (Jensen, 1973). Yehu saa kommyɛ nkyerɛase yi bere a na adekyerɛ rekɔ so wɔ sukuu adesuaɔan no mu no. Kyerɛkyerɛni no bisa adesuafo no, “*Den ne apente din?*”. Adesuafo yi yeye dinn, a na wɔn mu biara ntumi mmua asemmisa a kyerɛkyerɛni no de too gua no ho. Mpo kyerɛkyerɛni yi boapa frɛ adesuafo no mu biako bisa, “*Appiah, kyere yen apente din ase*”. Osuani yi antumi ammue n’ano po nankapɛsɛ wankasa. Saa kommyɛ nneyɛ a adesuafo no da no adi no di adanse pefee sɛ na wonni mmuae anaa wonnim anoyi a ɛfata asemmisa a kyerɛkyerɛni no abisa no ho (Johannesen, 1974, pg.29, Levinson, 1983, Min, 2016). Kyerɛkyerɛni no bɔ mmɔden mpo sɛ ɔde nsem foforo besan nso afa kwan foforo so abisa asem ko no ara sɛnea ɛbeboa ama wɔatumi ate asemmisa no ase yiye, na ebia atumi aboa ma wɔatumi abua asemmisa no. Ɔka sɛ, “*Se yeka sɛ din bi ye apente din a, nhweso bi ne den?*”. Mmɔdemmo yi nyinaa mu no, adesuafo no antumi anhu ammua asemmisa no.

Afei sɛ yeregyina SAT so de akyerɛkyerɛ saa nkitahodi nneyɛ a ɛkɔ so wɔ sukuu yi mu a, sɛ ɛye *kɔnstatif* anaa *pefɔmatif*, yebetumi aka sɛ adesuafo no kommyɛ nneyɛ a wɔdaa no adi no ye *kɔnstatif* efisɛ kommyɛ nneyɛ a epuei wɔ asemmisa no akyi mmere dodow a edii wɔ saa tebea bi saa mu no ka to gua pefee sɛ na adesuafo no nnim mmuae a ɛsɛ fata asemmisa a kyerɛkyerɛni no bisae no ho. Mmere dodow a kommyɛ no dii wɔ asemmisa no ho mmuae ma ho no kaa biribi kyere kyerɛkyerɛni no sɛ adesuafo no nhye da nte asemmisa no ase yiye, nti ɛmaa wɔn san nso tii asemmisa koro no ara mu mpen ahorow, mpo de nsem afoforo binom daa no adi. Eyi ma saa adesuafo no nkitahodi saa bere no mu no beye *pefɔmatif* efisɛ wɔde nneyɛ kwan bi so no san nso reka anaa reye biribi.

Kommye nneyee no nso ye mmuae bi a adesuafo no fa so de reka biribi akyere kyerekyereni no se wonnim asemmisa no ho mmuae anaa ebia adesuade no ye won ade foforo, mpo emfa ho ne mmodemmo a kyerekyereni no bo faa akwan ahorow so se anka obema wate asemmisa no ase. Na se eba no se saa kommye nneyee no ye *locutionary*, *illocutionary* ne *perlocutionary* kwan so nso a, adesuafo no kommye nneyee a wadaa no adi wo asemmisa no akyi ne mmere dodow a won kommye no dii no di adanse bebree se na wonnim anaa wonni asemmisa no ho mmuae ho adwen biara, na eyi ma no ye *locutionary*. Eno so nti kommye nneyee no maa kyerekyereni no adwen baa ne ho so se n'atiefi no nte asemmisa no anaa adesuade a erekoo so ase yiye a eno nso ma no ye *illocutionary*. Adesuafo no kommye nneyee no awiei no maa kyerekyereni no dwennwen okwan a obefa so ape kwan foforo bi a ebetumi ama n'atoefi no atumi ate adesuade no ase yiye na wotumi adu n'adekyere no botae no ho. Saa kyerekyereni anamon yi kowie *perlocutionary*.

Asore ho nso ye beae bi a kommye nneyee a etumi kyere se obi nni anoyi bi ma asemmisa no nso da adi. Sifo panyin no gyina akuwakuw nkyerekyere a ekoo so Kwasiada som bere biara no so, na onam nsemmisa ne mmuae kwan so de ye nkyerekyere. Obisa asafo no se, "*Ghana Pentecostal and Charismatic Council (GPCC) dwumadi titiriw pa ara ne den*". Asemmisa no akyi no asore dan no mu yee dinn ma kommye a asore mma daa no adi no dii mmere kakra te se nea ekoo so wo sukuu mu de no. Eno akyi ansa na mmuae no fii ase se erepue. Esiane kommye nneyee no ne mmere dodow a edii nti, sifo panyin a odi dwumadi no anim no boo koko kaa se, se obiara antumi anyi asemmisa no ano ntem so a ebema bere a wode pon asore no betwe ako n'akyi asen bere a daa ese se wode pon asore. Kandini no asem no de nkanyan ba asafo no mu se wobeyi nsemmisa no ano.

Saa kommye a asɔre mma no daa no adi, ne mpen dodow a na eɛe sɛ sɔfo panyin no dannan nsem̄misa no ani, no di adanse pefee sɛ na asɔre mma no werɛ afi nsem̄ a wodii kan kosuae wɔ wɔn akuwakuw adesua no mu. Eno nti na wɔantumi amma asem̄misa no ho mmuae. Saa tebea yi mu kommye no foa Kurzon (2007) nkyerekyerem a ɔde ma fa Bruneau (1973) kommye dwumadi nkyekyem no ho so sɛ etɔ bere bi wɔ nkitahodi mu a wɔn a yerehwe mmuae bi anim afi wɔn nkyen no tumi twetwe wɔn ho wɔ mmuae no ma mu. Saa kommye nneyee no nso ye *kɔnstatif* a akyinnyegyɛ biara nni ho esiane sɛ nneyee no mmere tenten a edii saa bere no mu da no adi pefee sɛ na asɔre mma no nni anoyi ma asem̄misa no efise wɔn werɛ afi adesuae no mu nsentitiriw no. Asɔre mma no kommye nneyee mmere dodow a edii wɔ asem̄misa no akyi saa bere no nso ma yete saa nkitahodi no ase yiye sɛ wɔnnya anoyi mma asem̄misa a eɗa pono so no ho a eno nso bema saa ntease no abeyɛ *pefomatif*. Migye di nso sɛ na asɔre mma no kommye no di adanse sɛ wɔnni ɔpe pa no sɛ wɔbeɓua asem̄misa no saa bere no na mmom enye sɛ nim na wɔnnim asem̄misa no anoyi nti. Kommye nneyee a asɔre mma no yii no adi saa tebea no mu no beyɛ *locutionary* efise nneyee no ka biribi de kyere pefee sɛ wɔnni anoyi esiane fi a wɔn werɛ afi nti. Na afei nso mmere dodow a kommye no dii wɔ asem̄misa no akyi ansa na ebinom rebɛma wɔn nsa so no ka biribi kyere anaa twe sɔfo panyin no adwen si so sɛ wonnim anaa wɔnkae adesuae a wosuae no bio, na saa nneyee no ma no beyɛ *illocutionary*. Asɔre mma no kommye nneyee *perlocutionary* a eyɛ no ne sɛ emaa sɔfo panyin no huu sɛ eɛe sɛ ɔpe kwan foforo bi ma asɔre mma no te asem̄misa no ase na wɔantumi ama mmuae pa ama wɔanka akyi wɔ mmere a wɔde di dwuma wɔ ɔsom no mu. Eyi nti sɔfo kaa sɛ sɛ obira ammua asem̄misa no a ebɛma mmere a wɔde besom saa da betwe akɔ n'akyi, na eyi na asɔre mma hyee ase kekaa wɔn ho.

#### 4.2.2 Nea ɛkyerɛ ehu anaa suro

Kommyɛ nneyɛɛ binom a ankoreankore da no adi wɔ bere a nkitahodi bi rekɔ so wɔ tebea bi mu no tumi kyere ehu ne ayamhyehye tebea a saa nipa ko no wɔ mu saa bere no mu (Sim, 2007) a ɛno nti ontumi nkasa. Nkɔmmɔdi a ɛtɔ so abien, suahu a edi kan no mu da no adi sɛ, kommyɛ wɔ asem bi ho no tumi kɔfa ayamhyehye ba. Kyerekyerɛni no ampe sɛ ɔka asem biara fa mfomso a ne suani bea no yɛɛ no ho. Suani no nso rehwe kwan sɛ ne kyerekyerɛni no bɛfrɛ no, atwe n'ano wɔ nea wayɛ no ho nanso amma saa. Eyi de ayamhyehye ne ehu anaa suro begyaa suani no so. Eyi nti suani no hyɛ da kobisa ne kyerekyerɛni sɛ:

**Suani:** *Madam, mesrɛ wo, woasoma obi sɛ ɔmmɛfrɛ me?*

**Kyerekyerɛni:** *Daabi, mensomaa obiara sɛ ɔmmɛfrɛ wo.*

Sɛ yɛhwɛ no adwenmusɛm kwan so a, kommyɛ nneyɛɛ a suani no daa no adi no betumi akyerɛ sɛ na asem no abɔ no hu esiane bea a ne kyerekyerɛni no behuu no no nti. Saa osuani no kommyɛ nneyɛɛ a ɔdaa no adi saa tebea no mu kyerɛm sɛ na ehu abɔ no, na osuro, na asem no atɔ ne so sɛnea Bruneau (1973, p.37) kyerɛm wɔ ne kommyɛ dwumadi nhwehwɛm no. Mpen dodow nso a na suani no kokɔ ne kyerekyerɛni no fie kobisa no asem ko no ara nso da no adi sɛ na ehu abɔ no anaa suaro aka no. Afei nso, esiane ehu ne suro nti, oguan toaa kyerekyerɛni yi nuabea hɔ kɔbɔɔ no asem no amane. Ɔrehwe sɛ kyerekyerɛni nuabea no betumi aboa no ama n'ahoyeraw a ɔwom no betumi afi no so.

Sɛ yɛhwɛ suahu yi yiye a, ɛda adi sɛ kommyɛ a sukuuni no daa no adi bere a ɔne ne kyerekyerɛni no ani hyiaɛ no kyerɛm pefee sɛ na ehu abɔ no ɛno nti na wammue n'ano saa bere no. Asem yi fa bi nso foa Kurzon (2007) kommyɛ nkyekyɛm ahorow a ɔde too gua no so, ne titiriw ne Tematek/Asentitiriw bi ho kommyɛ. Osuani no kommyɛ nneyɛɛ



a ɔdaa no adi bere a ne kyerekyerɛni no huu no ne eno akyi nyinaa no yɛ *kɔnstatif* efise ne nneyɛe a ɔdaa no adi anaa anamɔntu ahorow a otuu wɔ bere a ɔne ne kyerekyerɛni no ani hyiae wɔ fi hɔ akyi no ma no di adanse sɛ wagye atom sɛ wafom anaa wabu sukuu mmara so nti ba a na ɔba ne kyerekyerɛni no nkyɛn wɔ n'atenae hɔ wɔ sukuu mu mpɛn dodow no nyinaa yɛ sɛ nka ne kyerekyerɛni no mmue n'ano nka nea wayɛ no ho asem na anka ɔntwe n'aso nanso amma mu saa. Sɛ anka wamfa ne ho ammekyere ne kyerekyerɛni no a, ɔfa bi no anka yebetumi nso akyere saa anamɔn no mu sɛ ebia osuro de nanso ɔnnyee ne mfomso ntoo mu sɛ wato sukuu mmara, na nka eno nso betumi de nsunsuanso soronko na ebɛba.

Kommyɛ nneyɛe no mmere dodow a suani no daa no adi ne anamɔn a otui wɔ bere a yehuu no akyi no kyerekyerɛni pefee sɛ na ehu abɔ no anaa osuroe, a ɛma no yɛ *pefɔmatif* nkitahodi. Esiane sɛ kommyɛ nneyɛe a osuani no daa no adi no wɔ nkyerease a ɛkyere sɛ wagye ne mfomso atom sɛ wafom nti, ɛkyere sɛ saa nneyɛe no yɛ *locutionary*. *Illocutionary* nneyɛe a ɛdaa adi no yɛ sɛ gye a ɔgyee ne mfomso too mu na ɔnam kommyɛ nneyɛe no kaa sɛ wafom. Na afei esiane ehu ne suro a na ahyɛ no ma nti, ɔdaa kommyɛ nneyɛe no adi sɛ ebia ebɛma ne kyerekyerɛni no anya ahumɔbɔ adwen bi. Saa nsunsuanso a enyaa wɔ sukuuni no so no ma no yɛ *perlocutionary*.

Akanfo asetena mu no, wotumi ka wɔn ano tom wɔ tebea bi mu esiane suro anaa ehu nti efise ebia na obue n'ano ka asem bi a na akɔfa ɔhaw kɛse aba. Nkɔmmɔdi a ɛto so abien, suahu a ɛto abiesa no di saa adanse no. Kommyɛ a Vida daa no adi bere a n'ani bɔɔ ne wɔfa anim de ehu bɛtoo ne so a eno nti wantumi ammue n'ano kɔpɛm sɛ ne wɔfa yere no ani baa ne ho so. Wantumi ammue n'ano anka ankyere Serwaa sɛ ne kunu no gyina mpoma no mu retie ne nsem no nti ɔnka n'ano ntom. Vida daa no adi sɛ, na osuro sɛ ne wɔfa de no befra nea na ne yere Serwaa reyɛ no ho. Esiane suro anaa ehu nti, ɛtoo



no adwennwen se ɔsianka ne wɔfa yere yi nsenka anaa ɔmma no nkɔ so efise n'adwen mu no na osuro na ɔmpɛ se ne wɔfa bɛdwɛn se ɔne ne yere no na aka abom reka ne ho nsem. Esiane se na Vida mpɛ se ne wɔfa yi bɛdwɛn saa nti nkɔmmɔ a na Serwaa ne no di nyinaa no wannyegyɛ ho nankapɛse waka bi, sɛnea ebedi adanse akyerɛ ne wɔfa se ɔnka nea ɛkɔ so no ho na wayi no afi nsunsuanso biara a ebepue mu akyi. *Locutionary* nneyɛe a ɛbaa mu ye dinn a Vida yɛe bere a ohui se ne wɔfa gyina mpoma no mu anaa agyaade no akyi reto ntaade na Serwaa nso gu so rekasa, na Vida antumi ammue n'ano esiane ne wɔfa nti kyerɛm se na biribi nkɔ yiye esiane nsunsuanso a nea ɛrekɔ so betumi de aba nti.

Yebetumi nso anya *illocutionary* nneyɛe wɔ Vida kommyɛ a ɔdaa no adi fi bere a n'ani huu ne wɔfa de kosi bere a owiee n'adeto no. Saa kommyɛ nneyɛe di adanse se na Vida abɔ hu anaa wasuro. Ama kommyɛ a ɔdaa no adi wɔ tebea no mu no betumi aka biribi akyerɛ ne wɔfa se ɔnka nea ɛrekɔ so no ho, ɛno nti yebetumi ayi no afi nea ɛrekɔ so no ho nsunsuanso biara mu. Eyi ne asem yi *perlocutionary* nkyerɛm fa a ɛwom.

Nkɔmmɔdi a ɛtɔ so abien, suahu a ɛtɔ so abien, nso kyere kommyɛ a Akanfo da no adi wɔ tebea bi mu na etumi kyere ehu anaa suro to gua. Moda ka se esiane se onim sɛnea ne papa suban te, na ɔno nso mpɛ animka nti, bere a ɔkɔɔ asɔre na wamma ntem no, ɛde ehu bi bewuraa no. ɔkyere se, ne maame amane a ɔde bɔɔ no kaa se ne papa abebisa no ase na wanhu no, ɛno nti ne bo afu no, maa ehu a na abɔ no mfiase no beyɛɛ kɛse. Saa tebea yi de ayamhyehye ne ehu anaa suro begyaa ne so fi saa bere no. Moda ankasa dii tebea no ho adanse bere a ɔka se, bere a ɔde ne papa aduan resi n'anim, na ani a ne papa de hwɛɛ no wɔ kommyɛ kwan so, maa no tee abufuw a na ne papa wom no mpɛmpenso ase pa ara. Moda antumi ankasa ne papa ho mpo ade kyee esiane ehu a na abɔ no nti, na ɔnam kommyɛ nneyɛe no so na ɔde daa ne tebea a ɔwom no adi. Saa tebea yi foa

Berger (2004) dwumadi no so senti a nnipa bi ye komm wɔ tebea bi mu. Moda ka se, asem no kɔɔ so maa ehu a na ewɔ ne mu no ma no yee basaa. Moda daa no adi se, ekaa ne nko a anka ne papa mmisa no asem no mu na onkyerɛkyere no ase, nanso wanna no saa. Esiane se na Moda nim senea ne papa su te dedaw nti, ɔdaa saa kommye nneyee no adi, a ekyere *konstatif*, wɔ ne papa anim a eye nkitahodi a ekyere se na osuro wɔ ayamhyehye mu. Nti *pefɔmatif* kwan so no, ne kommye no ka kyere se na wabɔ hu. Eba no *locutionary* nneyee afa mu a, Moda kommye nneyee a ɔdaa no adi saa tebea no mu no ka to gua, ma ntease ye adwuma se osuro anaa ehu abɔ no.

*Illocutionary* nneyee nso ma yehu se ne kommye nneyee a ɔdaa no adi no ka to gua se wagye atom se wafom se wamma fie ntem, nna *perlocutionary* nneyee nso ma yehu se Moda kommye nneyee no ye kwan bi a na ɔrefa so de ne kyewpa ato ne papa anim efa ne mfomso a waye no ho. Eyi ho adanse ne se afei edii nna kakra no, Moda papa hyee ase kasaa ne ho a etumi di adanse se bonefakye aba.

Ansa na yebeka se obi bu obi anaa ɔwɔ obu ma obi no, na saa su no fapem titiriw biako ne suro. Kommye nneyee ahorow binom a ededaa ne ho adi wɔ mmeae ahorow, asɔre, asennibea, sukuu, ahemfi, no nyinaa di adanse se kwan bi si no na suro anaa ehu su bi adi afra redi dwuma wɔ ho. Ne titiriw ne asɔre ho kommye a ekɔɔ so bere a na sɔfo panyin no di asafo no anim wɔ Nyame asem sua bere no mu, asennibea ho kommye bere a otemmuafo no rekasa, sukuu mu ho adesuafo no kommye bere a kyerekyerɛni no rekyere ade ne ahemfi ho kommye bere a nana de ne nsɛm to gua. Saa mmeae ahorow yi mu nyinaa mu no na asɔre mma, atiefo wɔ aban asennibea, adesuafo ne ɔman mma wɔ ahemfi ho nyinaa ayeye komm, esiane se se kasa bi anaa dedeye bi kopue mu bere a mpanyimfo yi de wɔn nsɛm reto gua a, etumi kɔfa asotwe anaa animguase bi de bre nipa ko a ɔbeye saa no so senea Bruneau (1973, p.42) ka nsunsuansu a eba wɔn a wɔda

suban bi a ɛte saa adi so. Nti bere a atiefɔ yi ayeyɛ dinn wɔ tebea bi mu saa no, wɔde rekyerɛ obu ne nnidi ama wɔn mpanyin no, kwan bi nso no, ɛsan nso kyere suro anaa ehɔ a ɛwowɔ atiefɔ no afa ɛsiane nsunsuanso bɔne a edi dedeyɛ wɔ saa bere no mu nti. Bere a *locutionary* ɛrekyerɛ suro a atiefɔ no suro sɛ ebia asotwe anaa animguasesem bi betumi ato wɔn wɔ beguam hɔ nti wɔyɛ dinn no, na *illocutionary* nso rekyerɛ ahodaso anaa ahweyiye su a atiefɔ no nam kommyɛ so da no adi senea ɔhaw biara mma wɔn so bere a wɔwɔ nhyiam no ase, na afei *perlocutionary* nso akyerɛ yen sɛ kommyɛ nneyɛe a atiefɔ no da no adi no hyɛ mpanyimfo no nkuran wɔ wɔn asɛnka no mu na afei nso ama ankoreankore biara a ɔwɔ hɔ bere no mu no nso ada ne ho so ama wɔayɛ dinn.

#### 4.2.3 Nea ɛkyerɛ obu, ahobrease, nnidi

Ɛtɔ mmere bi wɔ tebea afoforo binom mu a, kommyɛ a Akanfo da no adi bere a nkitahodi bi rekɔ so no tumi kyere sɛ nipa no rekyerɛ obu anaa ahobrease anaa nnidi anaase ne nyinaa bere ko no ara. Kommyɛ nneyɛe no bi a asɔre mma no daa no adi wɔ asɔre hɔ, ɔmanfo no daa no adi wɔ ahemfi hɔ bere a wɔtwɛn sɛ kyeame hene bɛma wɔn akwannya no ansa na wɔakasa no da no adi sɛ ɔmanfo no de obu anaa nnidi ama mpanyimfo. Aban asennibea hɔ nso adansedifo anaa atiefɔ no da nnidi ne obu su adi bere a wɔda kommyɛ nneyɛe no adi wɔ asennibea hɔ. Sukuu mu nso kommyɛ nneyɛe a adesuafo no daa no adi bere a wɔn kyerekyerɛni no hyɛn adesudan no mu ne bere a adekyerɛ rekɔ so wɔ sukuu dan mu no kyere kwan a wɔfa so de obu ne nnidi ama wɔn kyerekyerɛni no. Saa suban yi foa nea Johannesen (1974, pg.24) ne Min (2016) nso kaa ho asem no. Kommyɛ nneyɛe ahorow a nnipakuw ahorow no dedaa no adi wɔ mmeae ahorow yinom di adanse sɛ na wɔrekyerɛ obu, ahobrease ne nnidi ama tumi anaa mpanyin wɔ saa bere no mu. Tebea binom mu nso wɔ hɔ a kommyɛ a epue mu bere a nkitahodi bi rekɔ so no nkyerɛase tumi kyere sɛ obi reda obu, ahobrease ne nnidi adi

(Jandt, 2015). Osom bere wɔ asɔre hɔ nso, sɔfo panyin ka sɛ, bere biara a sɔfo panyin bɛkasa, titiriw ne nyamesenka mu no, asafo no da kommyɛ nneyɛe no adi de kyere obu, ahobrease ne nnidi mpɛmpɛnso a wɔwɔ ma Onyankopɔn ne sɔfo no. Panyin no toa so sɛ, bere a asɔre no reba n'awiei no, Honhom Kronkron de nkɔmhyɛ nsem tumi fa obi so brɛ asafo no, na saa bere no asɔre ba biara de obu, ahobrease ne nnidi yɛ dinn tie nea ɛwɔ nkɔmhyɛ no mu. Asɔre ba kommyɛ nneyɛe a ɔda no adi saa mmere anaa tebea no mu kyere ahobrease, obu ne nnidi a wɔwɔ ma Nyankopɔn, asɔre mpanyimfo ne mpo nea nkɔmhyɛ no fa ne so bae no nyinaa.

Ahemfi hɔ nso, ɔmanfo no da kommyɛ nneyɛe no adi bere a nana rekasa de n'atammu ato gua afa asem bi a ɛda guam ho. Sɛ ɛba no saa a, ɔman ba biara a wɔahyam hɔ yɛ dinn, nwen n'aso wɔ nea nana de reto gua no ho, a eyi yɛ obu ne nnidi nneyɛe a ɔmanfo no da no adi de kyere wɔn hene. Ahemfi mfatoho no ne asennibea hɔ de no bɔ atipɛn wɔ saa kwan no so. Adansedifo anaa atiefɔ dodow a wɔahyam wɔ aban asennibea hɔ nyinaa yɛ dinn bere a otemmuafo no te n'agua mu redi asem.

Eyi nso di adanse obu ne nnidi a nnipa a wɔahyam hɔ no wɔ ma otemmuafo no ne ne dwuma a odi. Bere a wɔde kwaadubɔfo ne nea yeabɔ no kwaadu no bɛba abegyina wɔn adaka mu no, saa nnipa yinom yɛ dinn kɔpɛm sɛ otemmuafo no bɛma wɔn akwannya no sɛ wɔnkasa. Saa nneyɛe yi a nnipa yinom yi no adi no tumi kyere sɛ wɔwɔ obu ne nnidi ma otemmuafo no anaa tumi a ɛreyɛ adwuma wɔ hɔ no, na amfa ntwitwananmu ne ɔhaw biara amma (Wardhaugh, 1985).

Sukuu mu nso, osuani no ka sɛ, senti a wɔpɛtu yɛɛ dinn bere a wohuu sɛ wɔn kyerekyerɛni no reba adesuadan no mu abɛhyɛ n'adekyere ase. Okyerɛm sɛ, ɛyɛ nneyɛe bi a wɔde kyere obu, ahobrease ne nnidi a wɔwɔ de ma wɔn kyerekyerɛni no efise ogye di sɛ anka kyerekyerɛni no ba bɛtoo wɔn sɛ wɔrekasa anaa wɔredi wɔn ho nkɔmmɔ a,

anka ebeyɛ aniammɔho nsenkyerɛnne de akyerɛ no. Na afei nso ɔde toa so sɛ, bere a kyerekyerɛni no gyina wɔn anim rekasa wɔ adekyerɛ bere no mu nyinaa no, adesuafo no yɛɛ dinn tie nea yerekyerɛ no a saa nneyɛɛ no, kwan foforo so, betumi akyerɛ obu ne ahobrɛase ne nnidi a adesuafo no wɔ ma wɔn kyerekyerɛni no.

Sɛ yedi kan hwɛ kommyɛ nneyɛɛ ahorow a ɛdaa adi wɔ mmeae ahorow wɔ *locutionary* kwan so a, nea ɛkɔɔ so no nyinaa yɛ nneyɛɛ a edi adanse, na ntease wɔ mu anaa ɛkyerɛ sɛ ɔmanfo no, ɛyɛ adansedifo anaa atiefo no, asɔre mma no ne asukuufo no wɔ obu, ahobrɛase ne nnidi de akyerɛ mpanyin anaa tumi. Migye di sɛ nka saa nnipakuw yi wɔ mmeae ahorow yi mu kasae bere a mpanyimfo no rekasa a nka ɛnkyerɛ nnidi ne obu ne ahobrɛase de ma wɔn mpanyin a wɔte agua mu no. *Illocutionary* afa mu no, kommyɛ nneyɛɛ ahorow no yɛ nneyɛɛ a wɔnam so ka sɛ asukuufo no, asɔre mma no, ɔmanfo no ne adansedifo no reda nnidi ne ahobrɛase ne obu de ma wɔn mpanyimfo ahorow no anaa wɔn tumi. *Perlocutionary* kwan so nso no, saa kommyɛ nneyɛɛ no yɛ ɔkwan a nnipakuw fa so aka biribi de ahyɛ wɔn mpanyimfo a wokura tumi anaa wodi wɔn kan no nkuran sɛ wobu wɔn, brɛ wɔn ho ase ma wɔn, san nso wɔ nnidi de ma wɔn sɛ wɔn akandifo wɔ wɔn asetena mu. Ɛsan nso tumi kyere sɛ nnipa no foa wɔn mpanyimfo no dwumadi so sɛ wɔn akandifo (Shafik, 2011, p.451) nti wɔnkɔ so ara.

#### **4.2.4 Nea ɛkyerɛ asem bi ho adwennwen**

Kommyɛ nneyɛɛ no bi wɔ hɔ na sɛ epuem wɔ tebea bi mu wɔ nkitahodi mu a, ɛyɛ a etumi kyere sɛ nea wayɛ komm no redwennwen nsɛm bi ho bere a nkitahodi bi rekɔ so (Kurzon, 2007; Jensen, 1973; Johannesen, 1974; Wardhaugh, 1985; Saville-Troike, 1985; BACP, 2016; Szuchewycz, 1997). Ɛba no asɔre hɔ a, sɔfo panyin no ka sɛ, bere a ɔsɔre bere no reba n'awiei no, ɔkandini wɔ saa ɔfa no mu no ka kyere asafo no sɛ afei

wonye komm a obiara nkasa, na wɔmfɔ saa bere tiawa no nnwennwen Nyankopɔn kɛseye ho, ɛmfɔ ho sɛ wɔte ho anaa wogyina ho. Eyi na Louis (1994) nso to din sɛ *Ɔsɔre mu kommye*, a ɔkyere sɛ saa ɔfa no wɔ nyamesom mu no boa asomfo anaa agyidifo de mpegya ba wɔn nsraban mu. Bio nso, ɔsɔre bere no mu no, nea odi anim no ka kyere obiara sɛ afei wommue wɔn ano na wɔnyi Nyankopɔn ayɛ, sɔfo panyin no saa bere no mu ammue n'ano bi. Sɔfo panyin kyere saa kommye nneyɛe no mu sɛ, na saa da no ɛsɛ sɛ obi foforo na nka ɛsɛ sɛ obedi ɔsom no anim wɔ nyamesɛka mu nanso biribi nti nipa no antumi amma, eyi nti bere a na wayɛ dinn no nyinaa na ɔrebɔ mpae, dwennwen, bisa Nyankopɔn nkyɛn akwankyerɛ anaa sɛn na ɔsom no nkɔ. Saa nkyerɛm yi si Szuchewycz (1997) dwumadi fa agyidifo kommye nkyerɛase no so dua. Kommye soronko abien a epuei bere a sɔfo panyin de nyame asem reba, nea ɛbaa asemmisa no akyi Kyerɛw Kronkron adesua adesua bere no mu no yɛ kommye a asafo no de dwennwen asemmisa a sɔfo no de too gua no ho mmuae. Afei nso, kommye puee mu bere a nea ɔredi ɔsom no ho kyeame no buɛe kwan maa annwontofo no sɛ wɔmfɔ nnwom biako mmetwam ansa na nyame asem aba. Bere a ɔkasafɔ no ano sii ara no, annwontofo yɛe dinn simasin kakra, hwɛhwɛe wɔn ho anim ansa na wɔrehyɛ nnwonto no ase. Sɔfo panyin no kyere saa kommye bere no mu sɛ, saa bere no na wɔde kommye bere tiawa no siesie wɔn ho, bere a wɔredwennwen nnwom ko ne sɛnea wɔbɛhyɛ ase afa.

Akanfo asetenam nso, wɔn ahɛmfɔ asetena anaa asenni mu nso, wɔtumi fa kommye nneyɛe no so de dwennwen nsem a wɔpɛ sɛ wɔde to gua ho ansa na wɔabue wɔn ano. Ahɛmfɔ ho nso, bere dui sɛ nana ankasa nso de ne n'atammu beto gua afa asem a ɛda gua mu ho no, kwan a na nana fa so kasa ne nsem no wɔ fam anaa ɛyɛ bɔkɔɔ. Nana kyeame daa no adi kyere sɛ, amammere kwan so no, ɛnsɛ sɛ nana rekasa a ɔkasɔ ɔhare so, mmom ɔto ne bo ase yiyi ne nsem no. Nti nhomeso ahorow a ɛyɛ a epuepue wɔ ne kasa mu nyinaa nso wɔ asekyere. Nana kyeame kyere sɛ, kommye asinasin anaa

nhomeso ahorow a yehui se ehyehye nana kasa mu no, esiane se ense se nana ano fom wo baguam ne kasa mu nti anaa ne manfo anim, na obetumi anya nsem titiriw a ehia fa asem a eda beguam no ho nti, ese se nana tumi fa saa kasa mu nneye kwan no so de dwennwen nsem a ode reto gua no ho ansa na apue wo ne manfo anim efise nana anom nsem sommo yiye. Saa nkyerease yi a kyeame hene de mae foa nea Kurzon (2007) de too gua de kyere senti a nnipa binom te se ahemfo to won bo ase wo won nsenka mu so.

Kasa mu nhomeso yi bi ko so wo sukuu mu bere a akyerkyerani no rebɔ mmɔden akyerkyere adesuada bi mu akyer asuafo no. Ohome ne nsenka no so mpen pii wo n'adekyere no mu. Kyerkyerani no daa no adi se, na eye akwan bi a eboa no ma otumi dwennwen nsentitiriw a ese fata ma adesuada no, na watumi de akyerkyere nsem mu ama adesuafo no atumi ate nea akyerkyere won no ase yiye. Eyi nti, se adesuafo no bete adesuada no ase nti na ema mpen pii kyerekyerani no ye komm simasin bereano wo ne kasa mu. Saa ara nso na ekoo so wo aban asennibea ho nso. Otemmuafo no mpen pii de kommye nneye no tetew ne nsenka mu. Opanyin me ne no twetwee nkommɔ no kyere se, eboa otemmuafo no ma otumi dwen nsem a ehohia ma atemmu a ode rema no ho.

Akanfo asetena mu nso, eto bere bi wo tebea bi mu a, wotumi fa kommye nneye no so de dwennwen anamontu bi a wope se wotu ho. Nkommɔdi a eto so abien, suahu a eto so abiesa, Moda daa saa kommye nneye no bi a na edi adanse fa nea kommye nkyerease yi ho. Moda huu ne wofa se ogyina mukaase mpoma no akyi, na saa bere no mu nso ne wofa yere Serwaa nso nnim na ogu so redi ne kunu ho nseku kyere no. Moda daa no adi se, saa tebea no maa no dwennwen se osianka ne wofa yere no kasa anaa biribi foforo. Otoa so kyere se, adwennusem kwan so no, na onhu se omfa ne ho nwura nkommɔ a Serwaa keka no mu anaa onka kyere Serwaa se ne kunu gyina mpoma no akyi nti onnyae kasa. Osan de soo so se, esiane se na ompe se ne wofa bebu no aka nea ereko so



no ho bi nti ɔkaa n'ano toom, a ɔno nso a ontumi nka nkyere Serwaa se onnyae kasa nso. Nti saa tebea yi mu kommye no tumi kyere adwennwen tebea bi a obi wom fa anamɔn bi a ɔpe se otu ho nti, na ansan nso ankɔfa nsunsuanso biara amma akyi (Johannesen, 1974).

Nkɔmmɔdi a edi kan nso ma yetumi ma yenya mfoatoho bio fa kommye a yeda no adi wɔ tebea bi mu de kyere asem bi ho adwennwen. Esiane se na nsem a na wɔreka wɔ nkɔmmɔtwetwe no mu kaakae ababaawa no nsem bi a ehaw, senea Johannesen (1974, p.29) kyere no, nti ɔyee dinn tenaa wɔn nkyen a wanka biribiara amfa ho bi. Ɔkyerekyerɛ me mu, bere a me bisaa no fa saa kommye nneyee no ho, se na nkɔmmɔ no mu nsem no twetwe n'adwen kosi ne tebea bi a ɔwɔ mu wɔ fie. Emaa no dwennwen nsem a na ne nnamfo no rekeka no ho a na ekae ne yaw.

Se yepensempensem nneyee yinom wɔ SAT kwan so, *locutionary* fa mu no, kommye nneyee ahorow no a ededaa adi no di adanse se na nnipa ahorow a wɔdedaa nneyee no adi no wowɔ adwennwen tebea mu a ntease wom se biribi kɔ so wɔ wɔn adwen mu saa bere no. *Illocutionary* fa mu nso no kommye nneyee no ka se saa nnipa no redi awerehow anaa yaw bi te se nea ekɔɔ so wɔ suahu a edi kan no mu no, anaa ɔde retwe ne ho afi asem a erekɔ so mu te se nea yehui wɔ suahu a eto so nnan no mu. Etumi nso ka se nea ɔreda nneyee no adi no nam saa kwan no so de siesie ne ho ama dwumadi bi te se nea ekɔɔ so wɔ ɔsɔre bere no mu wɔ asɔre no, anaa ɔde repe nsem a efata ma asem a wɔreka anaa yerekyerem bi ho te se nea ekɔɔ so wɔ ahemfi ne adesua dan no mu no. *Perlocutionary* afa mu nso kommye nneyee no ma wɔn a wɔrekasa anaa wɔda nneyee no adi no tumi nyinya nsem a ehia ma wɔn dwumadi bi a wɔredi te se nea yehui wɔ ahemfi, aban asennibea, adesua dan no mu. Suahu a edi kan no kommye no maa ababaawa no tumi de nsem no siee ne mfefo amma wɔanhu ne ana ɔrekɔ mu. Migye di



se Moda koma beto ne yam se wanka nsem a na Serwaa rekeka fa ne kunu ho no bi esiane se ne kommye nneyee a odaa no adi kyere ne wofa no di adanse se na onka nea ereko so no ho.

#### 4.2.5 Nea ekyere adwen mu mfonitwa

Etɔ bere bi nso a kommye nneyee a nnipa binom da no adi bere a nkitahodi bi reko so no tumi kyere se saa nipa no retwa asem anaa ade bi ho mfonɔ wɔ n'adwen mu fa asem a woredi ho nkɔmmɔ no ho. Yebetumi anya ofa yi ho mfatoho bi wɔ asɔre ho bere a asɔre no reko n'awiei mu no nea odi saa ofa no anim no hye asafo no ma woye dinn mmere tiawa bi ma wode dwennwen Nyankopɔn kɛseye ho. Saa bere no mu no, asɔre mma no dwennwen wɔn ti mu de twa mfonɔ fa senea Nyankopɔn kɛseye ne ne tumi te, eba no senea n'abode te, anwanwade a waye ne nea ekeka eyinom bi ho senea Szuchewycz (1997) kae ara pe. Suahu asem a edi kan no mu nso ababaawa no hyee ase twaa mfonɔ wɔ n'adwen anaa ne ti mu bere a na onɛ ne mfefo no hyiae redi wɔn ho nkɔmmɔ. Nkɔmmɔ no mu nsem no a na ababaawa no retie fi ne nnamfonom nkyen no maa ohyee ase twaa mfonɔ kae kwan a onno ne maame ne no si fa tena wɔ wɔn fi senea (Sifianou, 1997) nso kyere no. Senea ne maame nni ne ho adaagye, na ontwe no mmen no ho nkyere no ennanom do no ye mfonɔ a na saa bere a nnamfo no redi nkɔmmɔ no nyinaa no na ereko so wɔ n'adwen mu.

*Locutionary* afa mu no, nnipakuw no kommye nneyee no ma yete ase se biribi te se sini anaa mfonɔ bi reko so wɔ nea oreda nneyee no adi adwen mu anaa n'ani so bere a nkitahodi bi reko so na waye dinn no. *Illocutionary* kwan so nso nea oda nneyee no adi no nam kommye nneyee no so de kaakae ne suahu bi a atwa mu, se eye anigyesem anaa awerehosem bi. Te se nea ababaawa no daa no adi no, kommye no ma no twee n'adwen

kɔɔ nsem bi a na asisi dedaw wɔ n'abrabɔ mu so, saa nso na asɔre hɔ nso wɔnam kommye no so de twe ben wɔn Nyankopɔn. *Perlocutionary* nso, wɔda nneyee no adi senea ebeye a wɔde benya nkitahodi mu apam te se mfatoho a yeadi kan ahu wɔ asɔre hɔ no. Ema nipa no tumi de kae ɔno nso suahu bi fa nsem a nnipa binom retwetwe ho nkɔmmɔ no ho.

#### 4.2.6 Nea ekyerɛ se obi adwen wɔ ade/asem bi so

Etɔ bere bi nso a eye a nipa kommye nneyee binom a wɔda no adi wɔ nkitahodi mu no tumi kyere se saa nipa no adwen adɔ asukɔ wɔ nea ɔne no redi nkɔmmɔ anaa ɔrekasa akyerɛ no no nsem no mu. Johannesen (1974, p.29) kommye dwumadi ahorow bi a ɔdaa no adi efa nkitahodi mu a eka se kommye tumi kyere se obi adwen afi anaa enni nkitahodi bi erekɔ so ho no bɔ abira wɔ ɔfa yi ase. Yeadi kan ahwe mfatoho bi wɔ asɔre hɔ. Eyi ne mmere ahorow a akandifo ahorow a wodii nnwumadi ahorow anim wɔ ɔsom bere no mu, te se bere a sofo panyin no bedii anim wɔ nyamesenka bere no mu, ne titiriw ne se ɔhyee ase na ɔreka akyerɛ asafo no se wobegyina da no akuwakuw adesua a wosuae so de aye nkyerɛkyere kosi bere a ɔhyee ase se ɔrebisa nea obiara suae wɔ akuwakuw adesua no mu.

Bere a sofo panyin no reka nyame asem no, na asɔre mma no nyinaa aye komm a bere a mebisaa sofo no wɔ ɔsom awiei no ɔkaa se saa tebea no mu na asafo nyinaa retie nea na ɔde reto gua no. Nti odii adanse se na saa bere no asɔre mma no adwen nyinaa si sofo ne ne nsem a ɔreka no so. Kommye a ete sei no, Tannen (1985) kyere se, etumi de nsunsuanso pa ba wɔ nkitahodi mu. Mmere afoforo bi nso a edaa saa kommye su yi adi nso ne bere a asɔre no kyerekyerewfo de nkaebɔ nsem reto gua ne bere a ɔsɔre no rekɔ n'awiei no nkɔmhye rekɔ so no nyinaa ye mmere a na asafo no aye dinn a ekyerɛ se

wɔn adwen di nea ɛrekɔ so no akyi. Afei nso mmere ahorow wɔ ɔsom no mu a obi gyina bɔ mpae nso asafo no yɛ dinn kwan bi so de di adanse sɛ wɔn adwen di mpaebɔ no akyi.

Sɛ yɛhwɛ sukuu hɔ nso a, bere a kyerekyerɛni no rekyerɛ adesuafo no ade no, adesuafo no yɛɛ dinn, titiriw ne sɛ adesuade no yɛ adesuafo ade foforo ne bere a adesua no ahyɛ ase. Wɔn kommyɛ no kyere sɛ wɔn adwen nyinaa wɔ nea wɔn kyerekyerɛni no rekyerɛ wɔn no so. Saa kommyɛ nneyɛe san nso kɔ so bere a adesuafo no kɔ wɔn ankoreankore anɔpa anaa anwummere adesua so, bere a wɔahyam anɔpa retie nkaebɔ ahorow ne afei nso bere kyerekyerɛni bi reka asem anaa resoma ne sukuuni.

Aban asennibea hɔ ne ahemfi nsenni no nyinaa daa saa su ahorow yi binom adi bere a na nkintahodi rekɔ so no. Bere a nana bɛkasa wɔ ahemfi anaa otemmuafɔ no bebue n'ano wɔ asem bi ho no, beae hɔ nnipa nyinaa yɛ dinn tie nsem a efi saa mpanyimfo yi anom reba no. Saa bere no a nnipa no ayeyɛ dinn retie nyinaa wɔn adwen wɔ nsem a ɛretɔ gua no so sɛnea ɛbeyɛ a, sɛnea kyeame hene ne asennibea hɔ dwumayɛni kekae no, obi nkɔka biribi foforo nsen nea ɛkɔ so ankasa wɔ mmeae ahorow yi mu.

Na sɛ yɛfa suahu nsem no nea ɛto so nnum no a, bere a Vida wɔfa begyinaa mukaase mpoma no akyi dinn no, wankasa bere a na ne yere Serwaa redi ne ho nseku akyerɛ Ama nanso na onnim sɛ ogyina akyi hɔ retie nsem no. Vida wɔfa kommyɛ nneyɛe no kwan bi so no betumi akyerɛ sɛ na n'adwen wɔ nsem no a na ne yere no rekeka no so bere koro no ara nso n'adwen wɔ n'adeto no so.

*Locutionary* ma no da adi sɛ kommyɛ ahorow a epuepuei wɔ mmeae ne mmere ahorow no nyinaa no mu no di adanse sɛ na wɔn a wɔdaa nneyɛe no adi no adwen wɔ nsem a na ɛrekɔ so no so. Wɔda saa nneyɛe no adi de ka biribi kyere ɔkasafɔ no saa bere no sɛ ɔretie ne nsem no, eyi ne *illoctionary* nkyerɛm wɔ saa nneyɛe no mu nna *perlocutionary*

nso boa kyerem se nnipa no da kommye nneyee no adi de boa kasafɔ hye no nkuran wɔ ne nsem a ɔde reto gua no ho. Eboa ma nea ɔrekasa no hu se atiefɔ no retie nea ɔreka no.

#### **4.2.7 Nea yɛde si animguase, aniwu ne fere ano**

Etɔ bere bi nso a, esiane se yempɛ se animguasesem anaa aniwusem anaa fere nsunsuanso beba yen so esiane asem bi a akɔ so anaa erekɔ so nti, yetumi da kommye nneyee no adi de ye bammɔ si saa ɔhaw no ano kwan (Basso, 1972; Brown & Levinson, 1987; Berger, 2004; BACP, 2016). Se yehwe mmeae ahorow no te se ahemfi, asennibea, asɔre ne sukuu a mpɛn pii no yehu se nnipa a wohyam wɔ mmeae hɔ no ye dinn bere a obi gyina guam rekasa. Esiane se kommye ye ade a ehia na eboa wɔn nnwumadi bi nkɔso nti mpanyimfo a wɔwɔ mmeae ahorow yi mu no hwe ma saa kommye nneyee no gyina bere a dwumadi bi rekɔ so. Se ekɔba se kwan bi so no nnipa no mu bi a wɔahyam hɔ no de dedeye anaa kasa hunu besianka dwumadi a erekɔ so no a, mpanyimfo a me ne wɔn twetwee nkɔmmɔ no kyeree se wotumi di kan bɔ nipa ko no kɔkɔ na se ekyen so a wotumi de asotwe ma saa nipa no.

Esiane saa nsunsuanso bɔne a ebetumi apue mu nti, nnipa a wɔahyam wɔ hɔ nyinaa ye dinn bere a dwumadi no rekɔ so gye se yɛafre obi se ɔnkasa ansa, na eyi si Brown & Levinson (1987) fa senti a ebinom ye kɔmm wɔ tebea bi mu. Eyi nti saa kommye nneyee a adesuafo da no adi wɔ adesua bere mu, nea asɔre mma no da no adi wɔ ɔsom bere mu, nea ɔman mma da no adi wɔ asenni bere mu, adansedifo anaa atiefɔ da no adi wɔ aban asennibea mu nyinaa kwan foforo so no tumi di adanse anaa kyere ahobammɔ kwan bi a wɔde resi se ebia animguasesem anaa aniwusem anaa fere ano senea ebeye a saa ɔhaw yi mu biara mma wɔn so wɔ baguam hɔ.

Ahwɛɛ bere no mu no, bere a kyerekyerɛni no bisaa adesuafo no sɛ *Den ne apɛntɛ din* no, asemmisa no ho mmuae maa adesua dan no mu yɛɛ kɔmm. Mebisaa mu no, adesuafo no mu biako kyere sɛ ɛkɔba sɛ obi antumi amma mmuae a ɛfata no yiye anaa nipa no ano kɔfom bere a ɔrema ne mmuae no a etumi ka ne mfɛfo no ma wɔsere no, eyi de aniwu ne fɛre ba saa osuani no so. Sɛ ɛkɔba sei a ɛnhye osuani no nkuran sɛ onyi nsemmisa ano bio bere a adesua rekɔ so, na ɛsan nso nya nsunsuanso bɔne wɔ ne mfɛfo nkae no so ma wɔtwetwe wɔn ho wɔ nsemmisa anoyi ho.

Yɛhwɛ suahu asem a ɛto so abiesaa a kyerekyerɛfo panyin a ɔwɔ ntoaso sukuu mu kɔgyee fon fii sukuuni biako nsem bere a na wɔrekyerɛw wɔn WASSCE sɔhwɛ no a, panyin no ammɔ asem no ho nwa ankyere sɔhwɛ no mu mpanyimfo no mu biara a na ɔwɔ ho saa bere no, ɛmfa ho sɛ ɔmaa kyerekyerɛni ko a na ɔredi saa nsemmɔne no hui sɛ wahu no. Kyerekyerɛfo panyin no kae sɛ ɔyɛɛ dinn wɔ asem no ho esiane sɛ obuu nkonta huu sɛ, sɛ okobue asem no so kyere sɔhwɛ no mu mpanyimfo no a ɛde animguase bɛbre kyerekyerɛni ko no so, sukuuni no ne sukuu mu no nyinaa so, nti na ebehia sɛ ɔyɛ dinn wɔ asem no ho.

Afei suahu asem a edi kan no mu nso ababaawa ka kyereɛ me sɛ esiane sɛ na wahu sɛ ne nnamfo no wɔ anigye tebea mu saa bere no, na ɔmpɛ sɛ ɔde n'awerehosɛm no bɛsɛ wɔn anigye no nti, ɔyɛɛ dinn bere a na nkɔmmɔtwetwe no rekɔ so, na mpo ɔbɔɔ mmɔden nso sɛ ɔnka nea nti pɔtee nti a wayɛ kɔmm no bere a ne nnamfo no mu biako bisaa no pɛɛ sɛ ohu nea nti wayɛ dinn no.

Na afei suahu asem a ɛto nnum no mu nso Vida huu sɛ ne wɔfa gyina mukaase mpoma no akyi, na Serwaa nso gu so redi nseku no. Ama nkyerɛm a ɔde mae no ka sɛ, esiane sɛ na ɔmpɛ sɛ ne wɔfa yere no ani bewu anaa anim begu ase wɔ ne kunu ne ɔno Ama

ankasa anim saa bere no nti, oboo mmøden yee dinn a wanyee nsenkyerenne biara ankyere Serwaa se ne kunu gyina ho ka won baanu no ho, a na saa kommyee nneyee no kwan foforo so no ekyere bammø ma ne wofa yere no na øde ayi no afi saa øhaw no mu, emfa ho se akhiri no Serwaa hui se na ne kunu no gyina mpoma no akhi bere a na wawie ne ntaadeto no.

Kommyee nneyee no a nnipakuw no dedaa no adi wø mmeae ahorow no anaa ankoreankore no dedaa no adi wø suahu nsem no mu no ma yete ase se eye ahobammø na onam saa nneyee no so de rekyere, te se mfatoho a yehui wø bere a na adesuafo no resua ade no, a ema saa nneyee no ye *locutionary*. Se yehwe no *illocutionary* nkyerease mu nso a, nnipa a wødedaa kommyee nneyee no adi no faa saa kwan no so de bøø wøn ho ban fi animguase, fere ne aniwusem ho te se nea osuai no kyerekyere mu no, na afei nso wotumi fa saa nneyee no so de bø afoforo nso ho ba fi saa øhaw no ho te se ababaawa no a øne ne nnamfo no hyiae redi nkømmø wø suahu asem a edi kan no mu. *Perlocutionary* nso ma yehu botae nti a nnipa no da kommyee nneyee no adi. Senea øbye a ønkøfa basabasaye anaa abamubu biara mmre nnipa no nti na ese se wøda saa nneyee no adi.

#### **4.2.8 Nea yøde kyere nkradi**

Akanfo nso ka nnipakuw ahorow a wotumi nam kommyee nneyee so se amane a eye nsenkyerenne anaa ahyensode de kyere se wøne onipa bi a na nka øte ateasefo mu nanso watoa nananom adi nkra a wøde tete wøn ne saa nipa no ntam. Eyi ho nhweso kø so wø asøre ho adeye mu. Søfo panyin no kaa se asøre no wø amammere a wøye de di adanse se wøne wøn asøre ba bi a wanya ne baabi kø no adi ntete mu efi saa bere no. Se amammere no bere du ho a, søfo panyin no na mpøn pii odi saa dwumadi no anim na

ɔfrɛ owufo no abusuafo a wɔwɔ dwumadi no ase nyinaa ba n'anim, na ɔhwɛ ma beae ho ye dinn na wahyɛ ase abobɔ asɔre mma no bi din, na sɛ odu owufo no so a wabɔ ne din no mpɛnsa. Sɛ nnyeso biara amma a afei watwa ne din mu afi asɔre no nhoma mu de akyerɛ wɔn a atwa ahyia ho nyinaa sɛ nea wanya ne baabi kɔ no nka wɔn ho sɛ teasefo ne asɔre ba bio. Sɔfo panyin no ma me tee ase sɛ saa amammere no na mmere bi a atwam na wɔyɛ nanso nsakrae kakra aba a ɛno ne sɛ wɔmmɔ owufo no din bio na mmom wɔma asafo no nyinaa gye sima biako de ye komm, sɛnea Gregory (1994) kae na Kurzon (2007) de yɛ mfatoho nkyerɛkyerɛm wɔ *Tebea bi mu kommyɛ* ase, de ye wɔn nkradi ahyɛnsode, afei ɛno akhiri na wotwa ne din mu fi asɔre no nhoma mu. Sɔfo no kyere sɛ saa amane yi tumi de awerɛhow ne su begyaa abusuafo ne adɔfo binom so. Sɔfo panyin no wie saa ye a na wabɔ mpae ama abusua no ansa na wɔakɔ tena ase.

Sɛ yerekyerɛm wɔ SAT kwan so a, kommyɛ a sɔfo panyin no di anim ma owufo no abusuafo no da no adi wɔ ntease a abusuafo no gye to mu na ɛyɛ asɔre no amammere a wɔyɛ bere biara a biribi a ɛte saa besi, na saa kommyɛ nneyɛ no ye *locutionary* nneyɛ. *Illocutionary* nneyɛ no ma yehuu nea na wɔnam kommyɛ nneyɛ no so de rekyerɛ, sɛ wɔnam saa kwan no so ne owufo no redi nkra. ɛno akiri ansa na sɔfo panyin no atoa so atwa ne din mu afi asɔre no nhoma mu sɛ amanne a etwa to. *Perlocutionary* nneyɛ no da senti a wɔda kommyɛ nneyɛ no adi, nti ɛba no saa ɛma abusuafo, adɔfo ne asɔre no nyinaa gye to mu wɔ adwen ne akoma mu sɛ owufo anya kɔ n'ahomegye mu.

#### 4.2.9 Nea ɛkyerɛ asotwe

Kommyɛ nneyɛ nso tumi ye anamɔntu bi a obi tumi gyina so de twe obi aso (Bruneau, 1973, p.42) wɔ suban bi a yɛgye to mu sɛ ɛnsɛ ho. Mɛn pii no ɛyɛ a saa asotwe bi a ɛnam kwan bi so sei no fa adwenmusem ho anaa ɛde adwennwen beto nipa ko a

kommye nneye kɔ tia no so. Yebetumi anya mfatoho binom wɔ suahu asem a eto so abiesa no mu. Eyi ye bere a ntoaso sukuu mu kyerekyerefo panyin no kogye fon bi a osuani bi rehwe sohwe no ho mmuae wɔ so fii ne nsam bere a na wɔrekyerew WASSCE sohwe no, na wammɔ so ankyere sohwe no so mpanyimfo a ofi WAEC no mu biara. Bere a kogye fon no, kyerekyerɛni panyin no kyere se ɔde nkra faa fon koro no ara so de kɔmaa kyerekyerɛni ko a na ɔde sohwe no ho mmuae fa fon no so de mane osuani no, san nso daa ne ho adi se eye ɔno kyerekyerefo panyin a ɔwɔ ntoaso sukuu no mu na ɔde nkra no remane se wahu nea ɔreye no nyinaa. Eyi akyi no kyerekyerefo panyin yi amfre ɔkyerekyerɛni yi ammisa no biribiara amfa nea ekɔɔ so no ho bio. Kyerekyerefo panyin no kaa se, sohwe no akyi no, bere biara a ɔne aberante yi bebɔ nsanho wɔ sukuu no, ɔkyia no wie a ɔnye nsenkyerɛne biara mfa nkyere se asem bi wɔ ho.

Ɔpanyin yi kyere se eto bere bi na aberante no hyia no a na wasi ne ti ase, anaa nso ohu no wɔ akyiri se ɔreba nea ɔnam ho a na waman afa beae foforo. Kyerekyerefo panyin no de asem yi ho kommye saa ara na aberante no de wiew n'adesua na ɔkɔe. Aberante no ti mu antene no fi bere a ne to daa adi no, na kyerekyerefo panyin no kyere se mpen ahorow a ɔde hyiaa no asem no akyi no biara na n'anim nte, a ogye di se kwan bi so no edi adanse se na aberante no aniwu wɔ nea waye no ho, na nka onyae nso a na kyerekyerefo panyin no afre no aka asem no ama afi ne so. Esiane se kyerekyerefo panyin no ammɔ asem no so nti bere biara a aberante no behu panyin no ɔbedwennwen asem no ho, na ɔmpɛ mpo se ɔne no bebɔ nsanho wɔ sukuu no mu. Eyi ye adwenmusem mu asotwe a saa nsem binom a ete sei tumi de ba ankoreankore so.

Yebetumi nso ahu kommye nneye a eye kwan bi a obi fa so de twe ofoforo bi aso wɔ suahu asem a eto abien no mu, bere a kyerekyerɛni bea no kohuu ne sukuu abofra biako ne abaamuwa bi wɔ ne yɔnko kyerekyerɛni dan mu. Fi bere a kyerekyerɛni bea no kohuu



n'abofra wɔ beae hɔ de kɔpem da a ɔbegyee ne sɔhwɛ abodin krataa no, kyerekyerɛni yi ka sɛ wanka biribiara amfa asem no. Mpo bere a sukuuni no hyɛɛ da bebisaa no mpɛnsa da no anwummere no sɛ ne nnamfo bi se ɔrefrɛ no no, ɔse wamma ɛno anka no sɛ ommisa biribi mfa asem no ho esiane sɛ na ɔpɛ sɛ ɔfa saa kommyɛ nneyɛɛ no so de twe n'aso wɔ saa tebea no mu. Ampa nso na asem no hyɛ abofra no so a na onhu nea ɔnyɛ, mpo de asem no kɔdan kyerekyerɛni no nua bea nanso antentam. Eyi yɛ adansedi a ɛkyerɛ sɛ na kyerekyerɛni bea no nam kommyɛ wɔ asem no ho de twe abofra no aso wɔ asoɔden a abofra no ayɛ no ho. Abofra no ankasa nso anom asem a ɔka kyerɛ kyerekyerɛni no nua sɛ *“Minim sɛ mafom nti na nka minim sɛ madam befrɛ me atwe m'aso wɔ nea mayɛ no ho nanso fi saa bere no nyinaa no mentee hwee mfii ne nkyɛn. Ama me ho yeraw me”* di adanse sɛ na ne kyerekyerɛni no kommyɛ wɔ n'asɛm no abɛyɛ adwennwen ama no.

Yɛbɛaan nso anya asotwe yi ho mfatoho bio wɔ suahu asem a ɛto nnan mu bere a Moda kɔɔ mmabun kuw nhyiam wɔ asɔrɛ anwummere bi. Ne papa bo annwo so wɔ bere a ɔde fii asɔrɛ beduu fie saa da no nti ɛmaa Moda papa bo fuu no ma edii nna kakra. Esiane sɛ na Moda nim ne papa su dedaw nti ɛbaa saa no ɛde ehu bɛbɔɔ no maa afei na onhu agyina a ne papa besi afa nea asi no ho, sɛ ɔbɛhwɛ no anaa dɛn. Saa adwen yi dii Moda ti mu dɛm mmere dodow a ne papa yɛɛ dinn wɔ asem no ho a bere biara a Moda behu ne papa no na ayɛ ayamhyehye. Moda kaa sɛ nea ɛmaa n'adwennwen ne ɔhaw a na ɔwom no yɛɛ kɛsɛ ne bere a asem no akyi ohuu ne papa kyiaa no nanso wannye so, afei bere a ɔde ne papa aduan besii n'anim na ɔde ani a abufuw wom hwɛɛ no. ɔkyerɛ sɛ ne papa anka biribiara amfa asem no ho de nanso eduu mmere bi a ne papa hyɛɛ ase sɛ ɔrekasa ne ho no na afei onyaa awerɛhyɛm bi sɛ ne papa agyaa asem no ama no aka, ɛno ansa na onyaa ahosan wɔ ɔne ne papa ntam ho nkitahodi mu.

Kommye nneyee a nnipa a yeabobo won din wo nhweso ahorow no mu no daa no adi ye *locutionary* nneyee a ede ntease bi to gua, na won a saa kommye nneyee no ko tiaa won no nso te ase. Nti se yefa Moda nhweso no a eda adi se na dinn a na ne papa aye wo asem no ho nyinaa wo asekyere se na ne papa bo afu no. Afei nso kommye nneyee a papa no daa no adi no kyere *illocutionary* nneyee a ekyerem se papa no nam kommye no so de reka akyere ne ba Moda se ne boa fu kye a okyee won asore da no. Na saa papa no kommye nneyee no wo botae bi se ebema Moda ahu se nea oye no wanye no yiye nti omma no nto so bio. Papa no ammoo asem no so kopem se osan nso hyee ase kasaa ne ba no ho de nanso migye di se fi saa bere no Moda mma saa asem no nsi bio esiane asotwe a ofaa mu no nti. Eyi na ema papa no kommye nneyee no beye *perlocutionary*.

#### 4.2.10 Nea yede home kasa so ma obi nso kasa

Etso bere bi na yeredi nkitaho a, bere a yereka yen nsem anaa yede yen adwenpaw bi reto gua no, yeka nsem no nkakrankakra anaa akuwakuw na ne saa ye mu no yede kommye na epaapae anaa etoto nsem no mu ahye saa. Na se ekoba nso se eye nkommotwetwe a nnipa beye baanu anaa nea eboro saa a, yede kommye koro no ara na edannan nkommoo no fi okasafu biako so de kopue kasafu foforo so wo adwentoatoa no mu, senea Bruneau (1973) nso ka no. Saa nkitahodi mu su yi dedaa ne ho adi mpen dodow a yentumi nhu ano wo mmeae ahorow a mekopere mmoanosem no ne ankoreankore suahu ahorow no nyinaa mu.

Ahemfi ho no, se asem da guam na mpanyimfo retoatoa adwen afa ho ape ne pomasibere a, kyeame hene kyere se woma mpanyin a wahaia ho nyinaa akwannya no de won adwenkyere to gua. Bere a adwenkyere no gu so no, se panyin biako wie n'asenska a na ofoforo nso asom, na ansa na akwannya no befi panyin biako ho aba ofoforo nkyen no

gye sɛ nhomeso a enam kommyɛ so da adi. Saa nneyɛ na ɛkɔ so bere biara a panyin biako ano besi na ɔfoforo nso de n'adwenkyere atoa so. Saa ara na ɛkɔ wɔ aban asennibea hɔ nso. Nkitahodi mu nhomeso anaa kommyɛ boa de nsunsuanso pa ba ma adwentoatoa bi si pi, mmom ɛnyɛ sɛ ɔhaw sɛnea Dendrinos ne Pedro (1997) kyere no.

Sɛ nkɔmmɔtwetwe bi rekɔ so wɔ nnipa binom ntam na nea ɔrekasa no de kommyɛ toto ne nsɛnka anaa n'adwenkyere a ɔde reto gua no mu ahye anaa ɔde n'adenkyere no to gua wie na ɔfoforo nso bɛka ne de a, ntease wɔ saa nneyɛ no mu a ɛyɛ *locutionary*. Ɛma wɔn a wɔka nkɔmmɔtwetwe no ho no anaa nea ɔde n'adwenkyere nso bɛtoa so no hu san nso te ase sɛ kasafɔ no de n'adwenkyere no asi, a ɛno nti ɔfoforo nso betumi de ne nsusui atoa so. Eyi ma adwentoatoa no yɛ nnidiso. Kommyɛ anaa nhomeso wɔ adwenkyere bi akyi yɛ ɔkwan biako a kasafɔ bi de ka biribi kyere nnipa nkae no sɛ wawie n'adwenkyere no nti obi betumi atoa so, na eyi yɛ nneyɛ a ɛkyere *illocutionary* nneyɛ. Eyi ho mfatoho daa adi wɔ ahenfi hɔ bere a wɔreka asem. Nana kyeame na na ɔhwɛ ma saa dwumadi no kɔ so, sɛ kwaadubɔfo anaa nea yeabɔ no kwaadu no kasa wie a, kyeame dan asem no de ma mpanyimfo akuwakuw a wɔwɔ beguam hɔ ma wɔkyere wɔn adwen wɔ asem no ho. Sɛ efi kuw biako so de rekɔ foforo so a, nhomeso anaa kommyɛ bɛhyɛ mfimfini. *Perlocutionary* nneyɛ no ma yɛte saa nhomeso anaa kommyɛ a ɛhyehyɛ nkɔmmɔtwetwe mu ase sɛ bere a kasafɔ biako awie ne nsɛnka no, ma kasafɔ foforo no ani ba ne ho so, san nso te ase sɛ ne yɔnko no de reka akyere no sɛ wawie n'adwenkyere no. Ɛba no sei a kasafɔ foforo no nso fa fi hɔ de ɔno nso adwenkyere to gua, te sɛ nea ɛkɔ so wɔ ahemfi ne aban asennibea hɔ no.

#### 4.2.11 Etumi kyerɛ apaw/woayi obi ama

Sɛ nkitahodi bi rekɔ so wɔ nnipa baanu anaa nea ɛboro ntam na kommyɛ nneyɛ bi kopuem bere bi a na nka ɛnsɛ sɛ epue a, etumi kɔfa nsunsuanso bɔne bi de brɛ nea kommyɛ no tia no no, sɛnea Tannen (1985) nso kyerɛ no.

Gyidi a na Vida wɔfa yere Serwaa wɔ wɔ Ama mu nti na ɔne no dii nkɔmmɔ bi a ɛte saa ɔno ara ne kunu ho. Eyi akyi a Serwaa huu sɛ saa na ne kunu gyina mukaase no mpoma no akyi no, Vida kyerɛ sɛ na onim sɛ ne wɔfa gyina hɔ retie nea wɔreka nyinaa nanso wantumi anyɛ biribi a na anka ebetumi atwe Serwaa adwen asi nea ɛrekɔ so no so. Ɛkɔbaa sɛ dede bi fii beae a Ama wɔfa reto ade bae no, Serwaa ani baa ne ho so no na aka akyi. Vida kyerɛ sɛnea Serwaa twaa n’ani behwɛ n’anim san nso kaa sɛ, “*Aden nti na wanka ankyerɛ no sɛ ne wɔfa gyina wɔn akyi bere a na ɔrekasa*” kyerɛ no sɛ Serwaa bɛdwen sɛ wayi no ama wɔ ne wɔfa anim. Eyi maa odii Vida ho yaw pii efisɛ na ɔgye no di. Migye di sɛ tebea bi sei mu no Serwaa benu ne ho na ɔbɛdwen sɛ Ama apaw no wɔ ne wɔfa anim saa bere no. Saa kommyɛ nneyɛ a Vida daa no adi saa bere no mu no maa Serwaa faa no sɛ Ama ayi no ama wɔ ne wɔfa anim. Sɛ yɛhwɛ Vida kommyɛ yi saa kwan yi so a, ne kommyɛ nneyɛ a ɔdaa no adi saa dɔnhwere no mu no di adanse sɛ na wasuro, a ɛyɛ *locutionary*. Ne kommyɛ no saa bere no yɛ nneyɛ a ɛkyerɛ sɛ oyii ne wɔfa yere, Serwaa, mmae a ɛyɛ nhwɛso biako wɔ *illocutionary* ase. Serwaa de n’anibere kogu Vida so senti a wantwe n’adwen amma so sɛ ne wɔfa retie wɔn wɔ mukaase no mpoma no akyi. Eyi yɛ *perlocutionary* nneyɛ a ɛyɛ nsunsuanso a saa nneyɛ no de bepue mu, ne titiriw ne Serwaa so.

### 4.3. Nhwewwem asemmisa 3: Adɛn nti na Akanfo yɛ kɔmm?

Minyaa akwannya nso ne ankoreankore binom twetwee nkɔmmɔ, ma wɔn ne me kyɛɛ wɔn suahu ahorow a wɔwɔ fa kɔmmɛ ho. Nkɔmmɔtwetwe no mu no, ɛdaa adi senti ahorow a ɛma Akanfo tumi yɛ kɔmm wɔ tebea bi mu, na nsem no wɔ nhwewwem nkekahode afa hɔ.

#### 4.3.1. Wɔde si animguasesɛm bi ano

Kɔmmɛ a mpɛn pii ɛyɛ a epue wɔ Akanfo nkitahodi ahorow mu no taa yɛ ɔkwan biako a wɔfa so tumi de sianka animguasesɛm bi a anka kasa anaa nkyerɛkyerɛm bi too gua wɔ tebea bi mu a anka ɛde betumi apue mu atia nipa bi (Hofstede, 1997, p. 126), nnipakuw anaa adwumakuw bi ho. Etumi ba sɛ wɔyɛ kɔmm wɔ asem bi a wakopue so ho, na wɔyɛ saa de kata animguase a anka sɛ wobue wɔn ano bisa asem anaa ka biribi saa bere no mu a anka ɛde beba ho. Eyi da adi wɔ *nkɔmmɔdi 2*, suahu nhweso a edi kan no mu. Kyerɛkyerɛni bea no kohuu ne n'abofra biako a ɔkyerɛ no ade wɔ sukuu mu sɛ ɔne aberante bi hyɛ ne ne yɔnko kyerɛkyerɛni dan mu. Kyerɛkyerɛni yi daa no adi sɛ, bere a ɔne ne suani bea no ani dii ahyia no, ohuu sɛ na abofra no anim asesa. Ɔtoaa so sɛ, bere a ohui sɛ n'adamfo kyerɛkyerɛni no a ɔrekɔhwewwe no no nni hɔ no, ɔde nkra gyae na ofii hɔ kɔɛ. Kɔmmɛ nneyɛɛ a kyerɛkyerɛni bea no daa no adi, na wankasa amma aberante a na ɔne suani bea no hyɛ dan no mu anhu sɛ onim ababaawa no, yɛ ɔkwan bi a ɔde sii animguase a nka ɛbɛka abaayewa no wɔ n'adamfo barima no anim saa bere no mu. Sukuuni bea no kɔmmɛ no twe adwen kosi Berger (2004) a ɔka sɛ kɔmmɛ a obi da no adi tumi yɛ sɛ ogye tom sɛ wada suban bɔne bi adi nti kwan a ɔfa so gye ne mfomso tom ne sɛ ɔbeyɛ dinn saa bere no mu. Kyerɛkyerɛni bea no dii ho adanse sɛ na ɔmpɛ sɛ ogu suani bea anim ase saa bere nti ɔkaa sɛ, sɛ ɛba no tebea bi a ɛtete sɛ eyinom a, ɛyɛ a ɔpɛ sɛ ɔyɛ kɔmm asem ko no ho. Ɔtoa so sɛ, ɔfa saa kwan no

so tumi de ye asotwe kese de ma mmofra efise ogye di se saa kwan no nso tumi boa tenetene mmofra.

*Nkɔmmɔdi 3*no mu nso, kyerekyerefo panyin a na oda Ntoaso Sukuu no ano no kaa n'ano tomm, yee kamm faa asuafo no mu biako a okohui se onam kwati kwan so de rekyerew *West African Secondary School Certificate (WASSCE)* oshwe no. Panyin yi kyerekyerem se, odwen ho huu nsunsuanso a nka okoboo *West African Examination Council (WAEC)* mpanyimfo no amane a nka ede beba abofra no, suapon sukuuni no, ono panyin ne sukuu mu no nyinaa so. Okyere se, nka *WAEC* mpanyimfo no bi hui a, nka obetumi ama polisini akyere sukuuni no ne nea na one no redi nkitaho no. Akyerekyerefo panyin no kommye a odaa no adi saa bere no boa si saa ohaw ne animguase a nka ebetumi aba nnipa dodow a oboboe no so. Esiane se onim ohaw ne animguase no kese nti, kyerekyerefo panyin no hwe yee kamm a woanka ho asem ankyere *WAEC* mpanyimfo no mu biara. Saa tebeae yi nso twa mfonni fa Kurzon (2007) nkyekyem biako a oka no *Tematek/asentitiriw bi kommye*.

Akanfo tumi fa kommye so, eto bere bi a, de twe won ho fi aniguasesem bi a erekoo so mu anaa ho. *Nkɔmmɔdi 2*, suahu a eto so abiesa no ma yehu se Vida ammue n'ano bere a ohuu se ne wofa abegyina mpoma no akyi retie nsem a Serwaa, ne wofa yere no, rekeka. Vida kyere nne nti a odaa kommye nneyee no adi se, na odwen se ebia na obue n'ano kasa a ne wofa de no befra asem no mu. Nti Vida adwen mu no, kwan a na ode retwe ne ho afi ohaw a na erekoo so no mu ne se obeye kamm ama ne wofa ani ahu. Nti odaa no adi se, ne kommye no ye kwan bi a na ode reka biribi akyere ne wofa wo saa tebea no mu. Tebea yi foa Brown ne Levinson (1987) dwumadi so. Eye akyiri dede bi a efii Vida wofa nkyen bae na epaa Vida adwempoo nti a odaa kommye nneyee no ho ntama. Nti Vida kommye a nka ode retwe ne ho afi animguasede a na erekoo so no ho no baa awiei. Saa tebea a na Serwaa wom no ye animguase efise Vida daa no adi se, Serwaa

ani baa ne ho se ne kunu no gyina mpoma no akyi no, n'ani wui, na okasaa ono Vida senti a ohuu se ne wofa abegyina n'akyi no woantwe n'aden ansi so.

#### **4.3.2. Wode bo nkitahodi bi a erekɔ so ho ban**

Akanfo kommye a eto bere bi a woda no adi wo nkitahodi mu no tumi ye anamontu bi a wode bo ban fi nsem bi a anka ebetumi ama nkommotwetwe bi a erekɔ so kama no agyigya anaa ase ho. Mpen pii no nea oda kommye nneyee no adi no hwe mpempenso a nkommotwetwe no akodu, na anka obetumi aka asem bi bere a nkommɔ no rekɔ so nanso ede atenka nsesae bebre nkommotwetwe no mu ne emu nnipa no so nti, wotumi twe won nsem no sensen anaa ye komm (Jensen, 1973; Kurzon, 1992). Se eba no sei a etumi ma anigye a nkommotwetwefo no wo mu no ko so, na enkofa tebea nsakrae biara mma.

Anita boapa yee komm bere a ne nnamfo no mu biako bisaa no senti a waye komm bere na woredi nkommɔ. Anita daa ne kommye saa bere no mu adi se, ewom se oka kyeree n'adamfo no se onni biribiara ka fa nkommodi no, nanso nokware ne se na nkommɔ a woredi no kofaa yaw pii de bre no saa bere no mu. Otoaa so kaa se, esiane se na ompe se ase anigye a na ne nnamfo no wom nti na omaa n'adamfo no mmuae a ete saa no. Saa ara na Johannesen (1974) nso ka se kommye no bi tumi ye akwanside ma ohaw bi a nka kasa bi betumi de abre adamfo bi so. Kwan nso a Anita faa so yee komm wo nea na ehaw no ankasa ho foa Kurzon (2007) kommye nkyekyem no so (*tematek kommye*). Ewom se obuee n'ano yii n'adamfo no ano nanso na enye nokware no na oada no adi kyeree no. Nti ode asentitiriw no siee n'adamfo no amma wanhu nea na ohaw no ankasa.



### 4.3.3. Wɔde gye obi fi ahokyere bi a anka ebese ho

Ɛto bere bi wɔ Akanfo asetena mu nso a, se wuhu se asemmisa bi anoyi anaa nsenka bi betumi de nipa bi akɔ ahokyere bi mu, na wɔpe se wɔgye no firi saa ɔhaw no mu anaa wosi amane no ho kwan fi nipa ko so, biribi nti (Johannesen, 1874, p.29), wotumi ye komm wɔ saa tebea no mu anaase mpo wɔbekasa nso a wɔnkasa mfa asentitiriw no a asi no ho.

Kurzon (2007) ka se kommye wɔ asem bi ho no nye se obi ammue n'ano nkasa nko ara, na mmom se ekɔba se nipa ko no amma mmuae a ewɔ se otumi de ma fa asemmisa bi ho a, eno na ɔka se eye *tematek/asentitiriw bi ho kommye*. Eyi ho nhweso bi ne nea edaa adi wɔ *nkɔmmɔdi 3* no mu bere a akyerekerɛfo panyin no kɔtoo suani biako se ɔrehwe fon so de kyerew ne *WASSCE* sɔhwe. Panyin yi kaa se, woanka asem yi ho biribiara ankyere *WAEC* mpanyimfo yi mu biara. Ne kommye wɔ asem no ho boa ma ɔde gyee, ne titiriw suani no ne suapɔn mu sukuuni no, fii ahokyere anaa asotwe a nka ebata suban bi a ete saa ho.

Sukuu mu nso, senti biako nti a ema adesuafo da kommye nneyee no adi bere a adesua rekɔ so anaa yeabisa obi adesuada no ho asemmisa no ne nsunsuanso bone a etaa di ba bere a obi abua asemmisa bi na wammua no yiye. Osuani no di adanse se, se kyerekyerɛni no bisa asemmisa bi na ɔnhye da nnye ne mmuae no nni a, eye a na ɔmpɛ se ɔbema mmuae bi a ebema ne mfefo no aserew no se wantumi ammua no yiye a. Osuani no dwennwen fewdi, atweetwee ne serew (saa ahokyere a ɔbekɔ mu) a ne mfefo no de begu ne so se ekɔba se wantumi ammua asemmisa no yiye a, na nea obetumi aye ara ne se ɔbeyɛ komm de agye ne ho afi saa ahokyere no mu.

#### **4.3.4. Wɔde siw yaw bi a obi akɔ mu nkae ano**

Kommye nneyee a etaa da ne ho adi wɔ nkitahodi mu wɔ tebea bi mu no tumi boa si awerɛhosem anaa asem yaw bi a atwam nkae ano. Nti se obi mpe se okoyi ne nsem bi a atwam, na ebia eye ne ntam kese bi a, nipa no tumi si agyina ye komm anaase ompe se obekasa afa ho koraa. Saa akwan no se nipa no beye komm, a ommue n'ano nkasa koraa, anaa nso se nipa no bema wo mmuae nanso enye mmuae pa no (Kurzon, 2007).

Nkɔmmɔdi a edi kan no boa ma mfatoho bi a ete saa. Anita ye komm bere a ɔne na nnamfo hyiae redi nkɔmmɔ. N'adamfo biako hye no nso bisa no senti a waye komm bere a wɔn nyinaa redi nkɔmmɔ. Anita daa no adi kyere me se, anoyi a ɔde maa n'adamfo no asemmisa saa bere no nye mmuae a ekyere atenka anaa tebea a na ɔwom saa bere no. ɔkyere se obuua n'adamfo no se, enye biribiara nti na waye dinn, na ɔnni asem biara ka fa nkɔmmɔ a wɔredi no ho ntia. ɛwom se Anita nnamfo no nkɔmmɔ no mu nsem no twee n'adwen kosii ne asem yaw bi so de, nanso esiane se na ompe se obekae asem no mu yaw koraa nti, ɔboapa kaa n'ano too mu a wanka hwee amfa ho bere a n'adamfo bisaa no ne kommye no asekyere.

#### **4.3.5. Wɔde da nnuho su adi**

Akanfo asetena mu nso, se obi da suban bi a emfata adi, na ɔgye ne mfomso to mu, na ɔpe se ɔkyere se wanu ne ho wɔ nea ɔye no ho a, wotumi nam kommye nneyee no so de kasa kyere nea wafom no no se wanu ne ho. Se eba no saa a, kommye nneyee no tumi pata nea yefom no no ma otumi gyae asem no ma eka.

Nkɔmmɔdi 2 no, suahu a eto so abien kyere kwan a Vida fa kommye nneyee no so ka biribi kyere n'awofo, ne titiriw ne ne papa, se kye a ɔkyee wɔ anwummere sɔre no nye boapaye. ɔdaa no adi se, woantumi ankasa ne papa ho saa anwummere no maa ade

kyee. Otooa so se, ade kyee a ode ne papa anopa aduan resi n'anim mpo no, eisane se ono ankasa agye ne mfomso atom, na wanu ne hu nti, okoo so ara yee komm. Akanfo kommye wo saa tebea bi a ete se eyi no, nea wafom no tumi fa saa nneyee kwan no so de kasa kyere nea wafom no no ma no tumi te ase. Se kasa ba wo saa tebea bi mu sei a, ekasa kyere nea yefom no no se nnuho mmae. Afei nso Akanfo asetenam mu no, tebea binom a etete sei no taa ko so wo mmofra ne won awofon tam, anaa adwuma mu nso, adwuma mu panyin ne n'abofra tam. Se ekoba se mfomso no fi abofra no, senea yeahwe no a, mmofra no ye komm mmere tenten biara a ese se kommye no di kopem se abofra no behu se yede ne mfomso no akye no.

Nkommadi 3 no mu nso ma yehu nnuhu su a osuani a ofi suapon mu no daa no adi bere a kyerekyerefo panyin no ne nneyee bone a odaa no adi no hu. Kyerekyerani panyin ka se, ne su a nka ohu no a otumi ne no di nkommakakra no sesae. Panyin yi gye di se, bere biara a one aberante no beb nsaho wo sukuu no mu no, osi ne ti na okyia no, owie a watwam komm. Tebea bi mu sei kommye no di adanse se aniwu no akyi no, wannu ne ho nso.

#### **4.3.6. Wode twe won ho fi asem bi mu**

Akanfo nkitahodi mu nso, eto bere bi a, na nkitahodi bi a ereko so no rekyia anaa erekotia obi a, obi tumi ye komm anaa ka n'ano to mu wo asem no ka ho senea ebeye na ohaw bi bepuem esiane asem no nti a, yeankan no anka ho. Eyi nti Akanfo tumi ye komm fa asenka bi a ereko so no ho, na ne saa ye mu no nipa no de reyi ne ho afi ohaw bi a osusuw se asem a ereko so no de betumi aba ho. Nti se ohaw bi ba esiane nkitahodi nti a, nipa ko no tumi susuw se onka ho bi efise woamfa n'ano anto asenka no mu bi.

Vida daa saa su yi adi wɔ nkɔmmɔdi 2, suahu a ɛto so abiesaa no mu. Vida kaa sɛ, ɔyɛ kɔmm bere a na ne wɔfa bepuee Serwaa nsɛnka no so na ɔretie nyinaa efisɛ na osusuw sɛ ebia na ɔkasa a ne wɔfa de no afra nea ɛrekɔ so no ho. Esiane sɛ Vida pɛ sɛ ɔda no adi ma ne wɔfa hu bi sɛ ɔnka nea ɛrekɔ so no nti, ɔne wɔfa hu bi sɛ ɔnka nea ɛrekɔ so no nti, ɔyɛ kɔmm. Vida fa kɔmmɛ nneyɛe no so kasa kyere ne wɔfa wɔ saa tebea no sɛ ɔnka nsem a ɛrekɔ so no ho, nti sɛ nsunsuanso bi bedi akyi aba a na yeayi no asi nkyɛn.

#### **4.3.7. Wɔfa so de pere bɔnefakye**

Ɛto bere bi wɔ Akanfo ntam nkitahodi mu a, sɛ obi da suban bi a ɛmfata adi na onu ne ho, gye ne mfomso to mu a, saa nipa no tumi de kɔmmɛ nneyɛe no srɛ bɔnefakye fi nea wafom no no nkyɛn. Sɛ ɛkɔba no tebea bi saa mu a nea wafom no hyɛ da ye kɔmm wɔ asem ko akyiri wɔ nea wafom no no anim, na sɛ ɛba no saa nso a etumi ba sɛ nea wafom no ye nea yɛbekyere no sɛ ɔnyɛ biara fi saa bere no rekɔ. Saa kɔmmɛ wɔ saa tebea no mu, kwan bi so no, de srɛ nea wafom no no ma no de asem no kyɛ. Kɔmmɛ wɔ saa kwan yi so no tumi di mmere tenten kakra, na ɛno na ɛde di adanse de kyere nea yeafom no no sɛ nea wafom no pɛ bɔnefakye.

Vida daa su a ɛte sɛ eyi bi wɔ nkɔmmɔdi 2, suahu a ɛto su abien no mu. Vida antumi ankasa ne papa ho senea nka da biara ɔyɛ no fi bere a ne maame bɔɔ no amane sɛ ne papa bu afuw no. Ne kɔmmɛ nneyɛe a ɔdaa no adi no dii nna dodow, a edi adanse sɛ wagye ne mfomso atom, nti ɔpɛ bɔnefakye. Vida daa no adi sɛ, ne papa ankasa ne ho animanim hɔ, na mmom ɔmaa no dii nna kakra ansa na ɔsan nso kasaa ne ho bio. Ɔtoaa so sɛ, ɛno mpo no, ne papa anka biribiara amfa asem no nanso ɔkasaa ne ho bio no dii no adanse sɛ ɔde ne mfomso no akyɛ no. Vida kɔmmɛ nna dodow a edii no kyere ne

kyewpa nneyee a edaa no adi de kyere ne papa. Ne papa nsakrae no na ema no da adi se afei watie Vida kyewpa no. Eyi san nso di adanse se, se Vida papa ankasa ne ho no kyere se, onnyee ne kyewpa no ntoo mu.

Saa ara na ete wo suahu a eto abien wo nkommodi 2 no mu. Osuani bea no asoden a oye no akyi, kyerekyerani no anka biribiara amfa nea asi no, se obetwe abofra no aso anaase onye saa. Kyerekyerani no ka se, ne kommye wo asem no ho nti suani no ho yeraw no wo saa tebea no mu. Odaa no adi se kopem se abofra no wiece sukuu na mmere soe se obegye n'abodin krataa no na okaa biribi faa asem no ho. Otoa so kyere se, abofra no guu ahome kese, kaa se *“Eei madam, enne de woaka asem yi ama me koma ato me yam”*. Eyi di adanse se afei na yeagye kyewpa no atom.

#### **4.3.8. Woye kamm de gyae asem bi mu**

Akanfo asetena mu no, se obi ne obi nya asem anaa obi fom obiako a, nea yefom no wo asem bi ho no tumi gyae asem ko no mu anaa nso ogyae asem no ma no ka. Botae yi nso betumi abam saa a, Johannesen (1974) susuw se ebia na eye ahummobo nti. Okwan a wotumi fa so da saa su yi adi biako ne se nea yefom no beye kamm wo asem ko no ho (Kurzon, 2007), anaa nso se eye nkommotwetwe bi mu a nipa no nkasa bio. Eyi akyi ma nka shaw bi anaa nsunsuanso bone besi a, eto twa.

Ankoreankore binom te se Owura Alexander da su bi a ete saa adi wo nkommodi 3 no mu. Bere a ohuu nipa ko a na suani no di nkitaho wo fon no so no, kyerekyerani panyin no ankasa amfa asem no ho bio, emfa ho se oma no huu se wahu no no. Kyerekyerani panyin no kommye wo asem no ho, na wamfre kyerekyerani ko no da no adi kyere se wagyae asem no akyi di. Na kyerekyerani panyin si ho adanse bi se, efi saa bere no mu no, saa kyerekyerani yi sesaa ne su kopem se ofii sukuu no mu.

Kyerékýreni panyin kommye a òde kyere se wagyae asem no ama no aka nso da adi se wanka biribiara wò bere a ògyee fon no fii suani no nsem wò sòhwe dan no mu. Ònam ahummòborò a òwò suani no so ma no gyee fon no nko ara (Johannesen, 1974), nna òmaa no toaa sòhwe no kyerew so. Kyerékýreni panyin kyerem se, na òmpè se bòne no ho asotwe besèe suani no sòhwekyerew ne ne sukuu no. Òtoa so kyerem se, nka *WAEC* mpanyin aso tee a, nka wòbema apolisifo na ebèba abefa no. Nti Akanfo tumi nso fa kommye nneyee no so gyae ma nsem binom ka a akyiri haw biara mma mu. Kommye a edi dwuma a ete se eyi fa asem bi ho no su biako ne se, eye a emu ware yiye anaa egye mmere pii.

#### **4.3.9. Wòye komm de nsem sie**

Kommye ye nneyee biako a Akanfo tumi fa so de nsentitiriw binom sie afoforo bere a nkòmmòtwe bi rekò so (Jensen, 1973; Kurzon, 1992). Wòye saa mpèn pii de si nsunsuanso bòne bi a anka ebedi akyiri se nka nipa ko no buee n'ano kasae anaa òkaa biribi faa asentitiriw no ho a (Berger, 2004). Kommye a ete saa no pue wò nkitahodi mu a, etumi sianka òhaw anaa asotwe bi a nka etwa se eba. Akyiri nsem bi te se yaw, awerèhow, animguase/aniwu, akwannya see ne ade ye haw ahorow binom saa kommye a epuem saa bere no tumi si ano kwan.

Mfatoho titiriw biako bi ne Anita kommye fa n'adamfo no asemmisa no ho wò nkòmmòdi 1 mu. Anita da no adi se, nsem a na ne nnamfo no keka wò wòn nkòmmòdi no mu no haw no, na esan nso kae ne yaw bi. Esiane se òmpè se òbekae yaw no koraa nti, n'adamfo no bisaa no ne kommye no asekyere no òmaa no mmuae foforo, a na enye senti pòtee nti a waye komm. Òdaa nokware no adi kyere me se, na òmpè se ebèse anigye tebea a na wòwom saa bere no. Anita kommye anaa mmuae a òde mae no di

adanse se ɔde asem nokware no asie n'adamfo no. Ɔye saa de si yaw ne awerehow nkae kwan.

Owura Alexander kommye wɔ sɔhwe dan no mu, fon a ɔgyee wɔ osuani no ho nso ma yen mfatoho biako. Nka obi foforo anaa *WAEC* mpanyimfo no mu bi na edii kan kopuee so a, nka nsunsuanso no beye asem foforo, a na nka ebia asem no betumi akɔ akyiri. Nanso Owura Alexander dii kan hui, wanka ho biribiara ankyere obi, na eho nsunsuanso bi te se animguase, aniwu, abofra no sukuukɔ see ne nea nka ebetumi adi akyi nyinaa anna adi.

Sukuu mu nso kommye a adesuafo binom taa da no adi bere a adesua mu no, adesua de bi ho nsemmisa rekɔ so tumi kyere se wɔde nsem binom resie anaa asie. Enye mmere nyinaa na adesuafo kommye nneyee a wɔda no adi wɔ adesua ne akyere bere no kyere se wonni hwee ka (Levinson, 1983, Tannen, 1994), anaase nipa ko mpe kasa nti (Johannesen, 1974). Na mmom etɔ bere bi a na adesuafo no bi tumi fa kommye nneyee no so de nsem binom sie efise wɔnhye da nnyaa wɔn ho ntease wɔ adesua de a erekɔ so no mu (Johannesen, 1974). Wɔye kɔmm wɔ adekyere bere no mu anaa asemmisa bi ho de ntease a wonni wɔ adesua de no mu hinta kyerekyerɛni no. Adesuafo no biako daa no adi se, etɔ bere a wɔye kɔmm efise ebia na kyerekyerɛni no ho ye wɔn abufuw nti. Eyi mmoa mma kyerekyerɛni no nhu adesuafo no ntease mpempenso a wogyina wɔ adesua de no mu, nankapese waboa wɔn.

#### **4.4 Nhwɛhwɛm asemmisa 4: Nsunsuanso bɛn na kommye a Akanfo da no adi no de ba wɔn asetena mu?**

Yɛahwe nkyerease ahorow a kommye ahorow no de bae wɔ nhwɛhwɛm dwumadi yi asemmisa a eto so abien no mu. Ɔfa yi nso bɛma yɛahu nsunsuanso binom



(*perlocutionary*) a kommye nneye no de bre Akanfo wɔ wɔn asetena mu. Ofa yi mpensempensem no beda adi wɔ nkyekyem kwan so.

#### 4.4.1 Asɔre

Akanfo asetena mu no, wɔn nyamesom anaa wɔn gyidi wɔ Nyankopɔn mu no ye wɔn abrabɔ mu nkɔso fapem biako a wɔntoto no ase kwan biara so. Emfa ho ne senea ankoreankore bi su te no, se eba no nkitahodi mu a Akanfo ne Nyankopɔn nya a wotumi gyaa ade anaa su biara mu ye asotie. Nyamesom su biako anaa ne fapem nkorabata biako pa ara ye honhom mu adeye. Esiane se wɔye nnipa na ekyere nso se wɔye honam a wɔntumi nhu honhom mu nsem nti, se wɔbetumi ne Nyankopɔn anya nkithaodi ama aba pa afi mu aba ama wɔn a, gye se wɔwura saa tebea no mu anaa wɔn ne no pam, na ɔkwan a wɔbetumi ne no anya nkitaho no ne se wɔbewura honhom mu wɔ kommye kwan so, senea Louis (1994) nso kyerekyerem no.

Kommye ye akade biako a esommo yiye wɔ Akanfo nyamesom mu, wɔnam saa nneye no so kyere obu, ahofama ne nnidi a wɔwɔ de ma Nyankopɔn ne ne tumi, a eyi nso foa nea BACP (2016) de too gua no so. Esiane saa su ahorow yinom a wɔnam kommye so da no adi nti wɔgye apene di nhyehyee ne akwankyere biara a akandifo a wɔgye di se Nyankopɔn apaw wɔn no so (Jandt, 2015), senea ebeye a Nyankopɔn behyira wɔn, wɔn abusua ne wɔn nnwuma so. Esiane obu ne asotie a wɔwɔ ma Nyankopɔn, na wɔgye di se eye Nyankopɔn no ara na apaw akandifo yi nti, ema asɔre mma no de saa nnidi ne obu dodow a wɔwɔ ma Nyankopɔn no ma saa mpanyimfo yi nso esiane se wɔwɔ gyidi bi se akwankyere anaa afotu biara a ebefi wɔn nkyen aba biara fi Nyankopɔn ho. Wɔdeda kommye nneye no bi adi wɔ wɔn som ahorow no mu a ebi ne bere a sɔfo panyin anaa asɔre no mu mpanyimfo yi mu biara a yebema no akwannya no ama waba

abɛka nyame asem. Sɛ edu saa bere no a asafo no nyinaa ye dinn, tie nsem a enam kasafɔ ko no so reba no efise wɔgye di sɛ nsem no fi Nyankopɔn, ne saa nso nti etwa sɛ wɔye dinn na wɔgye nsem no.

Wɔnam kommye nneyee so de kyere wɔn ahofama ma Nyankopɔn ne asɔre akandifo no bere a asɔre no kyerekyerɛwfo de nkaebɔ ahorow to gua. Wɔye asotie ma nsem ahorow a kyerekyerɛwfo no de ba no, sɛ ebia eye dwumadi ahorow binom a efa asɔre no ho. Sɛ wɔdeda su ahorow yinom adi de kyere asɔre no mpanyimfo, esiane obu ne nnidi ne wɔn ahofama nti a, wɔgye di sɛ etaa bue akwannya no ma wohu Onyankopɔn nhyira wɔ wɔn asetena mu, di ho adanse nso. Mpanyimfo no ankasa nso tumi da kommye su adi bere a osom dwumadi ahorow binom rekɔ so, de hye wɔn nnidi ne obu a asɔre mma no wɔ ma wɔn no mu kena.

Mmere ahorow bi nso wɔ ho a, nsunsuanso a epue mu bere a wɔda kommye nneyee no adi ne sɛ ema wotumi ne Nyankopɔn twe bɛn, nya nkitahodi mapa. Mmere ahorow binom ne bere a wɔresɔre Nyankopɔn, na asɔre no awiei ho no wɔye dinn de dwennwen Nyankopɔn kɛseye ho. Saa bere no ma wotumi twe bɛn na osan nso ne Nyankopɔn nya nkitahodi honhom fa mu, eno mu no wɔgye di sɛ Nyankopɔn tumi kasa kyere wɔn wɔ nkɔmhye kwan so. Kasakyere no mu no, nsem a epue mu ba asɔre mma no ho no bi tumi ye afotu fa ebia nneyee bi anaa su bi a ɛrekɔ so wɔ asafo no mu, a ebetumi asi asɔre no nhyira kwan a eno nti wɔnhu Nyankopɔn animonyam. Nsem no bi nso tumi ba sɛ nkuranhyesem de ma asafo no wɔ wɔn anamɔntu bi a wɔde asi wɔn ani so ho. Ansa na wɔbɛhye osom no ankasa ase no, mpaebɔ kuw bi di kan sima aduasa bebɔ mpaɛ fa saa da no ho de pɛ Nyankopɔn animpa ne n'akwankyere ansa na osom no ankasa ahye ase. Wɔbɔ mpaɛ no kakra a, mpaebɔ kuw no kandini no ma wogyae kasa mpaebɔ no, dɔ asukɔ wɔ kommye mu de twɛn Nyankopɔn anim, san nso de hwɛhwɛ ne pɛ ma

n'asafo no wɔ da no som no mu. Anamɔntu yi ma wɔsiesie wɔn ho yiye ma ɔsom da no ne mu adeye nyinaa. Na se wotumi nam saa nneyee yi so twe ben wɔn Nyankopɔn no a eboa wɔn ma wɔn asetena mu nsem tumi ye yiye, na edi adanse nso se eboa ma asɔre mma nyin wɔ honhom fa mu (Szuchewycz, 1997).

Asɔre mma no nam kommye nneyee no so de boa ma ɔsom no mu dwumadi no kɔ so tɔtɔee bere a akwanside bi mma mu. Eboa ma ɔsom no nhyehyee a ebekɔ so saa da no nyinaa tumi kɔ so pɛpɛpɛ senea wɔasusuw no ara pɛ. Efi ɔsom no ahyease, de befa bere a nyame asem rekɔ so, de fa kyerekyerɛwfo no nkaebɔ bere, de besi mpaebɔ a etwa to a wɔde bɔ ɔsom no nyinaa tɔfa so, asɔre mma no kommye nneyee a wɔda no adi saa mmere ahorow yi mu no boa ma ɔsom no mu dwumadi ahorow kɔ so a ewie asomdwoe mu.

Akanfo wɔ gyidi bi nso se, se obi betumi ate asem bi, ate ase yiye a, na ebehia se nipa ko no beye dinn na wahwe ewɔ tebea bi mu. Kommye nneyee a ekɔ so ɔsom bere wɔ asɔre dan mu no boa ma nkitahodi ahorow a ekokɔ so no tumi wie pɛye. Kommye nneyee no boa bɔ kwan ma nsem a eye a efi asɔre mpanyimfo ho de ba asafo no nkyen no tumi du aso pa mu. Esiane se kommye no da adi nti nea ɔde nyame asem ba, nea ɔde nkaebɔ ba, ne mmere ahorow nkae bi no mu nsem no tumi du asafo no nkyen ma wonnya ɔhaw bi se ebia obi antumi ante nsem anaa nkaebɔ bi a ekɔ so. Eyi nti kommye nneyee a ekɔ so wɔ saa mmere ahorow no mu no ma asafo no te nsem a eba no ase, te ase yiye nso.

Na se eba se obi gyina se biakofo wɔ asafo no anan mu abɔ mpaɛ wɔ ɔfa bi mu te se bere a wɔbɔ mpaɛ wɔ ɔsɔre fa no awiei nso a, bere a mpaebɔ no gu so no na asafo nkae no nso ayeye dinn. Se eba no sei a ede biakoye ba wɔ adwen ne akoma fa mu de taa nea ɔrebɔ mpaɛ no akyi, pia kɔ nea ese se ekɔ. Se obi kasa anaa wanna kommye nneyee no

adi bi saa bere no mu a wotumi bu saa nipa anaa nnipa no se ɔye akwanside ma ɔsom no. Eyi tumi ye nsunsuanso bone bi a won a wakasa kommye bere no mu no tumi nya, senea BACP (2016) kyerekyere no.

#### **4.4.2 Sukuu mu**

Senea sukuu mu adeye ne emu nhyehyee te no, ehwe ma adesuafo no da nneyee ahorow no bi a ede kyere obu ne nnidi ma akyerekyerefo ne won a wonnye akyerekyerefo wo sukuu no mu nyinaa, senea British Association for Counseling and Psychotherapy (2016) kyerekyere no. Nneyee ahorow no mu bi a wode kyere suban ahorow a madi kan abobo so no mu biako ne kommye, ne titiriw ne bere a adekyere ne adesua reko so wo adesua dan mu. Adesuafo kommye nneyee a woda no adi bere a ɔkyerekyerani bi gyina won anim rekyere won ade no tumi di adanse fa obu ne nnidi a wowo de ma saa kyerekyerani no. Se ekoba se osuani anaa asuafo no mu bi mpo kasakasa bere a ɔkyerekyerani bi nso gyina won anim rekyere ade a, wogye tom se eye nneyee biako enkyere obu ne nnidi ma ɔkyerekyerani ko no koraa te se nea Bruneau (1973:42) nso di ho adanse no. Mpo bere a adekyere reko so no, se asuafo no mu bi pe se okasa a gye se ɔsre kwan fi ne kyerekyerani no ho ansa na watu saa anamɔn no. Eyi ka to gua pefee obu ne nnidi a adesuafo no nam won kommye no so de ma won kyerekyerani no, na esan nso ye nkuranhye ma kyerekyerani no bere a ɔrekyere ade. Afei nso ansa na kyerekyerani no bewura adesua dan no mu no anaa onya wura mu foforo a, adesuafo no tumi tena ase dinn a wode kyere won kyerekyerani no se woye krado ama adesuafo no. Eyi ma kyerekyerani no hu se mmofra no aye ahoboa ama onno ne nea ɔde rebre won no nyinaa, na eyi nso kenyan kyerekyerani no ma ofi ne mu nyinaa san nso de ahokeka soronko di ne dwumadi senea ese wo akoma pa mu.

Adesuafo no kommye nneyee a woda no adi ho nsunsuanso biako nso ne se, ema adesuafo no tie nkyerekyerem ahorow a won kyerekyereni no de rema won no. Esiane se woye dinn na biribiara te se kasa foforo bi a efi baabi ntshintwan kyerekyereni no nkyerekyerem nti, adesuafo no te nsem ahorow a kyerekyereni no beka nyinaa. Na saa nsunsuanso yi nso tumi ye safoa bue nsunsuanso foforo pono a eno ne se ema adekyere ne adesua no tumi ko nkan senea nhyehyee no te ara pe. Wotumi wie adekyere ne adesua no mmere a ese mu. Ebetumi nso akyerere se bere a adekyere ne adesua rekoo so, na adesuafo no mmisa won kyerekyereni no nsem biara mfa adesuade no ho, ye komm wo saa tebea no mu, de kopem adekyere no awiei nso tumi di adanse se adesuafo no nte adesuade no nkyerekyerem no ase de, nanso kwan bi so no yebetumi nso aka se saa bere dodow kommye no nso kyere se adesuafo no adwen di adekyere anaa nkyerekyerem a kyerekyereni no de rema no akyi a woado mu asuko mpo, ne titiriw ne bere a adesuade no ahyease mu. Esiane se wope se wote adesuade no nsentitiriw no ase yiye nti, woye aso wo adesua no ahyease senea ebeboa won ama wotumi anya ntease mapa wo adesua no awiei.

Adesuafo no kommye wo bere a wokusua ade se ankoreankore, se eye anopa anaa anwummere, nso ye nsenkyerenne a edi adanse se woye asotie ma sukuu mu nhyehyee. Won kommye nneyee wo adesua bere no mu no ma adesuafo no nya akwannya no san nso de sua nea won akyerekyerefo adi kan akyerere won, san nso tumi de sua adesuade afoforo binom a won akyerekyerefo nnya nkyere won ansa. Ema wonya ntease pii fa nea wasua dedaw no ho bere a woresan nso ako adesuade no mu bio. Kommye a eye sukuu no ahyede saa bere no ma beae ho yee dinn a ema adesuafo no tumi sua won ade yiye wo adwen mu fann kwan so. Na senea sukuu no mu ye komm nti etumi nso bu adesuafo binom a nka wonyee won adwen se wobesua ade saa bere no aba mu ma mpo se wonsua ade a wonyee dede bi ntuatua won mfefo no aso saa bere no mu. Saa akwannya

no boa adesuafo no ma wotumi nya wɔn adesua dedaw bi mu ntease mapa wɔ asomdwoe mu.

#### 4.4.3 Ahemfi asenni

Ɔman mma kommyɛ nneyɛ a wɔda no adi bere a nana reba abɛtena n'agua mu anaa anya te n'agua mu no, na asenni bi ho nkɔmmɔtwetwe rekɔ so no, yɛ nsɛnkyerɛnne a edi adanse sɛ ɔmanfo no wɔ obu ne nnidi kɛse ma wɔn hene ne ne tumi a ɔwɔ sɛ ɔman no kandini (Bruneau, 1973; BACP, 2016). Na sɛ mmere no nso so sɛ nana nso mfa ne nsem anaa n'atɛmmu a ɔwɔ wɔ asem a ɛda gua mu no ho nto gua a, ɛha nso ɔmanfo no nyinaa yɛ dinn tie nea nana de n'atɛmmu no bɛfa. Afei nso esiane sɛ amammere kwan so no sɛ nana rekasa a ɛnsɛ sɛ ɔpepere ne ho na mmom ɔhome ne nsem so anaa ɔde kommyɛ wurawura n'adwenkyerɛ no mu, de toto ne nsem no mu ahye nti, sɛ ɔrekasa a ɔto ne bo ase, a ɛno nso yɛ adansedi a ɛkyerɛ ne mpanyinyɛ su.

Saa kasa mu nneyɛ no boa nana no ma otumi dwɛn yi yi nsem a ɛfata de siesie nsem a ɛda gua mu no, na afei nso amma nana ano ankɔfom wɔ beguam ho ankɔfa animguase ammɛ no. Nana kasa mu nhomeso anaa kommyɛ no nso tumi ma onya adwenkyerɛ fi ahonhom a wɔtaa n'akyi nkyɛn de boa siesie asem a aba n'anim no ho. Sɛ ɛkɔba sɛ saa bere a nana rekasa no obi foforo nso de kasa betwintwan nana nsem no mu a, kyeame tumi tea nipa ko no wɔ kɔkɔbɔ kwan so ma no gyae, anaase wotumi mpo kye saa nipa no dedua. Saa nsunsuanso binom na Bruneau (1973:42) kaa ho asem fa nnipa binom a wɔkasa bere a beae bi wɔ kommyɛ mu. Sɛ ɛkɔba nso sɛ obi pɛ sɛ ɔkasa wɔ gua mu no mu nso a ɔgye akwansɛ fi nana kyeame a saa bere no ɔredi nhyiam no ho kyeame nkyɛn ansa na wapene no sɛ obetumi akasa, eyi nso de kyere nnidi ne obu a ɔmanfo no wɔ ma nana ne ne mpanyimfo anaa ahenni no (BACP, 2016). Megye di nso sɛ kwan bi

so no, nana kommye nneyee a oda no adi bere a adwenkyere ahorow rekɔ so no si no pi se ema nana mpanyinni, ne n'anuonyam ne ne tumi se oman mu no piesie no di mu.

Kommye nneyee a epue mu wɔ ahemfi asenni mu no ho nsunsuanso biako a ede ba ne se ema asetena no mu dwumadi ahorow nyinaa kɔ so waanowaano ne asomdwoe kwan so. Esiane se kyeame mmaa wo akwannya no se ka biribi a obiara ntumi nkasa wɔ begua no mu nti, ema asenni no kɔ so ntemntem.

Afei nso ema nnipa a wɔahyia ho no nso tumi te nsem ahorow a ekokɔ so no nyinaa na ekɔba se wokɔbɔ amane afa nsem a etɔɔ gua wɔ ho no ho akyerɛ nea wantumi amma ho bi a wɔaka no senea ete ara. Ema nnipa a yereka wɔn nsem saa bere no tumi te nsem a erekɔ so ase ma se wonya akwannya no se wɔrekyere nsem mu a wahu senea wɔbekasa. Senea yeadi kan ahu no, kommye nneyee a omanfo no da no adi bere a asenni bi rekɔ so no ma nnipa a wɔahyia beae ho nyinaa te nsem a erekɔ so no, na se ekɔba saa nso a ema omanfo binom a wɔde wɔn nsem aba ho no ne wɔn a wɔrebedi nsem no ho adanse no sua ade fi atemmu a ebekɔ so no ho. Ema wɔn a wonnim nsem binom ho nsunsuanso no nya nhumu fa nsem bi ho ma wɔde ye afotusem ma wɔn abrabɔ nso. Na afei ekɔba se saa da no nso ne da a obi adi kan apue wɔ ahemfi bere a asenni bi rekɔ so a, ema saa nipa no tie nsem a erekɔ so no de bi ye adesuadae.

#### **4.4.4 Aban asennibea**

Nsenkyerɛne ne nneyee ahorow pii na se obi pue mu wɔ aban asennibea a edi adanse se kommye ye su biako a eye akade a ehia wɔ asenni mu. Na eyinom mu nsunsaunso biako ne se eboa ma asenni no kɔ so asomdwoe mu, na wɔsan nso tumi di nsem a aba wɔn anim no ntem so. Ema wofi asem biako so de kɔ foforo so a wɔmmre ho esiane se beae ho aye dinn a obiara anwen n'aso nti. Se ekɔba se obi ye dede wɔ kwan bi so a, eye



mmarato a ekyere se woretuatua asennibea ho asomdwoe no aso. Wotumi twe nipa ko no aso se saa su no ko so mpen dodow a (Bruneau, 1973), na esiane se obiara mpe se obeko ohaw bi a ete saa mu nti wobɔ mmɔden di mmara so ye dinn bere a asenni bi reko so. Ne saa nso ma otemmuafɔ no tumi hwe di nsem dodow no ara ntem so.

Eba no aban asennibea ho nhyehyee mu a, enye mmara se otemmuafɔ anaa obi beka asem de ahye kwaadubɔfo bi anaa nea yesaman no no ano bere a oreka n'asem. Eyi nti ebehia se beae ho beye dinn ama nsem a nnipa yinom beka no, temmuafɔ no bete ate no yiye na wagyina so de abua asem no kwan pa so. Afei nso, esiane se asennibea no ye mansin de, na kwan a wɔfa so kora nsem ahorow a wasiesie atwam no ye nkrataasem nti, ema kommye nneyee no ho behia otemmuafɔ no pa ara yiye efise otie kwaadubɔfo no anaa nea yeabɔ no kwaadu no nsem na wakyereɯ agu nkrataa so.

Senea ebeye na nsem no bi nyera otemmuafɔ no, na obenya no senea ete ara nti, na ewɔ se beae ho ye dinn pa ara. Se ekɔba se obi, wɔ kwan bi so, ye asɔɔden see kommye a ereko so bere a asenni bi reko so no a, wotumi fre polisini biako a wɔ ho ma ɔde saa nipa no kɔto dadua dan bi a ewɔ asennibea ho anye koraa beye sima du-num ansa na wɔagyae wo, de aye adesuade ama afoforo. Esiane se obiara mpe se nsunsuanso bɔne bi a ete saa beto no nti (Brown ne Levinson, 1987; Berger, 2004; Min, 2016), nnipa a wɔwɔ ho hwe se wobeye dinn bere a asenni bi reko so.

Adansedifo ahorow a wogyinagyina asennibea ho abɔnten so retie nsem a ereko so no nso tumi te nsem no de bi ye afotusem de ma wɔn ho wɔ wɔn asetena mu, senea yehu no wɔ ahemfi ho asenni mu no. Atiefo ne adansedifo ahorow a wɔahyia ho, esiane kommye a ewɔ beae ho nti, tumi tie nsem ahorow a akokɔ so, na se mpo ekɔba se wɔkɔbɔ afoforo amane a wɔaka no senea ekɔ so ara pe. Se ebeye na temmuafɔ no betumi ate kwaadubɔfo no nsem na wakyereɯ ato ho nti, eye a kwaadubɔfo no to ne bo ase wɔ ne

nsenka mu senea ebema temmuafo no atumi anya nsentitiriw a ewo ne nsem no mu akyerew. Saa kwaadubofu no ntoboase wo ne kasa mu no ye kommye a ode toto ahye wo ne nsenka mu. Saa nhyehyee yi nso tumi boa otemmuafo no ma no de atemmu a mfomso nni ho to gua.

Nnipa dodow a wotwa hyia wo aban asennibea ho no da kommye su no bi adi wo mmere ahorow bi mu bere a asenni bi rekwo so, de kyere obu ne nnidi a wowo ma otemmuafo no ne omammara a ode reye adwuma no (Bruneau, 1973; BACP, 2016). Eyi ne mmere a ansa na asenni no, na adwumayefo no mu biako team ka se, “*Order!*” a ekyerese se perepere mmra beae ho, de twe nnipa a wohaia ho adwen ba won ho so se otemmuafo no reba nti obiara nye dinn. Nneyee yi akyi no, nnipa a wowo beae ho sere gyina san nso wo kommye kwan so de kyere won nnidi ne obu ma otemmuafo no, kopem se otemmuafo no betena ase ansa na won nso atena ase bi.

Afei nso, kwaadubofu no ne nea yeabo no kwaadu no begyina won adaka mu a wankasa kopem se otemmuafo no ankasa bekyere nea afei obetumi akasa ansa, na eyi kyere otemmuafo tumi a wo na ode kyere nea obetumi akasa wo bere bi mu (Dendrinis ne Pedro, 1997; Lakoff, 1995). Eyi nso ye obu ne nnidi su a saa nnipa yi da no adi de kyere otemmuafo no ne ne tumi a wo de ye n’adwuma no. Bere a watie afaanu nsem bi awie no, ohye ase de n’atemmu wo asem ko no ho to gua, na saa bere no mu no obiara ye dinn tie atemmu a ebaba no. Nnipa no kwan bi so no da saa kommye nneyee no adi de kyere obu ne nnidi, na se obu aten wo asem ko no ho wie nso a obiara nni anoyi biara fa n’atemmu no ho, a eno nso ye nsenkyerenne a ekyerese se nnipa no, ne titiriw ne won a yeaka won asem no, wo obu ne nnidi ma otemmuafo no aten no.

Kommye nneyee no san nso pue mu bere a otemmuafo no ama n’atemmu a efa asem biako ho awie na obekwo asem foforo so. Wode saa kommye beye simasin kakra bi a

ɛkɔ so no fi asem biako so san nso de ye ahoboa ma asem foforo a edi ho no so. Eboa ma wɔfrɛ wɔn a wɔn asem adu so no ma wɔte, gye so, ba wɔn anim betena ase ma asenni no kɔ so bereano. Sɛ dedeyɛ wɔ beae ho bere a wɔrefi asem biako so rekɔ foforo so a, ɛma otemmuafo no asenni no twentwen ne nan ase, na ɛbɛma wontumi nka nsem dodow no ara mfi ho, na ɛsan nso ma asenni adwuma no ye den.

#### 4.4.5 Ankoreankore suahu

Eba no ankoreankore binom suahu nsem no mu nso a, kommyɛ nneyɛɛ ahorow a epuepuee mu no daa nsunsuanso ahorow bi nso adi. Ekɔba sɛ yen asetena mu asem bi anaa biribi rekɔ so na nneyɛɛ bi kɔ so na antwa yiye a, ɔkwan biako a yebetumi afa so de aka anaa nso de akyerɛ sɛ antwa yiye ye kommyɛ nneyɛɛ a yɛbeyɛ wɔ asem a asi no ho (Saville-Troike, 1985). Kommyɛ nneyɛɛ a obi da no adi wɔ asem bi a asi ho no soma nkyerɛm bi de kɔma nea wayɛ nea antwa yiye no ho (Saville-Troike, 1985) ma ohu ne mfomso a wayɛ. ɛma nea wafom no ani ba ne ho so ma onu ne ho, san nso sesa fi saa nneyɛɛ ko a ankɔ yiye no ho. Enhyɛ nipa ko no nkuran mma no nna saa su koro no ara ne mpɛn abien so nankapɛsɛ ne mpɛnsa so. Mfatoho bi ne nea yehuhuu wɔ suahu nsem nea ɛto so abien, abiɛsa ne anan no mu.

Nhwɛso a ɛwɔ suahu a ɛto so abien no mu no, ɛdaa adi sɛ sukuuni no ani wui bere a ne kyerekyerɛni no bɛtoo no sɛ ɔne abaamuwa bi hyɛ ɔdan mu no. Eyɛɛ sukuuni no ayamhyehyɛ saa tebea no mu nso esiane sɛ na onnim asotwe a ne kyerekyerɛni no de bɛma no wɔ asem no akyi nti migye di yiye sɛ ɛbɛma sukuuni biara a obehu ne ho wɔ tebea bi a ɛte sɛ eyi bɛsesa afi ne suban bi a ɛte saa mu. Saa nso na ɛdaa adi wɔ suahu a ɛto abiɛsa no mu bere a kyerekyerɛfo panyin no hui sɛ suani a ofi suapɔn mu aba rebesua adekyerɛ ne adesua ho ade wɔ ntoaso sukuu mu no de sɔhwɛ ho mmuae fa fon so ma

suani biako wɔ sɔhwɛ dan no mu. Sɛ ɛkɔba no sei a ɛde adwenmusem ho nsunsuanso begyaa nipa ko no so esiane kommyɛ nneyɛe no nti; ɛma nipa no ani wu ne ti mu ma onnya ahomeka ne anigye bio mfa nni dwuma a ɔredi no sɛnea Tannen (1985) nso de too gua no. Saa ɔhaw yi na aberante no faa mu bere a kyerekyerɛfo panyin no huu nea na ɛrekɔ so no, kɔpem sɛ ne mmere soe ma ɔde fii sukuu no mu kɔɛ. Moda nso faa tebea bi mu saa ara bi wɔ suahu a ɛto so anan no mu. Efi bere a ofii asɔre nhyiam no bae, na ne maame de amane bɔɔ no sɛ ne papa abɛbisa no ase no, esiane sɛ na Moda ankasa agye ne mfomso ato mu dedaw nti, ɛmaa odii kan nuu ne ho, pɛɛ sɛ anka ne papa bema no akwannya no ama wakyerɛkyere nea edii na wasan nso asrɛ bɔnefakye. Ne papa kommyɛ nneyɛe a ɔdaa no adi kyere no maa onuu ne ho mpo dodow. Migye di sɛ ne papa de ne mfomso kye no a ɔbɛda saa su no adi bio. Mfatoho ahorow yinom di adanse sɛ kommyɛ nneyɛe no nso tumi boa tia su bɔne binom a nnipa bi deda no adi wɔ yen asetena mu, na ɛma wɔsesa fi wɔn suban bɔne bi ho esiane nsunsuanso bɔ a kommyɛ a epuem no de brɛ wɔn nti.

Akanfo asetena mu no, nneyɛe biako a etumi di adanse sɛ obi ye panyin ampa, n'ani afi anaase sebe, ɔwɔ nyansa no gyina kommyɛ a saa nipa no da no adi bere a asem bi asi so. Asem yi si Agyekum (2002) nkyerem so dua sɛ nipa a ɔda kommyɛ nneyɛe no adi nso boa de nkyerɛaase soronko ba. Akanfo wowɔ kasa abebu ahorow pii a wotumi de kyere saa su anaa nneyɛe bi a ɛte saa mu, sɛ ebia *ɛnye nea ani hu nyinaa na ano ka ne panyin due ne matemante*. Kommyɛ wɔ nsem bi ho no nkyere sɛ ebia wosuro sɛnea Bruneau (1973, p.37) ne Jaworsky (1997) kyere no anaa wonni hwee ka (Levinson, 1983) na mmom wɔda saa nneyɛe no adi de kyere wɔn suahu dodow a wɔwɔ wɔ abrabɔ, ɛno nti wɔde kyere sɛ wɔye mpanyin. Bere biara a obi da saa kommyɛ su adi wɔ tebea bi mu a anka ɛsɛ sɛ wɔka biribi no, ɛto bere bi a etumi boa si ɔhaw ahorow ano kwan ma ɛde asomdwoe ba nnipakuw ntam (Berger, 2004). Obibiara a ɔda su bi saa adi no

wɔ ne mfɛfo anim ɔdom, n'ananim ye du anaa wobu no na mpen pii nso wɔde nsem ko saa nipa no hɔ guantoo. Na se wo mfe ko anim na wontaa nkora w'ano na yetaa te wonka beguam dodo a, etumi hwan saa animduru ne fere a anka ese se wunya se panyin no.

Mfatoho bi a esi nsunsuanso bi a ete sei so dua no bi daa adi wɔ suahu a eto so abien mu bere kyerekyerefo panyin no hui se sukuuni no a ɔte sɔhwɛ dan mu no ne ɔkyerekyerɛni biako renya nkitaho wɔ fon so. Bere a ɔpanyin no huu saa no ɔgyee fon no fii sukuuni no hɔ dinn a wamma sɔhwɛ no ho mpanyimfo no mu biara ante eho asem. Eyi akyi no kyerekyerefo panyin no ne kyerekyerɛni ko no konyaa nkitaho de dii adanse se wahu nea ekɔɔ so.

Se yeka se obi ye panyin wɔ Akanfo asetena mu a nneyee biako a etumi di adanse pa ara ne ɔkwan a saa nipa no tumi fa so sɔ asem bi anaa ɔhaw bi a ereko so mu na ɔtoto no yiye mma asem no nnye nsam. Saa su yi bi na kyerekyerefo panyin yi daa no adi, a edi adanse se ɔye panyin ampa. Kyerekyerɛni bea no nso daa nneyee no ara bi adi wɔ suahu a eto abien no mu bere a okohuu ne sukuuni abofra no se ɔne abaamuwa bi hye obi dan mu wɔ bere a wansre kwan amfi sukuu mu.

Ne kommye nneyee a ɔdaa no adi saa bere no kyerekyerɛni se ɔye panyin ampa esiane se nka obetumi akasa afa ne sukuuni no suban a wada no adi no ho, ama abaamuwa no ahu mpo se ɔye sukuuni bea no kyerekyerɛni nanso obuu n'ani guu so yee dinn de asem no faa kwan foforo so. Ababaawa no nso wɔ suahu a edi kan no mu no hui se okobue n'ano wɔ ne suahu fa asentitiriw a ne nnamfo nkae no redi ho nkɔmmɔ no a ebese anigye no a ne nnamfo no wɔ mu saa bere no, nti ɔyee dinn faa saa asem ko potee no ho bere a ne nnamfo no mu biako bisaa no senti a waye dinn, ma ɔmaa no nkyerease foforo senti a waye komm. Kommye a ababaawa no daa no adi de asem no faa so no di adanse se n'adwen mu abue. Vida wɔfa ammue n'ano bere a na ɔreto ne ntaade wɔ mukaase no

mpoma no akyi bere a ɔtee se ne yere Serwaa redi ne ho nseku akyere ne wɔfaase wɔ suahu nnum no mu. Vida wɔfa kyerɛɛ ne mpanyinyɛ su wɔ saa tebea no mu se wankasa anaa wansosɔ nsem a na ne yere rekeka no so. Mfatoho ahorow yi di adanse se kommyɛ nneyɛ no bi wɔ tebea bi mu no kyere senea obi mpanyinyɛ su te. Na se ekɔba se asem no kɔ tia obiako te se nea etiaa Serwaa no a, ekɔfa abammu ne animguase de ba esiane komm a Vida yɛɛ nti. Migye di se nea esii akyi no Serwaa ani nhyɛda nnye Vida ho bio na onnye no nni esiane se wama ne nsa asi fam wɔ ne wɔfa anim nti. Ebɛma Serwaa nnya Ama mu gyidi bio na ebetumi nso de meneasepɔ ne ntawantawa abegyaa wɔn so wɔ fie hɔ.

#### **4.5 Tɔfabɔ**

Ɔfa yi ase boa maa yetumi nyaa nhwehwɛm no nsemmoano a me nsa kae ho mpensempensem. Migyinaa nhwehwɛm no nsemmisa ahorow no so na mede mpensempensem no too gua. Ɔfa yi boa maa yetumi hyehyɛ kommyɛ ahorow a ekokɔ so wɔ mmeae ahorow wɔ Akanfo asetena mu ne ankoreankore suahu a mede dii nhwehwɛm dwumadi no nso, san nso de nkyerɛm ahorow a kommyɛ no mu biara a mehyɛɛ no nso no too gua. Nsunsuanso ahorow a kommyɛ nneyɛ no de ba wɔ Akanfo asetena mu no nso daa adi, senea ete wɔ mmeae ahorow no mu ne ankoreankore de no.


## TI NNUM

### AWIEI, MMUABO NE ADWENKYERE

#### 5.0 Nnianim

Nhwehwem dwumadi yi hwehwɛ sɛ ɛbɛboa ama yɛatumi ahwehwɛ kommyɛ dodow a ɛkɔ so wɔ mmeae ahorow binom wɔ Akanfo asetena mu te sɛ asɔre, sukuu, aban asennibea ne ahemfi. Bio nso ɛboa ma yehuu kommyɛ ho mfatoho no bi fii ankoreankore binom abrabɔ mu suahu mu nso, na ɛno akyi no yenyaa nkyerɛase ahorow a kommyɛ no mu biara de to gua sɛnea ɛdaa adi wɔ nkitahodi ko no mu. Nsunsuanso a kommyɛ nneyɛɛ no biara de pue mu no nso daa adi. Menam ahwɛɛ ne nkɔmmɔtwetwe kwan so na enyaa me mmoanosɛm de dii nhwehwem dwumadi yi.

Ɔfa yi botae pa ara ne sɛ ɛbɛma yɛahu nhwehwem dwumadi no nyinaa mmuabɔ, nea epue fii nhwehwem no mu ne nsusui ahorow binom a migye di sɛ ebetumi aboa adesua daakye bi.



#### 5.1 Nea epue fii nhwehwem dwumadi no mu mmuabɔ

Nhwehwem dwumadi yi boa ma yenyaa adwenmubue faa adesuada a na esi ani so ho. Ɛno mu no, mehyehyɛɛ nneɛma binom nso a ɛnonom na edidi so yi;

- Kommyɛ nneyɛɛ no yɛ akade biako wɔ Akanfo nkitahodi mu a ɛsommo yiye ma wɔn. Mehyɛɛ no nso sɛ, su ahorow no mu biako a ɛma ɔmanfo gyina so de gye to mu sɛ obi yɛ panyin wɔ Akanfo asetena mu no ne sɛ saa nipa ko no besuw de nsemfua adi dwuma wɔ ne nkitaho ahorow nyinaa mu. Wobu nnipa a wɔtaa de kommyɛ di dwuma wɔ wɔne nnipa ntam nkitahodi mu, na saa nnipakuw no anim yɛ duru sɛ wɔn animkɔ mpo tumi yɛ den. Eyi nti ɛsɛ




panyinmu biara wɔ Akanfo asetena mu a okura dibere bi mu nso sɛ otumi de kommyɛ ne nsemfua di annwen sɛnea Ephratt (2011) nso kyerɛm no, wɔ ne nsenka anaa n'adwenkyerɛ mu na ama no awie mudi.

- Kommyɛ yɛ nkitahodi mu nneyɛe no mu biako a obi tumi fa so de kyerɛ pene a ɔmpene asem bi a asi so. Akanfo gye di sɛ, *sɛ woyam yɛ wo yaw na woanwee wo se a, obiara nhu nea ɛhaw wo*, eyi nti wɔda nneyɛe bi saa adi wɔ bere a asem bi a ɛnye anika akɔ so na nipa no pɛ sɛ ɔkyerɛ sɛ ne bo nnwo nea akɔ so no ho. Mmere dodow a nipa no bɛda kommyɛ nneyɛe no adi wɔ asem ko no ho tumi di adanse sɛ asem ko no ahaw nipa no yiye. Nsunsuanso a ebetumi apue wɔ tebea bi a ɛte saa akyi anoden no begyina nea ɔreda nneyɛe no adi, ɛba no Akanfo afie asetena mu a, sɛ ebia ebefi abofra bi afa mu aba anaa panyin bi.
- Akanfo san nso wɔ obu ma nnipa a wɔtaa da kommyɛ nneyɛe no adi wɔ wɔn asetena mu. ɛnye obi a ne mfe kɔ anim na okura dibere kese bi mu nko na wɔde obu ma no na mmom nnipa a wɔtaa da kommyɛ su no adi wɔ ne nkitahodi mu nso. Sɛ obi da kommyɛ su no adi wɔ ɔne afoforo nsenka mu a, ɛda adi de kyerɛ ne mfɛfo no sɛ saa nipa no bu ne ho nti wɔde saa obu ne nnidi a ɛsɛ saa nipa no ma no, eyi nti Akanfo wɔ abebu bi sɛ, *yede nnidi ma nea nnidi sɛ no*.
- Ɛkɔba sɛ asem bi asi wɔ beae bi, na asem ko no ho nsunsuanso betumi de ɔhaw kese bi te sɛ animguase anaa dinsee aba ankoreankore bi, nnipakuw anaa adwumakuw bi so a, Akanfo tumi nam kommyɛ nneyɛe so si saa ɔhaw ko no kwan. Akanfo taa ka asem bi sɛ, *animguase mfata ɔkanni ba*, ne saa nti wɔda kommyɛ su no adi de si ban, sianka ɔhaw a anka ɛnye kommyɛ no a anka ɛde bɛba no ano.

- Akwan ahorow no mu biako a Akanfo tumi fa so twe wɔn mmofra aso wɔ wɔn asetena mu ne kommye nneyee a wɔda no adi bere a abofra bi ada suban bɔne bi adi. Wɔde saa kommye nneyee no twe abofra no adwen si so se suban a wada no adi no nse mfata eno nti ɔntwe ne ho mfi saa su no ne suban afoforo binom a etete saa ho. Eyi ye Akanfo asetena mu nsunsuanso nneyee a wɔda no adi na wɔde boa wɔ wɔn mmofra ntetee mu.
- Akanfo nyamesom mu nso, wɔnam kommye so twe ben wɔn Nyankopɔn, de wɔn adesɛde to n'ananim san nso de twen wɔn adesɛ no ho mmuae. Kommye nneyee no boa wɔn ma wotumi de wɔn adwen si nkitahodi a wɔne wɔn Nyankopɔn nya no so ma nsawɔso no ye waanowaano.
- Akanfo asenni mu nso, kommye ye akade titiriw biako a akɔye se kokuroboti a yekwati no bɔ pɔw a enye yiye. Wɔnam saa nneyee no so boa ma asenni no ko so ntemntem, na ema wotumi nya ntease fa nsem a wɔredi no ho na berebiara ntwintan wɔn anan mu. Ansa na asenni bi behye ase no, ɔmanfo no di kan ye ahoboa wɔ kommye mu, twen ma mpanyimfo betena ase ansa na dwumadi no ahyease.
- Adesua mu nsem nso, kommye boa ma adesuafo no tumi gye adesuafo no mu nsentitiriw no yiye, dwennwen ho, na se edu sɔhwe dwumadi mu nso a wɔatumi ayi nsemmissa ahorow no ano senea ese na efata. Adesuafo no kommye su a wɔda no adi bere a adesua ne adekyere rekɔ so no tumi boa twe kyerekyerɛni no adwen de ba n'adekyere kwan a ɔde rekyere ade no so. Etwe kyerekyerɛni no adwen ba ne ho so ma otumi boa adesuafo no ma wɔte adekyere no ase yiye.

- Akanfo asetena mu nso nsenkyerɛne biako a obi a wada suban bɔne bi adi anaa wayɛ mfomso atia obi da no adi de di adanse kyere nea wafom no no sɛ wagye ne mfomso ato mu anaa nso wanu ne ho ne sɛ ɔbɛda kommyɛ nneyɛe no adi bere a asem ko no asi, na yerebɔ no kwaadu. Wɔnam saa su no so de ka kyere nea wafom no no sɛ wanu ne ho wɔ nea asi no ho, na eyi tumi kɔfa gyae-ma-enka ba, na etumi mpo ma nea yɛafom no no twa ne nsenka so.
- Okwan biako a Akanfo tumi fa so de twe wɔn ho fi nsenka binom a erekɔ so na entwa yiye, na ɛde nsunsuanso bɔne ba ho ne sɛ wɔbɛyɛ dinn wɔ nsɛm a erekɔ so no ho, na ɔmfa n'adwenkyerɛ biara mfoa asem ko no so. Sɛ ɛkɔba sɛ nipa no ka biribi bere a asenka no rekɔ so no a, edi adanse sɛ nipa ko no ka asem ko a erekɔ so no ho efisɛ n'adwenkyerɛ ka ho. Kommyɛ nneyɛe a etumi da adi saa bere no mu no tumi boa san nipa no ti fi sɛ obi bɛkan no aka biribi a ɛte saa ho.



## 5.2 Nhwɛhwɛm no ho nsusui

Sɛ ɛbɛyɛ na adesua a ɛfa kommyɛ ho bɛkɔ n'anim asen nea ɛte mpɛmpɛn yi wɔ nhwɛhwɛm adesuakuw mu wiase afaanan nyinaa mu nti, ebehia pa ara sɛ nhwɛhwɛmfo a wɔagyɛ nhini dedaw ne wɔn a ɛreba so nso bɛhwɛ nsusui ahorow a mede ato gua yi ahyɛ no nso;

Ɛyɛ nokwasɛm sɛ nhwɛhwɛm dwumadi ahorow a ɛfa kommyɛ ho binom akokɔ so de, nanso me ne Al-Harashsheh (2014) yɛ adwen pii sɛ ɛba no ne dodow a ɛnsɔ ani koraa. Na sɛ yɛhwɛ asem yi wɔ ne dodow fa mu anaa ɛho mpuntu nso wɔ sɛnea ɛte wɔ Ghana fa mu a, ɛnyɛ biribi a ɛhyɛ nkuran. Eyi so na migyina, susuw ma nhwɛhwɛmfo dodow

no ara se wɔbeboa ayeyɛ nhwehwɛm dodow a ɛfa kommyɛ ho na aboa atre ɛho adesua mu, ne titiriw ne yen man yi mu de.

Misusuw nso se, se ekɔba se yereye nhwehwɛm afa kommyɛ ho nso a, nhwehwɛmfo no nye wɔn nhwehwɛm no mma enkɔkeka yen asetena mu afaanan nyinaa bi te se yen amanne ahorow no mu, se ebia aware, bragoru, kyiribra ne nkae binom, senea ɛbeboa ayi adwempɔw bi a binom wɔ fa kommyɛ ho afi hɔ, na aboa nso ama ntease a ɛwɔ saa adesuada yi ho mu ada hɔ fann. Yen nsan nso nhwe senea ne dwumadi ne ne nkyerɛase da nso wɔ mmuasakuw ahorow a wɔwɔ ɔman Ghana mu, na aboa de ntease aba ɔmanfo ntam.

Bio nso, se kommyɛ ho adesua betumi atre, ama emu nkyerɛm akɔ so yiye a, na ebehia se akunini ne abemfo ahorow a wɔwɔ yen suapɔn ahorow no mu nso beboa, ahyɛ adesuafo nkuran ɛfa adesuada a ɛfa nkitahodi ho, ne titiriw ne kommyɛ.

Afei, misusuw se yebetumi nso ahwe akwan afoforo binom nso a yetumi fa so ne afoforo nya nkitahodi ho adesua, a kommyɛ ka ho, na yemmoa mma ɛho adesua no nkɔ so.

### **5.3 Tɔfabɔ**

Ɔfa a ɛto so nnum wɔ nhwehwɛm dwumadi yi mu boa ma yenyaa nhwehwɛm dwumadi yi mmuabɔ, efi nsem ahorow a epue fii nhwehwɛm no mu de ba nsusui ahorow a nhwehwɛmfo no de too gua so.

Nhwehwem dwumadi yi ama no ada adi nnianim nsem, nhwehwem no nnyinaso nsem, ɔhaw no adida, ne botae, ne nsemmissa, eho akwanside, nea nhwehwem no kɔpem ne nhyehyee ne eho mfasode nyinaa wɔ ɔfa a edi kan no mu.

Eyi kyi no, ɔfa abien no boa ma yehuu dwuma a animdefo binom nso adi afa nhwehwem yi ho. Efi senea kommye kɔ so wɔ nnipakuw bi asetenam, ne nkyerease ahorow a animdefo binom de ato gua, kommye nkyekyem ahorow a ewɔ nnyinaso ahorow, senea kommye su ahorow te wɔ nkitahodi mu, de besi dwuma a kommye di wɔ mmeae ahorow wɔ nnipa astenam. Afei nso, ɔfa no da tiori (*Speech Act Theory*) a ede ye nhwehwem no mpensempensem ahwehweniwa adi wɔ ɔfa no awiei.

ɔfa a etɔ so abiesa hwɛ akwan ne nnipa dodow a nhwehwem no de dii dwuma. Nhwehwem no ne su, beae a nsemmoano no fi bae, nnipa dodow, senea nyiyim no kɔ so, nsemmoano no ho akwansɛ, mpensempensem kwan ne beae a nhwehwem no kɔ so nyinaa daa adi wɔ ɔfa yi ase.

Nhwehwem no mpensempensem no ankasa tɔɔ gua wɔ ɔfa a etɔ so anan no mu. Enam nhwehwem no nsemmissa ahorow no so pensempensem mmoanosem no mu, daa nea epuem no nso adi. Emaa yehuu mmeae ahorow binom a Akanfo taa da kommye no adi, nkyerease a saa kommye no de to gua, senti a wɔda kommye nneyee no adi ne kommye no ho nsunsuanso a ede ba.

Afei, nhwehwem no mmuabɔ no daa puem wɔ ɔfa a etɔ so nnum no mu. Edaa no adi nhwehwem no tɔfabɔ ne nsusuwi binom a nea ɔyee nhwehwem no susui.

## MMOA NHOMA

- Agyekum, K. (2002). The communicative role of silence in Akan. *International Pragmatics Association*, 12(1), 31-51.
- Al-Harashseh, A. (2014). The socio-linguistic linguistic roles of silence, Jordanian society. *Journal Advances in linguistics*, 17-18.
- Baltezarevic, R. V., Kwiatek, P. B., Baltezarevic, B. V., Baltezarevic, V. N. (2022). The meaning of silence in personal communication: Spiral of silence or a stimulant of creativity? *Creativity studies*, 15(1), 58-73.
- Basso, K. (1972). To give up on words: Silence in Western Apache culture. In Giglioli (ed.), *Language in social context*, pp. 67-86.
- Basso, K. H. (1990). Western Apache Language and Culture: *Essays in linguistic anthropology*. Tucson: The University of Arizona Press, p. 305.
- Berger, C. R. (2004). Speechlessness: Causal attributions, emotional features and social consequences. *Journal of language and social psychology*, 23 (2), 147-179.
- Bonvillain, N. (1993). Language, culture and communication. *Englewood*: Prentice Hall Inc.
- Braithwaite, C. A. (1990). Communicative silence: A cross-cultural study of Basso's hypothesis. In: Carbaugh, D. (ed.) *Cultural Communication and Intercultural Contact*. Hillsdale, *Lawrence Erlbaum Associates*, pp. 321-7.
- British Association for Counselling & Psychotherapy. (2016). What is counselling & psychotherapy? Available: <http://www.bacp.co.uk/crs/Training/whatiscounselling.php> (Accessed 3 July 2016).
- Broner-Bauer, K. (1998). Aarno Ruusuvoori and the continuity of Finnish modernism. In M. Quantrill & B. Webb (Eds.), *The culture of silence: Architecture's fifth dimension*. *Texas A&M University Press*, (pp. 195-211).
- Brown, P. & Levinson, S. C. (1987). *Politeness: Some universals in language use*. Cambridge university press, p. 62.
- Bruneau, T. J. (1973). Communicative silences: forms and functions. *Journal of communication*, 23, 17-46.
- Carbaugh, D. (2010). *Lea's communication series. Cultures in conversation*. J. Bryant & D. Zillmann (General Eds.). *Routledge*.

- Dendrinos, B. & Pedro, E. R. (1997). *Giving street directions: The silent role of women*. In: Jaworski, A. (ed), *Silence: Interdisciplinary perspectives*. Mouton de Gruyter.
- Ephratt, M. (2011). Linguistic, paralinguistic and extralinguistic speech and silence. *Journal of Pragmatics*, 43, pp. 2286-2307.
- Gregory, A. (1994). *The silence of memory: Armistice Day 1919–1946*. Berg.
- Henley, N. M. (1977). *Body politics: Power, sex and nonverbal communication* (e-book). Available at: <https://books.google.co.uk> (Accessed 11 July 2016).
- Hofstede, G. (1997). *Cultures and organizations*. Software of the mind. Intercultural cooperation and its importance for survival. p.126.
- Huckin, T. (2002). Textual silence and the discourse of homelessness. *Discourse and society*, 13 (3), 347– 372.
- Jandt, F.E (2015). *An introduction to intercultural communication: Identities in a global community*. 8<sup>th</sup> Ed. SAGE publications.
- Jaworski, A. (1997). Metacommunicative and metaphorical silences. In Adam Jaworski (ed.), *Silence: Interdisciplinary perspectives. Studies in anthropological linguistics*, pp. 381-401.
- Jaworski, A. (2005). Introduction: Silence in institutional and intercultural contexts. Multilingual - *Journal of cross-cultural and interlanguage communication*, 24(1-2), 1-6.
- Jefferson, G. (2004). Glossary of transcript symbols with an introduction. In G. H. Lerner (ed). *Conversation analysis: Studies from the First Generation*, John Benjamins, pp: 13-31.
- Jensen, J. V. (1973). Communicative functions of silence. *A review of general semantics*, 30 (3), 249–257.
- Johannesen, R. (1993). “The function of silence: A plea for communication research.” *Western speech*, 38: 25-35.
- Johannesen, R. L. (1974). The functions of silence: A plea for communication research. *Western Speech*, 38(1), 25-35.
- King, J. E. (2013). *Silence in the second language classroom*. Basingstoke: Palgrave Macmillan.
- Kurzon, D. (1998). *Discourse of silence*. John Benjamins, Amsterdam.
- Kurzon, D. (2007). Towards a typology of silence. *Journal of pragmatics*, 39, 1673-1688.



- Kurzton, D. (1992). When silence may mean power. *Journal of pragmatics*, 18(1), 92-95.
- Lakoff, R. T. (1995). Cries and whispers: The shattering of the Silence. In: Hall, Kira, Bucholtz, Mary (Eds.), *Gender articulated: Language and the socially constructed Self*. Routledge, pp. 25–50.
- Lebra, T. S. (1986) The cultural significance of silence in Japanese communication. *Multilingua*, p. 343-357.
- Levinson, S. C. (1983). *Pragmatics*. Cambridge University Press, p. 13
- Ling, N. W. (2013). Communicative functions and meanings of silence: An analysis of cross-cultural view. *Multilingual*, p.126.
- Louis, M. R. (1994). In the manner of friends: Learnings from Quaker practice for organizational renewal. *Journal of organizational change management*, 7 (1), 42–60.
- Mabaquiao, N. M. (2018). Speech Act Theory: From Austin to Searle. *A journal for humanities*, 19(1), 35-45.
- Min, H. (2016). A study on silence phenomenon in college English classroom. *International journal of education and research*, 4(6), p. 451-453.
- Nakane, I. (2003). Silence in Japanese-Australian classroom interaction: *Receptions and performance*, p. 1.
- Nakane, I. (2007). Silence in intercultural communication: *Perceptions and performance*. John Benjamins publishing, pp.20.
- Oliver, R. T. (1971). *Communication and culture in ancient India and China*. Syracuse University Press, New York.
- Owu-Ewie, C. (2007). *Introduction to traditional and action research*. (2<sup>nd</sup> ed.). Dataedge multimedia.
- Saville-Troike, M. (1985). The places of silence in an integrated theory of communication. In D. Tannen and M. Saville-Troike (eds.), *Perspectives on silence*. Ablex, pp. 3-18.
- Sbisa, M., Ostman, J.O., & Verschueren, J. (2011). *Philosophical perspective of pragmatics*. John Benjamin Publishing, p.14.
- Shafik, A. (2011). *Global peace lovers*. Author House.
- Sifanou, M. (1997). Silence and Politeness. In: Jaworski, A. (ed). *Silence: Interdisciplinary perspectives*. Mouton de Gruyter.
- Sifianou, M. (1997). Silence and politeness in silence: Interdisciplinary perspectives. In Adam Jaworski (ed.), *Studies in anthropological linguistics* 10. *Mouton de Gruyter*, pp. 63-84.



- Silvas, A. M. (2005). Oxford early Christian studies. *The Asketikon of St Basil the Great*. Oxford University Press, p. 387.
- Sim, S. (2007). *The manifesto of noise: Confronting the politics and culture of noise*. Edinburgh University Press.
- Szuchewycz, B. (1997). Silence in ritual communication. In: Jaworski, Adam (Ed.), *Silence: Interdisciplinary perspectives*. Mouton de Gruyter, pp. 239–260.
- Tannen, D. (1985). Silence: Anything but. In D. Tannen and M. Saville (eds.), *Perspectives on silence*. Norwood, Ablex, pp. 93-111.
- Tatar, S. (2005). Why keep silent? The classroom participation experiences of non-native-English-speaking students. *Language and intercultural communication*, 5(3–4), 284–293.  
<https://doi.org/10.1080/14708470508668902>
- Umeh, J. T. (2010). The use of strategic silence in community relations. *International journal of communication*, 4(2), 11–23.
- Wardhaugh, R. (1985). *How conversation works*. Oxford: John Wiley & Sons.
- Young, S. L. (1998). Where silenced voices speak out: The hidden power of informal communication networks. *Women and language*, 21 (2), 21–30.
- Zuo, Y. (2002). The golden silence: *A pragmatic study on silence in Dyadic English conversation*. Lincom Europa, p. 4.

**NHWEHWEM NO NKEKAHODE**

**ANKOREANKORE SUAHU FA KOMMYE NKOMMODI**

*Nkɔmmɔdi 1*

**ME NE ANITA BOATENG NKOMMOTWETWE FA NE SUAHU WO  
NKITAHODI KOMMYE HO.**

**Me:** Mesre wo, wubetumi ne me akye wo suahu bi a efa kommye nneyee bi a wodaa no adi bere bi wo nkitahodi mu?

**AB:** Da a minyaa saa suahu yi no, na mewɔ mfe du-nkron, a na mewɔ Ntoaso Sukuu mu. Me ne me nnamfo binom a na wɔn nyinaa ye mmea na yehyiae wo yen sukuu nnua no biako ase se yeretwetwe nkɔmmɔ. Na nkɔmmɔdi no asentitiriw no fa senea yen maamenom fa so ne yen tena wo yen afiem. Kwan wɔda ɔɔo adi de kyere yen. Me nnamfo yi mu biara kyerekyere nneema binom a ne maame ye ma no nti a ekyere ampa se wɔɔo wɔn. Adanse a wɔkae bi ne se, etɔ bere a wɔn maamenom tumi nya bere ne wɔn tena ase tu wɔn fo, wɔtumi nso kye wɔn akyede ahorow, nna afe twe a wɔn maamenom tumi twe wɔn ben wɔn ho.

Saa bere a na me nnamfo yi rekyerekyere nsem mu kyerekyere wɔn ho no, na maye komm te ho a mantumi ammue m'ano anka bi.

**Me:** Na den nti na na woaye komm saa bere no mu?

**AB:** Na enye se mempe se mekasa bi, na mmom saa nkɔmmɔ a na wɔredi no saa bere no kae me nsem bi a na ehye me yaw. Nsem a na wɔrekeka fa kwan a wɔn maamenom fa so da ɔɔo adi kyere wɔn no ye asem a na ehaw me efise enye saa na me maame ne me te. Me nko ara ne me maame ba, nti ɔmma biribiara nhia me. Oma me sika biara a me bisa no, ɔtɔ ntaade ma me nanso nea nka mihia titiriw afi me maame nkyen ne se

obenya mmere ama me. Se obetwe me aben ne ho se ne ba biako pe nanso minnya no saa. Nka minim se meye obea na me maame nso ye obea yi, nka ebeye mmerew se obetwe me aben ne nanso ente saa. Haw a ehaw me nti daa na mehye dan mu. Saa asem yi haw me yiye pa ara nti bere a me nnamfo no redi nkommɔ afa ho, ekɔfaa saa yaw no ho adwen baa me tirim.

**Me:** Eyi de, fa kye me se makae wo w'asemyaw nne.

**AB:** Hmm, enye hwee. Aseresem tumi pue fi nkommɔdi no a obiara beserew nanso esiane yaw no anoden nti, enka me bi se meserew. Me nnamfo no mu biako hyee me nso se maye komm akye nti obepree me bisaa me senti a won nyinaa ani agye na me nko ara maye komm saa. Mebuaa no se enye asem biara, na minni hwee nso ka fa nkommɔ no ho bi nti na maye komm no. m'adamfo no yee se obehye me ama maka nea nti a maye komm no nanso mamma no senti.

**Me:** Na aden nti na woammua no saa bere no anaa woanka ne anti a woaye komm no?

**AB:** Me no meye obi a mintumi nka me nsem anaa me haw nkyere obiara keke anaa nnipakuw, gye se ebia nnipa biako biako bi. Nti eyi ye me suahu bi a emaa meye komm.

**Me:** Yoo, meda wo ase pii.

*Nkɔmmɔdi 2*

**ME NE MADAM VIDA NKɔMMɔTWETWE FA NE SUAHU HO Wɔ  
KOMMYE HO**

**Me:** Madam, w'adaworoma, mesre se wone me bekye wo suahu bi a wowɔ fa kommye nneyee bi a wodaa no adi bere bi a atwam ho. Wubetumi abɔ wo din, na woakyere nipa a woye.

**MV:** Me din a metumi abɔ ama wo ne Madam Vida, na mpremmpren mene panyin a ɔhwe adesuasem so wɔ sukuu yi mu. Na bere a saa suahu no kɔɔ so no, na meye adesuafo dodow a wɔte sukuu no mu (*boarders*) no nyinaa panyin (*senior house mistress*) mmea afam. Asem no sii wɔ Dompouse kurow no mu.

Da bi meye se meko akɔsra m'adamfo kyerekyerani barima bi a na ɔkyere Nkontabu adesuade (*Mathematics*) wɔ Ntoaso Sukuu foforo bi mu. Na eye anɔpa na meye se meko akɔsra no. Miduu m'adamfo yi dan ano na mepae 'Agoo'. Anni sima bi na abaamuwa bi pue fii dan no mu bae begyee me so. Na esiane se na migyina ɔdan no anim pee, na ntama biara nso nsen ɔdan no anim nti, abaamuwa no buee dan no, m'ani kɔtɔɔ ɔdan no mu preko pe. Eho na m'ani kɔbɔɔ me sukuu mmea no mu biako a mekyere no ade wɔ Dompouse Ntoaso Sukuu no mu anim se ɔda mpa so wɔ ɔdan no mu. Na ɔka adesuafo a wɔwɔ gyinapɛn abiesa a enkye wɔbekyerew wɔn sɔhwe a etwa to no ho. Anokwa, eyee me ahodwiri nti mantumi ankasa saa bere, nna mihui nso se me sukuuni no nso anim asesa. Saa nneyee yi nyinaa kɔɔ so ntemso mmere tiawa mu a obiara ammɔ wa. Mihui se m'adamfo no ankasa nni ho no, mede nkra gyae na mifii ho kɔe.

Saa da no ara anwummere, sukuuni bea yi a meko too no wɔ ɔdan no mu anɔpa no baa me nkyɛn bebisaa me se, *Madam, mesre wo, woasoma obi se ɔmmefre me anaa*, nna miyii n'ano se, *Daabi, mensomaa obiara se ɔmmefre wo*. Mihui se afei asem no

rehunahuna no nti na ɔreye saa no. Mese, saa da no nko ara no, abofra yi baa me nkyen beye mpen abiesa a ebiara nso ɔba a na wabebisa me se merefre no anaa. Afei na aboro me so nti mehyee no se ɔmma me nkyen mmebisa me biribiara bio nye saa a metwe n'aso.

**Me:** Nti na saa sukuuni no ka adesuafo a wote sukuu no mu ho bi?

**MV:** Yiw, na ɔda sukuu mu. Na esiane se minim no pa ara nti, migye di se womma me nkyen ammesre kwan biara, a ekyere se ɔde ne pe na epuei, nna masan nso akohu no wo obi dan mu. Eye saa asem no na ehye no so ma no ba me nkyen ntoatoaso no. Esiane se mammua no nti, ɔde guantoa ko me nuabea bi a na saa bere no waba me nkyen nsra wo sukuu mu ho. Me nua kyere se sukuuni no baa ne nkyen guantoa no ɔkae se, “*Madam nua, mesre wo, madam nkaa me ho asem biara nkyeree wo?*” Nna me nua se obuaa no se, “*Daabi. Na eye den na asi?*” Mmuae a me nua no se ɔde mae ne se, “*Madam betoo me se meda obi mpa so wo abɔnten a ohuu me nanso wanka hwee. Minim se mafom nti na merehwe se nka madam befre me na watwe m'aso wo nea maye no ho nanso fi saa bere no nyinaa mentee hwee mfii ne nkyen. Ama me ho yeraw me.*”

**Me:** Nti asotwe ben na wode maa no wo nea ɔyee no ho?

**MV:** Manye no hwee kopem se abofra no wice sukuu. Na mepɛ se mefa kommye wo asem no ho so de twe n'aso. Se eba no tebea bi a ete sei a, eye a mepɛ se meye komm wo asem no ho na eba no saa a na aye asotwe kese de ama abofra ko no. Migye di yiye se eyi nso ye ɔkwan biako a yetumi fa so de tenetene mmofra nso.

Owiee sukuu akyi no, da a ɔbaa sukuu no mu bio se ɔrebegye n'abodin krataa no, na ewo se ɔsan ns oba m'anim ma mesensan ne nkrataa no bi ma no. Saa bere no mu na meko faa asem no bae ma ɔkaae se, “*Eei madam, enne de woaka asem yi ama me koma ato me yam*”. Nti enye mmere nyinaa na ewo se yede mmaatwa ne asotwe nkae no di

dwuma, na mmom se abofra bi ye biribi na woye komm wɔ ho a, etumi ma ɔsesa fi saa suban a enye no ho. Mesan nso wɔ suahu foforo bi ka ho.

**Me:** Mesre wo, ma eno nso nko.

**MV:** Eyi de na efa m'ankasa ho, na saa bere no na mewɔ mfe du-nan. Na me ne m'awofo na ete. Me papa ye nipa bi a se eba no ne mma ntetee mu a na ɔnsosɔ nsenhunu so koraa. Se me anaa me nuanom bi di nsemmane bi a, ɔbo mmɔden se ɔbehwe yen. Mihuu me papa saa no, meye se me nso menye biribi bone bi a ebema no anya me ahwe me, anaase wakasakasa m'anim efise meye obi a mintumi animka koraa.

Da bi, me papa kɔ adwuma ma eduu anwummere no na ɔmmae. Eyi nti mekraa me maame se mereko anwummere aba. Na eye mmabun anwummere sore a na yetaa ko. Na saa da no nko ara anwummere sore de, nsakrae baa ɔsom no dwumadi nhyehye mu nti emaa nhyiam no gyee mmere sen senea nka yeye no daa no. Meyee m'adwen se manya aba no de metwen ama yeapɔn dwumadi no preko. Eyi maa ade saa me saa da no pa ara.

Bere a meɔn beduu fie no, me maame de anibere ne ayamhyehyew frɛe me gyinaa nkyen baabi ka kyere me se, “*Wo papa aba abehwehwe wo nanso wanhu wo*”. Eyi de ayamhyehyew betoo me so san nso ma meye basaa a na minhu nea menye esiane se minim nsusuanso a ebetumi apuem. Kwan a me maame faa so bo me amane no ma minyaa adwen bi se me papa bu afuw yiye, na ɔbesan nso ahwe me esiane se makɔ kye wɔ abɔnten.

Nti birbiara ansi saa anadwo no. Na ade kyee anɔpa no, mihuu me papa na mekyiaa no nanso wammua me. Eyi maa minyaa adanse no se ampa, me papa bu afuw me yiye, na eye den ara a ɔbehwe me.

**Me:** Na aden nti na saa anwummere a wufi asɔre bae no, woankɔ wo papa nkyen anko pa no akyew?

**MV:** Na misuro. Nna afei nso esiane se minim no nti misusuw mpempenso a n'abufuw no wɔ, eyi nti na medwen se mema ade akye ansa senea ebia n'abufuw no bebɛre ase ansa na makɔ pa no akyew. Mpo saa da no na merehwe kwan se me papa befre me na wabisa senti a mamma fie ntem nan ka makyerkyere no mu nanso amma no saa.

Saa da no anwummere a me papa pɔn fii adwuma mu baa fie no, mede me papa aduan besii n'anim senea meye no daa no nanso me papa ammue n'ano ankasa, mmom de ani bi hwɛe bi komm. Saa nneyee yi a me papa daa no adi maa minyaa adwen bi se asem no ho abufuw da so wɔ ne mu nanso bisa na ommisa no. Me papa kommye nneyee wɔ asem no ho mmere tenten no de adwennwen botoo me so ma mefaa ohaw mu efise na minnim nsusuwii ko a ewɔ me papa tirim fa asem no ho. Minnyae a nka wabɔ me mfomso no so na afei watwe m'aso ama me ho ato me.

**Me:** Na den nti na wuhuu saa no wo ankasa woanni kan asre ne ho bonefakye bere a na wode n'aduan no kosii n'anim no?

**MV:** Saa bere no na ayamhyehyew anhye me ma esiane kwan a me maame faa so bɔɔ me amane no, nti mannya akokoduru no ammisa no. Esiane se na me yam hyehye me dedaw, na mesan huu nneyee a me papa daa no adi kyere me no, emaa m'abam bui koraa. Nti me nso mantumi ankasa efise na misusuw se ebia na mikobue m'ano ka biribi a, anhwe a na nea ode beye me no mampɛ. Edii nna kakra ansa na me papa hyee ase se ɔrekasa me ho. Na eno mpo enye se ɔbɔɔ asem no anaa obisaa me biribi faa ho. Ogyaa asem no saa. Eyi nso ne suahu biako a minyae fa kommye ho.

**Me:** Na wose wowɔ biako bio san de ka ho?



**MV:** Yiw, mede nea eto so abiɛsa no bewie. Na saa bere no na mawie Ntoaso Sukuu a mewo suapɔn mu. Se yema akwamma a, menko m'awofɔ nkyen na mmom meko me wɔfa ne ne yere nkyen.

Da ko bi wɔ m'akwamma nsra no biako mu, na eye anɔpa, na me wɔfa yere renoa aduan wɔ agyaade a merekoɔboa no adeye. Na me wɔfa yere no yefre no Serwaa. Bere a na owo agyaade renoa aduan no, osusuw se ne kunu, a eye me wɔfa, hye ne piam nti bere a ohuu me ara pe na ohyee ase se orebɔ me wɔfa ho kwaadu akyere me. N'asetenam wɔ agyaade ho no, na n'akyi hwe agyaade mpoma no a n'anim nso kyere agyaade pono no, beae a na migyina ho no. Mereka yi nso na me wɔfa yere ani si ade a na oreye no mu nti otee nka se mereba pe na ohyee ne nsem no ase. Memaa m'ani so ara pe na mihuu se me wɔfa abegyina mpoma no akyi, nea Serwaa akyi kyere no, reto ne ntaade wɔ ho. Saa no mu nso na Serwaa nhuu se ne kunu no gyina n'akyi ho reye ade. Nti nsem a na Serwaa reka nyinaa no na egu me wɔfa asom; emu atenni ne nea osusuw se me wɔfa de adi no a n'ani annye ho. Eyi nyinaa mu no, me wɔfa ammue n'ano nkampese woayi ano. Me nso a mintumi nka nkyere me wɔfa yere yi se onka n'ano ntom na ne kunu gyina mpoma no akyi retie nea oreka nyinaa.

**Me:** Eno koraa mpo nan ka merebebisa wo yi se, na aden nti na woankyerɛ wo wɔfa yere no se onka n'ano ntom efise ne kunu gyina mo akyi?

**MV:** Na me tirim ntene me koraa. Na misuro se ebia mekoɔpre me wɔfa yere no se onnyaɛ kasa no a na me wɔfa akɔdwen se me ne no na yeredi ne ho nseku. Eyi nti na emaa meyeɛ komm wɔ saa bere no mu. Nti Serwaa rekasa nyinaa no na maye komm a mintumi nka bi esiane se na meredwennwen ebia na me wɔfa de me afra asem no mu bi. Na mereye komm saa de aka biribi akyere me wɔfa se menka nea ereko so no ho.

Bere a Serwaa gu so rekasa no, me wɔfa wiee n'adeye no a ɔrekɔ no na biribi fi tɔɔ fam maa Serwaa adwen baa ne ho so. Nti otwaa n'ani hwɛɛ n'akyi ara pɛ na ohuu sɛ na ne kunu gyina n'akyi saa bere no mu nyinaa. Me wɔfa fii mpoma no hɔ kɔe no, Serwaa bu fuu me yiye, bisae sɛ adɛn nti na matwe n'adwen amma so sɛ ne kunu abegyina n'akyi bere Santen no. Serwaa kasa me nyinaa no, na maye kɔmm wɔ n'anim a mansɔ ne nsem no mu biara so. Nti eyi nso ne suahu biako a etwa to a mekae.

**Me:** Madam, meda wo ase pii.



*Nkɔmmɔdi 3*

**ME NE OWURA ALEXANDER NKɔMMɔTWETWE FA NE KOMMYɛ**

**SUAHU BI HO**

**Me:** Owura Alexander, mesɛ wubetumi adi kan akyerɛ me wo din ne wo dibere, na afei wode wo suahu bi a wowɔ fa kommyɛ ho no atoa so.

**OA:** Me din de Owura Alexander, na meye akyerekyerefo panyin wɔ Ntoaso Sukuu bi mu. Me suahu bi a minyae fa kommyɛ ho no kɔɔ so bere a na adesuafo a wɔwɔ gyinapɛn abiesa rekyerɛw wɔn sɔhwɛ a etwa to wɔ Ntoaso Sukuu mu, eye *West African Secondary School Certificate Examination (WASSCE)*. Na afe biara, eye a yenya adesuafo binom fi suapɔn ahorow no mu besua senea adekyerɛ ne adesua si te. Na saa adesuafo yi mu biako a ɔye ɔbarima na na saa asem yi fa ne ho. Nna no mu biako a na wɔrekyerɛw sɔhwɛ no, mituu mpasa sɛ merekɔhwɛ senea sɔhwɛ no rekɔ so. Me nantew mu no, mikopuee aberantewaa bi so a na okura fon na ɔrehwɛ so wɔ n'akongua no ase de rekyerɛw ne sɔhwɛ no. Ntɛm ara, megyee fon no fii aberantewaa no nsem de hyɛɛ me kotokuw mu senea ebeye a *West African Examination Council (WAEC)* mpanyimfo a na wogyinagyina abɔnten hɔ saa bere no nhu nea akɔ so. Mepue fii beae a na wɔrekyerɛw sɔhwɛ no, mehwɛɛ fon no huu sɛ eye suapɔn mu adesuafo no biako na ɔrema aberantewaa no sɔhwɛ no ho mmuae.

**Me:** Adɛn nti na wohuu sɛ abofra no de fon awura sɔhwɛ dan no mu no woamfa no amma *WAEC* mpanyimfo no mu biara na mmom wogyee fon no de hyɛɛ wo kotokuw mu?

**OA:** Medwen ho huu nsunsuanso a sɛ meɔ *WAEC* mpanyimfo no amane a ɛde bɛba nti na ɛma mekaa m'ano too mu saa bere no.

**Me:** Nsunsuanso ben saa na nka wususw se ebetumi de aba nti a ema wusii saa agyina no?

**OA:** Nea edi kan, mempe se me sukuu a mehwe so se panyin no anim begu ase se yenam kwati kwan so na yede rekyerew sohwe no. Bio, medwen huu se ebetumi de ohaw kese abre sukuuni no a na oreye saa no so efise se nka *WAEC* mpanyimfo no bi hui a nka obetumi ama polisi akyere no. Afei nso, medwen suapon mu suani a w'aba adesua no ho.

Nti bere a akyerakyerefo panyin huu nea oredi saa dwuma no, omaa no mmuae wo fon no so se wahu no.

**Me:** Nti woyee suani no a ofi suapon mu rebesua ade no den?

**OA:** Efi saa bere no a mema no huu se mahu no no, mammo asem no so bio. Sohwe no akyi no, na metaa ne no bo nsanho nanso menka no hwee, nanso na misusuw se onim se mahu na afei nso aye fere. Wantumi nso amma m'anim se oreesre bonafiri, na misusuw se eye aniwu na esii no kwan saa esiane se bere biara a one no bebbo nsanho no, okyia no wiece ara na wasi ne ti ase de atwam komm. Mese, aberante no tebea ne ne su sesae fi saa bere no kopem se ode wiece n'adesua no. Nti kakra a metumi ne wo akye ne no.

**Me:** Yoo Owura. Meda wo ase nso.

SUKUU MU NKOMMADI

*Nkɔmmadi 4*

**NKOMMOTWETWE A EKOO WO ME NE OKYEREKYERENI ADU NTAM  
WO SUKUU MU HO.**

**Me:** Owura Adu, meda wo ase se wone me retwetwe nkɔmmɔ yi. Medii kan hyee no nso se bere a wommaa adesuadan no mu no, na kasa kakra wo dan no mu, nanso adesuafo no huu wo se woreba no, afei woyee komm. Eye den nti?

**Adu:** Komm a woyee no, misusuw se mpen pii no se yerekyere ade a, ewo se osuani no tumi ye dinn na watumi ate adekyere ase. Ebia na w kyerekyerenni no abisa wo asem bi, na watumi ayi n'ano. Se kyerekyerenni no pue fi dan no mu a wobetumi adidi won ho nkɔmmɔ nanso se tikyani no san ba n'akyi, na adesuafo no ye komm a, etumi kyere se woyee krado ama adesua no.

**Me:** W'adekyere mu no, mihuu se na wotaa homehome wo kasa no so. Saa kommye a na epuepue wo wo kasa mu no, asekyere wom?

**Adu:** Sebe, se onipa rekasa a, enye asem bi a yeahehye ato preko, na mmom kasa no pue ba waa. Saa kommye a epuepue wo me kasa no mu no, nsem a mereka no, enye ade yeahehye no wo me mu a ebepue waa, eye adwen no mu na nsem hyehye fi ba. Nti eto bere a ewo se wutumi twe ko w'akyi kakra wo adwennwen mu na wutumi hyehye nsem bi wo wutirim ansa na woayi de ato gua. Adekyere adwuma no ye adwentoatoa, ense se biribi to kyima wo ho. Eyi nti na wuhuu me se eye a na maye komm kakra wo me kasa no mu. Mede kommye no twe me ho ko akyi na mede biribi awura adwen no mu, akeka nsem bi asisi so senea nsem no pue a atumi apue yiye na ankosi nkyeae mu.

**Me:** Nti nsunsuanso ben na saa kommye nneyee no de bebre wo kyerekyerani no, ne adesuafo no nso?

**Adu:** Nsunsuanso a ede beba ne se, ebema nea mede beto gua no beto yiye, na ankoto kyiw, efise adekyere no ye nimde bi na yede rema mmofra. Nti se merekyere ade na meto me bo ase wo me kasa mu a, ema nsem a mede to gua no di mu a ebeboa abofra no, na emma no nyera anaa onsua biribi a emfa kwan mu.

**Me:** Mihuu se bere a wubisaa adesuafo no asemmisa bi no, won nyinaa yee dinn. Mpo wokoo so bisae mpen pii nanso na won nyinaa da so ye komm. Saa won kommye no, asekyere ne den?

**Adu:** Misusuw se won kommye no ye se na won adwen di nea yeresua no akyi. Nna wonim nso se eye den ara, adesua no akyi no, mebisa won nsemmisa bi. Nti se osuani no anye komm, amma n'adwen anni nea mereka no akyi a, asemmisa biara a ebema no beye den ama won se wobeyi ano. Nea mihi bio nso ne se, na adesuada a yeresua no ye won ade foforo, nti se woanye komm antie a, wontumi nnyi asemmisa bi a ebedi adekyere no akyi aba ano.

**Me:** Wubisaa osuani biako asemmisa bi a oye komm ankasa. Eno nso wobekyerem den?

**Adu:** Eno mihi no se, bere a adekyere no rekoo so no na waye komm, asemmisa aba obiara aye komm, mahye da afre obi se onyi ano nanso waye komm. Saa kommye a osuani no daa no adi no betumi aba se nsem a ereko so wo ne tirim no ye pii. Ebetumi aba se kom na ede no, ono nso nkita sika bi wo ne ho. Nti ebia osuani no redwen kwan a obefa so anya aduan adi saa da no. Ne kommye nneyee wo asemmisa no ho nso betumi akyere se nim na onnim mmuae no, na ofere se obeka biribi a emfa kwan mu na akofa asem abre no nti, eno de na obeye komm. Tuo nkwere nea etwere.

**Me:** Nti eba adesua mu a, twaka anaa ayɔnkofa bɛn na kommyɛ ne adesua wɔ?

**Adu:** Adesua mu no, etɔ da bi a ɛwɔ sɛ woyɛ komm na woatumi atie afi nea ɔrebekyerɛ wo ade no hɔ, na woatumi anya biribi afi adesua no mu na yebisa wo biribi fa ho a woatumi aka biribi. Kommyɛ ye ahiade titiriw wɔ adesua mu efise enam saa kwan no so na wubetumi de agye nea kyerekyerɛni no de bɛma wo no. Nti sɛ osuani no anyɛ komm a ontumi nsua hwee.

Kommyɛ no mmoroso nso betumi de nsunsuanso bɔne bɛba nea yeresua no so efise ɛmma yenhu sɛ nea yerekyerɛ no nyinaa kɔ abofra no tirim anaa wate ase anaa. Nti kommyɛ nneyɛe no mmoroso tumi ko tia adesua nso. Nti sɛ ɛkɔba sɛ adesuafo no kommyɛ no boroso a, ɛwɔ sɛ kyerekyerɛni no tumi fa kwan bi so twe wɔn hyɛ adesua no mu.

**Me:** Nti ne tɔfabɔ mu no, wobɛka sɛ kommyɛ wɔ adesua mu no ɛyɛ anaa ɛnye anaa abien no nyinaa?

**Adu:** Mɛka sɛ abien no nyinaa. Sɛ wohyɛ no papa afam nko ara, ebia nae bedu bere no bi no na bɔne no nso abeko atia. Nti kwan bi so kommyɛ wɔ adesua mu yɛ, na sɛ ɛkɔ boroso a na ɛno de ɛmmao adesua koraa. Sɛ adesuafo nyinaa ye komm na ɔkyerekyerɛni no nko ara kasa saa ara, na adesua no akɔyɛ kyerekyerɛni no nko ara adwuma. Mpanyin se, yɛko a, yɛko ma ɔhene, nti sɛ adesuafo anwura adesua no mu bi na woyɛ komm nko ara a, ɛbɛma no aye den sɛ wo kyerekyerɛni no behu wɔn gyinabea wɔ adesua no mu.

**Me:** M'asemmisa a etwa to ne sɛ, adesuafo ankɔrɛankɔrɛ adesua a wosua no anadwo ne anɔpa no, wɔn kommyɛ a wɔda no adi saa bere no wɔ asekyerɛ soronko bi?

**Adu:** Kommyɛ a ɛsɛ sɛ adesuafo ye no saa mmere ahorow a wokekɛ no ho hia yiye ma adesuafo efise wo ara ankasa na worekosua w'ade. kyerekyerɛni biara nnyina w'anim a ɔrekyerɛ wo ade. Nti saa kommyɛ saa bere ye kwan a adesuafo no fa so de

sua wɔn ankasa ade. Ontumi nsua ne nhoma no bere a dede anaa kasa wɔ saa beae no. Nti saa bere no kommyɛ no ho hia pa ara ma adesuafo efisɛ sɛ dedeyɛ ba ho a ebema n'adwen afi nea ɔresua no so akɔ ade foforo bi so.





*Nkɔmmɔdi 5*

**NKɔMMɔTWETWE A ƐKɔ SO Wɔ ME NE OSUANI CHARITY NTAM**

**Me:** Bere a na moresua ade no, mihuu se na mo nyinaa aye komm bere a kyerekyerɛni no bisaa mo asemmisa fa adesuada a moresua no ho. Eye den ntia?

**Suani:** Migye di se ebia na yen mu bi nim asemmisa no mmuae nanso na osuro, na onnye ne ho nni wɔ mmuae a ewɔ ne tirim no. Ofere se ebia akɔka na enye saa a, ne nnamfonom besere no nti na wammue n'ano no. Afei nso kommye a edaa adi wɔ asemmisa no akyi no ye se na meredwen asmmisa a akyerekyerɛni no abisa me no ho mmuae. Eno nti na ema meyeɛ komm ansa no. Se medwen ho na mihi mmuae no nko ara de a, meka. Etɔ da bi nso a na kyerekyerɛni no ho ye yen abufuw nti na etɔ da bi na obisa yen asem bi fa adesuada no ho a yeye dinn. Ebia na kyerekyerɛni no aye biribi a osuani no ani annye ho ntia.

**Me:** Mihuu se obiara antumi ammua asemmisa no, kyerekyerɛni no hyee da frɛe wo se yi asemmisa no ano nanso woankasa. Na eye den nti na woankasa?

**Osuani:** Nea nti a meyeɛ komm ne se, na mmuae a migye di se ewɔ se mede ma no no, na emmae nti na ewɔ se mekɔ so dwen ho ansa. Na afei nso na ohye bi abɛda me so bere a ofrɛe me se menyɛ asemmisa no ano.

Etɔ bere bi nso a kommye a yeye no, eye a na yede twɛn tie nea wama ne nsa so rebema mmuae no ahwe se ebia mmuae a ewɔ yen tirim no ye asemmisa no anoyi anaa. Esiane se mennye mmuae a ewɔ me tirim no nni nti, meye dinn twɛn hwe se ebia mmuae a ebɛba no ne nea misusuw no ye pɛ anaa.

Obi nso wɔ hɔ a na n'adwen nni nea kyerekyereni no rekyere no so esiane se biribi rehaw. Etumi ye se ɔne ne mpena bi wɔ hɔ na wagyaɛ no nti ama ato no adwennwen. Nti ɛma n'adwen nni adesuadan no mu bere a adekyere no rekɔ so.

**Me:** Mihuu se bere a mo kyerekyereni no reba suadan no mu no, mogyaee kasa a na morekasa no. Saa nneyee a modaa no adi no, asekyere ne den?

**Osuaɛni:** Esiane se na obiara pe se n'adwen beko nsem a kyerekyereni no de rebre yen nti na ɛma yeyɛ dinn ma no bere a woaba adesuadan no mu. Se yekasa a, ɛmma yen adwen nko nsem a ɔrebeka no akyi. Adesuafo no bi nso wɔ hɔ a na kyerekyereni no osuro no, nti se opue abɔnten a, afei obetumi ne ne nnamfo adi nkɔmmɔ nanso se n'ani bo tikyani no so se ɔreba a na wayɛ dinn.

**Me:** Nti eyɛ suro anaa ehu no nko ara nti na ɛma moyɛ dinn saa bere no anaa?

**Osuaɛni:** Ebetumi nso akyere obu a osuaɛni no wɔ ma kyerekyereni no, na ɔmpɛ se obenya ne ho asemmone biara aka afa ne ho nti eba no saa a na woayɛ dinn. Afei nso, kommyɛ a yeyɛ bere a yehu se kyerekyereni no reba mu no ye se, yepɛ se yekyerɛ no se yeayɛ krado ama no ne n'adekyere no. Ebi asi pen se kyerekyereni no ba adesuadan no mu na yerekasakasa, na ahyɛ no abufuw ama wapue ko.

**Me:** Yoo, meda wo ase pii.

## AHEMFI NKOMMODI

### *Nkɔmmɔdi 6*

#### NKOMMOTWETWE A EKOO SO WO ME NE AKYEAMEHENE NTAM

**Me:** Nana kyeame, meda wo ase pii se woama me saa akwannya nne. Merebisa se, eba no ahemfi asetena a, wubetumi atwa no mfonni kakra akyerɛ?

**Nana:** Ahemfi asetena no te se nea kɔoto de no te ara pɛ. Metumi aka se nananom asetena no so na aborɔfo no hwɛɛ so de yɛɛ wɔn kɔoto de no. Nananom wɔ nnapɔnna binom a wɔde tena ase ka anaa siesie nsem. Da no bi ne Kwasiada Dwowda ne Awukudae. Se saa nnapɔnna yi mu bi du a, nananom atenankonnwa nyinaa kohyam wɔ ahemfi na wɔahye wɔn dwumadi no ase. Sɛnea mmarahyɛbagan adeye te no, yewɔ akyeamehene a yɛfrɛ *Speaker of Parliament*. Saa ara nso na woba ahemfi nso a yewɔ akyeamehene ne n'akyeame. Wɔn na wɔhwɛ se ntotoe wɔ ahemfi hɔ beyɛ kama. Se yɛhyɛ asetena no ase beyɛ nnɔn du a na Nana abetena ase. Nnipa a wɔde wɔn nsem aba no di kan tena ase ansa na Nana ankasa aba. Ansa na Nana bepuem abetena ase no, kyeame pae ka se, *Nana reba o!* Eno saa no esɛ se obiara a ɔwɔ hɔ sɔre gyina ne nan so kosi se Nana betwam akɔtena ase. Eyi akyi na kyeame beka akyerɛ ɔmanfo no se wobetumi atena ase.

Eno akyi no, Apegyahene hwɛ ma yebɔ mpae, na eno akyi nso na wadan de ama kyeame bio se nsem a ɛwowɔ hɔ no ompegya mmra. Nana kyeame hyɛ ase frɛfrɛ nsem no biako biako. Nipa a odi kan no ba a, kyeame de ne kwaadu bɔ no, se wadi fɔ anaa wadi bem. Se nipa no gye tom se wadi fɔ a, oguan toa, na se onni fɔ nso a, na eno ara ne no. Na ne nyinaa mu nso yema wo kwan ma wokyerɛkyere wo nsem mu. Se nipa no di fɔ anaa bem a, Nana ma kyeame ma kwan ma mpanyimfo a wɔwɔ ne benkum kyere wɔn adwen kan. Akyi no, kyeame dan de ma mpanyimfo a wɔwɔ nifa nso ma wokyerɛ wɔn adwen.

Eno nso akyi ɔto akwannya no ma adikuro ahorow a wɔwɔ hɔ, na ne korakora no ɔde ama ahemaa a wɔwɔ hɔ bi nso se wɔnkyere wɔn adwen mfa asem a ɛda guam no ho. Nana ne nipa a obetwa to wɔ adwenkyere ahorow no mu, na ansa na ɔbekasa no, kyeame di kan pae se, *Nana rebekasa o!* Etwa se ahemfi hɔ ye komm wɔ ɔfre no akyi na Nana nso kasa. Se Nana rekasa na obi nso rekasa bi a, kyeame sɔre ka nipa ko no tena ase kosi se Nana bewie ne nsenka no. Eyi akyi ansa na obiara nso wɔ biribi ka a waka.

**Me:** Mihuu se Nana nnya mmae no, na kasa kakra rekɔ so wɔ ɔmanfo no ntam bere a wɔretwen Nana. Bere a Nana reba mu no ansa na beae hɔ reyɛ komm. Saa na nhyehyee no te?

**Nana:** Se Nana nnya mmae a, nnipa binom wɔ akwannya no se wodi nkitaho kakra nanso anyɛ dedeyɛ kwan so. Obi tumi fre obi wɔ fon so, nanso se Nana nya betena ase a, saa nkitahodi ahorow no ne kasa no nyinaa gyae kɔpem se yebedi nsem a ɛwowɔ ho no nyinaa awie.

**Me:** Eyɛ a kɔto, wɔhye se obiara nnum ne fon anaa ɔnnwom no. Saa ara nso na asem no te wɔ ahemfi asetena no mu anaa?

**Nana:** Mfiase no mekaa se ahemfi asenni ne kɔto de no ye pɛ. Ahemfi nso akyeame hwe se nnipa a wɔatwa ahyia hɔ nyinaa bedum anaa bedwom wɔn fon. Se obi fon su anaa ye dede a, kyeame beba abegye akɔto hɔ. Mpen pii eyɛ a yɛmfa mma nipa no bio, na se nipa no nsa nso beka a nag ye se yede no fa amammere kwan so. Nti senea kɔto panyin no rebetena ase a yɛhye ma obiara dum ne fon no, saa ara nso na ɛte wɔ ahemfi. Obiara a ɔwɔ ahemfi hɔ, fi mpanyimfo so de kosi nnipa a wɔahyia hɔ so, obiara dum ne fon.

**Me:** Nti Nana, saa kommye a mohye se ebada adi no, asekyere ne den?

**Nana:** Saa kommye no kyere se, ohene no ye nipa soronko wo nnipa a wotena se no nyinaa mu, na ahemfi ho tumi nyinaa nso kita no. Oman a oda ano nso oye abakan a okita tumi wo oman no so, nti ese se n'asem reba a obiara tumi te nea Nana rebeka. Nti se beae ho ye dede a, ebia na nea Nana reka no obi nte. Ewo se Nana rebekasa a beae ho tumi ye dinn pa ara, na obiara atumi ate nea obeka. Na se ekoba se nipa ko ko fie na orekokyerε senea Nana kae a, wakerem senea okae ara pe. Eno nso kyere tumi a ekita ohene no a eno nti se obekasa a obiara ye dinn kopem se Nana ano beto.

**Me:** Biribi foforo bi nso wo ho a kommye a omanfo no da no adi no tumi kyere bio, se wuyi tumi a ekyerε no si nkyen a?

**Nana:** Etumi san nso kyere nnidi ne obu a ne manfo wo ma no. Nnidi a woda no adi bere a oreba, saa ara nso na ese se woda nnidi ne obu adi bere a orekasa wo guam. Saa eyinom kyere nnidi ne tumi.

**Me:** Nana, wone me beye adwen se kommye a omanfo no ye no betumi akyerε ehu anaa suro a ewo omanfo no afa nti?

**Nana:** Kommye a omanfo no da no adi no nhye da nnyina ehu anaa suro so tiriw, nanso se obi aba ahemfi ho foforo, na obehu senea nneema ko so wo ho no a, etumi nso bo no hu kakra. Senea omanfo no ye dinn no nye suro na mmom nnidi ne obu mmapa a yede bema ohene no nti na eye a wosore.

**Me:** Nana, nti se ohoho bi ba ahemfi foforo saa a, na ekyerε se ebehia se obeye dinn na sebe, wankotia nea yentia?

**Nana:** Kyeame a saa bere no orehwe se dwumadi no bekε so yiye no, ono na obekyerε wo nea ese se woye. Mpo kwan a ese se yefa so tena ase wo ahemfi koraa no, ense se wotena ase a wosam wo nan. Ewo se wode sisi ho senea ese. Se obea bi ba na n'atade ye tia a, kyeame tumi fre wo ma wokogyε ntama twa w'asen mu.

**Me:** Nea yɛafɛ no wɔ asem bi ho no, ɔwɔ ho kwan sɛ otumi kasa, anaa gye sɛ kyeame ma ne ho kwan ansa?

**Nana:** Ahemfi ho no, obiara nni ho kwan sɛ ɔkasa, gye sɛ kyeame ma wo ho kwan ansa. Nti nea Wanya asem ba guam a, kyeame ma no gyina ho, na ɔma no kwan ansa na wakasa. Nnipa a wɔahyia ho nyinaa no, sɛ Nana kyeame mmaa wo kwan a, obiara nni ho kwan sɛ ɔkasa bere a Nana te n'aguam.

**Me:** Nana, mepe mihu ayɔnkofa anaa twaka a ɛda kommyɛ ne ahemfi asenni mu.

**Nana:** Ayɔnkofa a ɛda kommyɛ ne ahemfi asenni mu ne sɛ, nnipa no mu bi wɔ ho a ɔde n'asem aba, nna afei nso ɔretie obi asem a yereka na watumi afa mu aba de bi ako ne fie. Nti sɛ adu sɛ yɛka w'asem o, sɛ ennuu wo so o, etwa sɛ woyɛ komm na wutie nea erekɔ so wɔ ahemfi ho. Eyi boa ma nipa no sua senea yeyɛ ade wɔ ahemfi ho nso. Enam kommyɛ nneyɛ no so ma nsem a ɛko so wɔ ahemfi ho no, obiara tumi te ase yiye.

**Me:** Nti kommyɛ ye ahiade titiriw ma ahemfi asenni pa ara?

**Nana:** Sɛ wo na wose wope kasa sɛ den koraa a, wudu ahemfi pe ɛwɔ sɛ woyɛ dinn efise enye nea wope na wokɔye wɔ ho. Nea Nana kyeame bekyere no na wubedi so kosi sɛ ɔhene a ɔte aguam no besɔre ako.

**Me:** Nana, asotwe bi wɔ ho ma nipa bi a obu saa mmara yinom so?

**Nana:** Sɛ Nana rekasa wɔ guam na wo nso kasa a, kyeame tumi fa wo dadua. Nea edi kan, yebebo wo kɔkɔ sɛ Nana rekasa nti gyae kasa. Sɛ woantie a, kyeame tumi fa dadua, fre wo mpanyin anim sɛ bekyere senti a Nana rekasa na wo nso worekasa.

**Me:** Nti Nana, kɔkɔbo no ye mprensa pe?

**Nana:** Aane, yebebo wo kɔkɔ mprensa pe. Sɛ woannyae a na ɛkyere sɛ wonyɛe w'adwen sɔ wode obu ne nnidi a mekaa ho asem no bema ɔhene no. Nti kyeame befre wo

abagyina mpanyin anim akyere senti a ohempɔn rekasa na wo nso worekasa. Ebia na wo nso woye ohene na woama yeahu.

**Me:** Nana, w'adaworoma, wubetumi akyerem kommye no ho mfasode binom a ewo ma ahemfi asenni mu akyere me?

**Nana:** Mpanyin bu be bi se, aso wo ho yi, nkwanta nnim. Nipa aso na yede tie asem. Nti se obi rekasa na wubetumi ate nea oreaka no yiye a, gye se woama w'asom da ho. Se obi reka asem foforo bi wo nkyen a, saa asem foforo no nso wura w'asom ka nea Nana reka no ho. Eyi bema w'asom aye wo gyegyeege, nanso se woye komm tena ase a, eboa ma wote Nana asem a oreaka no, te ase yiye. Nnipa binom nso wowo ho a wowo asom yare, nti se kasa ba beae ho a esi saa nipa no kwan ma ontumi nte nea efi Nana ho reba no. Nti kommye wo ahemfi ye ahiade titiriw, nkanka ne bere a asetena bi rekɔ so.

**Me:** Muhui bere a Nana rekasa no, na oto ne boa se wo ne nsenka mu. Otaa ye komm de hyehye ne nsenka mu. Eye den ntia?

**Nana:** Ohene nkasa pii anaa ntemso saa, nye saa a na wakoye mfomso wo baguam. Oto ne boa se ka ne nsem no biako biako de dwen ne nsem no ho. Eto da nso a oye komm de pe nsem ne nyansa ne nkuranhye afi nananom nkyen. Wotumi nso nya saa mmoa no fi nananom ho. Saa ara nso na ne nantew mu nso oto ne boa se.

**Me:** Yoo Nana, meda wo ase pii.

ABAN ASENNIBEA NKOMMØDI

*Nkømmødi 7*

NKOMMØDI A EKØØ SO WØ ME NE OWURA ODEI WØ ABAN ASENNIBEA

HØ

**Me:** Owura Odei, meda wo ase se woagye apene ne me rebetwetwe nkømmø yi. Kommye nneyee anaa nsenkyerenne pii na mahye no nso wø asennibea ha ne bere a nsenni no rekø so. Ehye ase fi bere a otemmuafo no reba abetena ase no, na asekyere ne den?

**Odei:** Nea ete ne se, se otemmuafo no rebam a, ese se obiara dum ne fon. Etia mmara se wobema wo fon no asu anaa aye dede bere a asenni bi rekø so. Se eba no saa a, yeka se, “*you are disturbing the peace of the court*”, woretotow asomdwoe a ewø asennibea hø ase. Nti yehwe se wubedum fon no su no anaase wubedum fon no koraa. Saa boa ma otemmuafo no nya aso pa de tie wøn a wøde wøn nsem aba hø no. Eno nso boa ma asenni no kø so tøtee.

**Me:** Nti kommye nneyee a mohwe ma no da adi no, esommo ma asennibea no anaa?

**Odei:** Esommo pa ara esiane se otemmuafo no tena n’aguam a, økyerew nsem a kwaadubøfo no ka no. Nna abofo a wøgyina otemmuafo no nkyen nso retie nsem no bi. Se dedeye bi betwam, na otemmuafo no ante asem bi a, gye se yesan nso bisa asem no bio ansa na yeakyerew. Nti kommye no ho wø mfosode pii ma yen dwumadi no.

Nea edi kan, eboa ma otemmuafo no te nsem no yiye na watumi akyerew. ade biako a yempe ne se yede asem behye nea øde asem aba asennibea ha. Ne saa nti ewø se otemmuafo no nwen n’aso pa ara na watumi akyerew wøn anom nsem pøpøpe.



Bio nso, ɛma asenni no kɔ so ntemntem esiane se kasa anaa biribiara ntwitwa n'anan mu. Eyi nti na yemma ho kwan mma obiara kasa anaa ne fon nye dede biara.

Afie nso, eboa ma nnipa a woahyam ha tumi tie nsem a erekɔ so no bi. Ebinom tumi fa nsem no mu nsem de ye afutuw anaa nhwesode de ma won ankasa ho se ebia obi akɔye biribi sei ama yeama no mfe dodow sei se onko afiase. Nti binom tumi fa emu nsem no de ye aba de bo ne bra.

**Me:** Mahu se mode nkrataa atetare aban yi ho se obiara nye dinn anaa wonnum won fon, nanso woda so ara hye se obiara nye dinn. Aden nti?

**Odei:** Senea midii kan kae no, kommye ye ade a ehia ma asenni no pa ara, ne titiriw ne otemmuafɔ a ɔte n'aguam. Eho hia ma no pa ara wo n'asenni no mu. Ewom se yede atetare ho de nanso yesan ka de twe won adwen de si so bio ehia se wosan nso ye dinn. Nti wubehu se nea okyerɛkyere kasa mu no tumi pae ka se, *Order, outside*, eno kɔ ma won a wɔwɔ abonten retie bi, nna otumi nso ka, *Order, inside*, a eno nso kɔ ma won a wɔwɔ ɔdan no mu ankasa. Yeka saa efise ese se ewiem te ma otemmuafɔ no na otumi tie won a yede won abegyina ha no nsem. se biribi betwitwa anan mu a na ehaw adwen. Nti yesan si bio efise beae a ehia otomfo no na ɔbo ho. Nipa ho adwuma na yeye, na obi wo ho a na ne were a fi ne ho se obedum ne fon anaa ɔbedwom no. Se ekoba se obi fon ye dede a, yesoma apolisifo no bi ma wode nipa ko pue, hwe ma no dum anaa dwom ne fon no. Nti kommye ho hia yen pa ara wo asennibea ha.

**Me:** Eye a asotwe bi we ho ma nnipa a wobu saa mmara yi so anaa?

**Odei:** Yiw, asotwe wo ho pa ara edise etia mmara. Se wotwitwa asennibea no anan mu anaa wutuatu n'aso a, yewo asennibea no apolisifo mpanyimfo (Court warrant officers, CWO) beye baasa a won adwuma ne se, obi ye dede a odi kan bo no koko se oreye dede.

Na mmom se obi ye ma no boro so a, yetumi kye nipa no de no koto nnadua dan mu beye sima du-num bi. Yeye eyi de ye sennaho ma afoforo senea obi nso nkoye saa bi.

**Me:** Mihuu se bere a yefree asem no ho nipa no ma wobegyinaa ho no, na woye dinn. Saa won kommye no asekyere den?

**Odei:** Se aban bo obi kwaadu na obegyina adaka no mu a, eye nneema abien. Eye se wubetumi ako fie, anaase wubetumi nso ako afiase. Nti wo nan biako gyina fiase, nna biako nso gyina fie. Nti se wugyina adaka no mu a ewo se woye dinn na wutie kwaadu a apolisifo anaa aban no de abo wo. Se yekyerekerem wie a, na yeabisa wo se wudi bem anaa wudi fo. Se nea yeabo no kwaadu no antumi ante asem no a, ebeye den se obeyi asemmisa no ano yiye. Nti senti a woye dinn ne se wobetie won kwaadu a yede abo no, na watumi ayi ano yiye se ebia ogye kwaadu a yede abo no no tom anaa onnye ntom. Eboa nso ma nea ogyina adaka no mu hu ne gynabea wo asem no, se eyee anaa wanye nea yede abo no no.

**Me:** Owura, mepre se mihi se, kommye a woda no adi bere a wogyina adaka no mu no tumi kyere obu ne ahobrease a ode rekyere otemmuafo no anaa?

**Odei:** Yiw, ebetumi aba no saa. Ne nyinaa ne se, se yede wo begyina adaka no mu a, ewo se wutumi da ahobrease suban adi efise senea mekae no, adaka no mu gyina no kyere se wo nan biako gyina fiase, nna biako nso gyina fie. Nti se wubegyina adaka no mu a eye kyewpa, ebia na nea woyee no woanu wo ho. Eyi tumi ma otemmuafo no tew nipa no asotwe no so. Etumi nso kyere nnuho wo nea waye no mu.

**Me:** Mehyee no nso se bere a nipa biako bi rebo biako kwaadu no, otemmuafo kyere ne se onto ne boa se wo ne nsenka no mu. Asekyere ne den?

**Odei:** Yen ha adwuma no, yeda so ara kyere nsem no gu nkrataa so nanso se woko asennibea bi te se Nkran ne Kumase a, wode abeefo mfidi na ekye nsem no. Esiane se

εωδ σε otemmuafo no nya bere kyerεw kwaadubɔfo no nsem no. Nea mede beye mfoatoho ne se, bere a nea yerebɔ no kwaadu no gyina adaka no mu no, mmara ma no kwan se ɔno nso tumi bisa kwaadubefo no nsem fa nea ɔreka no ho. Nti na εho behia se otie nsem a kwaadubɔfo no reka no. Nti εωδ σε otemmuafo tumi nya abotare kyerεw nsem no, na nea ɔde asem no nso akɔdan asennibea no nso tumi bisa nsem. eyi tumi boa ma yewie asenni no ntemso, na ama asenni dwumadi no akɔ so ntem.

Nti kommye no boa ma otemmuafo no tumi kyerεw nsem no, na εma nea ɔde asem no kɔdan apolisifo no nso tumi tie nsem a epue fi asenni no mu na watumi abisa nsem bi tiawa. Nea yeabɔ no kwaadu no nso tumi tie, bisa nsem fa asem no ho bi.

**Me:** Mihunio nso se, bere biara a mobedi asem biako awie no, kommye ba ansa na moafre asem foforo. Saa kommye a εhye ntam ho no, εkyere den, na mfasode ben na εωδ so?

**Odei:** Saa kommye bere no mu no na otemmuafo no resiesie ne ho se yemfre asem foforo efise yeawie asem a edi kan no. Nea εkɔ so wɔ saa kommye bere no mu ne se, yeboa ma wɔn a yeaka wɔn asem awie no hu da foforo a yeatu wɔn asem no ahye da. Eboa nso ma otemmuafo no hu asem a edi ho a εωδ se osiesie efise da biara yεwɔ nsem dodow a εωδ se yehwe siesie. Nti ɔfa saa kommye no so de hwehwe asem a εbetoa so, na wayi de ama n'aboafɔ no ama wɔafre. Nti se nea n'asem adu so wɔ abɔnten mpo a, esiane se beae ho ayε komm nti, nipa a adu ne so no tumi te asem no fre ma ɔba. Nti saa kommye no nso boa ma wɔn a wɔretwen se yebefre wɔ asem no nwen wɔn aso ma otemmuafo no fre. Eyinom nyinaa boa ma asenni no kɔ so ntem so.

**Me:** Meda wo ase pii, Owura.

ASORE NKOMMADI

*Nkōmmadi 8*

**NKOMMOTWETWE A EKOO SO WO ME NE ASOREPANYIN WIAFE NTAM  
WO ASORE HO.**

**Me:** Papa, meda wo ase se woapene se wone me bedi nkōmmō yi. Wubetumi akyere me kommye ahorow a etumi puepue wō bere a osom rekō so?

**Wiafe:** Se yehwe kommye wō asenni mu mpo a, etumi boa ma akomatoyam ba bere a nea oresiesie asem no akasa awie dedeye biara nni akyi. Se yede ba asore afa mu a, yewo osom no mu nkyekyem ahorow pii a yetumi da kommye nneyee no adi.

Nea ed ikan, mpaebokuw hyiam na yerebō mpae a, yen botae ne se yebegye Nyankopōn adwen afa nhyiam a yeahyia no ho. Nti se yerebō mpae no du mpempenso bi a, yetumi ka se obiara nye dinn. Kommye nneyee a yeda no adi saa bere no, Nyankopōn tumi ne yen mu biako kasa, nkōmhye nso betumi aba.

Se yeba asore bere no nso a, bere a yegu so de kasa resore Nyankopōn no, obi tumi nya nkōmhye bi fi Nyankopōn hō de ma asore no. Yegye di bere a yede kasa resore no no, Ontumi mfa mu mmekasa nkyere yen, nti nea odi asore no anim no hye ma obiara ye dinn. Saa kommye bere no mu no se obi wō asem bi ka a waka ama obiara ate bi. Nti kommye bere no mu nso ma asōrema no tie asem a ereba no nso.

**Me:** Papa, mihuu se bere a asore no rekō so no, na woaye dinn bere a na obiara de kasa resore Nyankopōn no. asekyere ne den?

**Wiafe:** Nea nti a ema wuhuu me saa no ne se, nea edi kan, se wo na wordi da no mu dwumadi no ho kyeame saa da no a, wo na ewo se wohwe nneema anaa dwumadi a erekō so no nyinaa so. Obi betumi ahye nkōm bi a enni kwan se nipa no hye saa nkōm no. Nti wo a woye panyin saa da no na wubetumi akyere se enni se saa nkōmhye no kō so.

**Me:** Nti na wo kommye saa bere no redi dwuma ben?

**Wiafe:** Na menam saa kwan no so rehwe senea dwumadi no beko so kwan bi so. Wo panyin a wudi osom no anim no tumi tew w'ani nanso wonkasa. Ebia na bere a mpaeko no reko so no ebia na obi rebehwe ase anaa biribi rebesi a, ntempa ara na woahwe aso ano. Panyin no betumi aye komm a ammae mpaebiara, a eno nye se one Nyankopon na erekasa na mmom na orehwe senea nneema reko so wo osom no mu.

**Me:** Nti kommye a mihui yi, n'asekyere pa ara ne den?

**Wiafe:** Kommye no baa abien. Nea odi osom no anim ka se baabiara nye dinn. Nti nkayerese no mu biako na madi kan akyerem se, ebia na osore bere no mu no Nyankopon pe se one obi kasa nti kommye no mu no na etumi ba no saa. Afei nso, kommye a na maye bere a osore no reko so no nso, yen asore yi ye Honhon Kronkron asore. Ebia na yewiee osore no ara no metumi aye biribi foforo bi a Nyankopon de ato me koma so saa bere no. Nea eto abien, me na meka Nyame asem. Na nka eye sofo na ewo se obeka Nyame asem nanso biribi nti wamma. Nti me nso mansiesie me ho amma nyamesenka nne efise minim se sofo beba. Esiane se wamma nti, na ese se me na midi saa dwuma no. Nti na maye dinn saa bere no regye anaa dwennen nea meka ho. Nti minyae se adesua a yesuaa no akuwakuw mu no, yennyina eno ara so mfa nni dwuma. Nti kommye no tumi twe nneema pii de ba.

**Me:** Mepa wo kyew, mmeae afoforo ben wo osom no mu anaa asore dwumadi mu na kommye nneyee puen?

**Wiafe:** Yeba awufosom mu nso a, bere a abusuafo no aba asore rebeda ase no, na odan no mu ye dinn ma yetumi bobo nnipa binom beye baasa din. Eno akyi no na yeabo owufo no din a obiara nnye so, ma beae ho ye komm ma etumi kofa su ne awerehow ba. Nne yi de yenye saa amane no bio. Awufosom no ase no, sofo a odi dwumadi no anim no

frɛ abusuafo no ma wɔba n'anim, kyia wɔn, tu wɔn fo nso. Ɛno akyi no, sɔfo no hyɛ ma yeyi sima biako si hɔ wɔ kommyɛ mu de kae owufo no, de san nso kyere sɛ yene owufo no ntam atetew. Ɛno nso tumi de osu ne awerehow puem.

**Me:** Nea odi ɔsom no mfiase mpaebɔ anim no, sɛ ɔkasa a, asafo no yɛ dinn. Mesre wo, asekyere ne den?

**Wiafe:** Asafo no yɛ komm tie ɔkandidini no na wɔahu sɛnea wɔbɛbɔ mpaɛ no afa. Ebia na yerebɔ mpaɛ sɛ Kristo nhyɛ yen ma ne denye wɔ ne mu. Sɛ asafo no tie wie a ansa na wɔn nyinaa abɛ mpaɛ afa saa kwan no so. Nti asafo no kommyɛ no nyinaa yɛ tie a na wɔretie kandini no na wɔahu kwan a wɔbɛfa so abɔ mpaɛ no.

Nea odi mpaebɔ no anim no tumi ka *Amen* de twa mpaebɔ no akyi, anaa ɔhyɛ da bɔ mpaɛ bio de bɔ ɔfa no tɔfa. Saa bere no mu no asafo no nyinaa yɛ komm tie no wɔ akoma ne adwen koro mu de tae mpabɔ no akyi. Sɛ owie a na wɔagyɛ so, *Amen*.

**Me:** Bere a worekenkan kyere no, na dan no mu ayɛ dinn. Ɛno nso?

**Wiafe:** Nyankopɔn asem biara kura tumi nti sɛ asem no reba a ɛwɔ sɛ obiara yɛ aso tie. Ɛno nti na bere a ɔrekenkan no na obiara ayɛ komm retie. Na ɛnye sɛ ɔrekenkan no kwa na mmom yerebegyina asem no so de asɔre Nyankopɔn. Saa ara na ɛte wɔ Kyerew Kronkron no mu Ezra bere so. Ɔboa nnipakuw no nyinaa ano na wabɔ mpaɛ. N'ano sii ara na wɔn agye ne so *Amen!* Ɛno biara na yeyɛ no wɔ ha yi. Nti ɛye yen gyidi se yetie asem no.

**Me:** Ansa na wɔrebɛhyɛ ɔsɔre no ase no, nea odii ɔfa no anim no de nsem bi too gua ansa na wɔrehyɛ ɔfa no ase. Ne nyinaa mu nso na asafo no ayɛ komm retie ne nsem no.

**Wiafe:** Asɔre no mu no, yeretetew nnipa binom ama wɔn abeye akandifo. Ne saa mu no sɛ nneɛma bi ankɔ yiye a ɛwɔ sɛ wotenetene no. Ɛno boa ma obi foforo biara a

obenya akwannya abedi dwumadi bi anim no ahu senea obeyɛ no afa. Nti Pentecost some mu no, yɛmfa obi nhyɛ da nkɔ sukuu nkɔkyerɛ no saa adeyɛ no na mmom yewɔ susudua a yegyina so de di yɛn dwuma. Eno so na yɛfa so de kyerekyerɛ afoforo senea yeyɛ yɛn nneɛma.

Wɔsan nso de kommyɛ no kyere ahobrease ne afei nso wɔde tie nea nipa no reka no yiye na wɔatumi ayɛ asotie ama asem no.

**Me:** Mihui bio nso sɛ, bere a na ɔsɔre no rekɔ so na bere a ebinom de kasa resɔre Nyankopɔn no, na ebinom nso ayeyɛ komm.

**Wiafe:** Kwan a yetumi fa bɔ mpae gu ahorow pii. Ebinom tumi yɛ komm nanso na ɔrekeka biribi wɔ ne tirim. Saa bere no mu no ɔne Nyame honhom na ɛredi nkitaho no. Nti sɛ nipa no beyɛ dinn anaa obekasa no, eyɛ Nyankopɔn honhom no na ɛhyɛ no anaa ɛka no nea ɔnyɛ. Nti saa bere no mu no, ebinom nne tumi kɔ soro, ebi de tumi ba fam, nna ebinom koraa to nnwom, a ne nyinaa ka kwan a yɛfa so sɔre Nyankopɔn. Nti senea yɛfa bɔ mpae no de yennim, na mmom Honhom Kronkron no de ɔpene gye asem no ma Nyankopɔn. Saa kwan no nso na yɛfa so da obu ne nnidi adi de kyere Nyankopɔn.

**Me:** ɔsɔre no reba awiei no, ɔkandini no hyɛ sɛ obiara nyɛ komm nnwennwen Nyankopɔn kɛseyɛ ho. Saa kommyɛ no nso kyere den?

**Wiafe:** Saa kommyɛ bere no mu na obiara de hu senea Nyankopɔn kɛseyɛ no te. Afei nso, kommyɛ kyere yɛn sɛ Nyankopɔn wɔ asem bi ka kyere yɛn, eno nti na nkɔmhyɛ no bae. Ɛwɔ sɛ obiara te nkɔmhyɛ no bi nti, nipa ko ba anim begye afidi, kasa gu mu de kyere obiara na yɛde emu nsem no atu anamɔn. Wɔsan nso fa saa kwan no so de twe ben Nyankopɔn na watumi ahu ne su ne ne ban.

**Me:** Papa, meda wo ase pii.